



Шарқ юлдузи



Sharq yulduzi

- NASR
- NAZM
- DRAMATURGIYA
- MUMTOZ ADABIYOT
- YOSHLAR DAFTARI
- JAHON ADABIYOTI
- MUNOSABAT
- SAN'AT FALSAFASI
- ADABIYOTSHUNOSLIK



Абдулла ҚОДИРИЙ
(1894-1938)

Шарқ юлдузи

Адабий-бадиий, илмий, ижтимоий-сиёсий журнал

1931 йилдан чиқа бошлаган

ЖАМОАТЧИЛИК КЕНГАШИ

Сирожиддин Сайид
 Мухаммад Али
 Кенгесбой Каримов
 Энахон Сиддикова
 Иқбол Мирзо
 Каҳрамон Куронбоев
 Минҳожиддин Мирзо
 Жумакул Қурбонов
 Фармон Тошев
 Исажон Султон

Хайриддин Султонов
 Махмуд Тоир
 Гулистон Матёкубова
 Шерзод Ирзоев
 Ҳаётхон Ортиқбоева
 Тоштемир Турдиев
 Шуҳрат Маткаримов
 Адҳамбек Алимбеков
 Жамолиддин Муслим

Бош мухаррир — Сирожиддин Рауф

Бош мухаррир ўришибари — Азиз Саид

Масъуль котиб — Дилором Муротова

Назм бўлими мудири — Икром Отамурод

Наср бўлими мудири — Саид Анвар

Адабиётшунослик бўлими мудири — Ориф Ҳожи

1
2020

УШБУ СОНДА:**Абдурауф ФИТРАТ****ЮРАТИМНИНГ ЭНГ
КИММАПЛИ АРМОНИ**

Гўзал юлдуз, еримизнинг энг қадрли тукғани!
Нега биздан қочиб мунча узокларга тушибсан?
Тувғанингта нечун сира гапурмасдан турибсан?
Сўйла, юлдуз, холинг надур?
Нечук топдинг дунёни?
Бизнинг ерда бўлиб турған тубанликлар, хўрликлар,
Сўйла, юлдуз, сенинг дағи қучоғингда бўлурми?

ҲАЗМ**Гулчехра НУРИЛЛАЕВА****ТАҚДИР ЮЛДУЗИММИШ
БАҲИТ САЙЁРЛАСИ**

Кўнишиб кетдим ҳам, серҳадик кўзлар
Кўриб кўрмасликка олишларига.
Айтмасам, кўксимда минг маҳбус сўзлар
Виждонни не кўйга солишларига.

Менга ачингандлар айлашар талаб:
“Хар бобла урилмай, терсликни ташла...”
Маҳбус сўзлар эса, кўксим таталаб,
Хурлик, эркинликка, о, нечоғ ташна!

ҲАСР**Музаффар МИРЗО****ШАМ ВА ШАМШИР***Роман*

– Хусайн Мирзо яна кувғинликка маҳкум дeng... –
деди Алишер хаёли паришон бир алфозда.

– Шундай, – деди Мирак Наққош афсус билан. – Салтанатни забт этмоқ азми шижаоти паймол бўлғоч, жонини омон саклашдан ўзга чораси қолмади. Боз устина барча ахли фозил хоқон на́зорати остида колғон. Ҳирот нотинч. Ҳар кадамда хуфия. Зукко фузалолар пойтахтни тарқ этгонлар. Каминанинг ҳам бозори касодга учрамасмикин, деғон хавотирдамен. Самарқанд сафарини ихтиёр этмак ниятим ҳам йўқ эмас!

Ўзи не кайғуда-ю, кариянинг ҳасрати ўтиб тушди.
Беилож колган Алишер:

– Ҳа... – деба олди, тушкун бир кайфиятда.

Наримон УМАРОВ**АДОЛАТ ЎСЛУВОР ИСЛОХОПЛАРДА**

Мурожаатномада қайд этилганидек, коррупцияга карши курашиб мамлакатимизнинг навбатдаги ислохотлар даврининг энг асосий йўналишларидан бирига айланмоқда. Президентимиз “Бу иллатни йўқотмасдан туриб олдимиизга кўйган бирорта вазифани бажара олмаймиз”, дей бежиз таъкидламади. Эндиликда мазкур “оёғимиздаги кишин”га карши сўзда эмас, амалда жиддий курашиб бошланмоқда. Бу курашга масъул килиб аввалгидек, турли идоралар ёки жамоатчилик асосидаги комиссиялар эмас, алоҳида, кучли орган белгиланди. Парламент олдига ҳам соҳага оид конунчилик базасини такомиллаштириш вазифаси кўйилди.

**Маъмура ЗОҲИДОВА**

ҲАСР

БОЙЧЕЧАК**Қисса**

– Ишқилиб, шунака бўлсин. Кўй, унга-бунга сукилмай тинчгина ишлагин, болам. Домлаликдан яхши иш йўқ. Савобиям катта. Чин дунёга ҳаммамиз ҳам кетамиз. Одам у дунёга боргандা олдига дастурхон килиб бу дунёдаги ишларини кўяркан. Илойим, дастурхонимиз бўш бўлмасин. Аммо ҳушёр бўлгин. Хозир у кўзинг бу кўзингта панд берадиган замон.

– Мактабда ишлагим келмаяпти.

– Энди элпа-телпа бўпсан. Шунча бола ҳурматингни килса, оркангдан эргашиб уйгача келса. Илминг бутун бўлса.

– Ишхонада эркаклар қолмаяпти, буви. Ҳаммаси аёллар. Одамга ноқулай.

**Марҳабо ҚЎЧКОРОВА**

АДАБИЁТШУНОСЛИК

“ЭНАИЛ”НИНГ ҚАДРДОН ЙУЛӢ

Баҳодир Қобил асарлари оддий, жўнгина ўқилмайди. Уни шунчаки кўз югуртириб ўқиб кетиш мумкин эмас. Муаллиф асарлари ўкувчидан фикрлаш, мушоҳада қилишни талаб киласди. Чунки, ёзувчи кўниклигтан анъянавий бадиий услублардан чекинган ҳолда янгича насрый бадиий ифода топишга уринади. Бунинг улдасидан чикади ҳам. Қиссаларда тасвирланган бола, Эна, Ота, Мардон, Опа образларидан ташқари жуҳуд сураткаш каби катор образлар ҳам биз учун бегона эмас. Улар ҳам яқин ўтмишнинг парчалари, лахзалари каби хотирамизга осон ўрнапшади. Уларнинг ишларини ўқиб-кузатиб, улардан завқланамиз. Уларни ўз кўзимиз билан кўргандек хиссиёт тумязи.





Юрагимнинг энг қимматли армони

Абдурауф ФИТРАТ

Ким деяй сизни?

Оппогим, худой асрагай сени,
Кўз балосидан саклагай сени.
Сен жаҳоннинг энг нозанинисен,
Қайгуларға ҳеч солмагай сени.

Қип-кизил гулим, ёп-ёруғ ойим,
Кетмай тур, бир оз мен кўрай сени.
Дарди жонимнинг сен давосими,
Мунгли кўнглимнинг подишосими?

Гулми сен, кўзим, жонми сен, кўзим,
Кўнглимнинг бути ё худосими?
Билмадим, гулим, айт ўзинг кулиб,
Ошикинг нечук атагай сени?

Қор

Кучсиз, титрок, оппоқ, кичик томчилар,
Турмай, тинмай тупроқ уза ёғадир.
Ел бизларни, билмам, нечун камчилар?
Кўкларда ҳам аёзликдан оқарган
Бир кўз бормиким, ёши
Бизнинг алам, ўлим билан сугорилган
Еримизнинг кўчигига оқадир.
Бу кичкина, ўксуз, оппоқ бебаклар,
Уча-уча етмай қолған тилаклар

Абдурауф ФИТРАТ – (1886–1938). Атоқли ўзбек адаби, профессор. Истиклол адабиётининг еткувакилларидан бири. У дастлаб экси мактаб, Бухородаги Мир-Араб мадрасасида таҳсил олган ва кейинчалик Туркия дорилғунунида ўқиган, адабиёт, санъат ва илм-фанинг турли соҳаларига оид бой мерос қолдирған.

Абдурауф Фитратнинг “Қиёмат”, “Бедиғ”, “Чин севиши”, “Амир Олимхоннинг ҳуқиқронлик даври”, “Адабиёт қоидалари”, “Аруз ҳақида” каби қатор асарларини ўз ичига олган 5 жилдлик ташланган асарлар тўплами нашр қилинган.

Эскан елнинг кўлларига ўзини
Ташлаб кўяр, борлигини унутар.
Ҳеч узмайин юкоридан кўзини
Титраб-титраб қора ер узра тушар.
Тушгач, бутун тушканлардай топталар...
Теккан ерин билмай босған оёклар,
Пичраталар бунинг оппок бетини.
Босган изин кўрмай ўтган туёклар,
Топтаб-топтаб, ох, айтолмам кетини...
Яна бир кун, кўк кўкрагини очиб,
Кула-кула бунлар сари бокғанда,
Яна бир кун кизлар каби табиат.
Кулоғига олтин ҳалқа такғанда,
Бунлар бутун пичроқлардан айрилиб
Кўклар сари қараб учиб кетадир.
Яна учиш, яна ўйин, яна эрк,
Ох, у кунлар!..

Миррих юлдузига

Гўзал юлдуз, еримизнинг энг қадрли тукғани!
Нега биздан қочиб мунча узоқларға тушибсан;
Тувганингта нечун сира гапурмасдан турибсан?
Сўйла, юлдуз, ҳолинг надур?
Нечук топдинг дунёни?
Бизнинг ерда бўлиб турган тубанликлар, хўрликлар,
Сўйла, юлдуз, сенинг дағи кучоғингда бўлурми?

Ҳақ туйғуси

Кимсасизлик пучмоғида ёлғузга,
Ўгай она таёғила сурилган.
Йўқсул, ўксуз кизлардай
Инграб, инграб, окиб турған бир сойнинг
Қирғоғида ўскан ўксуз бир оғоч
Кўргач, шунинг кўлкасига сифинарсан.
Бироқ, ишон – шу ҳолларнинг барчаси
Эрта, индин бутун-бутун йўқолар.
Олдимизни тўғсан булут парчаси
Кучли бир ел кўргач турмас, йиртилар.
Умид гули бизим учун ҳам туғар:
Қайгурмагил, сира, эй ҳақ туйғуси!

Ишқимнинг тарихи

Кўп кунлар сендан узоқда
мен ёлғиз ўртана қолдим,
Ёғдиридим икки кўзимдан
ёмғурдек қонли оловлар.
Ёнмишди кўнглим ўтила

тек сендан ўзга тиловлар,
Ишқингнинг қайғуларини жон
янглиғ бағрима солдим.
Лекин, сен, эй юрагимнинг
бирдан-бир севгили ёри,
Кўркамлик боғчаларингда
сезмасдан кайғуларимни
булбулдек сайраб учардинг.
Кўкларнинг хонига ўхшаб,
кимларнинг ўртанганини
Билмасдан ердагиларнинг
дунёсин нак ёритардинг.
Колдиқча бўйла хабарсиз ишкимдан,
жон чечагим, сен
Кўнглимнинг туйғуларила
шоирлик сезгуларимни
Бу йўлдан ўтга солардинг,
бир кўлдан ерга ураддинг
Ҳам йўқ этардинг
фикримнинг тўплаганини.
Тун-кунлар йиглаганимнинг
асири бўлса керакким,
Сен энг сўнг менга ёндошдинг,
руҳимни ўйната кўйдинг.
Чексиз бир тонг чирофила
сургунлаб кечаларимни,
Юлдузли йўлларни бирдан
шеъримнинг олдига очдинг.

Бир оз кул

Кўз ёшларим букун тағин оқадими?
Кизил гулим бошқаларға куларда.
Кизил гулим, борлиғимнинг султони,
Жоним, сенинг хаёлингда кучайди.
Юрагимнинг энг қимматли армони,
Нечук менга марҳаматинг озайди?
Икки кўзим, малак юзим, севдигим,
Жонлар сенинг юзгинангдан айлансан.
Кизил гулим, кора кўзим, тиласим,
Дунё сенинг бокишингдан ўргулсан.
Жоним ёрим, юзингга ҳеч боколмам,
Кўнгил дардим оёғингта тўколмам.
Тупрок каби йиқилмишам йўлингда дея олмам.
Истар эсанг менга келиб гапурма,
ёнимда ҳеч ўтурма.
Ёлғуз йиглагуб узоқдан турғанимни
Кўрганингда, марҳамат эт, бир оз кул.

Парча

Ур, ур! Сенинг тирнокларинг нозли, нозли урдиқча,

Юрагимнинг битиб қолган яралари очилсун.

Чоғли қили сенинг нозли тирноғингла титраркан,

Умидимни қоплаб турган кора булат йиртилсун.

Менинг кечам

Кеч бўлди, тиниб битди товушлар,

сўнди бутун уйларда чироғлар,

тебранмади ер узра оёғлар,

зулмат яна ҳар ён ока қолди.

Толпинмади, сайрашмади күшлар,

жиможиткина инга кирди,

бошини солди кейинга,

сўлғун қаноти остига олди.

Учмоқ, яшамоқ қайгуларига

“чик” деб, ўзини уйкуға солди,

ҳар дарди йўқолди.

Кўклар сари чакқон кўтарилиган

тоғ гавдали уйлар,

кўнуқлар,

саройлар

айрилди бутун дабдабасиндан,

бир қол-кора ҳайкал тусин олди.

Кундуз саккиз-ўн ёққа юргурган,

чопган,

йиқилишган,

яна турган,

ўнг, сўл уни тепкан, буни...

Инсонда ётиб уйкуға толди...

Сўлғун, кора, турғун дема.

Кўрдим мунгли кечанинг

мунгли чоғинда,

кўб мунгли уйимнинг

кироғинда

ёлғуз икки нарса ёндошда:

бири шамим,

бири кўнглим!

Бошқа ҳамма тинч, жим,

ўчлаб узонища.

Шундай кечаларни севаман мен,

бунда югуриш йўқ,

сўргилуш йўқ.

Юрмокда, олдамоқда кўрулмас;

ёлғуз кўруниши,

сохта кулиш йўқ.

Ёв шакли кўзимдан кўп узокда.

Дўйстлар эса, унданда йирокда.

Шундай кечадан ўргуламан мен.

Хайридин
СУЛТОНОВ

ХАЛҚИМИЗ ҲАЁТИНИНГ БАДИЙ ҚОМУСИ

2019 йилнинг декабрь ойида халқимизнинг улуг намояндаси, бетакрор сўз санъаткори Абдулла Қодирий таваллудининг 125 йиллиги юртимизда ва ҳалқаро миёсда кенг ишионланди. Юбилей муносабати билан пойтахтимизда жойлашган Абдулла Қодирий номидаги маданият ва истироҳат боғида, шунингдек, Самарқанд дарвоза маҳалласидаги адаб яшаб ижод этган хонадонда катта ҳажымдаги қурилиши-ободонлаштириши шилари амалга оширилиб, замонавий музейлар, кутубхона, ижод мактаби, муazzам ҳайкаллар бунёд этилди.

Қуйда таниқли адаб Хайридин Султоновнинг Абдулла Қодирий уй-музейининг очилиши маросимида сўзлаган нутқи эълон қилинмоқда.

Бугун эл-юртимиз халқимизнинг буюк фарзанди, улкан сўз санъаткори Абдулла Қодирий таваллудининг 125 йиллик тўйи шукухи билан яшамоқда.

Куни кечача Ўзбекистон Республикаси Президенти мухтарам Шавкат Миромонович Мирзиёев раҳбарлигига Абдулла Қодирий номидаги маданият ва истироҳат боғида бошлиган ушбу кутлуг тантана бугун адабнинг табаррук хонадонида, янги бунёд этилган обод ва чароғон уй-музейида давом этимоқда.

Барчамизга маълумки, бундан 82 йил мукаддам, мана шундай қиши кунларида, 31 декабрь – Янги йил оқшомида кўхна Тошкентнинг Самарқанд дарвоза мавзесида, бугун биз тўпланиб турган ушбу хонадонда мудҳиш бир воеа юз берди – ёвуз кучлар ўзбек миллитининг оташин фарзанди Абдулла Қодирийни ўз уйидан, халқимиз бағридан юлиб олиб кетди.

Бу пайтда адабнинг катта ўғли, кейинчалик таникли шифокор ва ёзувчи бўлиб этишган Ҳабибулла оғир бетоб бўлиб, тепа қаватдаги хонада ўрнидан туролмасдан ётар эди. Абдулла Қодирийни хибсга олиш учун келган НКВД ходимлари уни бемор ўғли билан хайрлашувига, очиғини айтганда, видолашувига ҳам йўл кўймасдан, камокка олиб кетдилар.

Хайридин СУЛТОНОВ – 1956 йилда туғилган. Тошкент давлат университетининг (ҳозирги ЎзМУ) журналистика факультетида таҳсил олган. Адабнинг “Қўёш барчага барбор”, “Бир оқшом эртаги”, “Онамнинг юрти”, “Умр эса ўтмоқда”, “Бобурнинг тушлари”, “Бобурйнома”, “Кўнгил озодадур”, “Ҳақиқат жамоли”, “Уч юз олтмиш тўрт кун” каби китоблари нашр этилган.

Хонадоннинг оғир кунлари бошланди. Ёмон одамлар бу хонадонни “Халқ душманининг уйи” деб кўрсата бошлиди.

Орадан салкам бир йил ўтди. 1938 йил 4 октябрда СССР Ҳарбий коллегиясининг трибунали – “Тройка” деб мудхиш ном олган маҳсус суд ҳайъатининг бор-йўғи 10 минут давом этган мажлиси хукмига биноан Абдулла Қодирий антисовет унсур сифатида шаҳарнинг Алвастикўприк деган чекка бир ҳудудида, ҳозирги вақтда Қатағон курбонлари мажмуаси бунёд этилган мавзеда отиб ташланди.

Яна бир машъум хакикат, бедодлик шундаки, 4 октябрда ижро этилган хукм аслида 5 октябряда чиқарилган эди.

Мустабид тузум жаллодлари буюк адабимизни жисман қатл этиб, ўз қабих ниятларига етгандек хотиржам бўлдилар. Уларнинг назарида Абдулла Қодирий халқимиз хотирасидан абадий ўчирилган эди. Лекин қанчалар маккор, устамон бўлмасин, бу кора кучлар янгишган эдилар: ҳар кандай қатағонларга қарамасдан, Қодирий тирик эди – у она халқининг қалбида, юрагида яшаётган эди ва ҳануз безавол яшамоқда.

Яратганинг қудрати ва марҳаматини қарангки, мана бугун шу илоҳий ҳақиқатга барчамиз яна бир бор амин бўлиб турибмиз.

Бу барҳаёт сиймо гўёки қадрдон хонадонига қайтиб, барчамизга бағрини очиб: “Ўз кўлим билан яратган боғимга, шийпонимга хуш келибсиз!” деб тургандай, назаримизда.

Хурматли Президентимиз кечаги учрашувда айтганидек, Абдулла Қодирий бугун Янги йил арафасида, декабрь ойининг мана шундай сўнгти кунларида, лекин чароғон ва мунаvvар бир айёmdа қалбларимизни кувонч ва армонга тўлдириб, яна ўз хонадонига қайти.

Бу улуғ зот бор-йўғи 44 йил умр кўрди. Унинг мashaққат ва қийинчилик, меҳнат ва азоблар билан, таъкиб ва тазииклар билан кечган қисқагина умрида ноёб истеъоди билан қанчалик буюк ишларни амалга оширгани ҳар кандай инсонни ҳайратга солади.

У айни навқирон йигитлик чоғида, атоқли қозок адаби Мухтор Авезов таъбири билан айтганда, теп-текис сахрова тўсатдан Помир тоғларида пайдо бўлган, нафакат Ўзбекистон, балки Ўрга Осиё ва Қозогистон минтақасида роман жанрига асос солган, жаҳон адабиётининг нодир феномени – дурдонасига айланган машхур “Ўткан кунлар” асарини яратишга мусассар бўлган эди.

Маълумки, миллый тарихимизда жадидчилик ҳаракати ҳақли равишда Туркистон ҳалқларининг уйғониш даври деб эътироф этилади.

Абдулла Қодирий ва унинг сафдошлари бўлган жадид боболаримизнинг ягона ва муқаддас аъмоли, орзу-маслаги Ватанимизни мустақил давлат, миллатимизни эркин ва озод ҳалқ сифатида кўришдан иборат эди. Улар мана шундай оғир ва машакқатли йўлда мардона курашиб, бекиёс матонат, маънавий жасорат намунасини кўрсатдилар. Ўзларининг онгли умрини, бутун фаолиятини ана шу буюк максадга бағишилдилар.

Бир умр миллат кайғуси, унинг дарду ташвиши билан нафас олган бу улуғ инсонлар ўз фаолиятларини бошлар эканлар, мудом икки ўт орасида яшадилар. Бир томондан, Чор хукумати айғоқчилари – чор охранкаси, иккинчи томондан, маҳаллий мутаассиб кучлар уларга қанчалар зулм ва зўравонлик, тазиик ўтказди, азиз бошларига не-не мусибатларни солди.

Ўша мудхиш даврларда, айниқса, мустабидшўротузуми йилларида Абдулла Қодирий таъбири билан айтганда: “Жасорат биткан эди, тил кесилган эди... Юраклардаги бир оз умидни истисно қилғанда, бошқа нарсалар юлинуб-юлқинған эди”.

Ўтган асрнинг 17-йилида юз берган ўзгаришлар жадид боболаримиз қалбida бир муддат заиф умид уйғоттан бўлса-да, улар ёмғирдан кочиб дўлга тутилганларини тез орада англаб етдилар.

Абдулла Қодирийнинг: “Дард кўп – давоси йўқ, ҳасрат узок – кечалар қисқа, манзил узок – роҳила оз, осмон узок – ер каттik”, деган фарёд тўла сўзлари айни шу давр ҳакида айтилган эмасми?

Мана шундай ўта хавфли ва қалтис, деярли имконсиз замонларда ҳам улар имкон топишга интилдилар. Китоблар, газета-журналлар нашр этиш, театр ва мактаблар, кутубхоналар очиш, ёшларни, ҳалкни жаҳолат ва гафлат боткогидан куткариб, илм-маърифат сари бошлиш учун бу инсонларга накадар буюк куч, сабр-бардош ва матонат зарур бўлганини, очиги, биз баъзан ҳатто тасаввур ҳам килолмаймиз.

Ўзингиз ўланг, қиличнинг дамидек кескир, оғир ва таҳликали шароитда ҳам ижод килиш, ижод килганда ҳам буюк мумтоз асарларни яратиш учун адаб канчалар маънавий юксакликка кўтарилган бўлиши керак.

Абдулла Қодирий, ёзувчининг кимлигини асарларига қараб билиб олиш мумкин, дея таъкидлаганида минг карра ҳақ эди. Бугун бу табаррук зотнинг ўлмас асарлари орқали тасаввуримизда аввало улуғ мутафаккир, чинакам Шарқ отаси, бекиёс сўз санъаткори, ҳазрати инсон сиймоси жонланади.

Биз “Ўткан кунлар”, “Мехробдан чайн” романларини, адибнинг тақорралнамас киссаларини ўқир эканмиз, ҳалқимизнинг минг йиллар давомида шаклланган турмушини, миллий табиятини хеч ким Абдулла Қодирий каби теран ва ёрқин очиб бермаганига яна бир бор амин бўламиз.

XVI асрда назири йўқ аждодимиз Захириддин Мухаммад Бобур “Бобурнома” деган қомусий асарни яратган эди. Орадан тўрт юз йил ўтиб, адабиётимиз, тарихимизда яна шундай буюк бир асар дунёга келди. Бу, хеч шубҳасиз, Абдулла Қодирийнинг “Ўткан кунлар” романидир.

“Ўткан кунлар” – том маънода ўзбек ҳалки ҳаётининг миллий қомусидир. Агарки, Ўзбекистонга умрида бирон марта ҳам келмаган, бирорта ўзбек билан учрашмаган, гаплашмаган – дунёнинг нариги чеккасида яшайдиган киши ҳам шу асарни ўқиб чикса, ҳалқимизнинг миллий табияти, урф-одатлари, сурати ва сийрати ҳакида тўла ва яққол, унтутилмас ва завқли тасаввурга эга бўлиши мукаррар, десак, ўйлайманки, адашмаган бўламиз.

Бугун улуғ бобомиз хотирасини ёд этар эканмиз, беихтиёр адабий силсила деган тушунча хаёлимизга келади.

Маълумки, Абдулла Қодирий нафакат ўзбек юрти, балки бугунги Ўрта Осиё ва Қозоғистон давлатларини ўз ичига олган, Туркистон деб аталмиш мана шу бепоён минтақа адабиётида ҳам том маънода реалистик прозанинг тамал тошини кўйган, чексиз ҳаётбахш таъсир кучига эга бўлган ёзувчидир.

У ўз вактида минтақа адиларининг устози, маънавий пири сифатида майдонга чиққан эди. Кўшни ва кардош ҳалқлар адабиётининг кўплаб улуғ намояндлари, хусусан, Мухтор Аvezov, Берди Кербобоев, Хидир Деряев, Жалол Икромий сингари ўнлаб адилар Қодирий мактабидан етишиб чиқкан ижодкорлар эди.

Бугун ўша даврлар адабий манзарасини кузата туриб, айтиш мумкинки, агар Абдулла Қодирий бўлмаганида – балки Мухтор Аvezов ҳам бўлмас эди. Ўз навбатида, Мухтор Аvezов бўлмаганида – туркий дунёнинг фахрига айланган Чингиз Айтматов ҳам, эҳтимол, бўлмас эди.

Агарки муаллифлари Қодирий даҳосидан баҳра олмаганларида, балки “Кечавундуз”, “Навоий” ва “Сароб”, “Улуғбек хазинаси” ва “Юлдузли тунлар” каби дурдона асарларимиз дунёга келмаган бўларди.

Бу сирли-синоатли адабий силслалани таҳлил қилас эканмиз, беихтиёр унинг бош бўғини, олтин ҳалқаси бўлган, шундай буюк халафларни тарбиялаган Абдулла Қодирий даҳосига қалбимизда яна бир бор ҳайрат ва эҳтиром туйғулари уйғонади.

Фурсатдан фойдаланиб, Қодирий номи қораланган, асарлари тақиқланган ўша мустабид тузум даврида ҳам унинг асарларини йўқотмаган, керак бўлса, яшириб ўқиган маърифатпарвар ҳалқимизга, энг оғир дамларда ҳам падари бузруквори хотирасини юракларининг тўрида авайлаб-асраган фарзандларига, қарийб бир аср мобайнида мана шу табаррук хонадоннинг чирогини ёқиб келган улуғ адабимизнинг авлодларига чукур ҳурмат ва ташаккуримизни билдирамиз.

Ўз вактида Абдулла Қодирий номини оклаш ва асарларини ҳалқимизга қайтаришда бемисл хизматлар килган атоқли арбобларимиз, олим ва зиёлиларимиз, шоир ва ёзувчиларимизни, театр ва кино арбобларини мана шундай кутлуг кунларда миннатдорлик билан эслашни барчамиз ҳам қарз, ҳам фарз, деб биламиз.

Юртимизда Абдулла Қодирий номи тўлиқ окланиб, унинг асарларини оммалаштириш ва руҳини шод қилиш борасида жуда кўп ишлар амалга оширилаётганидан барчамиз яхши хабардормиз.

Мустакиллигимизнинг ilk йилларида улуғ адабимиз Алишер Навоий номидаги Давлат мукофоти, “Мустакиллик” ордени билан мукофотланди.

Ўзбекистон Республикаси Президенти Шавкат Мирзиёевнинг ташаббуси билан мамлакатимизда Абдулла Қодирий таваллудининг 125 йиллиги кенг нишонланмоқда.

Абдулла Қодирий хонадонида, адаб номидаги маданият ва истироҳат боғида катта ҳажмдаги қурилиш ва реставрация ишлари амалга оширилди. Замонавий музейлар, кутубхона, ижод мактаби бунёд этилди. Муazzзам ҳайкаллар қад ростлади.

Кутлуг сана муносабати билан амалга оширилаётган бундай эзгу ва ҳайрли ишлар, айникса, муҳтарам Президентимиз Шавкат Мирзиёевнинг Абдулла Қодирий номидаги маданият ва истироҳат боғига ташрифи жамиятимизда ҳақиқий мъянода маънавият байрамига айланиб кетди.

Давлатимиз раҳбари жамоатчилик билан учрашувларидан бирида жуда мухим бир фикрни билдириб, жумладан, шундай деган эди: “Агар ҳар бир ҳалқ, ҳар бир давлат мустакил бўлмаса, бошқалар унинг нафақат дехқонини, нафақат ишчисини, ҳаттоқи шоиру олимини ҳам, давлат арбобини ҳам истаганча таҳқирлаши, инсоний шаънини тупрокқа қориши мумкин экан. Биз яқин тарихимизда кечган аянчли воқеалар мисолида мустакиллигимизнинг аҳамияти ва моҳиятини, кадр-қимматини янада теран англаб этишимиз, уни ҳар қандай ёвуз кучлардан ҳимоя килишга доимо тайёр туришимиз шарт”.

Бугун биз кутлуг таваллудайёмини нишонлаётган Абдулла Қодирий бобомизнинг бутун ҳаёти, адабий, ижтимоий-сиёсий феноменининг моҳияти, ижодининг туб фалсафаси ҳам бизга худди шу ҳақиқатни уқтиради.

Бизни мозийга қайтиб иш кўришга, тарихдан тўғри ҳулоса чиқариб, мустакиллигимизни мустаҳкамлаш, уни кўз қорачиғидай асраш ва эъзозлаш, керак бўлса, жонимизни бериб ҳимоя килишга ўргатади.

Бугунги кутлуг айём – Абдулла Қодирий бобомизнинг табаррук тўйи барчамизга муборак бўлсин.

Дунёга Абдулла Қодирийдек буюк зотларни берган ҳалқимиз доимо омон бўлсин!



Гулчехра
НУРИЛЛАЕВА

Тақдир юлдузимиш баҳт сайёраси

Саккизликлар

Учар атиргулнинг ажиг ифори,
Учар шавқ дараҳтнинг япроқларида.
Учар балдоқ саси – асил, бухори
Келинчакнинг жажжи кулоқларида.

Теграмда неки бор, парвозда, зотан,
Хаёл ҳам учувчи, қалб ҳам учувчи.
Ажабо, хаттоқи мункиллаган тан
Шитоб учаётир, етмоқда кучи.

* * *

Менинг завқим, табрикларим, олқиши-таъзимим,
Эътиқоди талотўмдан бўлиб чикқанга.
Фикр етиб битганларим – юрагим, назмим
Юрагидан тоза Ватан, миллат чиққанга.

Менга ёгий, менга нафрат – алдоқчи, маккор,
Билиб-билмай, хатто ўзим айлангум ўқка.
Яратганим насиб этса, отилмоғим бор
Юрагида тоза Ватан, миллати йўкка.

* * *

Гулчехра НУРУЛЛАЕВА – 1938 йилда туғилган. Ўрта Осиё давлат университети (ҳозирги ЎзМУ) ҳамда Москвадаги Олий адабиёт курсини тугатган. Шоиранинг ўн бешига яқин шеърий китоблари нашр этилган.

Мартабаси баланд күёшнинг,
Риё нима – билмаганидан.
Ноилидир мамнун қарашнинг,
Икки юзли бўлмаганидан.

Мехри ошкор, нафрати ошкор,
Хар одими эл назарида.
Сакич қилиб чайнолмас зинхор
Ҳеч ким уни гап бозорида.

Сабоклари бисёр қүёшнинг.

* * *

Салом, эй камтарин бинафша гулим,
Чўзаману яна тияман қўлим.

Турарсиз хижоблар тутиб япроқдан,
Барвақт бош кўтариб она тупроқдан.

Кўл тегса, хид сочиб, жилмаясизлар –
Ёқимтой, камсукум, ҳимоясизлар.

Нимага шаъма бу кундузлик, тунлик:
Нечоғ гулгунлику нечоғ дилхунлик?

* * *

Сиз мени билмайсиз, билмайсиз:
Мен – улуғ эркимнинг бандаси.
Куйларим – карнайсиз, сурнайсиз,
Кийганим – изтироб жандаси.

Айтарим – оғриқли, жарроҳ сўз,
Бўлслайди юртимга у малҳам.
Сиз мени билмайсиз, билмайсиз,
Эҳтимол, билмасман сизни ҳам.

* * *

Шафтоли ниҳоли муниса, майин,
Унга соя солса баланд оқ қайин.
Ниҳол фарёд килса, оғриқ кўксимда,
Унинг кўзларига қандок бокайин?

Бағри лолалардан қон-қон адирман,
Тұрт томоним – тоғлар, мен – сирли дилман.
Тошлар күчиб турар тоғдан қўксимга,
Бонг уриб: “Нихолим сўлдирма!” – дерман.

Шу боис, най эмас, чилдирмадирман.

* * *

Олисда илинж бор оппок либосли,
Бошидан тўкилар нур фаввораси.
Дастури покиза меҳнату ростлик,
Тақдир юлдузимиш баҳт сайёраси.

Олисда илинж бор – рухимда далда,
Чопаман, чопаман, етаолмасман.
Уфлайман, товоним қонаган ҳолда,
Қўлимни силтаб ҳам кетаолмасман.

* * *

Захри қотил кемирган рухим,
Бирдамлиқдан даволар излар.
Кўшиклари кемтик шукухим
Шижоатдан наволар излар.

Шу қисматни тақдири азал,
Куллук, раво кўрмишdir бизга.
Лек, ажабо, кўрқокқа ҳазар,
Ношукурмиз бағри тўқисга.

* * *

Мен эмасман режангизга
Кириб борар бесурев, тик.
Менмасман кун-кечангизга
Фармонлари қатъий битик.

Менман титраб жунжикувчи
Қабоҳатдай алвастига.
Менман гулдан тўн бичувчи
Баҳодирлар бўй-бастига.

* * *

Дўстларим – ғофил, тун ағёри – куёш,
Ғамдан адо бўлиб, сарғайган кузак.
Дўстларим – мазлума кўзлардаги ёш,
Уни куритай деб, эсган елвизак.

Дўстларим – ғам ямлаб, чорак қолган дил
Ва бу дил дардига ийғловчи сатр.
Дўстларим – тераклар, тургувчи адл,
Шулар шеър ёзишга унданоқдадир.

* * *

Мен энди турайин, мен энди кетай,
Очилиб-сочилиб ўлтиромладим.
Бўшлиқ бор, бўшлиқ бор қалбимда, нетай,
Афсус, даврангизда тўлдиромладим.

Балки, юрагингиз тоза, бериё,
Балки, истагингиз таъмадан йирок.
Балки, беролмадим ўзим ҳам зиё,
Балки, ёқолмадим ўзим ҳам чирок.

* * *

Сел қуяр, ютгудай дарахт, уйларни,
Мен туриб коламан том панасида.
Оқизгим келмайди тоза ўйларни,
Бўтана оқимнинг пўртанасида.

Фаслнинг бетийиқ саркашлигидан
Четроқ турақолсин тегса сўлар рух.
Ўткинчи шумликнинг шаррослигидан,
Ахир, қанча кўнгил кўйлаги доғ-дуғ.

* * *

Қоп-каро тун – усти-боши чанг,
Бошим узра ўлтиромоқчимиш.
Менинг тоза, азиз, курашчан
Кундузимни сўлдирмоқчимиш.

Нафротимни шахт айтдим тунга:
“Ўзни сенга бермасман!” – дедим.
Ахир, мен, бу курашчан кунга
Умр бўйи орзуманд эдим.

* * *

Еллар яираб япроқ нозидан,
Бўса олар, беникоҳ олар.
Қўш булатнинг эҳтиросидан
Осмон кўзи чараклаб қолар.

Сипо коя, шаддот шалола
Туршишди күнгилни хушлаб.
Уялгандан никохли лола,
Лабларини қонатар тишлаб.

* * *

Мен лол химмат маҳоратига:
Ана сарву ана санобар.
Гулрў сурат малоҳатига
Нокис аклим қилолмас бовар.

Мен лол форат ҳаробатига:
Кувгин хаё, кувгин садоқат.
Бадхў сийрат жаҳолатига
Нокис аклим қилолмас тоқат.

* * *

Либосини ечиб, ёшини тўкиб,
Ўйчан эдим, баттар ўйлантирап куз.
Ҳеч ким уқа билмас кўнглимни укиб,
Мени ҳайронага айлантирап куз.

Дейди: “Ошкор-ошкор китобдай ўкил,
Сенинг айтар сўзинг биргина Ҳақдир!
Тўкил, тўкил, тўкил, сарғайиб тўкил,
Бизга, ахир, шундок битилган тақдир!”

* * *

Киши баҳорга қайради қорни,
Гиж-гижлади совуқни роса.
Икков талай кетди баҳорни:
Билмай месъёр, билмай муроса.

Ўлим сўзи битик ҳукмлар
Барғ, гулларни зор қакшатди, зор.
Энди керак қанча ой, кунлар
То ўзига келгунча баҳор.

* * *

Йигит учун керак дилдора ҳамроҳ,
Қиз учун – васлига беҳад ташна дил.
Тамбалларга – уйку, машшокларга – соз,
Ҳокими мутлаққа – авоми қобил.

Мазлумага – меҳр, фотихга – даврон,
Шоирга – равона тўкилгувчи шеър.
Менга эса, нурдан чақнаган осмон,
Мардлари бекувгин, жаннатий шу ер.

* * *

Ногоҳ, кайфиятим губорин артиб,
Кўлимда жилмайди пушти атиргул.
Вайрона кўнглимга беролди тартиб,
Ломакон таскинга макон бўлди ул.

О, жоним табиат – илоҳий санъат,
Сен боис, не сурур уйғонар бизда.
Шифосан, хузурсан, кўнгил эса лат,
Шу боис, она деб, атарканмиизда.

* * *

Оркага кайрилиб, тан олмоқ лозим,
Мискин кунлар бўлди бисёрдан-бисёр
Иншоolloх, энди учтай овозим,
Иншоolloх, бўлгай тасалли дастёр.

Ақалли, бошимда муҳаббат паноҳ,
Ақалли, кўксимда тиловат-тоат.
Ақалли, руҳимга эркинлик ҳамроҳ,
Ақалли, жиринглаб уйғотмас соат.

* * *

Кўнишиб кетдим ҳам, серҳадик кўзлар
Кўриб кўрмасликка олишларига.
Айтмасам, кўксимда минг маҳбус сўзлар
Виждонни не кўйга солишларига.

Менга ачинганлар айлашар талаб:
“Ҳар бобла урилмай, терсликни ташла...”
Маҳбус сўзлар эса, кўксим таталаб,
Хурлик, эркинликка, о, нечоғ ташна!

* * *

Сенга гул ярашар, акл ярашар,
Сахийлик ярашар, баҳорим, жуда.
Фасллар шоҳи, деб, сенга қарашар,
Сел, дўл бўлаверма ҳудда-бехуда.

Сени ўйлаганда, кўрмай танглигни,
Латифлик киради шоир тушига.
Жами зулм, қаҳр, беписандликни
Кўшиб юборсангчи кипп улушкига.

Тўртликлар

Яхшилар, яхшиям борсиз ҳаётда,
Юрагим соати биларман сизни.
Ҳовлиқсам, тўхтасам ё қолсам ортда,
Тинглашга тушаман зарбларингизни.

* * *

Худда-бехудага, оҳ чекмасга шараф,
Ҳақ ўйлдан бир умр чикмасга шараф.
Шитоб бўронларда, довулларда ҳам
Кўнглининг кемаси чўкмасга шараф.

* * *

Майли, ағёrimча ёмон от бўлай,
Майлига, бесамар хаёлот бўлай.
Бир тутам изтироб, бир тутам армон –
Диллар оғриғидан хотирот бўлай.

* * *

Дарахтнинг пойига барглар чарх урап,
Анхор тинклигин чандон оширап.
Ё, раб, бу қай фасл, кандай қўналға –
Қадам секинлашиб, фикр шоширап.

* * *

Ўз-ўзингта суял. Онангта суял,
Суял ўқтам ёринг, дониш отангта.
Қадам босаркансан, ўғилжон, ҳар гал
Албатта, суюнги мунис Ватангга!

кимо жадид кеваштозларни берган кечим тарабидан тарабида олар
бекетлар мөнгүлори чыгарылганда даудын дарынинин бийликтөрүнөн
олуу. Балыктын көзүнөн сарылганда шаршынан шаршынан шаршынан
этилек жана көзүнөн сарылганда шаршынан шаршынан шаршынан
ШАМ ВА ШАМШИР

(НАВОЙ ВА БОЙКАРО)

Роман



Музатфар МИРЗО

Сано ҳаққаким, кошифи ҳол эрур,
Хирад мушкылотига ҳалол эрүр...
Ҳазар ичра бечоралар ёвари,
Сафар ичра оворалар раҳбари...

Алишер Навоий,
“Ҳазойин ул-маоний”. Маснавий.
Сайд Ҳасан Ардашер номига
битилган мактубдан.

Мехрибон ва марҳамати кент Оллоҳ номи билан (бошлайман). Эй, инсон!
Хикматли Куръон ҳақи, албатта, сиз элчисиз ва ҳақ йўлидасиз!¹

* * *

Аччик дард буқчайтирган, тивит тўнига бурканиб олган бемор йигит хотифнинг²
ниҳоятда ёқимли ва жозибадор муножотидан сергак тортди. Махзунлик кўтарилди.
Бир маром ва мақомда янграётган тиловат ўксик кўнглига алланечук маъсум ором,
тараҳхум баҳш этди. Манглай ва ёнокларида қайнок тафт сезди. Қалбига инган енгил
руҳдан томирларида юрак тепсининиша монанд ҳапқираётган кон хароратини тыйди.
Бўғинларидаги жунжикиш, увишиш ёзилгандек бўлди. Устига ёпинган тўнининг
бир этагини аста кўтариб, қаддини ростлашга уринди. Илинж билан дарича томон
қаради. Аклни ўғирлагувчи мўътабар қаломи худди панжара ортидан ёйилаётган
тонгти, заррин зиё каби вужудидаги тириаликни кўтарган, мунавварлик жо қилганди,
гўё. Бу вобасталик хотиротини синник, узук-юлук ўйлар билан банд айлади.

¹ Куръон. “Ёсин” сураси, 1-4-оятлар. Шайх Абдулазиз Мансур таржимаси.

² Хотиф – фойибдан овоз бергувчи, чакиравучи.

*Музатфар МИРЗО – 1954 йилда туғилган. Тошкент давлат университетининг (ҳозирги
ЎзМУ) журналистика факультетини тутгатган. Унинг “Узук кўзидағи ҳат”, “Ҳақиқатдан
даро”, “Паноҳ” каби роман ва қиссалари чоп этилган. Юлиан Семёновнинг “ТАСС маълум
қиладики...”, “Президент учун бомба”, Луи Арагоннинг “Кочқин”, “Жавоҳир” ва Нодар
Думбадзенинг “Эзгулик садоси” романларини ўзбек тилига таржисма қилган.*

Хона бўйлаб кўз югуртиаркан, бир четга олиб кўйилган мўъжаз, нақшин оёкли курсига тикилиб қолди. Кимдир дафтар, сиёҳдон ва киликни³ саранжом тахтлаб кўйибди. Сопол шамдондаги ёниб тугаган шамнинг дурди қолган, холос. У оғир хўрсинди. Бу манзара кечга тунда, қалб лавҳига битилган байтларни оқ қоғозга кўчириш иштиёқини кучайтириди. Курсидаги лаби учган сопол пиёлага кўзи тушгани ҳамон хаёлидан: “Бир култум сув тутишга лаёқатли кишим борми?” деган ўй ўтди. Қани энди, танаси иродасига бўйсунса-ю, ташналигини қондирса. Аммо кани ўша имконият. “Эй, Оллоҳим, дардимга чора топгувчи жонкуярим ўзинг! Дард бергувчи, таскин – малҳам бергувчи ҳам ўзинг! Теграмда дилдорлиғ улфатим ҳам ўзинг! Ўзингдан бўлак кўллагувчи, мурувват кўрсатгувчи меҳрибоним қайдада?” дей ўкинчла кўнглидан ўтказди.

Шу лаҳзада у ўзини ниҳоятда нотавон ва ғариф хис қилди. Базур ютинди. Тахир таъм томогуни кириб ўтди. Қуруқ йўтал бадвуҳушлигидан кўнгли бехузур бўлди.

Туни билан уни қийнаган лоҳасликни бир муддат унудишига уринди. Эти жунжикиб остонага яқин бурчакдаги манқалга таассуф билан қаради. Юраги яна хижилланди. Кечга оқшом гўлах қалаб кетган тарашадан бир ҳовуч совуқ кул қолганди. У тивит тўнига бурканганча дарчадан ёғилаётган нурга термилди. Ғаройиб осудаликка уйғун ҳолда янграётган тиловатда жозиба мужассам эди. Худди ёғду мисол вужудига, руҳига йўғрилаётган муножотдан ўзида ажиб бир тетиклик хис этарди. Кўнгли масрурлик равзасига элитаётгандек эди. Дардан ниҳоятда синиқкан беморнинг киприклари оғирлашиб, уйқу ингди...

* * *

...Ногоҳ, қаршисида кўкси оппок, қанотлари мовий, хумоюн қуш – Қофи анқо⁴ намоён бўлди. Қушнинг товусникидек жилоланаётган камалакранг уккипари кўзни қамаштиради. Қофи анқо лафзида янграган байт кулогига аниқ чалинди:

³ Килик – камиш, қалам, най қалам.

⁴ Қофи анқо – энг узок ва энг баланд тоғда яшовчи афсонавий, хумоюн – баҳт қуши.

Ёзувчи Музаффар Мирзонинг “Шам ва шамиш” романини диққат билан, берилиб ўқидим. Унда улуғ устозимиз, шоир ва мутафаккир, давлат арбоби Алишер Навоийнинг ёшлиқ ишлари тўгрисида ҳикоя қилинган. Муаллиф, Музаффар Мирзо етук, талантли, билимдон, ўз қасбининг бутун асроридан тўла хабардор адаб сифатида кўринади. У ҳарактерлар тасвирида маҳоратли, асар бадиий матосини мазмундор, қизиқарли ва малакали равшида ростловчи ижодкор сифатида ўзини кўрсатган.

“Шам ва шамиш”нинг ўзим ўқиган нусхасидаги айрим маслаҳатларимни ёзувчи Музаффар Мирзога билдирам. Агар лозим тоپса улардан истиғода этар.

Биз Алишер Навоий ижодини кенг оммалаштириши бўйича ҳали кўп ишлар қилишимиз керак. Бу буюк ижодкорнинг ижодий меросини ўрганиши, таҳлил этиши соҳасида тинмай ишламоқни тақозо этади. “Шам ва шамиш” романни шу соҳадаги керакли ва муҳим ишлардан бири сифатида кўрилмоққа сазовор.

Мен ёзувчи Музаффар Мирzonинг ушбу асарини навоийшуносликка қўшилган салмоқли бир ҳисса деб ҳисоблайман ва муаллифга сиҳат-саломатлик, янги улкан ижодий ютуқлар тилайман.

Азиз ҚАЮМОВ,

Ўзбекистонда хизмат кўрсатган фан арбоби,

Ўзбекистон Республикаси ФА академиги,
филология фанлари доктори, профессор.

2012 йил, 20 август

*Хурдадонлар айламаслар фаҳм оғезинг рамзини,
Мен учунким, бордурур ул нуктада беҳад хафо.*

Йигит уйқули хайратда эса-да, тафаккурни йўқотмади:

— Мехри учун муштарию юзига ҳумоюн алқоб ёзилиб эрди, етишди.

— Истасанг Хон тангри тоғига, ё ишқ водийсига элтай. Токи, ихлосу эътиқод била, умид ва муҳаббат шамъи илим анжуманга етишгайсен!

— Тангри таоло менинг бутунги ризқимни сенинг хонининг ҳавола қилибтур...

Қофи анко қайирик тумшуғи билан елкасини тинмай никтаб йигитга алланималарни англатмоқка уринарди. Йигит бу, сўзсиз ишорани фаҳмлаб, күшнинг гарданинга мингашди. Нашбу намоли парвоз интиҳоси, у ўзини фавқул – фалакда, мунийр⁵ устунын ажиг бир кўшкда кўрди. Қулоғи остида ҳамон хатибининг майнин кироати янграрди.

Ёни-берига, гўё ойнайи ойинда акслангандек гаройиб, фараҳбахш манзарага хайрат билан бокканча туриб колди. Уфқдан эндиғина кўтарилаётган қуёш ёғдусига чулғанган чиннидек ойнабанд девор ортида ўн икки бурч-кубба, гумбазлар кошиниларидағи зиё мафтункор жилваланади. Чиннитош ётқизилган ҳовли саҳнида, фирдавс боғ ўргасида канораси саккиз киррали, мармар изорали ҳовуз сув билан эмас, нурга тўлган каби жимир-жимир мавжланади. Ҳовуз қирғозида, баргларидан мушку анбар таратаётган сидра⁶ дарахти остидаги мўъжаз кўшки аъроф⁷да оқ либосда, оппок соқолли ахли аъзам – энг улуғ зотлар гўзал сухбат куришган. Баҳс-мушоҳадага бир байтнинг талкин – тавсифи сабаб:

*Оне ки дар ҳавоу сари зулфин ёри мост,
Аз саргузашта аввалу дар охираи ҳабост.*

Ажиг мисралар йигитнинг ақлини шошириб қўйди. Атрофга таажжуб билан каради. Қофи анко қандай пайдо бўлган бўлса, шундай фойиблика сингиб кетганди.

Устунлари нурланаётган айвон – кўшкда ёлғиз қолди. Аҳли машваратга, анжуманга етишмоқ истагида олдингга юрди. Бироқ каршисида рўъёвий, кўз илғамас, ойнали тўсик пайдо бўлганди. Ойнабанд деворнинг на бир даричаси, на бир эшиги бор.

* * *

Худди шу лаҳзада, шунга монанд макон, манзара. Икки қаватли бино билан гирдланган Машҳад работи одатдагидек гавжум, эрта тонгдан борлиқ жонланган.

Карвонсаройнинг тўрт бурч кубба-минора ва тим гумбазлари кошинида шафак шуъласи ранго-ранг тусланади.

Гўё чумоли сўқмокни эслатгувчи, тўрт тарафдаги дарвозалардан кириб чиқаётган, уст-боши турли, юкли-юксиз ҳаммоллар, кетаётган ёки келаётган карвонларнинг келди-кетдиси бир дақика ҳам узилмайди. Узок ва машақкатли йўл ҳолдан тойдирган тижоратчилар хоргин овозда ходимларига кўрсатма берадилар. Бошка бир тоифа савдогарлар тетик кайфиятда сафар тадоругини кўрадилар.

⁵ Мунийр – нур берувчи, ёритувчи.

⁶ Сидра – жаннат дарахти.

⁷ Кўшки аъроф – “Куръон” нинг “Аъроф” сурасида талкин этилишича, Нух, Худ, Солих, Лут, Шуайб ва Мусо пайғамбарларнинг тавҳид, иймон, эътиқод, ҳам киёмат хисоб-китоби масалаларида анжуман қурган ойин шиййон – жаннатни вахимали дўзахдан муҳофазат эттуви, мунийр чодир билан ўралган кўшк.

Сиёб бозорига рўбарў бостирмасидаги тартибсизлик мубассирнинг⁸ диккатини ўзига тортди: “Бирор фалокат рўй бермаган бўлсин-да!” деган хавотир билан ўша томонга шошилди. Чунки куни кеча ёғиб ўтган қаттиқ ёмғир оқибатида арқдан бўлак кесаги ўпирилиб тушган, тасодиф туфайли хеч кимга зиён-захмат етмаганди.

Хар бир имо-ишора, бўйруққа итоат ва илҳақлиқда бўлган икки нозир унга эргашишди. Бостирмадаги манзарадан уччови бирдек ҳайрон, қадам босган ерларида караҳт туриб қолгандилар.

Йўнилган, қадамлар эпкинидан сайқалашган тош йўлак бошида важхи салобатли нуроний кўринди. Ўнг кўлида бўй-бастини бўйлаган, куббали ва ўйма накшили хасса, бошида кора жун дўппи, эгнида оддий чакмон. Борлиғи ораста ва сиполикка мутаносиб. Бўртиқ, кизил ёнокка вобаста, кафтдек, саришта тараашланган оппок соқол, жиддий чехрасидаги нимтабассум унга файз бағишилаган. Хиёл туташ, устки қовоқларни қоплаган ўsic, куюқ оқ кошлар остидан бокаётган тим кора кўзларда тинниклик, теран маъно ва зakovat жам бўлган.

Тонги шуъла гўё пойандоз тўшагандек қизғиш тусга кирган кия йўлакдан вазмин қадам ташлаб келаётган кария ҳамманинг ўзига бирдек жалб килганди. Бостирмадагилар кўлларини ковуштириб, ярим таъзимда ортларига тисарилиб, саф баста бўлдилар. Нигоҳларда ҳайронлик ва киройи икром: “Бу киши ким бўлди экан? Бунчалик илтифот, бунчалик эҳтиром?!?”

Мубассир хизрваш шайхул-машойих⁹ни кўриб, бир муддат каловланиб қолди. Унга ҳамроҳлик килаётган сарой аёnlари, хусусан доруссалтана шайхул-исломи Ҳожа Мавлонога кўзи тушиб, сергак тортди. Эътиборли меҳмонларнинг кутилмаган бу ташрифи уни шошириб кўйди. Ортига ярим ўтирилиб, ходимларга “Нима килиб турибсанлар?” дегандек заҳрини сочган ҳам бўлди. “Илдам-илдам!” ундовида супа тарафга кўз кирини ташлаб кўйди. Нозирнинг амрими уккан ходимлардан бири аллақаёққа ошиқди. Иккинчи ходим эса хужралардан бирига кириб кетди ва зумда гилам, духоба кўрпачалар олиб чиқди. Уларни расамати билан супадаги бўйра устига тўшади. Зумда рисоладек дастурхон тузалди. Ходимларнинг саришталигидан кўнгли тўлган мубассир меҳмонларга пешвоз чиқди. Уларни тавозе билан супага таклиф килди.

Шукроналиқ дуоси ўқилгандан сўнг, шайхул-шуюх киши билмас ютиниб олди. Томок кириб йўтулиб кўйди. Тамойилига кўра “Ёсин” сурасидан тиловат бошлиди:

– Хар бир ният ва рағбатга Оллоҳнинг “бўл!” даъвати кифоя. Борлиғ ва оламни ўз изнида тутгувчи зот пок ва улуғдир. Барча у зотта қайтади...

Субхи сахардан то ярим тунгача ғала-ғовур карvonсаройга ажиб осудалик чўмди. Работ ахли: факиру мусоғир, савдогару тижоратчи, барча чўққаланиб, бовужуд мукаддас қаломига кулоқ тутган. Ҳатто, ҳарита тизилишган беозор қумрилар бир муддат “кукулашдан” тийинган. Асрларни курчлаган, садакайрагочдек кулич ёйган сандал¹⁰ япроқлари майин шитирлаб, анвойи мушк таратади.

Сардоба канорасининг тош кирпичлари чокларидан ёринган пайилдизлар майин қалқинади. Тиловат тугаган эса-да, зўр кувваи жозиба таъсирида қолгандар ўринларидан кўзгалишга шошилишмасдилар. Жонликлар сўйилиб, эҳсонларни тарқатишга дъяват янграганидан кейингина барча ўз юмуши, машгулотига унналди.

Нуроний увишаёзган оёқ-тиззаларини кафтлари билан уқалай-уқалай ўринидан турди. Ховуз бўйига келиб бир зум баликларнинг сузишини томоша килди. Оби Машҳад булоғи маликлари-хонбаликлар латиф сузишида, сув юзидағи аксланган нурда ажиб тароват бор эди. Шайх сандал дараҳтигининг серберг новдасидан тутиб, хидлади. Димокка урилган ёқимли, хушбўй атирдан тўлкинланди:

⁸ Мубассир – карvonсарой назоратчиси ёки кузатиб турувчиси.

⁹ Шайхул-машойих ва шайхул-шуюх – энг катта шайх, эшон. Шайх ибораси араб тилида нуроний, донишманд, олим маъносини англатади. Шайхул-ислом – мавке, диний мансаб, унвон.

¹⁰ Сандал – ёғочи кора-сарик рангли, кўп ийлилк, атри ўткир дараҳт.

— Гўзаллик асли мукаммал мўъжиза эканлиги хақ гап. Бу кўркам мақбара, мадраса, Машҳад работи, обичашма инсон тафакурининг шарофати билан бунёдга келган. Жаннати баликлар, хосиятли дараҳт. Амир Темур ҳазратлари аҳсан Кусам ибн Аббос турбатини қайта бунёд этибон, ул зот руҳини эъзозлаб кўп савоб иш килғонлар.

— Шундай, таксир, — деди шайхул-ислом кўллари орқада, ички бир кибр билан. Ангоридан ўзига номуносиб тадбирда иштирок этаётганидан орлаётгани сезилиб турарди.

Шайхул-исломнинг мужмал жавобидан киши билмас энсаси котган мубассир:

— Айтишларича, сандал дараҳти, хонбалиқларни Амир Темур ҳазратлари Ҳинд элидан келтирган, — деди.

— Аларда жаннатнинг таровати-ю уфори бор, — дея нуроний мубассирнинг фикрини маъкулларкан, ҳамроҳига кўз кирини ташлади ва унинг юзидағи ғайри ихтекзо ва надоматдан ажабланиб, мулоҳимлик билан сўради. — Кудуратга не ҳожат, мавлоно?

Ички кечинмалари ошкор бўлаёзган шайхул-ислом:

— Ваоллоҳ! Қандай гина-ранж, таксир? Нафси замони, ҳаддан зиёд кори саҳоватдан таажужубдамен, холос, — дея киши билмас дудмолланди.

Шайхул-шуюх таажужуб, ҳам табассум билан, сўради:

— Ажаб, мурувватнинг зиёди, ози бўлурму?! — дея Ҳожа Мавлоно ўзининг ўринисиз гапидан уялганинамо ерга қаради.

Чин кўнгилдан берилган бу саволга нима деб жавоб қилишни билолмай:

— Оллоҳ барҳақ, — дея мавхум жавоб қилди.

У ўзини оқлашга важ излар, лекин, кани ўша жоногиз ибора. Зум ўтмай Ҳожа Мавлонони кўзлари чўғланди. Уни оғир ахволдан куткарғувчи имконият туғилганди:

— Хайр-садака маломатсиз ва миннатсиз бўлмоғи даркор. Бундай тадбирнинг ўз меъёри бор аслида. Ҳаддан зиёд эҳсон кишини танбал қилиб кўюр. Иллоҳ, жаноби Расули Акрам мушфик бандага болтга-ю чилвир бериб, корингта ярат, дея ўтингчиликка ёлчиган рост-ку?

— Ахли ниёз билан танбал, ғофил тиланчилар орасинда осмонча тафовут бор, — дея Нуроний: “Сиз нима дейсиз?” сўровида мубассирга қаради.

Мубассир ҳамон, камолотда беназир бу қариянинг кимлигини билолмай ганг ахволда эди. Адаб ва одоб ижтиноби билан шайхул-исломга назарини ташлади. Айни вактда, у икки феълу атворнинг шоҳиди бўлганди. Бирининг саъию раъий, ҳам муомаласида мулоҳим ва зарифлик мужассам, иккинчиси эса аксинча, афтидан ман-манллик, мансабу мавқеига гард юқтирмаслик ижтиходи кучли эди. Шайхул-ислом мубассирга “Ўрнингни бил!” дегандек қаттиқ, совуқ таҳдидли нигоҳини қадади. Нокулай вазиятта тушиб қолган мубассир шайхул-шуюхга ички бир истиғно билан боқаркан, унинг чехрасидаги самимиятдан дадилланиб:

— Шундай таксир, — деди кимтиниб, мулоҳаза билан. Сўнг ҳовли бурчагидаги, холи ҳужрага ишора қилди. — Мен билган йигит ҳакикатан муолажага муҳтож. Табиға эса нафъака¹¹ даркор.

Нуроний дилкаш жилмайиб:

— Айтинг, — деди интиклиқ билан.

— Ўтган ҳафта Ҳиротдан бир йигит келган эди, — деди мубассир истиҳола билан Ҳожа Мавлоно томонга бир қараб олди-да, кўрсаткич бармоғини ёди. — Ана у барчакдаги ҳужрада... Дарли оғир, дармонга ниҳоятда муҳтож. Сарбон яқин кишиси кўринадурки, бир-икки кун бемор бошида парвона бўлди. Бироз

¹¹ Нафъака – зарур, хаётий эҳтиёжни қондиргувчи маблаг.

тетиклашгач, сафар олдидан фақирга: “Мана бу сармояни шамсул-анварнинг саломатлиги учун сарфлагайсиз. Анга эътибор даркор, токим мунаварлиғ күёш зиёсидан бебаҳра қолмагайсиз”, дега бир ҳамён ақча қолдирганди. “Нечун йигитни ўзига бермайдурсиз?” дегон сўровимға, сарбон: “Истиғнолиг истамас”, деб жавоб қилганди. Сарбон қолдирган нафъака дори-дармонга базўр етаяпти.

Нуроний шайхул-исломга сирли, кулимириб назар ташлади. Бу карашдан пардали пичингни илғаган Ҳожа Мавлоно нигохини қаерга олиб кочишини била олмай мубассирга ер тагидан ёв қараш қилди. Унинг бокишида: “Мехмон хузурида тафсилотга берилмаклик шартми?” деган идао яширинганди.

Шайхул-исломнинг зимдан кўз олайтиришидан мубассир бироз ўнгайсизланган эса-да, сабитлигини йўқотмади:

— Тақсир, шу йигит бирла ҳамсуҳбат бўлсангиз. Такаллумидан дилингиз яйрайди, — дега такрор ҳужра томонга ишора қилди. — Чамамда аслзода, зиёли оиласда тарбия кўрган.

Нуронийнинг тасаввурида Ҳирот воқеалари жонланди. Самарқандга йўлга отланишидан аввал Жомий билан бўлган мuloқotни эслади. “Истиқболи мисли шамс ул-анвор. Шамдек бир ёниб сўнмасин, деган ташвишдамен!” Гап ким ҳақида бораёттанини фахмлаган нуроний: “Ҳирот саройи кўрки бўлган бу йигитнинг фавқулодда Самарқандда не синоати бор?! Муаммога ойдинлик киритмоқ лозим”, деган ўйга борди. “Бошланг!” деган ундовда ўнг кўлини ёзди.

Шайхул-шутохнинг кўзларидаги ўйчанлик, мубассирнинг бениҳоя мамнунлигидан Ҳожа Мавлоно оғринди. Иккисининг бундай, тезда “тил топишиб олиши” унга эриш туюлди. Сўзсиз, улар ортидан ҳужра томонга одимлашга мажбур бўлди.

Ҳужра остонасига етгандарида мубассир эшик зулфига кўл чўзган ҳам эдики, нуроний уни шахтидан қайтарди:

— Остона ҳатламоқдин аввал эшик коқмоқ даркор эмасму? — деди насиҳатомуз.

Мубассир қарияга истихола ва истиғфор билан қаради. Қариянинг ҳайратга тўлган синчков нигоҳи эшик аркидаги кошинга каратилганини кўриб, ажабланди. Шунча пайтдан бери, ҳеч ким кунту ихлос қилмаган, деярли назар ташламаган битик нуронийни қизиқтириб қўйганидан ҳайратланди.

Мубассир ҳам ҳайрон бўлиб, бошқа ҳужралар пештокларига бир-бир кўз қирини ташлади. Бўлак ҳужралар аркидаги барча кошинларга факат ислимий нақшли безак берилганди. Нуроний шавқ-ла, ширали оҳангда байт-битикни ўқиди:

*Оне ки дар ҳавои сари зулфин ёри мост,
Аз саргузашта аввали дар охираш ҳабост.¹²*

* * *

Яна ўша байт такрор янгради. Кўнгилга малҳам янлиғ вобаста бўлган ажиб байтда ғаму андуҳ ва кечмиши мужассам эди, гўё. Мисралардаги мантикий тафсирида худа-беҳуда саргузашталиги, бекарорлиги, ҳеч бир риштасиз бандилиги, ҳайру манзил эшиклари учун берклигига ишора килинганди. “Бу байтул-тазкирада гайри қувваи-тавсиф¹³ мужассам”, деган ўй ўтди унинг кўнглидан. Ахли ботиннинг анжуманига етишмоқлик рагбати майл билан алмашинди. Ички ошикиниш-ла байтни таржиъбанд этиб, ваҳий қудрат¹⁴ инъоми – илоҳий илҳом дил шодасига

¹² Оне ки дар... – ушбу иборалар билан бошланувчи бу машҳур, форс тилидаги муаммо – байтда кутгуб сўзининг моҳияти, маъноси яширинганди. Борликнинг кутби – Оллоҳ, вужуднинг кутби – қалб ва ҳ.з. Форсий байтлар муаллиф таржимасида берилмоқда.

¹³ Қувваи тавсиф – ижод жараённада қалбда, идрокда иктидорнинг намоён бўлиши.

¹⁴ Ваҳий қудрат – Жаброил воситасида пайғамбарга етказилган қаломуллоҳ, Оллоҳнинг сўзлари. Илҳом ҳам ваҳий каби инсон қалбидан пайдо бўлгувчи илоҳий талкин.

фусункор мисралар маржондек тизила бошлади. Ҳиссиятини тизгилай олмади. Байт таржиму талқини назми каломда изҳорини топди:

*Эй ёр, ҳавою ҳавас, дил құлғини очмоқ шахтида мен –
Ким, ишқ била тирикдир вұжыуд, илло амри тихтида мен...*

Бу сафар ҳам овози аъзамул-аброр ахлига етиб бормади. Маҳзун кайфиятдан иштиёки сүнаёзди.

* * *

Байт – муаммо нуронийнинг фикри-ёдини бутунлай банд килиб қўйганди:
– Накадар нафис байт, – деди завқ билан, овозини бироз баландлатиб.

Назмга иштиёки нихоятда зўр, хуштабиатли ва аксинча, ашъордан бутунлай йирок, ўйю-хаёли факат сиёсат, диёнат эътирофида бўлган, бир-бирига зид икки нуқтаи назар тўқнашди.

“Кошиндаги битикда қандай каромат бўлиши мумкин?” деган мулоҳазага борган, дам шайхул-шуюхдан, дам кошиндан кўзини узмаётган шайхул-ислом байтнинг том маънисига қунти етмай:

– Бу меъмор, муҳандиснинг безак мақсадидаги бир тадбири, – деди локайд.

– Эй, йўқ, Мавлоно, – дей нуроний хиёл жилмайди. Бошка хужра пештокларига тақрор нигоҳ ташлаб олгач, сўзида давом этди. – Меъмор айнан шул хужра пештокига назмул-байтни битғонида бир хосият бор, чоғи. Чунки, бўлак арқ кошинларида битик кўринмайдур.

Икки доруссалтанада иззату икромда бўлган шайхул-шуюхнинг курч назди билан арзимаган нарсаларга эътибор қаратиши Хожа Мавлонога ғалати туюлди:

– Ишқ фитнадан бўлак нимарса эмас, таксир. Ишқ кишини ғафлат гирихida тутгувчи нафсий хирс.

* * *

Теран мушоҳадага молик, тафаккур жараённада кўп маъноли бу байтнинг ғалати эътирофи бемор йигит таъбини хиранланган эса-да, хаёлига келган шеърий мисралардан дили равшан бўлди. Ишқнинг талқини бундай дей, баланд овозда мавлавийдан иқтибос келтириди:

*Ақл ишқ шарҳида ожиз не тарийқ,
Ишқ не, ошиқ недир, англатди ишқ.¹⁵*

Нидо яна йўқликка сингиб кетгандек, уни ҳеч ким эшитмади, ҳеч ким эътибор килмади.

* * *

Хужра ташқарисида, айни паллада...

Ўзига яраша обрў эътиборга эга, кимсан, доруссалтананинг шайхул-исломи лафзидан бундай, тўмтот ваъз эшитиш воқеани бир четда кузатиб турган сипохий йигитнинг нағсониятига тегди. Шу лаҳзада ёшлиқ ғурури устунлик килди ва қарияга эътироуз билдиришга ўзида шижаот топа билди:

¹⁵ Мавлоно Жалолиддин Румийдан. Мазмуни: Ақл ишқ йўриги шарҳида ожиз. Негаки, ишқ нима, ошиқ ким, ишқнинг ўзи англатади.

Мұхаббатдин мұхаббат бүлди пайдо,
Мұхаббатсиз кишидин қоч, Ҳұвайдо.

Сипохий йигитнинг жицду жаҳд, дадиллигидан завқланган нуроний:

– Тасанно, Мирзобек, – деда уни олқади.

Мирзобек ўз наздиги “Койил килдимми?” кабилида ўз билгичидан мамнун, атрофидагиларга бир-бир кўз юргутириди.

Байтгўйликни жини сўймайдиган Ҳожа Мавлоно:

– Мулла йигит, мъяруфи мавлавийдан иқтибос келтирмакликни ўз мавриди бор, – деди таҳдидла бокиб. – Аъёнлар хузурида фазли интизом даркор.

Сипохий йигит икки эътиборли уламонинг ўртасига совуқчилик солиб кўйдимми, деган хавотирда нуронийга илтижоли термилган кўйи:

– Ахир. Ахир... – деда олди, холос.

Бир неча дакиқа илгариги иштиёқидан асар ҳам қолмаган Мирзобекнинг ахволини тушунганди Нуроний:

– Назмга ошуфта қалб эзгуликка мойил эзур, – деди босиклик билан.

– Таксир, ҳар ҳолда улуғлар хузурида одоб сакламоқлик лозим, – деди Ҳожа Мавлоно ўзиникини маъқуллаб.

– Йигитнинг шашти сингунча, шайтоннинг бўйни узилсин, деган нақл бор, Мавлоно, – деди нуроний норози оҳангда.

Бу самимий танбехдан Ҳожа Мавлононинг юзига қизиллик югурди. Лаблари асаддан, сезилар-сезилмас, пир-пир учди. Сўфи табиати, кибрли феъли ва “манманлиги” унга панд бериб кўйганди.

– Ҳазрат Румийдин иқтибос келтирмаклик фазилат, – деда сўзида давом этаркан, нуроний сипохга юзланди. Мийигида кулиб сўради. – Кошиндаги байт хусусинда фикрингиз қандай?

Сипох фикрини дангал айтишдан бироз ийманиб нуронийга узрли нигоҳини тикди. Ички бир ҳадик билан Ҳожа Мавлонога қараб кўйди. Яна нуронийга бокаркан, унинг кўзларида: “эътибор килманг!” деган маънени илғаб, чукур нафас олди:

– Назаримда, майл эшигининг кулфини очмоқдан аввал, охири бехайр саргузашт бехудалиги борасинда сўз борур, бу байтда, – деди кимтиниб, паст овозда.

* * *

– Йўқ, йўқ! Байтда одамзод вужуди оламга тамсил¹⁶ этилур. Борки мавжудот комиллик сарвари иқтидосида. Иктидо асли қутб.¹⁷ Олам қутби – Оллоҳ; одам қутби – қалб; қутби даҳр – хизр. Вужудга жон бергувчи – хизри рух. Рухнинг кўшку маъвоси кўнгил. Билакс, вужуд ҳаққо фоний, рух эса бокийдур.

Вахй¹⁸ нозил бўлган фикрлар назмий мисраларга кўчди. Бу сафар руят чодирдагилар эшитсин учун овозини бироз баландлаб назмий байтни ўқиди:

Эй ёр, ҳавою ҳавас, дил қулфини очмоқ шахтида мен –
Ким, ишиқ била тирикдир вужуд, илло амри таҳтида¹⁹ мен,

Гарид, ҳам ҳастамен, бебошлиқ занжирига гирибдормен,
Хизрмонандга орзуманд кўнгил, локин эшик ортида мен.

¹⁶ Тамсил – мисол келтириш, ўхшатиш.

¹⁷ Иктидо асли қутб – олам ва инсонни ўзига жалб килувчи, эргаштирувчи илоҳий куч.

¹⁸ Вахй – вахй – Оллоҳнинг сўзи, вахий нозил бўлмок – Оллоҳнинг сўзи қалбга ингмок.

¹⁹ Амри таҳт – хукм остида, ихтиёрида.

Файришуурли синик, лекин катъий овозидан ўзи чўчиб уйгонди.

Ярим туш, ярим уйкуда, хона бўйлаб кўз югуртириди. Ҳавои манзара ўрнида зоҳирлик намоён бўлди. Дарича панжарасидан тараляётган ёруғлик асл зийнатини йўқотгандек. Босинкираган, оғир бир кайфиятда ўйланиб қолди.

* * *

Нуронийнинг кўзларида нур ёлқинланди. У завқ ва таажжуб билан аввал ҳужра пештоқидаги ёзувга, сўнгра эшикка томон назар ташлади. Ичкаридан эшишилган дардман, лекин дилкаш, шеърий мисралар унинг фикрини банд этганди:

— Теран мулоҳаза, — деди ўйчан, салмоқланиб.

Тўплангандар гўзал назмий тафсир таъсирида қолган нуронийга, мана ҳозир шоиркалом йигит чишиб келадигандек, ҳужра эшиги томон тикилиб қолгандилар.

Бемаврид илҳақлик ва сукунатдан бетоқат бўлган Хожа Мавлоно:

— Худди коинот зарпалаги кўтарилиб, ҳакнинг сирлари очилгандек²⁰ ҳаммангиз серрайиб колдингизлар! Ҳужрага кирсанк кирайлик, йўқса вақтни бехуда ўтказмақдан не наф? — деди безовталаниб.

Ўринли, дангал айтилган гапдан барча сергак тортди.

— Таксир, ичкарига кирайлик, — деди четроқда турган уламо, нуронийга қаратса, тортинчоқлик билан.

Ҳақиқатан, йигилганлар нигоҳида назмул-мубдильни²¹ тезрок кўрмоқлик иштиёқи яширинганди.

* * *

Бемор йигит карахт, воқеа ва ҳодисалар туш ёки ўнгидаги рўй берадиганини англаб улгурмасидан ҳужра эшиги очилди. Тонгти енгил, салқин шабада сандал дарахти хушбўй атрини олиб кирди. Ҳарир туманлик ичра яшил күш, киёси йўқ мунийр кўшк ва нурга чулғанган ҳовуз, авлиёлар анжумани кўз олдидан бир-бир ўта бошлади.

Рўъеликнинг²² ҳарир пардаси кўтарилди. Остонада, тушида кўргани, оппок либосда, малики кўшк ёнида, шерни занжирбанд этган кекса киёфасидаги нуроний турарди. Унинг нурли юзидан ёғилаётган шукуҳ кемтиқ дилини тўлдирган, кўнглидаги ғашликни бироз кўтаргандек бўлди. Тушида кўрган воқеалик қисман ўнгидаги рўй берадиганидан таажжубда эди. Нуронийнинг файзли чехрасига термиларкан, беихтиёр отахони — Ардашернинг насиҳатини эслади. “Нуронийлик асли донишмандлик, поклон ва камолот аломатидир. Иллоҳ, беғубор қалб эзгулик ва заковат била мушаррафдуур. Илмни нуроний чехрадан изланг”.

Идрок-онгиди икки мисра байт ёзилди.

*Дайр пиридин етар юз файзу бир йўқ шайхдин
Ким, мунга етмии яқин файзу анга пиндор файз.*

Ва рўпарасида ўша, гўё тушида намоён бўлган қария рўпарасида турганидан хайратда “Ҳазрати хизрга ўхшар экан”, дея хаёлидан ўтказди, у.

Дард ўрнидан туришга ҳарчанд монелик қылса-да, совук терга ботганча каддини бироз кўтарди. Бор кувватини йигиб, туришга уринди. Ташиналиқдан куришиб, ёпишиб қолган лаблари базўр калимага келди:

²⁰ Бу ўрнида — курбат кошифи асрори ҳақойик — яъни илохий қашфиёт замирига этишиш ҳакида фикр иллари суримоқда.

²¹ Назмул-мубдиль — калбан идрок этмоқлик.

²² Рўё ва рўё — туш ва уйкуда кўрилган нарсалар, воқеалар.

– Ассалому алайк...

Нуроний ёшига хос бўлмаган чакконлик билан йигит ёнидаги пўстакка ўтириди. Ва кафтини йигитнинг елкасига кўйди:

– Кўзгальмангиз! – деди мулойимлик билан. Ўша, дилбар ва дилтортар муомала. Тушиди кечган воқеалар тасаввурнида қайта жонланди.

Бетакаллуғлигидан хижолатда, маъюс кўзларини яширишга канчалик уринмасин илиқ кечинмаларини ирода этолмади. Самимият ва лутф ёғилиб турган нигоҳ билан яна юзлашибди: “Заковат соҳиби, хизри солих!”

Бемор йигит кийинчилик билан гавдасини кўтарди ва бир амаллаб чордана курди. Пешонасиға майда тер томчилари сизди.

Нуроний киприклари атрофи кизаринкираган, кўзлари киртайган, афтодаҳол, аммо бокиши иболи ва маъсум, зариф чехра йигитга меҳр билан термиларкан: “Наҳот, шер таърифлиг иктидор ихроҳга юз туттган эса? Боз устига бу заифлик”. Бағрини ўртаётган аччик эктиросини сезидирмаслик мақсадида кария:

– Шер занжирда ҳам шерлигича колур! – деди ҳазилнамо, самимий жилмайиб...

...Бемор йигит Ҳирот аркини, сарой мактабидаги ўқувчилик даврида, отонасини кўмсаб, болалардан ўзини хилватта тортган пайтлари Султон Абулкосим Бобур Мирзони елкасидан меҳр билан кучиб, тасалли бергувчи сўзларини эслади. “Ёнида жасур нусрат нишон биродари, ҳам давлати, ҳам шоҳ иниси бўлган Алиларнинг шери нега фаромуш? Ахир, шер фақат эминлиқда шер, занжирда шерлик не қилур?” Хуросон ҳукмдори ҳар гал унга рўбарў бўлганида завқ билан тақорлайдиган, Ҳисрав Дехлавийнинг бу машҳур мисрасини нуроний лафзида эшиттан bemor йигит энтиқиб кетди. Нуронийга шубҳа, ҳам таажжуб билан термилди.

Ҳамон хоби руъядага²³ кўзига кўринган илоҳий манзара, баҳс-анжум ва хозирда рўй бергаётган воқеалар таъсирида караҳт, локайд кайфиятда, тўсатдан хужрага кириб келганларга бир-бир кўз югуртириб чиқди.

Дастурхон тадоруги, анжомлари билан эшикдан кириб келган мубассирдан ўтиңч билан: “Бу ташрифдан мақсадлари не?” дея сўрамоққа истеҳола қилди. Фақат:

– Ҳикматиллоҳ оға, – дея олди, холос.

Анчайин сирдошига айланиб улгурган йигитнинг бокишида хавотирни уккан мубассир кўзини маъноли кисиб, мийигида кулиб кўяркан:

– Мехмон атойи Худо, – деди йигитни хотиржам килишга уриниб. Сўнг, ортида турган ходим кўлтиклаган кўрпачани кўлига олиб, нуронийга илтифот кильмоқчи бўлди. – Таксир!

Бироқ, нуроний буни такаллуф билиб рад этишидан, ўрнидан кўзғалмай, дикқат-эътиборини bemor йигитга қаратганидан мубассир мулзам бўлиб қолди.

Нуроний:

– Сўзланг, не учун ўзингизни эшик ортидаман деб билурсиз? Бу укубат сизга қайдин илашишиш? – дея сўради, йигитдан, куйинчаклик билан.

“Эшик ортида. Мен эшик ортидамен. Бовужуд назмий изҳоримдан огоҳлар!” Ҳаяжонини жўялаб жавобга тарафдудланган ҳам эдики, бир кўли кимхоб тўнининг зарукасида, бир кўлини оркасига ташлаганча викор билан турган уламонинг тўмтотк саволи фикрини тўзитиб юборди:

– Кимнинг фукаросисен, бўтам?

Истеҳзоли, тўнг муомаладан тамом караҳтланган bemor йигит анграйганча жавоб беришда иккиланиб қолди:

– Англатинг! Мухтарам жанобларни ёлкитманг.

Башарасидан иззат ва мартабасини ҳар нарсадан юкори кўйинш шамойили акс

²³ Хоби руъят – уйку холатида кўрганлари – туш.

этган “пўрим қарияга” ялт қаради. “Кекса кишига олифталик нечун?! Хожа Мавлоно деганлари шу киши бўлса керак? Факир ўзини қандай танитсиз? Кувилған итмен, таксир, десинму? Мен ким, андишага лойик кўрсалар. Ростини айтсан оқибати яхши бўлмас”. Кўнглидан шу каби ўйлар ўтаркан, ички изтиробла нуронийга боқди.

Ноҳоҳ кўз ўғигда яна “кўшки аъроф” манзаралари жонланди ва кулоқлари остида “ғайби вахӣ”²⁴ садоси янгради. “Ўзингдан ўзгани сирдош тутма! Ҳолинг забун. Бегоналар ичидаги хусумат, адоват ботиндуру. Тафаккур кил”. Қаттиқ оғриқ турган бошини оғир кўтариб, йигилганларга зимдан разм солди. Бокишиларда таассуф ва надомат: “Фаросатлиг йигитта ҳижронлиг адолатданму?!” “Касофатлиги бордурким, хирқа киймиш!”

Жўмрагидан енгил буғ ҳаволаниб турган катта сопол чойнак ва пиёлалар, нозеънмат солинган баркаш кўтариб бир хушсурат сипоҳ ҳужрага кириб келди.

Бемор йигит хаёли яшинланди: “Мирзобек деганлари шуми? Фазилатли. Уни қаерда кўрганмен? Қаерда?! Румийдан иқтибос келтирган шу йигит, ҳойнаҳой. Байтини равон ўқиди”.

Илҳак бўлган Хожа Мавлоно бетокат тумсайди:

– Такаббурлик қилманг!

Кибр-ҳавога мойил бу юз-хотирсиз панд йигитнинг ўксик кўнглини баттар чўқтириди. Кучайган оғриқка чидай олмай, бошини оҳиста ёстиққа кўйди. Йигитнинг аҳволидан ташвишланган мубассир ёнига чўқкалади:

– Сизга нима бўлди, иним?

Бемор йигит мубассирга илинжда қаради:

– Ҳикматуллоҳ оға.

Мубассирнинг кўзлардаги хайриҳоҳликдан дадилланди. Уни қистовга олаётган Хожа Мавлононинг юзига тик қарашга ўзида ижтиход топа олди:

– Тақсир, исмим Али... Асли ҳиротлиқмен, – деди синиқ овозда.

– Табаррук заминни ялқамоқдин мақсад не? “Шайх деганлари бунчалик бўладими?”

Хожа Мавлоно сўров жавобини кутмай нуронийнинг қулогига оҳиста:

– Тақсир, сизу бизнинг ўшимизда сиполик эви билан-да, – деда шивирлади.

Нуроний ҳамроҳи нимага шама қилинаётганини фахмлаб:

– Тафаккур қошида анбиёлар ҳам бош этганлар. Биз ким бўлибмизки, бу йигитнинг шаштини қайтарсак, – деди.

Хожа Мавлоно лабини хиёл бурниб, кимтинди. Ҳамроҳи валинаҳд шахзоданинг меҳмони бўлмаганида бу бехуда тортишиши сазосини ўчирадигандек бир кайфиятда пўстак четига омонатгина ўтиарarkan:

– Байт тафсирини тингламоқка мунтазирмиз, – деди кесатик аралаш.

– Мавлоно, назмга ошуфта кўнгул мулки малойикка моликдир, – деди нуроний бунга жавобан мулоҳим билан.

Унинг муомаласидаги самимият, қалбга берилган ажиб киёс bemор йигит дилида алланечук шуур ўйғотди:

– Тақсир. Еру осмон, борлик мавжудотни яхлит ва мукаммал яратган буюк ижодкорнинг англамоқ учун азми саргузашт даркор эркан. Оламдаги борки мавжудот, ернинг, сайёralарнинг күёш гирдида парвонадек саргашталиғи ўзи бир мўъжиза. Тақдир заҳмати бирла ўзликни идрок ва идора этмаклик, илми ҳақ йўлида событилиг комилликка етаклагай. Онгу тафаккурда мислсиз инсон қутби авлиё мавқеига эришгай. Қутби салтанат авом учун фонус. Фо菲尔, гумроҳ қалбни кутбул-авлиёнинг тафаккур шами ёритгай. Бу устоз Ардашернинг ўтитлари, – деди ички бир иштиёқ билан.

Нуроний бармоқлари орасидан ўтказаётган биллур тасбех доналарига термилган

²⁴ Хоби руъят – уйку ҳолатида кўрганлари – туш.

күйи:

– Кутбул-авлиёлиф ҳакида сўзлайдурсиз, – деди бир зум ўйга толиб, сўнг йигиттга жилмайиб каради. – Ажаб, Оллохнинг илми-ғайбини кўргинким, одам вужудида субҳ содикдек шаффоф, мукаммал аъзо – қалбни тажассум этиши. Басиратул-қалб – қалб кўзи била борлиқ моҳиятини муфассал идрок қилимак, тафаккур восилада мушоҳада юритмак неъматидан бизни баҳраманд айлаган. Минг қатъя шукрки, инсон Арши аъло маҳзанининг етти – ҳақ, адл, илм, раҳм, кудрат, хикмат дарбозалари иззу рифъат зулфини очиш салоҳиятига, валийлик акбарлик саодатига эришмиш. Чин комиллик бу. Малойикларданда бисёр рутба топмиш. Восиъ Оллоҳ. Беназир каромати ила ул зот кутбул-авлиёлик мартабасига лойик.

– Хожамизнинг тақдирлари айнан шунга киёс.

Бир четда турган, муршиди ҳакидаги ташбиҳидан оғринган йигитнинг бу гапидан Хожа Мавлоно:

– Мулла Абдуллоҳ²⁵, мадрасада замин бўсалиғ қилолмаган эшонни қандайин авлиёлиғ мақомига лойик кўрмок мумкин?! – пўстак бургаси чаккандек ўтирган ерида кўзгалиб кўйди. Кимга ишорат килаётганини фахмлаб турсайди.

Бу даъво ногоҳ сув юзида пайдо бўлган пуфакчалардек барчанинг кўнглини бирдек тўлкинлартириди. Аммо орият юзасидан хеч ким эътибор қилмади. Бундан хуноби чандон ошган Хожа Мавлононинг руҳан эзилаётганини пайқаган нуроний ўта босиқлик билан уни сабрли бўлмокка ундини, сўнг:

– Алалхусус, қалб – имон ва дійнат истехкоми, тафаккур – фикрий востила, иктидор ғазнасидир. Инсон жисмоний ва ақлий фаолият, вахий рух, мужтаҳид сабий – ғайрат ва ҳаракат омилидир. Қалб – кишини ғайратда тутгувчи омил, кутбdir, – деди. Йигитга меҳр билан боқаркан, сўради. – Комилликни қандай англайдурсиз?

– Инсон онгу жавориҳида инъикисини топгувчи илоҳий рух тафаккурга нур жилосида муҳрланади. Беназир ақлни оқилона, орифлик била истифода этолган кишиларгина бунга восилдурлар. Улар комиллик мақомига лойикдурлар.

Нуронийнинг кўзларида ҳайрат нури ёлкинланди:

– Боракалло!

Вазиятнинг асл моҳиятини билмай туриб, бу зукко йигитдан: “Не учун ўзингизни очиқ танитишдан бунчалик истихола қилурсиз?” деб сўрашга ошиқмади. Гап йўсуни имону эътиқотда тенгсиз – Хожа Убайдуллоҳга каратигланини илғаган нуроний ўйчан, атрофидагиларга қаради. Кўпчилик бу ажиб синоатнинг фахмига етмаганини пайқади. Мутасарриф таъб – кучли иктидорга эга, фикри равон йигитнинг бу мушоҳадасини тушунган тушунди, тушунмаган тушунмади.

– Имонда собит, руҳан покиза қалб аслида кутбга монанд демокчисиз-да, – деди нуроний саволнамо.

– Шундай таксир, – деди йигитнинг кайфияти кўтарилиб.

– Кутбул-актоб зотлар одатда ботиний ва зоҳирий мўъжизаларни билгувчи, аларни тафаккур килишга кодир, комил инсондурлар.

– Бу анбиёларга хос хислатдур, – деди бемор йигиттга ва кўнглидан: “ножўя гап айтиб кўйдим?!?” деган хавотирда Хожа Мавлононинг бодомқовоқ, кинидан чиқаётган, каттиқ, ола кўзларига ҳадик-ла ва ички бир умид билан яна нуронийга қаради:

– Гумроҳи афв этгайсиз, – деди минг бир хижолатда. – Куддусий рух вужуд поклигидан эрмас-му? Йўқса, кутбул-актоб рутбасин қандай англамоқ жоиз?

Шу нуктада сұхбат мавзусини англаб етган Мулла Абдуллоҳ нуронийнинг сукут саклашидан бироз илҳак бўлди ва кимтиниб:

²⁵ Мулло Абдуллоҳ Симой – (Симой – куйчи) Хожа Убайдуллоҳнинг шогирди, нашқбандия тариқати намояндаси. Нашқбандия тариқатини усмонли турк элида оммалашишига асос соглан аллома.

— Айтинг таксир, — деди.

— Руҳуллоҳ ҳазратлари кўрган туш бу муаммога жавоб бўлмасму? — такрор сўради Мулла Абдуллоҳ.

Нуроний “Сиз нима дейсиз?” дегандек Хожа Мавлонога бир назар ташлади ва унинг чехрасидаги тундликни ўзича тушуниб:

— Бемаврид. Вақти билан, — деди. Тафсирга иштиёқмандлар уни қистовга олдилар:

— Хеч, хеч.

— Сўзланг, таксир.

— Бу ривоятдин бехабармиз, чоғи, — деди мулло Абдуллоҳ.

Нуроний иштибоҳ билан ривоятни сўзлашга киришди:

— Накл килибурларким, ҳазрати Бурхониддин Соғарчи каъба зиёратига борур эрдилар. Йўлда ғаройибот юз берди. Бир туюарондан ажралиб, тоғ тарафга йўл солди. Ҳазрати шайх бунда сир борлигини сездилар ва беихтиёр туяга эргаши. Туя из дара ва давонлардан ошдилар. Йўл адогида ажиб бир манзара намоён бўлди. Улкан сада дарахти, унинг остида кўк гумбазли оқ уй, ховли этагидаги булоқ – ховуз, новдан тушаётган сув жилға бўйлаб жаннати боғ томон шилдираб оқарди.

Бемор йигитнинг тасаввурода тушида кўрган манзараси айнан жонланди. У беихтиёр нигохини атрофдагиларга қаратди. Барчанинг эътибори нуронийда эди.

Нуроний босик ва вазмин, ривоятни сўзлашда давом этди:

— Бу ҳикоятнинг чин ёки начинлигига ровийлар гувоҳ. Сайҳонликда, занжирибанд шерлар кўмагида омоч тортаётган кекса одамга рўбарў бўлди. Шайх Бурхониддин: “Ассалому алайкум, ё бузруквор”, деди. Ул пир айтди: Ваалайкум ассалом, эй фарзанди аржуманд Бурхониддин! Келишингизни узоқ ва муҳтоҷлик била кутиб эрдим. Хуш келдингиз!” Шайх Бурхониддин пирдан бу гапни эшишиб, дархол ул зотнинг пойига бош урибдилар: “Ё, бузруквор, исмимни қаердан билурсиз?” Пир айтди: “Эй фарзанд! Исмингизни, тушимда аён килдилар. Вақти бекор ўтказмак пайти эмасдур. Ўрнингиздан туринг!” Гумбази, деворлари окланган уйга кирдилар. Пир айтди: “Токчадаги тутунни олинг. Ул он ҳазрат саллолоҳу алайхи васаллам омонатларидир. Умрим омонатни асраш била ўтди. Ҳазрат Бурхониддин ўрниларидан туриб, тутунни олдилар. Пири бузруквор айтди: “Тутуннинг тарихи шулким, ҳазрати пайғамбар ҳазрат Умар розиоллоҳу анхуга васиати килибурларким: “Ё амирал-мўминин Умар, ушбу тутунчани поклик хазинаси Увайс Қарангага²⁶ ҳузурига етказинг. Айтингким, ё Увайс, вакти соатинг еткунига қадар тутунни асррагил. Сўнгра, хиндий валий Боборатанга топширгил, Боборатандан сўнг, ани фарзанди Мухаммад Омонатдорга, ул эрса бул омонатни эгасига, Шайх Бурхониддинга етказсин”, дедилар. Тутунни очдилар. Унда ҳазрат пайғамбарнинг етти дона муборак соч толалари ва тўнлари тутулганди. Пир яна айтдиларким: “Менинг исмим Мухаммад Омонатдор. Оллоҳнинг кудрати бекиёс!”

Пири бузруквор хушнудликда жон таслим қилдилар. Шайх Бурхониддин ҳайрон ва ҳайратда караҳт бўлиб қолдилар. Ҳайронликлари шул эдик, пирни туфрокқа кўймокқа на бир асхобу, на бир асбоб-анжомлари бор эди. Ва ногаҳон, енгил шамол кўтарилиб, хонага қирқта, бир хил кийимли кишилар кириб келишди. Улар гап-сўзсиз пирни гуслиамол қилишга, кафанлашга киришди. Шайх ҳазратларини имомлика ўтиб жаноза ўқишлирига ишорат қилдилар.

Ҳазрат Бурхониддин англадики, булар малоиклар, йўқса, кимсасиз бир маскандаги бундай ҳолнинг рўй беришига акл бовар қилмайди. Барча тадбирлар амалга оширилгач, малоиклар маййитни ўз боғига дағи этдилар. Шайх Бурхониддин накл килишича, дағи маросимидан сўнг, пирнинг кабри ёнидаги Шайхул-гавс булогида юз-кўлларини

²⁶ Қарангаг – вафот этган пирлар руҳига тутинувчи, гойибона сұхбатлашувчи, руҳоний пир, яъни Увайс.

ювидилар. Малоикларнинг синоатила мешлар булок суви билан тўлғазилди. Икки малоин шайхни хавоий сайрда яна карвонга элтиб кўйдилар. Кун айни чошгоҳга келган, ҳаддан зиёд иссиган, захира сув тугаган бир паллада муздек чашма суви карвон ахлиниң жонига ора кирди. Ҳазратни бир муддат қаерда хаёллагани билан қизиқдилар.

Шайх ҳазратлари воқеани байди килдилар. Туш каби ҳодисалардан кўпчилик ҳазратта чўмди. Ишонмасликнинг сира иложиси йўқ эди. Сабаби, бир неча ўн мешларда тишларни камаштирувчи, муздек сув бунга далил. Шу воқеа баҳона, шайх ҳазратларига Fav sul-kutb²⁷ нисбасини бермишлар.

Бемор йигитнинг хаёлидан: “Бу қария не учун айнан бу ривоятни риоъят айлади. Элга овоза бўлган Язд саҳросидаги кечмишимдан огоҳму?!?” деган ўй ўтди.

Нуроний оғир тин олди. Оппоқ соколини тутамлаб, сўзини муҳтасар килди:

– Муршид ҳимматига мушарраф бўлган киши албатта комилликка эришгай.

– Комил муршиднинг марҳамати ҳар кимга ҳам насиб этмас, – деди Хожа Мавлоно.

– Шундай, муршидлик руҳан, қалбан пок, билгувчи ва кўргувчи, кувваи-кудс кутбул-авлиёликка хос хислатдир, – дея жавоб килди, Нуроний.

– Вужуд пок бўлгани билан қалб покланиб колмас, – деди Хожа Мавлоно киноя аралаш.

Самарканд салтанатида ўзига яраша нуфузга эга бўлган Хожа Мавлононинг бу беўхшов гапидан кўпчиликнинг энсаси қотди. Ўзига маълум нарсалар борасидаги тортишувдан зериккан йигит ҳозиргина эшифтгани, ривоятдан файришуурӣ завқланган ҳолда хаёлга чўмди. Бенхтиёр болалигида, Язд чўлида рўй берган воқеа ёдига тушди.

* * *

...Тонгги қуёшнинг майин нуридан камашган кўзини уйкудан очганида ўзини кўм устида, поёнсиз ва кимсасиз сахрода ётган ҳолда кўрди. Мурғак идрок айни сахар гафлат босиб мудраб қолганини, эгардан кулаб тушганини эс-эс хотирлади. Уни ваҳима босган эса-да, дод-вой фойдасиз эканини англади.

Ёни-берига ички бир кўркув билан кўз юргутирди. Кум барҳанларини қоқимлаган гармсел карвон изидан ном-нишон қолдирмаганди. Ногоҳ, ҳадикили нигоҳ олисадаги мовий гумбаз, аллақандай, отлиқ сипоҳийлар киёфасидаги кораликларни элас-элас илғади. Файритабии ёғду ўша томонга йўл солди. Шарпаларга яқинлашгани сари улар кичрайиб, саробдек гойиб бўлди. Унинг кўзига дубулга бўлиб кўринган нарса, кум устида сув тўла меш бўлиб чиқди. Одатда, узоқ сафарда, сахро ўтрасида жондек азиз обиҳаёт тўла мешни тушириб қолдириш маҳол ҳол. Ўзига тааллукли бўлмаган нарсага кўл чўзишдан бироз истехола килиб турди. Барибир болаларча интиқлини ва қаттиқ чанков уни сабрдан чиқарди. Кониб ичаркан, сувнинг ниҳоятда зилол, муздек ва totligidan ажабланганди.

У колиб кетган карвон анча йўл босганида она хавотир билан отадан ўғлини сўрайди. Гўдак йўқолганлигидан хабар топадилар. Фам ва изтиробга ботган ота навкарлари кузатувида изига, Язд томон от кўяди ва ярим йўлда соғ ва саломат, заррача кўркувга бормаган, меш кучоклаб олган ўғлини кўради.

Сув тўла меш воқеаси отасини ҳам ажаблантирган, сўраб-суриштирув карвон ахлидан эса ҳеч ким бундай қимматли нарсасини йўқотмаганини аён қилганди.

* * *

Бемор йигит нуроний сўзлаб берган ривоят сабаб болалигида, Ироқ чўлида рўй берган бу воқеани эсларкан, хиёл, дардли жилмайди. Аввал нуронийга меҳр билан, кейин Хожа Мавлонога лоқайд термилди. Маъсум нигоҳ ғайритўнг бокаётган

²⁷ Fav sul-kutb – мададга етиб келувчи улуғ даҳо.

күзлар билан түқнашди. Йигитнинг кулиб турган чехраси шайхул-исломга ёкмади чоғи, дабдурустдан:

– Нега илжасиз? Мазах қылмокка уялмайсизми? – деди таъна аралаш.

Совуқ муомала ўзидан ўтаётгани ўзига маълум бемор йигит кўнглига оғир ботди. Индамади. Вужудида аччик оғриқ турди. Тўшагига чўзилар ахволда бўлса ҳам сабот билан ҳурмат саклади.

Йигитнинг ахволини пайқаган нуроний бундай кескин муносабатдан ажабланди:

– Йигитда не айб? – деди овозини бироз баландлаб. – Аслида, авлиё ва анбиёлиг марҳамати Оллоҳ инояти. Фазилат ва хислатлар мунтакиблиги факат пайгамбарларга хосдур. Барча фазлу соловот ул зотларгадур.

Хожа Мавлоно: “Шаккоклик қилманг!” дегандек яна йигитга бодомковоқ кўзини гайр ва хусумат билан чакчайтириди. Ва такаббуrona:

– Шундай, таксири! – деди нуронийга ялтоқлани.

Шайсул-исломдан буни кутмаган нуроний астойдил оғринди:

– Таксири, Оллоҳнинг илми ғайбига молик азиз авлиёлларга иштибоҳ нечун?! Самарқандда ҳам табаррук зотларнинг машҳади кавн²⁸ озмас-ку, ахир!

Нима деб жавоб килишни билолмай қолган Хожа Мавлононинг кибри сўниб, жавдираганча ер чизиб қолди. Нафсиларам, “мавқеидан анча паст жамоа” рўпарасида нокулай вазиятга тушиб қолганидан эзилаётгани бежо боқишиларидан яққол сезилиб турарди. У ўзини тамоман камситилгандек хис килиб, сумбатини эгди. Кўнглидан беихтиёр: “Мадраса кўрмаган бир эшонни бунчалар кўкларга кўтармасалар?! Шайхул-исломлиғ мавқеимга нописандлиғ килурлар!?” Гумроҳлиг ҳам эви биланда” деган фикр ўтди. У лабини хиёл бурди. Шарманда бўлаёзганига гўё айбдор бемор йигитга қаттиқ тикилиб:

– Ҳавоий ҳавас беҳуда. Бирор маротаба сухбатида бўлмаган, танимаган кишига бунча эътиқод? – деди алам билан.

Йигит ўринисиз баҳсга берилганини сезиб, минг бир хижолат ва интиклик билан Нуронийга каради. Фазл ва саховат ёғилган юзу кўзлардан мадад туди:

– Узр таксири! Валий ҳазрратларнинг шарофатли дийдорларига етишмаклик факирга бир майл, – деди маҳзун оҳангда.

– Бешак, ҳар толиби содикни ўз муршидига етишмоклик орзусини кутламок даркор, – дея Нуроний йигитга далда берган бўлди.

– Эш бача ўзига маломат келтиргувчи амаллардан тийинмоғи лозим!

Бу таънадан йигит кўнглидан: “Бунча бадфөъл, андишасиз?!” деган ўй ўтди ва кечинмаларини чегаралashi зарурлигини сезган ҳолда:

– Ҳақсиз таксири! Билгувчилар билмовчилар билан асло тенг бўлмас, – дея олди, холос.

Хожа Мавлоно ҳак эканлигини ва нуфузини барчага намойиш қилгандек, елкасини дароз кериб қўйди. Йиғилганларга бир-бир кўз ташлаб чиқди. Бу гайритабиий феъл-атвон барчани бирдек, шу жумладан, йигитнинг ҳам ғашини кўзгади. Матал билан жавоб килди:

*Кўнгулга футур ўлмаин, роз очилмас,
Садаф гар бутун бўлса, гавҳар сочилмас.*

– Баракалло, – дея Нуроний кўзларини мъяноли кисиб қўйди. – Назмга мойил кўнгилда асло гидир бўлмағай.

Йигитнинг нигоҳидаги хавотирни илғаган кария, уни хотиржамликка ундади:

– Айрим форсиййўй шоирлар туркий назмни камситганлари ҳолда Саккокий ва Лутфий назмига ихлос этмаклик кутлугу иш.

²⁸ Машҳади кавн – бирор шаҳид бўлган, табаррук кишилар кўмилган макон, қабристон.

— Ҳақ гап, таксир, – деди йигитнинг кўнгли равшан тортиб. – Туркча алфоз ниҳоятда нағис.

Буталантган ерлари “бўтакўзли”, узун ҳассанинг табиий эгилган қубба гардиш тутқичига таянаркан, Нуроний ўнг тарафга қараб кўйди. У хона бурчагидаги курсига, устидаги шамдонга, ёниб яримлаган шамга, лавҳ, давот, най қаламга синчков термилди. Батартиб тахлаб кўйилган қофозлардан бирини олди:

– Рубой. Назмда энг мураккаби робоий. Робоий битмаклика ҳар шоирнинг иктидори панд берур, – Нуроний кўлидаги қофозни Мирзобекка узатди: – Буни ўқингиз-чи.

Бемор йигитнинг маъсум бокишида алланечук эътиrozланишни илғаган Мирзобек бир муддат турли хаёллар изтиробида қолди. Нуронийнинг “ўкинг”, деган оғир ва вазмин даъватидан сўнг варакқа кўз тикиди.

*Йўқ даҳрда бир бесабру сомон мендек,
Ўз ҳолига саргаштаю ҳайрон мендек.
Ғам кўйида хонумони вайрон мендек,
Яъники, алохону аломон мендек.*

Сўнгра паст, ҳеч ким эшитмас овозида:

– Бу робоий Ҳирийлик шоирни эслатур, – деди.

Хожа Мавлоно Нуронийга истеҳзо билан, мухтасар қиласлик дегандек қаради ва кафтларини дуога очди:

– Илохи омин.

Бир зум бўлса-да, оғир дардни унутишига мойил этган, гўё тушнинг давоми, марокли сухбатни тезда поёнига етиши йигитни бироз бесаранжом қилди. Камтарин, файзу вужухли Нуроний чехрасидаги эҳтирос унга кўчди. “Эзгулик, мурувват истасанг оқилу донодан изла” ҳадиси-шариф ҳаёлидан ўтди. Муаммоларга чора топмоқ ниятида унга юзланди:

– Таксир, факирни бир ўтинчи.

– Бажонидил, сўзланг!

– Таксир, ёши улуғ, мухтарам инсоннинг панд-насиҳатига юрмоклиғ саодат. Кимнинг ҳайрига дуо айтмоқни аён айласалар.

Нуроний бундай назокатли илтимосга жавобан мулойим жилмайди. Мирзобекка қараб, англатинг дегандек бошини енгил силкиди. Мирзобек унинг даъватини фаҳмлаб даврадагиларни таниширишга киришди: – Шайх Камол Турбатий ҳазратлари. Ҳоқони саиднинг²⁹ муборак фармонлари билан Аҳмад Ҳожибек жаноблари доруссалтанага ҳоким этиб тайинландилар. Ҳазрат ҳам зиёрат, ҳам “кутлов” маросимида иштирок этмоқ мақсадинда Самарканда қадам ранжида қилилонлар. Бу киши доруссалтанамиз...

Мирзобекнинг кейинги сўzlари истеҳзо тарзда bemor йигит эътибордан четда қолди. Мубассир билан кўз уриштириб олди. Иккисининг ҳаёлидан бир ўй кечарди: “Наҳотки, Хурсоннинг эътиборли кишиси, Ҳожа Ҳофиз газалларига мухаммаслар битғон мухтарам зат ҳузурида беандишлиғ қилғон эрсам...”

Бемор йигит шундай мўътабар зотлар ҳузурида чўзилиб ётишини ўзига эп билмай, каддини ростлашга ҳарчанд ҷоғланса-да, дард зўрлик қилди. Шайх Турбатий унинг юзидағи андармонликни сезиб, насиҳатомуз:

– Ўзингизни асло уринтирганг. Сабрни ажрими савобдур. Ниятни ҳайрли қиласлиғ, – деди.

Вужудидаги оғир дард, уят ва ҳаяжондан пешонасида маржон-маржон тер сизгиди.

²⁹ Ҳоқони саид – толен баланд, буюк подшоҳ. Султон Абу Саид Мирзога берилган нисба.

— Доруссалтана шайхул-исломи Хожа Мавлоно, — деда таништириша давом этди Мирзобек.

Йигит рўйихуш бермай Хожа Мавлонога бир қараб кўйди.

— Камина Аҳмад Ҳожибекнинг хос навкари, Мирзобек. Йигит беихтиё:

— Аҳмад Ҳожибек жаноблари, — деб юборди ва унинг ярим гапи оғзида қолди.

Шайх Турбатий кафтини йигитнинг елкасига меҳр билан кўйди ва дуога кўл очди:

— “Илоҳо, биз билагингга биродаринг илкила кувват берурмиз”, деган аъмоли вожиб бўлғай. Тезда соғайиб кетишинингизга тилякдошмиз.

Дуога очилган кафтлар яхши ниятлар билан юзларга тортилди.

Учрашув оний лаҳзаларда, бундай тез кечишини кутмаган йигит ҳассасига суюниб, туришга ҷоғланадётган шайхга илинж билан термиди:

— Ҳазрат, ташаккур. Таширифингиз гарибни аржуманд айлади. Ижозатингиз-ла муҳлисингиз ажаб бир воқеа сирини сўраб билса.

Шайх Турбатий ўрнидан туришга кўмаклашмоқчи бўлган Мирзобекка сўзсиз “Тўхтанг!” ишорасини килди. Жон қулоги билан бемор йигитни тинглашга шайланди.

Бемор йигит бир вактнинг ўзида ҳам туш ва ҳам кўз ўнгда юз берган воқеа ҳакида сўзлади ва сўради:

— Ҳодисотнинг киши туши, ҳам ўнгиди айнан бир лаҳзада кечмоғини тафаккур килмоққа ожизмен.

Шайх Турбатий ҳасса тутган кафтига иягини тираганча хаёлланди. Йигилганлар унга бирдек кизикиши билан боқаётгандарини ҳис килиб, мулоҳаза ва мушоҳадали жавоб қилди:

— Фикри ожизимча, туш инсон руҳияти ва малоикалар ўрталиғидаги ҳодисадур. Фаришталар билан ботиний мулоқот десак ҳам бўлар. Алар кишини кечмиши ва келмиши воқеалар воситасида огоҳлантирадилар. Машойхлар одатда тушни икки тоифага ажратадилар. Раҳмоний ва шайтоний туш. Қалби покиза, ҳалол ва оқил инсонлар аксарият раҳмоний, яъни, ҳузурбахш ва жаннатий тушлар кўрадилар. Шайтоний туш банда бетаваккуллиги ҳосиласи десак, хато бўлмас.

— Шундай, — деди Хожа Мавлоно боши билан Турбатийнинг сўзини маъқуллаб. — Шайтоний туш ғоғиллик ҳосияти. Бомдод намозидан сўнг, пешинда, ёкин аср ва шомда ухлаган банда шайтоний туш исканжасида колур. Бемор йигитимизнинг туши ҳам шайтоний.

— Асло! — деда Шайх Турбатий уни кескин рад этди. — Калимуллоҳ шайтоний тушга тўсик бўлғай. Сиз кўрган туш раҳмоний туш. Рӯё, ботиний ва зоҳирий ҳодисалар, алалхусус ваҳдату вужудида мужассам бўлур. Ахли ботинга хос хислат. Илми ғайб. Ҳак таоллонинг марҳамати, инъомидур. Факат ахли илми ғайб заковатига мусассар бўлурлар. Назаримда, рӯё Оллоҳнинг буюк инояти билан факт инсонда мужассам бўлган беш зоҳир, ҳам беш ботин хисга ниҳоятда боғлик.

— Беш зоҳир ва ботиний ҳис?! — деда ажабланиб сўради Мулло Абдуллоҳ.

— Ҳа, — деда Шайх Турбатий кафтини иятига тираган кўйи бир зум ўйга толди. Йигилганларга бир-бир қараб олгач, катъийлик билан сўзда давом этди. — Раисулламо ибн Сино инсоний ҳисни беш зоҳирий — кўриш, эшитиш, туйиш, сезиши ва таъм билишга, ҳамда беш ботиний — муштарак ҳис, хаёл, фахм, ҳофиза ва тасаввур қиёсида талқин этгонлар. Вужудда бу туйгуларнинг мутаносиб келиши ҳам айни тушдир. Айтайлик, оёқнинг совуқда қолиши рўёимиизда қишига монанд манзара намоён қиласидур.

— Оллоҳ билгувчи! Бу ҳақ гап, — деда даврадагилардан бири. — Тушимда ёмғир ёккани аён бўлди. Аслида оёғим очилиб қолиб, совуқ котиб үйғонган эканман. Аммо ҳақиқатан ёмғир томчиладётган эрди.

— Тушда Куръон тиловатига етишган кишини тангри ажру савобидан баҳраманд

айламоқлигига далолатдур, – дея Турбатий фикрини давом эттири. – Күш, фикри ожизимча, Оллоҳнинг назари тушган, донишманд кишилар билан ҳамнишин ва юксак мавқе, мартабага эришишингизга содик маслакдош, мўътабар муҳиб топишингизга ишоратдур. Чилвир эса тақдир.

– Худди занжирбанд шер каби, – деди бемор йигит қимтиниб.

Шайх бироз хаёлга чўмди. Йигитнинг туш сабабини Хожа Абу Дарун руҳига боғлади. Оҳиста: “Шерлар боғи” дея шивирлаганини эшитган эшитди, эшитмаган йўқ. – Шоядки, кирк қутбнинг савобини олғон, шерларни тобе этиб, даштда боғ яратган, ҳазрати Хизр била сухбат курган Ҳазрат Абу Дарун футухлари сизга ёр бўлгай. Илло ул зотга Хожа ганж, маърифат гулшани боғбони дея, бежиз таъриф бермаслар.

– Хожаи Ганж?! – дея сўранди кимдир ҳайрат билан.

– Ул зот кўним топғон масканда ҳамиша ганжу олтин хазинаси топилғон. Ҳикоят баёни узун, кейин бафуржа.

– Субҳи ғафлат ризку насибани қирқувчи омилдир. Колаверса, ғофилликда намоён бўлган тушни таъбир этмоқлик бидъят эрмасму, шайх жаноблари?!?

Хожа Мавлононинг ўйламай-нетмай берган саволидан шайх таассуфни нимкулиги билан яшириди. Мулоимлик билан жавоб қилди:

– Навм-и сабуҳда³⁰ кўрилган туш ўнгда ҳам айни ҳакиқатга тўғри келишини йигитчанинг сўзлари тўла тасдиқламиш. Билхайр, туш ҳам Оллоҳнинг бир неъмати, Мавлоно!

– Шундайликка шундай, аммо...

Эътиroz билдиримокчи бўлган Хожа Мавлонога деярли парво килмай Шайх Турбатий сўзида катъий давом этди:

– Таъbir айламаклиқдин йироқмен. Локин, меъроj шоми-шабистони рўёвий холат эмасмукан, деғон мулоҳазага борамен. Буроқда, Мадинага сафар қилмоқлик, борки тавсилотни аниқ ва тиник фикри равонлик билан баён қилмоқликни рўё деб ҳам бўлмас. Тушнинг ғайрилигига, аниңг вожиб бўлишига шубҳа қилурмиз...

– Табиий. Аммо баъд... – Хожа Мавлоно қўлларини дуога очган кўйи хаёлчан ўтирган Турбатийга зимдан термилиб қолди.

У мулзам аҳволини яшириш ниятида, салласини тўғрилаган бўлди. Кафтлари билан юзини тўсиб тамок қириб, йўталиб қўйди. Даврага ноқулай, совуқ бир сукунат чўмди.

– Рұҳобод мақбарасини нуфузи шунда эркан-да?! – деб сўради ўрта ёшдаги киши.

– Ҳазрати хизрнинг Favsul-қутблиги чинму? – дея сўради яна бир киши.

– Favsul-қутбнинг руҳи Рұҳобод мақбараси равзан гумбази остида осудалиғ, – дея жавоб қилди Шайх Турбатий. – Оллоҳ рози бўлсин. Ривоятдан гўзал бир хотима шулким, дилларга кулғ солғон зулфин муаммолар тугуни, гузарталиғда бўлғон кўнгилларга сарафзордир. Пайғамбаримиз соч толалари ва тўнлари шул масканда оғият топғон. Илло, Рұҳободдаги шаҳидлар руҳлари шод бўлгай, – деди Нуроний бемор йигитта сидкидилдан тилак билдириди ва сўзини муҳтасар қилди. – Тушингизда зоҳир бўлғон кўхна мақбаранинг пештоқидаги кошин битик, пайғоми байт бунга далолатдир.

Наздида такаллуғ кўрсатмаганидан бемор йигит хижолатда узр сўради:

– Ҳазрат, дуоингизга мұяссар бўлғонлигимдин гоят шодмен.

– Иншооплоҳ. Аввало ғайби маъво, қолаверса, барча мұкаррам эшикларнинг зулфини сиз учун очилгани рост бўлсин.

³⁰ Навм-и сабуҳда – эрта тонгда кўрилган туш.

* * *

Пок қалбли, фикри равон ва фазилатли, барча илмларлардан боҳабар бўлган, Мовароуннахру ҳамда Хурсонда бирдек яхшилик билан ном қозонган Шайх Турбатийнинг дорус-салтанага ташрифи барчани бирдек эътиборида бўлди. Шайхул-ислом Ҳожа Мавлоно билан работга бориши, афтодаҳол бемор ва гариф бир йигит билан ҳамсухбат бўлиши кўпчиликнинг таажжуб ҳамда ихлосини ошириди. Ва ҳужра остонасидан йигитни ҳайитликлар билан йўқловчиларнинг қадами узилмай қолди.

* * *

...Икки-уч кундан бўён, дард азобида гоҳ бедор, гоҳ ҳушсиз кечган дамларида бир култум сув тутишга ярамаган кимсалар бугун кошида гирдикапалак бўлиши йигитнинг орияти, хўрлигини кўзгади.

“Илохи, ёмонлигимдин агарчи кўп аламим бор, ғамхорим сен бўлсанг, не ғамим бор”. Яримта кўнглини шукухла кўтаришга уриниб, дилдан илтижо килди: “Илохи, дунё майли риштасин кўнглумдин уз ва нафсоният тиyrалиғида хидоят шами била ўзунг тўғри йўл кўргуз. Илохи, ул узун йўл ва қатиғ водийда иноятинг била йўлда аёғим тойилса, дастигрилиғинг била қўлла. Асти, ҳушҳолликка ўзгаларнинг заҳмати била эмас, ўз ижтиходим била эришгаймен”.

Дафъатан эшик ҳалқасининг жарангидан ўй-хаёллари қалқиниб кетди. Ички бир ҳавотир билан остонаяга қаради. Эшик оҳиста очилиб, Мирзобек ўрга ёшдаги киши билан бирга кириб келди.

- Ижозатингиз билан...
- Марҳамат, кираверинг.

Эътибори табибга қаратилган бўлса-да, Мирзобекнинг хатти-ҳаракатини зимдан кузатди. “Аҳмад Ҳожибекнинг хос навқари, камарбанди. Факирға парвоналиғ салоҳиятига мос тушармуму?”

– Танишинг, табиб мавлоно Султон Али. Шайхимиз марҳаматлари ила тезроқ шифо топишинингизга тилакдошимиз.

- Ташаккур.

– Безовта бўлманг, – дея табиб ўрнидан туришга шайланган бемор йигитнинг билагидан тутиб, ёнига ўтириди. Томир уришини, бўғинларидағи ҳолатни обдон текшириди. Хуласаларига аниқлик киритиши ниятида савол-жавоб килди.

Бир муддат назардан четда қолган Мирзобек ҳужра бўйлаб кўз югутириди. Хона бурчагидаги хонтахта устида сара таомларни кўргач, ажабланиб:

– Ажабо, сизни ҳовлимизга олиб кетиши ниятида эрдим. Мулозимларга иссик таомлар буюриб эрдим, – деди сўнгра сўради. – Бирор ҳешингиз ташриф буюрдими?

Савол мискин туйғуларини, нафсониятини кўпчишиб ўборди. Кўз олдида шинан, файзли маскани, боғ ҳовли, ота-онасининг сурати жонланди. Соғинч ва изтироб кўнглига ғашлик кўланкасини ташлади. Беихтиёр, отахон устози Ардашер билан охирги учрашувни, “Чекилган бир заҳматин албатта, ажру мукофоти бўлур”, деган насиҳатини эслади. Ҳазин, паст овозда, зўрга:

- Йўқ, – дея жавоб берга олди, холос.

“Киши бошига тушган мусибаттага мавқе ёки зарига мунофиқ саботда бўлмоқлиқ удумми? Кимхоб тўн бир муддат гадонинг нафсига ора кирса, жанда анбий ҳурматини кунпаякун этур. Дорруссалтана шайхул-исломи бир гарифининг мулозамати учун эмас, балки Турбатий жанобларига эҳтиром юзасидан оддий жун кўрпачага ўтиришни лозим кўрмиш. Локин, кибрини яширгани йўқ. Астағифуруллоҳ, бирав ҳуснига малоҳат берурсен ва анинг тузин кўнглум жароҳатига сепурсен...”

– Замона зайли кўтарилигини кўрингким, шайх жаноблари ташрифидан сўнг камина аҳволни сўрагувчилар қадами остоナмизни супурмиш, – деди.

Ва дилидаги андух шеърий мисраларга кўчди:

*Етишиса ўлум ранжи беморлиг,
Су бергунча қилмай бираф ёргиғ.
Су бермак неким, зоҳир айлаб гулу,
Оларга агар бўлса жонимда су.*

– Туркийда бундай маънилиг байт тингламағондим, – деда Мирзобек табибни ёнига ўтириди. Сухбатдошига таажжуб билан каради. – Ҳеч англамасмен, нечун ўзингизни танитишдан ийманадурсиз? Мунаввар шаҳарга келишингиз боиси не? Сайр, ё тижорат десам...

– Шайх Турбатий эътирофлари бир сўз айтмасму?

– Шуни айтамен-да. Турбатий ҳазратлари тезда оёкка туришингиз истагидалар. Соатдаги соатда сиз бирла сухбат курмок истагидалар. Шайх жаноблари Фазлуллоҳ Абу Лайсий хонадонида бир неча кун меҳмон бўлурлар.

– Шайхур-раис Носир Абу Лайсий таърифлари Хирийда ҳам кўп машхур. Оллоҳ охиратларини обод айлагай, ихлосманд мураббий деб эшитганмен. Султон Улуғбек Мирзо ҳазратлари у кишингин тарбиятида бўлғонлар.

– Шундай, шайх Турбатий ҳам Абу Лайс хонақосида таҳсил олғонлар.

– Мирзобек, англашимча, у киши Абу Лайс Насир ас-Самарқандийга авлодлар, шундайми?

– Буни билурмисиз?

Табиб муолажаси ва дилкаш сухбатдан йигитнинг вужудига енгиллик юргурди:

– Ул мўътабар зотнинг “Тафсирул Куръон”, “Бўстонул-орифин” киби китобларини завк била мутолаа қилганмен. Ҳазратнинг “Танбехул-гофилин” асари кўп манзур бўлғон.

– Ажаб... – деда Мирзобек хиёл жилмайиб. – Зиёратни ихтиёр айлаган дарвешга ўхшамайдурсиз!

Синчков нигоҳини оёқ бўғинларига хушбўй малҳам суртиб, муолажа қилаётган табибга қаратганда бемор йигит иштибохи кўз кирини Мирзобекка ташлади:

– Таажжубингиз ўринисиз.

– Назмда беназир, тафаккурда безаволсиз.

Бадиагўйлик билан кўнгил овламоқлик илинжида илҳақ Мирзобекнинг ниятини фаҳмлаган йигит мавзуни ўзгартиришга уринди:

– Бу воқеаларни тасаввуримга асло сиғдиролмасмен... Туш десам туш эмас, ўнг десам, ўнгим... Бу қандай синоат!?

Камсукум, лекин фикр баёнида қатъий бу йигит онгу шуури Мирзобекнинг дилини тамом банд қилганди. Айни вактда у ҳам ўзини маърифатдан узок эмаслигини намойиш қилишга уринди:

– Ҳа, кизиқ ҳодисот. Ҳазрат рисолаларидан жавоб топурсиз, деган умиддамен.

– Иншооплоҳ, насиб.

Табибни бостиргмагача кузатга, Мирзобек карvonсарай ҳовлисида куймаланаётган одамлар ғала-ғовурини, узоқ сафар ховуридаги тялярнинг хорғин пишқиришини, отлар кишинашини бир зум, хаёллар гирдобида кузатиб турди.

Ховлиниң бир четида гавдали, тоғни урса талқон қилгули полвонлардан бири аниқ жавоб истагида работ мулоғозимини тинмай саволга тутиши унинг эътиборини ўзига тортди. Унга кўзи тушган хизматчи “бош оғриғидан” халос бўлиш истагида полвонга алланималар деди.

Сипохий кийимидағи хушрўй, дароз гавдали Мирзобекни кўрган паҳлавон севинчини яшира олмай бир зум тикилиб турди. Сўнг дадил одимлар билан унинг ёнига келди.

Паҳлавон чавандоз, мерган ва уста камонкашлиги билан икки салтанатда “Отару

тутарда” лақаби билан ном қозонган Мирзобекни таниди. Ҳеч бир тортиңмай унинг елкаларидан кучди:

– Сиз... – дея Мирзобек тўпори, дўлвари полвонга қўлини кўксига қўйиб, салом берди:

– Лаббай.

– Мирзобек, мени танимадингиз, чоғи?! Машҳадлик полвон Мухаммадман. Мирзобек сиполик билан жавоб қилди:

– Ҳа, исимим Мирзобек. Сиз ҳақингизда кўп эшитганмен.

– Фоятда шодмен, – дея Пахлавон сұхбатдошйини муомаласида жиддийликни илғаб, мақсадга кўчди. – Ҳужрадаги марҳаматли киши ким ўзи, ҳамма шу ҳақда сўзлайдур?

– Мен ҳам таассуфдамен. Йигит ўзини танитишдан ийманадур. Ҳирқаси дарвешона, тафаккури тийрак. Назмни хўб яхши айтадур. Муаммо айтишувда Шайх Турбатий жанобларини лол қолдирмиш. Ҳирийликмен дейди, исми Алибек.

– Али. Алишер... – деб Пахлавон ҳаяжон билан Мирзобек елкасидан кучди. – Нахотки, Алишер бўлса!?

Мирзобек бу хурсандчиликнинг сабабини билолмай, ажабланди:

– Алишер... Алишер?!

– Ҳа, ҳа, Али. Алишер Навоий. – Пахлавон Мирзобекни қучогидан чиқарган эса-да, ёш боладек кувончи чексиз эди.

Алишер Навоий исмини эшитиб Мирзобек:

– Нахо?.. Шайх жаноблари... – деди таажжубда.

Ўсмирлик чоғдаёқ нағис назми билан хирийликлар кўнглини ром эта олган, Лутфийнинг эътимодли назарига тушган Навоий ҳақида эшитган, ғазалларини ўқиган, ёд олган. Кўнглида назмга мойил бу йигит билан холи сұхбат қурмок нияти ўйқ эмас эди. Парвона бўлаётгани, айнан Навоий эканлигини тасавурига сиғдира олмаган Мирзобек тақаллумдан йироқ эди:

– Мен... мен... Иссик таом буюрган эрдим, шуни... – дея олди, холос.

Пахлавон севинчда кафтлари билан Мирзобекни елкасига енгил уриб кўйди. Бесўнақай қилингидан узр сўради.

– Ҳоким жанобларининг ноибига бундай ишлар ярашмас, – деди ярим ҳазил билан. Ва ҳамроҳларидан бирини ёнига чакириди. – Абдулборий...

Ёш полвонлардан бири уларнинг ёнига югуриб келди:

– Лаббай, устоз.

Пахлавон Мирзобекка юzlаниб:

– Айтинг, қаерга, кимга учрашиш керак? – деб сўради.

Пахлавон илтимосини бажаришга астойдил тараддулланган шогирдига сўз котди:

– Узок йўлда бадавийдек очиқканмиз. Таом растасини тамом кўчириб келсанг ҳам майли, – у Мирзобекка жилмайди. – Ҳоким жаноблари химмат кўргузса ёмон бўлмас.

– Маъқул.

Пахлавон Абдулборийга эргашаётган Мирзобекнинг билагидан тутди:

– Мутойибани чинга бурманг, биродар. Инимиз хузурига бошланг. – Сўнgra у иккиланиб турган шогирдига танбех берди. – Шундай тура берасанму?

Абдулборий бозор томон илдам юриб кетди.

– Алишербек.

Бемор йигит остона томон хавотир билан ўгирилди. Ҳужра эшиги очилиб, кутилмаганда Мирзобекнинг кириб келиши, боз устига исмини айтиб чакириши Алишерни хавотирига солди. Дидаша безовталик кучайди.

– Илтифотсизлик учун афв этгайсиз. Ҳойнаҳой тенгдош бўлсак керак?!

Илмокли савол кўнглига алланечук ғулғула солди. Бир сўз айтмай унга тикилиб

колди.

– Ҳирийлик мемонни бошлаб келдим.

Мана ҳозир Амир Ахмадиёрни шотирлари пайдо бўладигандек вужудидаги руҳий хаяжонни базўр енгишга уринаётган бемор йигит кулогига таниши овоз эшишилди.

– Ваҳ занғари!

Остонада болалигига, оғир кунларида унга ўз оғасидек суюнчиғи бўлган қадрдон кишисини кўриб, унинг дили ёриши. Ички бир талваса, бокишидаги дилтанг чигиллик тарқагандек бўлди.

Эшикнинг устки синч тўсинга бошини уриб олган гавдали пахлавон кутилмаган бу зарбдан пешонасини чангллаганча буқчайганча туриб колди:

– Чорчўп бўй-басти паст одам ўрнатганму, не бало?! Эшик деган ҳам бунчалар паству тор бўладиму?...

Пахлавоннинг шифтдек бўй, бесўнақай гавдасига эътибор қилмай бир четда қолиб, нолинишидан на кулишин ва на ҳамдардлик билдиришни билолмаган Алишер самимий кочирим килди:

– Баъзилар остонага салом бермоқни унугибдурлар, чоги?!

Ўзидан анча катта ёшдаги кишига қилинган бундай бегидир мутойибадан Мирзобекни юзида нимкулги пайдо бўлди. Истехзо билан Пахлавонга каради:

– Полвоннинг туришининг ўзи салом.

Алишер дилидаги эҳтиросини байт билан ифодалади.

Эмас ул паҳлавонки, ўз қадрин –
Ки, боши узра элтибон низун қилгай.
Паҳлавон они билки, етса газаб,
Нафси амморани забун қилгай.

Тиришган пешонасини кафти билан силаркан, Пахлавон киноя аралаш салом берган бўлди:

– Ахли назм қошида шоир табиатлигни намоён этмак лозим.

– Шундай оға!

Алишер Пахлавон билан кўришиш мақсадида каддини бироз кўтариб, кучогини очди.

Ичикиш ва хўрлик ҳиссидан Алишернинг киприкларга ёш сизғиди.

Бу ҳол Мирзобекни бефарқ қолдирмади. Кўнглидан “Дили беғубор, покиза, гина кудуратни билмайдиган кўринадур”, деган фикр ўтди. Янги танишига ихлоси янада ортди. Оиласда ёлғиз фарзанд бўлгани боис Мирзобек Алишер билан қиёматли оғанини тутинишни кўнглига туғиб кўйди.

Пахлавон Муҳаммад Алишернинг қаршисида чўккараб келбат қучогини очди. Жондек азиз инисини бир муддат бағридан чиқармади. Шу оний лаҳзада Хирот хотиротлари: Алишернинг ilk бор эгарга миниши, ўзидан катта Ҳусайн Бойкаро Мирзо билан кураш тушгани, қиличбозлик қилгани, голиб келиб биродарини болаларча меҳр билан кучиб кўйгани кўз олдида хаёлан жонланди.

– Сизга не жинилашди?!

– Оға, – хўрлиги келган Алишер бир сўз демади.

Пахлавон ниҳоят Алишерни кучогидан бўшатиб, унинг қаршисига чордана куриб ўтириди:

– Сўзлант, Алишер, не фалокат юз берди? Сизни Машҳадда, Ҳазрат Ардашер хонақоларида, деб эшишиб эрдим.

– Кўриб турганингиздек, жаннатмакон Самарқанддамен. Карвонсаройда, гариф бир хужрада бемор, сиз ила дийдорлашиб ўтирибме

ХИРОТ БЕГОНАСИ БЎЛДИМ...

*Нечук майли оворалиг этмагай,
Бошин олибон бир тараф кетмагай?!
Яна бир буким, зоҳир ўлмиши манго –
Ки, чиқмии Хуросон элидин вафо.
Вафо азм айларда бўлмиши магар,
Сахо мурувват анга ҳамсафар.*

Алишер Навоий,
“Хазойин ул-маоний”. Маснавий.
Сайид Ҳасан Ардашер номига
битилган муншаотдан.

Гарбдан маҳобатли девор, шимолу шарқ тарафдан истехкомдек Мухтор, Сайид Абдуллоҳ тоғлари ўралган қалья ғарип манзара касб этган. Шоҳруҳ Мирзо, Гавҳаршодбегим ва Сабзабармон мадрасаларининг нилий гумбазлари, миноралари салобатли кўринса-да, унга файзиздек туюлди. Наврӯз нафаси уфуриб турган эса-да Ҳирот Алишерни қишининг сўнгти, қаҳри қирқилиб улгурмаган “аямажиз” изгирини, майда қор аралаш ёмғири билан қарши олди.

Қора булут рутубати шахар дарвозасидан кириб чиқаёттган савдогару дарвешлар нигохига хам кўчган. Бу тундлик ва юзлардаги маъюслик йигит кўнглида ғулғула уйготди. Дарвоза ёнида турган нигохбон навкарлар қўлидаги икки қулочлик найза-туғдаги Султон Абусаид Мирзо салтанати нишони хавотирини янада орттириди. “Наҳот, шижаотли шаҳзода доруссалтанани ишғол килмиш деғон гаплар миш-миш эрса!?” деган ўй хаёлидан яшиндек ўтди.

Аслида Хуросон ва Мовароуннахрни бирдек таҳликада тутган овозаларда ҳакиқатан жон бор эди. Темурийзода Ҳусайн Мирзо ҳеч бир заруратсиз Машҳад сарҳадларига кўшин тортган қайнотаси – Марв ҳоқони Султон Санжар билан таҳтга яроғли, яроғли эмаслиги борасидаги келишмовчилик оқибат яна дарбадарликка юз тутди. Бир муддат Ҳоразмдан, Кўхна Урганчининг Жайхун этагидаги энг овлоқ ерларида паноҳ топди. Султон Абусаид Мирзога карши анҷадан бери “тиш қайраб” юрган кипчоқ амирлари унинг мавқеини инобатга олиб, камарбаста бўлдиар. “Агар Хуросон таҳти сари юришда нурсатлик қилса, ҳарбий мададга койим эканликларини” очик билдириши. Бир неча йиллик дарбадарлик, энди салтанат оройишини амалга оширмокчи бўлганида қайнотаси билан зиддиятта бориб колган Ҳусайн Мирзо учун бу таклиф эриш туюлди. Амакивачча оға-инилари ўртасидаги бошбошдоқлиники кўтариш, бобоси Ҳазрат Амир Темурдан мерос колган улкан салтанатга, мол-мулкка каноат қилмай, таҳт илинжида бир-бирларига тиғ чархлашларига тезрок барҳам бериш, мамлакатни “ваҳдату воҳидликда”, ахиликлика бошқаришларига давлатда бўлишининг чораси топилганидан ишончи ортди. Бирок бобокалони кипчоқ қавмига асло ишонмаган. Кипчоқ беклари буюк саркарданинг ишончини, мурувватини сунистество м қилган, кўп бора унга панд берган. Ҳаёлига келган ниятдан вужудидаги азият эзгу азиматта айланди. Таваккал тадбирга, кипчоқbekларнинг “чордик аз сепой”, яъни, эгалланган юрт, молу мулкнинг тўртдан уч қисмига эгалик қилишларига рози бўлди. Ҳирот таҳти эгаллангандан сўнг уларнинг нафси аммораларига тавғиқ билан жавоб қилишни дилига тутди.

Ҳирот салтанатида Ҳусайн Мирзога ниҳоятда хайриҳоҳ, онаси – Фирузабегим тарбиясида бўлган, сарой урфи, тамойилига кўра “кулоқ кертди”, яъни шаҳзодага

унаштирилган каниза Хадичабегимдан келган мактуб ўйлаган режасини тезрок амалга оширишига турткы бўлди. Мактубда Хадичабегим Султон Абусаид Мирзо Мовароуннахрда исён кўтарган Мирзо Мухаммад Жўкиййнинг танобини тортиб кўйиш ниятида асосий кўшин билан Самарқандга отлангани баён қилинганди.

Савдо ва ахбор аҳлиниң “Султон Ҳусайн Мирзо Мозандарондан чиқди ва аник Ҳурросон томон йўл олди”, деган хабарлар доруссалтанага етиб келди. Ҳирот аҳли ҳавотир, таҳлика остида қолди. Тунлари калъя бурч ва куббаларидаги машъалалар ёкилди. Навкарлар сони кўпайтирилди. Зудликда жанг сафарига отланган ҳукмдорга чопар юборилди. Ҳурросон сарҳадларидаги химояда турган амир Шайх Ҳожи ва амир Оллоҳберди бошлиқ лашкар Ҳусайн Мирзонинг қўшини томонидан осонгина забт этилди. Саркардалар хибсга олинди. Темурийзода шаҳзода Ҳиротта машакқатсиз кириб борди.

Вилоят амиrlари ва беклари Ҳусайн Мирзога хайриҳоҳ эканликларини очик баён қилимасаларда, шунга муносиб тадбир кўрдилар. Пойтаҳт бўсағасида унга пешвуз чиқкан Ҳабушон вилояти амири Ҳасан Шайх Темир ва Обивард вилояти амири Султон Мухаммад Фиёсбекларга шохона иноят ва ҳисравона лутф-марҳамат кўргазди.

Ҳамиша ғалаба ёр бўлган Султон Ҳусайн Мирzonинг бу шижаоти авомнинг унга бўлган эҳтиромини ортириди. Бундан руҳланган Алишер валинеъмати – Саид Ҳасан Ардашернинг монелигига қарамай Ҳиротта отланди.

* * *

Мурғоб кўприги бўсағасидаги калъя дарвозаси остонасида эгардан тушаркан Машҳаддаги иштиёқ ва умидлари сароб эканини бир зумда англади. Ўқинчили изтироб дилидаги ҳавотирини ошириди. Шукуҳли болалиги ўтган, аммо замона зулми туфайли бағрига сифдиролмаган шаҳар остонасида энтикканча бир зум туриб қолди. Қадрдан шаҳри бўсағасидан куруқ умид билан ортига қайтишни истамади. Вужудидаги ватан соғинчи ва эҳтироси кучли, аммо уни таҳлика ўз исканжасига олганди. Алишер иштибоҳ билан қалъя томон юрди. Лаб усти ва чаккаларидаги тим кора, сабза мўй хушрўй чехрасига кўрк бағишилаган, охори тўкилаёзган эса-да эгнидаги зарбоф тўн, етаклаб олган зотдор оти унга алоҳида кўрим берган аслзода йигит дарвоза назоратчиларида деярли шубҳа ўйғотмади.

У Мурғоб дарвазасидан бошланувчи хиёбон охирида бир зум тўхтади. Атрофга интиклик билан боқди. Яssi, тарашланган тош ётқизилган кенг кўча. Йўлнинг икки четидаги Султон Шоҳруҳ Мирзо даврида экилган, бир вақтлар шаҳар кўрки бўлган азим чинорлар, савдо расталари ва дўконлар файзсиз.

Бу манзарадан Алишернинг дилига алланечук шубҳа ва гумон оралади. Мавхумлик пардасига йўғрилган тасаввурнида она шаҳарда ўтган осуда ва баҳтиёр кунлари гавдаланди. Энтикиб кетди. Илгариги шукуҳ сезилмаса-да, юраги алланечук изтиробли ва ғалаён билан чулғаб олганди. Қальянинг аввалги маҳбатидан асар ҳам қолмаганди.

*Кўнглум ичра дарду ғам аввалгиларига ўҳшамас,
Ким ул ойнинг ҳажри ҳам аввалгиларига ўҳшамас.*

Интик бир кайфиятда “Боғи баланд” маҳалласига, ота ховлисига шошилди. Йўл-йўлакай ўзига қаратилган ҳайрат, андуҳли нигоҳларда хайриҳоҳликни илғади. Кўнглига ғашлик оралади.

Хиёбон кўчаси бўйлаб бораракан, бир дўкондор ундан кўзини узмай, иягини кафти билан тўсиб, шеригига нималарниидир шивирлашидан ғалат ғаламисликни пайқаган Алишернинг кўнгли ўксиниб, ўзини ниҳоятда гарib, она шаҳрига бегонадек сезди. Суюкли шаҳри унга бегона... Бегона Ҳирот... Ҳирот бегонаси...

...Гулгулали туйгулар гирдобида, түй күчли оқимга қарши сузаётган кишидек оғир одим билан у йўлида давом этди. Кўчанинг икки ёқасидаги асрий, улкан, яланғоч чинорлар вожоҳатли тус олган. Унинг нигоҳи бир пайтлар отаси билан елкама-елка кўчат ўтказган, ҳозирда дарахтлар каби картайган, гузардаги супаларда мудраб ўтирган кексаларга кўксиларига кўйиб, берган саломи эътиборсиз колиши унга ғалати туюлди. Бу ҳол унинг кўнглини яна чўқтириди. Аммо кўпчиликнинг самимий саломлашиши булат ортидан бир лаҳза юз кўрсатган куёш каби Алишернинг калбини заррача ёритмади.

Бир замонлар, болалигига Султон Абулкосим Бобур Мирзо саройида туркий шоирларнинг ғазалларини ёддан ўқиб, барчани бирдек ҳайратда қолдирган бу йигитни танимаган кишининг ўзи йўқ эди. Ҳиротликлар унинг тақдирига бефарқ эмас эдилар. Ҳадик-ла кўл беришиб сўрашганлар хам топилди.

Самимий ҳам, айни вактда ҳадикили илтифотдан кўнгли ҳаминқадар таскин олди. Аммо чехралардаги ғайритабии сиқиқлик уни ғашлантириди. Бу манзарат, хижилликдан тезроқ қутулиш ниятида қадамини тезлаштириди.

– Алишер, Сизму?!

Кўча адогида, бежирим китоб дўёкони рўпарасида унга пешвоз чиқсан қарияни аввалига танимади. Фаромуш хаёлини йигиштириш асносида, унга диққат билан тикилиб қолди. Сўнг каршисида моҳир муковасоз, тажрибали китоб мураттиб этувчи Мавлоно Накқош турганини англади:

– Таксир, хотирим панд бермаса сиз... Мирак Накқош?! – деда ийманиб сўради.

– Шундай, – деди у йигитга кучогини очиб.

Одатий ҳол-аҳвол сўрашидан сўнг, Хожа Мирак Накқошнинг юзидағи мамнунлик чекиниб, жиддий тортди. Бир зум ўйга толди. Ҳаёл андармонида, вазмин сўз котди:

– Азиз бошингиз дарбадарликда азият чеккани озму?! Бу бошни яна кундага қўймоклиқдин не маъни, Алишер?!

– Сўзларингизни англамасмен, уста? – дилида андух, кўзларида таҳлика пайдо бўлди. – Бу не таҳдид?

– Асло, айни ҳакиқат.

Мирак Накқош ёни-берига эҳтиёткорона кўз ташлаб олгач, Алишер томон бироз энгашди ва оҳиста:

– Ота ҳовлингизга бормаганингиз маъқул. Лутфий ҳазратлари, ё Жомий жаноблари хонакоҳларига борингиз. Ўша ер офииятли паноҳ кўринадур. Темурий шаҳзода шердек ҳамла билан доруссалтанани мавз этиди-ю, маҳкамам парокандалиги туфайли омадни кўлдан бой берди. Ҳали тийралиг булати таркамаган. Ос-ос, такиб талвасаси ҳамон тинмаган. Ҳабарингиз борму йўқ, соҳибитаҳт шаҳзоданинг ўзи кувгинлиқда, садоқатли беку амирлари кирғинбартота гирифтор бўлғонлар, – деда шивирлади.

– Демак мишишлар рост эркан-да?! – деди Алишер тушкун бир кайфиятда.

Кўнглидан: “Эҳтиросни ҳакиқатга йўймоклик сароб. Қани, бу гаплар ёлғон чиқса?” деган илинж ўтди. Мирак Накқошнинг дардош кўзларига тикилганча туриб қолди.

– Ҳазрат Лутфий бироз бетоблар, – деди маҳзун оҳангда Мирак Накқош. – Жомий жаноблари қайноталари Шайх Қошғарийнинг чироғини ёкиб ўтирибдилар. Аларнинг ҳузурларига, йўқловчи киши бўлиб борсангиз, албатта бошлари кўкка етур...

Алишернинг унга термилганча маъюс туришидан Мирак Накқош безовталанди. Ётиғ билан гап йўргини маслаҳатига бурди:

– Алалхусус, шайх ҳазратлари вафотидан сўнг, Оллоҳ раҳматига олғон бўлсин, сағирларга парвона бўлмоқ, шариф қалом устоз турбатига эътимол юзасидин Жомий жаноблари қайноталари ҳовлисига кўчиб ўтган. У кишига сиз каби бир

дардкаш зарур...

– Хусайн Мирзо яна қувғинликка маҳкум денг... – деди Алишер хаёли паришон бир алғозда.

– Шундай, – деди Мирак Накқош афсус билан. – Салтанатни забт этмок азми шижаоти паймол бўлғоч, жонини омон саклашдан ўзга чораси колмади. Боз устина барча аҳли фозил хоқон назорати остида қолғон. Ҳирот нотинч. Ҳар қадамда хуфия. Зукко фузалолар пойтахтни тарк эттонлар. Каминанинг ҳам бозори касодга учрамасмик, дегон хавотирдамен. Самарқанд сафарини ихтиёр этмак ниятим ҳам йўқ эмас!

Ўзи не қайғуда-ю, кариянинг ҳасрати ўтиб тушди. Беилож қолган Алишер:

– Ҳа... – деда олди, тушкун бир қайғиятда.

– Шаҳзоданинг жасоратига тан бермоқ лозим. Ҳирийни бир зарб била забт этди, – Ҳожа Мирак Накқош оғир хўрсини олди-да, сўзида давом этди. – Ғариф ва мискинлар умиди шамдек ёнди-ю ўчди. Ҳусайн Бойқарога мұytакидда бўлғон Ҳирот аҳли, амиру беклар аввалига шаҳзоданинг мулкона шижаоти раъйида бўлдилар. Султон Абусаид Мирзонинг тўсатдан Ҳиротга кайтәтганидан хабар топган аъёнлар таҳликада шаҳзодага нисбатан яна хоинлик йўлини тутдилар. Шаҳзода катъият билан курсовдан чиқди. Жонини омон сақлаб қолди. Кейинчалик бу тадбир хон ҳазратларининг Ҳусайн Мирзони хибс этмоқ хийласи экани маълум бўлди. Барча сарой аъёнлари кистовга олинди. Муноғик беклар киличдан ўтказилди.

– Бу кўргилик ҳам бор экан, – деди Алишер ўқинчла.

– Асти сўзламанг.

У Саййид Ҳасан Ардашернинг ёз чилласи, боз устига рўзадор бўлгани ҳолда Ҳиротга отлангани воеасини, хайр-хўшлаш чоғида айтган гапини эслади.

“Жомийнинг бошига етимлик тушубдир. Шайхимизнинг турбатларида бир калима тиловат қилмок кўп савоб. Яна, ёр-биродарлар дийдорини кўриш истаги факирга оройиши бермас”.

Демак, устози Қошибарийнинг вафоти ҳакида унга ҳеч сўз айтмаган. Айтган бўлса ҳам у англамаган. Отахон устози унинг ҳаётини таҳликага кўйишни истамаган. Ҳирот сафарига ёлғиз отланган.

У кўлини йўрганинг тизгинидан олиб, кафтларини дуога очди:

– Охираглари обод, пок руҳлари шод бўлғай.

– Иншооллоҳ! У киши тарийқатда беназир эрдилар, – деди Ҳожа Мирак куйинчаклик билан. – Фикру ожизимча, Алишербек, факирнинг сўзини маломатта йўймангиз, бир муддат Жомий хонақоларида паноҳ топганингиз маъқул. Чунки, азиз умрингизга кўз тикканларнинг илки у ерга етмас.

– Андухлиғнинг боиси не, уста, англатингиз?

– Нусратнишон шаҳзода бирла кўкалдош, кадрдонлиғингиз барчага аён.

Такдирига астойдил кайгураётган бу инсонга кандай миннатдорчилик билдиришни билолмай қолди. Неча-неча юз фикҳ, таворих, назмий кўлёзмаларни дид ва ихлос билан мунаккоз этган, китоб холига келтирган, фозилу уламолар эътиборидай бирдай тушган Мирак Накқошнинг сўзини ерда қолдиргиси келмади. Отининг жиловидан тутганча, Намозгоҳ маҳалласи, Саъиддин Қошибарий даҳмаси томон йўналди. Бироқ қадам кўйиган ерида тўхтади. Бироз иккиланиб, ўйланиб турди-да, орқасига кескин бурилди. Ярим ўтирилиб, ундан нигоҳини узмай турган Мирак Накқошга надомат билан қараб кўйди-да, кадрдон маҳалласи тарафга йўл олди. Ҳарчанд, тезроқ ота ҳовлисига бориши иштиёқи устунлик килди.

Йигитнинг шахтидан қайтириш мушкуллигини сезган Ҳожа Мирак Накқош алланечк энтиқиши билан унинг ортидан қараб қолди. “Оллоҳ паноҳгоҳ бўлсин!” деда кафтларини юзига тортди.

Ортидан бир қанча синчков, ғайри ва самимий кўзлар кузатиб турганини,

айниңса, Хожа Мирак ўтингли нигохини ундан узмәстганини ҳис килган холда олдинга юрди.

Йўл-йўлакай учраган танишлари билан дам қўл беришиб, дам қўлини кўксига қўйиб саломлашди. “Боги баланд” даҳасига етганида айрим маҳалладашлар, қўни-қўшниларнинг мулоқотдан ўзларини олиб кочишлари, дарвозаларини кия очган қўйи зимдан кузатишлари унга ғалати туюлди. Қизиқсинашдан кўра андиша андармон жам бўлган бокишилардан юраги увишди. Хожа Мирак Нақошнинг изтиробли сўзлари кулоклари остида такрор эшитилди: “Ота маҳаллангизга бормаганингиз маъкул. Умрингизга кўз тикканлар озми?!?”

“Нақош нега бундай деди?” Дилини хижил қилган саволларга жавоб илинжида қамчиси билан эшик табақасини итарди. Дарвоза кулфлоголик. “Нечук?!” Адашмаса отаси хонадонга мутасадди боғбон колдирганди, шекилли. Интиқли билан қамчи учини мис зулфинга урди. Сабри чидамай эшикни яна тақиллатди. Ичкаридан ўспириннинг “хозир” деган овози эшитилди. Ҳовлисида киши борлигидан, мана-мана остона ҳатлаб ичкари киришини ўйлаб, юраги орзиқиб кетди. Накшин, ўймали, сийқаланиб, рангини ўйқотган дарвозанинг бир табақаси оғир очилди. Қорамағиз бир ўсмир чикиб келди.

– Сизга ким керак? – дэя сўради, у катталарга тақлид, димоғдор овозда.

Ўз уйи остонасида бундай муносабат ва муомалани сира кутмаган Алишернинг дилини изтиробли таажжуб маҳв этган бўлса-да ўта босиклик, мулоимлик билан:

– Ўзингиз кимсиз? – дэя сўради.

– Шул хонадоннинг мулоғими.

– У ҳолда нечун ўз бегингизни танимассиз?

Нима деб жавоб килишни билолмай қолган ўспирин каловланиб, узр сўради:

– Кечиринг, хожам рухсатимсиз ҳовлига бегонани киритмагин деб тайинлаган.

Алишер бу жавобдан каловланиб қолди:

– Ажаб?! Бу Амир Баҳодирхоннинг ҳовлисиму, ахир?

– Билишимча шундай.

Ўсмир атворидаги бепарволикдан Алишер нихоятда бетокат бўлди:

– Билишимча? – дэя кинояномо сўраркан у эҳтиросини зўрга ирова эта олди.

– Мен холис киши. Хонадоннинг аввалги, ҳозирги соҳибнинг кимлиги мен учун кизиқ эмас. Локин, ҳовли ҳукмдоримиз тасарруфида эканлигидан хабарим бор. Вазифам қўриглаш.

Ҳирот остонасидаёк дилига оралаган шубҳали гумонлар уни ўртай бошлади. Кўз олди хиравлиб, вужуди асабий исён гирдобига чулғанди. Қалбидаги аламли нидо кулоклари остида акс-садо берди. “Нега. Нега?!”

– Ким дедингиз? – дэя сўради Алишер маҳзун овозида, ички ғашлик ва қайғуни яширишга уриниб.

– Ҳукмдоримиз... – дэя ўсмир мужмалланди.

– Ҳукмдоримиз?

Унинг жавобини синик овозда такрорларкан, овози ўзига ҳам ғалати, андухнок туюлди.

Алишернинг хотирасида бир йил аввал, Машҳадда рўй берган воқеа гавдаланди. Ўшанда Султон Абусаид Мирзо вассал ҳокимлар ҳамроҳлигидан И мом Ризо мақбарасига “Зиёрат, ҳам ташрифот” зикрида келганди. Унинг изидан шоҳона назру ниёз умидидаги илҳақ бораётган, аммо, эътибор топмаган дарвешлардан бири: “Шоҳу гадо, нияти покиза бўлмаса бу мўътабар масканни ножинс қадами билан булғамасин. Ният нопок, ният нопок”, дэя барадла бакириб юборганди. Султон бу илдаога айтарлик аҳамият бермаган бўлса-да, “тап эгасини” топганди. Валинеъмат важоҳати бузилганини кўрган Амир Аҳмадиёрнинг ранги гезарганди. Юз-кўзидаги қаҳр билан соқчиларга қараганди. Хос соқчилар ўша замон йиғилгандарнинг барчасини кувғинга олганди. Иттифоко Алишер И мом Ризо мақбараси майдонидан

юмуш билан ўтиб бораётганида бу тўполоннинг шоҳиди бўлганди. Бу ноҳақлини кўрган йигит шуурида байт ҳам туғилганди:

*Рақибингга десам лаънат, ери борким сенга ноҳақ,
Менинг қонимни тўймакка ул малъун эрур боис.*

Айни паллада тасаввуррида худди ўша: шоп мўйлов, қаҳрли, қинидан чиқаёзган бадқовок кўз, тиртиқ қиёфа жонланди. Вужудини аччик бир дард тирнар, ўзини қоронги муаллакликка тушиб колгандек сезарди. Кўнгироқдек овозидан сергак тортиди:

– Хожамнинг рухсатисиз ҳовлига ҳеч кимни киритолмасмен. “Ҳовлига бегонани киритма!” деба қаттиқ тайнилаганлар.

“Ҳовлига бегонани киритма?! Наҳот, ўз ҳовлимга бегона бўлсан?! Бул даражада бетафиқлиг бўлурму?!”

Вужудини зилдай эзаётган ситамдан янада оғирлашди. Кўз олди тиниб кетди. Эшиклари тиркишидан гўё ғаройибот кутаётгандек уни кузатиб турган кўни-кўшниларнинг ҳалак нигоҳларини кора туманлик ичра илгай олди, холос. “Одамлар бунча томошаталаб бўлмаса?!” кўнглига келган бу фикрдан оғринди.

– Ассалом, ога.

Алишер лоқайд ортига ўтирилди ва қаршисида ўзига тенгдош йигитчани кўрди.

– Мени танимадингиз чоғи?

Мушкул ахволда қолган Алишер рўпарасидаги йигитчага бефарқ бокди.

– Исмим Тўйчи, – деба у ҳазин оҳангда ўзини танишитирди. – Отам ҳовлингизда боғбонлик қилгандилар.

– Ажаб... – деба Алишер хайрон бўлиб.

– Эгасиз ҳовлидан фаришталар бош олиб кетаркан. Фитна ва адолатсизликларни, айникса, падари бузрукворингиз руҳини чирқиллатлашларига чидай олмаган отам уч ой аввал казо қилдилар, – деба Тўйчи хўрлик юкини базўр енгиги.

– Қазо қилдилар? – деба таажжуб ва дард билан сўради Алишер, сергак тортиб.

– Эсласангиз керак. Ҳовлингизда боғбон ҳам пособон эдилар. Рўзгоримиз бир наవъ ўтиб турган эди. “Ўзи йўкнинг кўзи йўкми?! Ҳонадон эгаси ҳали тирик! У ёнда Алишер, бу ёнда Дарвеш Али!” деган маломатлардан жўнбишига келган хос навкарлар барчани ҳовлидан итдек кувиб солдилар. Эътиroz билдиригандар бошига камчи зарби тушди. Бутун маҳалла исёнга чоғланди. Бир неча кишини, отамизни ҳам, “Хўкмдор фармонига қарши бош кўтарадиган сизларми?” деба қилич билан чоптилар. Отам ўнгланмасдан вафот этдилар.

Алишернинг вужудини совук хис камраб олгандек у жунжикиб, тўнининг катини барига тортди.

– Зўрлик, зулм... – деба ички бир ўқинч билан.

– Отам тўғри айтар эканлар. Ё заринг бўлсин, ёки зўринг, – деба Тўйчибой афсус билан, катталарага хос бош тебратиб кўйди. Кейин оstonада турган ўсмирга ола караш қилди. – Ҳой, наҳот, хонадоннинг ҳақиқий эгасига беадаблиф қилсанг.

Ўсмир каловвланиб, Алишерга каради:

– Амир Баҳодирхонга қандай ҳешлигингиз бор?

– Нечун Алишербекни танимассан! – деба Тўйчи бироз жеркиниб.

– Алишер... – деба ўсмир гўё, хонадон соҳиби ўз ҳовлисига куч билан кирадигандек, камига Тўйчибекка қасдма-қасд оstonага оёкларини керганча туриб олди:

– Ҳовлингизга бемалол киритардиму, аммо хожамнинг тазиикдан ҳайика дурмен. Локин бир бора...

Алишер, каловвланиб колган ўсмирга надомат билан каради:

– Вазифангиз мушкул, – деба Алишер охирги умидидан маҳрум бўлганини

тушунниб, юрак-багри эзилди. Кўксиде оғрик турди. Ўта босиклик билан, ўқинчли оҳангда кўриқчига тасалли ҳам берган бўлди. – Азият чекманг.

– Ҳовлингиз... – хизматкорнинг гапи оғзида қолди.

– Сизни маломатга қўймай, – деда Алишер тушкун кайфиятда от бошини ортга бурди.

– Энди қаерга борурсиз? – деда куйинчаклик билан сўради, Тўйчи.

– Оллоҳнинг даргоҳи кенг, паноҳсиз қолмасман. – Алишернинг кўкрагидан тубсиз хорлик ва зорлик нидоси узилиб, овози титраб чиқди.

Фавқулодда кўтарилган тўфондек, бошига тушган бу кулфатдан Алишер ўзини идора этломай қолди. От нўхтасини сиқимлаганча, фаромиш турган Алишер: “Энди қаерга борасиз? Бизникига юрақолинг, онам шод бўладилар”, деган ўтинчли иддаони ҳатто эшитмади, ҳам. Уни бироз энкайтириб кўйган фам юкининг бутун оғирлиги гўё отнинг гарданига тушгандек бир-икки қалқинди. Нўхтадан кутулмокчи бўлиб, бошини силкиди. Сўнг шиддат билан олдингта қадам ташлади.

Нималар бўлаётганини англаб етмаган, аччиқ ҳаёллар исканжасида қолган, инон-ихтиёрини йўргасининг раъийга топшириб кўйган Алишер от билан измайиз Шоҳрухия майдонига чиқди. Одамларнинг ғала-ғовуридан бироз сергак тортиди. Аммо қулоқлари остида ҳамон: “Ҳовлига бегонани киритманг... Ахир ўз ҳовлингизга бир кирмайсизму?.. Энди қаерга борасиз?” каби аянчли сўровлар кайта-қайта тақрорланар, юрак-багрини эзарди.

“Ҳакиқатдан ҳам энди у қаерга боради? Наҳот Ҳирот унга бегона бўлса. Ҳирот бегонаси”. Кўксига заҳарли найзадек санчилган изтиробдан вужудида оғрик турди.

Не-не умидлар билан уни Ҳироттга томон отлантирган, узок ва машакқатли сафар чоғида унга кўшканот бўлган дилафрўз ниятлар оқибат дилгирлик, дилаборликка айланишини сира ўйламаганди. Қадрдон уйи остонасида бундай муомала ва муносабатни сира кутмаганди. Айни пайтда Алишер бутунлай бошқа оламга тушиб қолгандек эди. Кўз олдини қоплаган туманлик ичра атрофга лоқайд термилди.

Тириклик ташвишида кўйманаётган одамлар теграларида рўй бераётган олчоқлик, залолат ва жаҳолатта бутунлай бефарқдек эдилар. У ўзини ўткинч дунёда дардисар сезди. Қаерга боришини, кимдан најот излашни билолмай гарантисиб қолганди. Беихтиёр Мирак Накош билан бўлған сухбат хаёлидан ўтди. Устози, ҳам биродари Жомийнинг уйида бир кечга тунаб, тонг-ла Машҳадга кайтишни ўйлаб гузар томон йўл олди.

Хиёбон бўйлаб бораракан, кўнглидан минг бир ўй ўтди. Накош нима учун: “Ҳовли-жойингиз мусодара килинган” деб очик айтмади?! Дабдурустдан факирнинг шикаста дилига озор етказиб, пароканда килишдиин иймандими? Ҳа, ҳакикат аччик. Ахир, ҳакикатни яширишдан не наф?! Сахҳофни не учун айблай? Менинг қандай ёмонлиғим борки, бошимга маломат тошини ёғдирадурлар?! Гуноҳим Бойқаро бирла маслаклиғимму? Бойқаро не ерда, мен эсам. Кишиига терс, зимдан тадбир кўлламаклик гумроҳлик, ожизлик-ку? Ҳусайн Мирзонинг гуноҳи жабр ситам косаси тўлғон авомнинг гариф кўнглига адолат эпкинин солмолиғиму? Амир Темур ҳазратларининг адлу азмлиғи нишонини тикламоғлиғиму? Ҳакикат туғини кўттарғон Шоҳ Лаълийга хайриҳоҳлиғиму? Бадҳоҳнинг разил саъи ҳаракати бунчка далил бўлмаса? Илоҳи, дарди ҳолимни ҳар кимга айтсан, рад қилса, санга таважжух эткаймен ва агар сен рад қилсанг, неткаймен ва кимга кеттгаймен?”

Гойибдан келган назмий иддао кўнглида алланечук умид ва ишонч уйғотди:

Даврон фалакка чекса сени эмин ўлмагил –
Ким, еткуур завол күёшининг камолида.

“Илоҳи, умидимни карамингдин ноумид этма ва раҳматингни халойикка мумтоз килғонда мени ҳам маҳрум килма”.

Изтиробли хаёллар қийногида Алишер жарангдор, ҳам мунгли: “Ё Оллоху, ё Оллох!” зикру самодан сергак тортди. Чакнок кўзлари билан атрофга боқди. Жулдур хиркалари ер супурәтган, ортидан енгил чанг кўтариб келаётган икки дарвешни кўрди. Икки тарафи уч пахса кўтарилган, гумбазли, бежирим болохонали бостирма каршисида тўхтади. Отнинг тизгинидан тутиб, охорсиз, накшинкор дарвазадан Шайх Саъиддин Қошғарий хонақосига кириб борди. Отини бостирма устинига арқонлади. Ҳовли томон йўналди. Сувоклари палахса-палахса кўчган девор билан ўралган, қабристонга туташ, ҳазонрез, гарип боғ мағзун туйгуларини калқитиб юборди. Бир вактлар тароватли гурунгларнинг шоҳиди бўлган, нақшин устуни пешайвон, ёнида сопол кирпичдан тикланган мадраса файзиз кўринди.

Султон Абулқосим Бобур вафотидан сўнг замона зайлени ихтиёр этган, бадкирдор амиру беклар томонидан “уют ва хурмат” никоби тортилган зуғумдан чекинган Жомий учун қайнотасининг хонақоҳи дунё ташвишларидан йироғ хилватга, масканга айланганди. Алишер андухли кайфиятда ҳовлига кўз югуртириди. Бу ерга бекор келганини пайқаб, изига қайтмоқчи бўлди, аммо элас-элас эшитилаётган сұхбатни тўхтади.

– Ҳусайн Мирзонинг бошбошдоклигини асло ёқламасмен.

Дўсти тўғрисидаги бундай эътироф унинг диккатини тортди. Беихтиёр бостирма – йўлак бўсағасига бориб тўхтади. Ҳовлининг овоз келган, кунгай тарафига каради. Пешайвонда, танча теграсида, кенг кўрпани белларигача тортган кўйи, Абдураҳмон Жомий ва умри сарой мулизаматида ўтган Абдураззок Самарқандийлар сұхбатлашиб ўтиришарди. Алишер кўнглидаги эҳтиросни енгиб, ўзини бостирма панаисига олди. Одобсизлик бўлса-да уларнинг сұхбатига кулок тутди.

– Подшоҳ гар ғафлат айбгўйлигига колса, танбехларга беписанд бўлса, ғурур уйкусидан саргак тортмаса, шайтон васвасасидан юз ўғирмаса, гарибу ғураболарнинг ахволига бефарқ бўлса, аларга ғамхўрлик кўрсатмаса газаб оташи аланга олур. Авомнинг бундайин ўтли тўфон исканжасида қолиши адолатдан бўлмас.

Сұхбатдошини дикқат билан тингларкан, Жомий кизак дўпписини очиб, бошини кафтлари билан силади:

– Иншооллоҳ, асти ҳақ гап, мавлоно. Ноҳақлик ва бедодлиғ шундайин бир оғатдурким, барчани бирдек ўз гирдобига тортадур. Воллоҳу аълам биссавоб! Ўзи билгувчи, ўзи вакилдир. Зийраклик кишига асло панд бармағон. Муаммо итоатсизлик деб атальмиш иллатда. Ҳусайн Мирзони бошига тушғон бу кулфатлар аслида аниң теграсидаги аҳбобу асҳоблар даштий гурухларнинг ғаламисликларида.

Шахзода Ҳусайн Бойқаро хусусида гап очилганидан бироз жонланган Абдураззок Самарқандий надомат билан:

– Камолотта эришмоқлиғ учун факат иктидор бирла тадбир камлиғ килур. Албатта, пири комил ўйтглари ҳар вакт дастур бўлмоғи даркор.

– Ҳақ гап, Бойқаро дардабарлик ва адолатсиз оқибат, қайсарликка йўғрилган матонат, шижоат, жасорат истагида ёнадур. Баъзида ҳаддан зиёд ишонч кишини аклдин айриди.

* * *

Ҳусайн Мирzonинг бобоси, Амир Темурнинг тўнғич ўғли Султон Умаршайх баходир сохибқирион наздига “кўзу кораси”, фарзандларидан бирортаси унингдек хўб эътибор топа олмасди.

Дастлаб унга Надувон аталувчи Фарғона мулкига вассаллик қилиш насиб этди. Ёш хукмдор Султон Умаршайх Мирзодаги бениҳоя шижоат мўгул хонлари “попугини” пасайтириб кўйди. Чингизхоннинг эвараси – амир Қамариддин устидан қозонилган ғалаба унга бўлган хурматини ошириди.

Зўравонликада чек-чегараси бўлмаган, аммо Султон Умаршайх Мирзодан ҳайиккан ёгий Фарғона сарҳадидан чекинишига мажбур бўлди. Осойишталигини ўйлаган мўғул тақрор ҳамлага жазм этолмади. Вассал ҳудудни ўзига иродат килган ўғлининг толе тақдиридаги “оламни безовчи сарварлик нишони”ни пайқаган, соҳибқирон Басрадан Ҳузистонгача бўлган ерларни унга инъом килди. Олий даражотли Султон эрта, тақдири ажал туфайли Румга лашкар тортаётганида, Ҳузистон қальясини забт этиши пайтида жангда ҳалок бўлди. Соҳибқирон магфиратли шахзоданинг нуфузли фарзандлари, суюкли набиралари Искандар Мирзо ва Рустам Мирзоларга кўп эҳтиромлар кўрсатди. Бу икки шаҳзода Ҳуросондаги суюргол вилоятларда Султон Шоҳруҳ Мирзонинг ҳукмронлигига норозисидан исён кўтардилар ва тенгсиз жангда ҳалок бўлдилар. Оға-инилари қасдини олиш ниятида Султон Баҳодир Бойқаро Мирзо амакисига уруш эълон килди. Лекин шаҳзоданинг амиirlари таҳликали вазиятда хоинлик йўлини тутиб, жанг майдонини ташлаб, кочдилар.

Яккаланиб қолган Султон Бойқаро Мирзо талвасада хилват дашт орқали Каж ва Макронга қараб кочди. Бир муддат Фур ва Гармисир тогларидағи овлоқ кишликларда жон саклабгина қолмай, кайта кўшин тўплаб, амакисига қарши юриш килди. Бироқ ёлланма кўшин билан бирор натижага эришиш мушкуллигини англаб Султон Шоҳруҳ Мирзо хузурига бош этиб келишга мажбур бўлди.

* * *

– Жиянининг иқтидорлигидин хабардор Султон Абулқосим Бобур Баҳодир Бойқарони Самарқандга юбориб, Султон Улуғбек Мирзо салтанатида аржу мандлиғ топмоклигига умид килди. Аммо...

Абдураззок Самарқандийнинг хикоясини кунт-ла тинглаётган, Жомий:

– Турли сафсалаларга асло ионномасмен. Фазлу қарамли, олим ҳукмдорга бундай қабиҳлик душвордор, – дея босиқлик билан эътиroz билдири.

– Бу гапларга ишонишни ишонмасликни ҳам билмай қоларкансан, киши.

– Ҳақ гапни айтингиз.

– Ҳар на бўлғонда Баҳодир Бойқаро Мирзо вафотининг тавсилоти ҳануз номаълум.

– Буни қарангки, Ҳусайн Мирзони кисмати ҳудди катта бобосиники каби.

– Тақдир қальясини бир тадбир била забт этмоғлиқ Бойқароларга хос хислатдур. Бироқ Ҳусайн Мирзо кўп фазилати бисёр, такаллуп била максадга эришмокка мойил.

– Таассуфки, раият кўнгли, инчун юрт ободлиги истагида киши юрт сўрамоқ сиёсатини ихтиёр этса, анинг хузурида пири комил раҳбар бўлмоғи даркор. Ҳусайн Мирzonинг ноқислиғи шунда.

– Дашткезар шаҳзода қандайин пири муршид кошида қойим бўлсин!?

– Қалб эзгуликка, авом тақдирига мушфик бўлса, бу мушкулот албатта ечилур.

Элчилик мақомида жаҳон кезган биродарининг бу гапи Жомийга мъяқул тушди: – Қалб амри вужуд учун вожиб!

Панада, сухбатта яширинча қулоқ тутган Алишер Абдураззок Самарқандийнинг фазилатлари чиндан ҳам эътиборга лойиқлигини яна бир бор Англади.

Султон Шоҳруҳ Мирзо каби Мовароуннаҳр ҳам Ҳуросон бирдек ҳукми остида бўлган Султон Абусаид Мирзо Абдураззок Самарқандийни ўз ваколатида, доруссалтанада колдирди. Сарой аъёнларининг ҳурмати ва иззатида бўлишини таъминлади.

Балх ва Бадахшон вилоятларига килинган юриш, бу урушда жонбозлиги боис лашкарбошилик мансабига эришган Амир Аҳмадиёрнинг кутилмаганда бош вазирик лавозимиға тайинланиши аъёнларининг киши билмас норозилигига

сабаб бўлди. Абдураззок Самарқандий давлат машваратларидан ўзини четга торта бошлади. Девон ишларидан кўнгли бутунлай совиди. Нафс ва хирс бадҳавоси билан тўлган сарой покизалигини субҳи сабо каби мусаффо бир восита поклай олишини тушуниб етган кекса дабир дўстининг олдига маслаҳат учун келган ва Алишернинг дарагини суриштирмоқликни дилига тутиб кўйганди. Бунинг фурсати келганини сезди:

– Ҳа, айтмоқчи, Навоий исмлиғ туристеъдоддан бирор хабар борму? Факир оғиятини ўғирлағон бир истак сабаб шу йигит фикру зикримдан нари кетмаяпти.

– Ажаб?! – деда ҳайрон бўлиб сўради Жомий.

Самарқандий гапни узоқдан бошлади:

– Хоқони сайд тилидан заҳар, илкidan кон томғувчи вазири аъзамнинг илкига тобе бўлиб колғони сир эмас. Эл бошидаги favғо ҳам мана шунда.

– Нафсиамри ҳам аслида шундай. – Абдураззок Самарқандий бу Жомийнинг эътироғини бош силкиб маъқуллadi ва сўзида давом этди: – Ҳукмдор қиличлари кон кумсайдурган сипоҳлар норизо, назаримда. Ўзга юртларни тизгинламоқ, хонавайрон қилмоқ иштиёқинда ёнадурлар. Бузғунчиликлар пайини аслида саройдан излаш лозим.

– Авомни аҳволи ночор, ҳарб ҳақинда қандайин мушоҳада юритмок мумкин??!

– Айрим солиқчилар аскарлар учун солик йигадурлар.

– Несини айтадурсиз??

– Фитна-фасод олий мақомига етғон, – деда Самарқандий куюқ, ок оралаган кошлари соя соглан кўзларини бир нуктага тикканча жимиб қолди. Кўнглида не мулоҳаза, ўй ўтаётганини, изтиробни ҳис килиш мушкул эмас эди. Кекса дабир умид билан сўзлади: – Алалхусус, бир покдамон қоралаган мактуб Ҳусайн Мирзога етиб боргундек эса ўргатдаги зиддият шояд барҳам топса.

Жомий сухбатдошига шубҳа билан қаратди:

– Мактуб. Покдамон мактуби??!

– Ҳа, – деди Самарқандий бироз иккиланиб. Сўнг саройда зоҳиран кўтарилган шарм пардаси ортидаги воқеаларни сўзлай бошлади: – Туркман элидан ҳарамга келтирилган, номуссизлик юкини кўтаролмай, жонига касд қилғон бекача ҳакида эшитганингиз.

– Ҳусайн Мирзонинг волидаи маҳтарамаси Фирузабегим паноҳидаги бекача хусусинда сўз борур, чамамда??!

– Ҳа, Ҳадичабегим, – деди Самарқандий мийигида кулди. – Ажаб окила, бокира киз.

– Хотирим панд бермаса, Ҳусайн Мирзони канизакка муносабати ва майлини илғаган Гавҳаршодбегим иккисининг бошини “кулоқ қертки” или боғлаб кўйганди, чоғи??!

Янгилик Алишернинг хиссиётини жўштириб юборди.

“Наҳот Ҳадичабегим Ҳусайн Мирзога садоқатини пок саклағон эса. Во дариг, дўстимиз ишқда толеи баланд кўринадур”.

Ҳиротнинг олди зиёлилари сухбатига иштиёқ билан кулок тутди.

– Ҳадичабегимнинг кўнгли шаҳзодага вобасталигини Бойқаро сиёсат юзасидан Султон Санжарнинг кизига уйлангани хабари келганида пайқаган эдим, – деда босиклик билан сўзида давом этди Самарқандий. – Ўша кезлари канизак минг бир хижолат билан хузуримга келиб, “Устоз, гуноҳкор қизни афв этинг. Бир мактуб коралаб эрдим. Англармен, номакбул тадбир. Локин, беиложмен”, деб қолди. Мактуб кимга йўллангани қайд этилмаган, локин у айнан Ҳусайн Мирзога битилганини фаҳмладим.

– Ажаб? – деда кизиксинди Жомий.

– Мактубдаги нусратнишон ибораси бунга далолат эрканига фаҳмим етди, – деди Самарқандий бироз ўйланиб, дўстининг нигоҳидаги савол аломатини пайқаб, изоҳ

беришга тутинди. – Султон Абулкосим Бобур Ҳусайн Мирзога шундай киёс берғони ёдимға солмиши. Алалхусус, канизак мактубида шахзодадан құвғинликда юришдан воз кечиб, хон ҳазратлар мұлозаматларига койим бўлмоғини ўтинганидур.

– Салтанат хуфияларининг шахзодани маҳв этмок тадбири бўлса-чи, бу иш? – дед хавотирланиб сўради, Жомий.

– Бундай фикрдан бутунлай йирокмен. Хуфиялар иши эрса, канизак хузуримга келишдан сакланарди. – Самарқандий саволга ўринли жавоб берганига ишонч ҳосил қилиб, сўзида давом этди. – Ҳеч вакт ўтмай, канизак Бойкародан мактуб олганини маълум килди. Номани мутолаа кылғач, англадимки, зулматни ёритишга қодир тафаккур шами адолат осмонига кўтарилаётганини англаб етдим. Шахзода жавоб мактубида Султон Абусаид Мирзога сира гина-кудурати йўклигини билдириб, Шоҳруҳ Мирзо набираси Иброҳим Мирзога насиҳатидан иттилоҳ қилибдур. Яъниким, ситам етган бандани дуойи бадидан ҳайикмоғлиғ, ҳайру саховат коидалари эзгуликка йўналтироқ ҳам Оллоҳнинг тенгсиз бир неъмати эрур.

– Шундай, – дед Жомий ҳеч бир иштибоҳсиз уни тасдиқлади. – Ҳадиси шарифда ҳам “мазлум банданинг дуойи бадидан сақлан” деб бежиз таъкидланмаган.

– Англашимча, Ҳусайн Мирзо мамлакат маҳкама, идорасида ҳуроғий сиёсат тувишни ғоғишликка йўядур.

– Инчунин, ахли рухоният ва амалдорлар ўзларини аркони давлатнинг устуни деб билурлар. Аслида ислом маърифат ва тафаккур, камолот, фазлу саховат демакдур.

– Салтанат илм, ахли дониши билан обод. Шамсиз шабистон, зиёсиз умр бухрон.

– Ўзларини салтанатни устуни, деб билгувчилар фазл мезонидан йироклар.

Жомий бир зум тин олгач, надомат билан деди:

– Залолат, жаҳолатлиғларни адиму адил билан яширишга урунадурлар.

– Ҳусайн Мирзо ўз номасида Алишербекка кавну шам дея таъриф бермиш. У ўз айтар сўзи бўлиши истайдур. Шахзода бобоси каби тўргт тамойил кўмагида юртни фитна-фасоддан авом бошига ёғилаётган солиқлардан халос этмак иштиёқида мустакимдур.

– Фалакни тўргт кайвони, салтанат кўшкенинг тўргт устуни каби ҳукмдор тўргт тамойил, таянчга итоатда бўлмоғи даркор.

– Бундан ортиқ аржумандлиғ бўлмас. Илло, айнан сиз таъкидлаган тўргт тамойил – адолат, маърифат, саховат ва ақл-идрок салтанат устунидур.

– Сиз яна бир утворликни эътиборга олингиз.

– Айтингиз.

– Бу билвосита мавқеингизга боғлик ҳодисадир.

– Бизнинг мавқеимизга муболага килурсиз.

– Асло. Ҳукмдор хузурида назмул-мулк, тийрак, сергак нигоҳ, покиза фикрга ундовчи зиё ва тафаккуриғ инсон бўлмоғи зарур. Бу хислат ҳар кишида мужассам бўлса эди.

– Сиз дабирлиғ нуфузи ҳусусинда сўз айтурсиз.

– Шундай.

– Саройдаги мартаба ва мансаб бадмастилиғидаги нотавонлар кўнглини назм била огоҳликка, эътиқодга ундаш осон юмуш деб ўйлайдурмусиз?!

– Дабирнинг фасоҳати ҳам шунда эмасму? Темурйизода бобокалони Амир Темур ҳазратлари каби ихтисос этмакликин фарзоналиғ деб билур.

– Адолатли жаҳонгир учун ғолиблиқ шамшири камлиғ қилмасму?

– Оқил ва доно кишилар учун одиллик кифоя дегандек.

– Ҳусайн Мирзо Алишернинг фазилатидаги бекиёс одилликка ургу берадур.

– Алҳамдулиллоҳ, аслида ҳам шундай.

Жомий чехрасига улуғлик ва файз бағишилаган оқ соқолини бармоклари билан тарааркан, хиёл жилмайди:

– Султон Абулкосим Мирзо ҳазратлари тарбиятларида бўлғон бу икки жувон баҳтнинг бирига сайди акбар, бирига шами анбар таърифин берилган, аларга алоҳидан меҳр кўйгандилар. Бирига адолат шамшири, бирига тафаккур шами дея таъриф берган ва бирига олтин шамшири, бирига тилла қаламдан тухфа этғондилар.

Самарқандий эхтиросли воқеаларни эслади шекили, юзи нурланди.

– Доруламон замонлар, Хирот маърифат сарчашмасига муносаб даврлар эди.

– Алҳақ, – деди Жомий оғир хўрсениб. – Адолат шамшири дарбадарликда. Тафаккур шами тийралиғда.

– Салтанатта тафаккурнинг ўткир шамширию шами мунийр зарур.

– Икки азамат Хуросонни аввалги камолотига етказмоғига инонурмен.

Алишер ўзи, дўсти ҳакидаги тавсифдан энтикиб кетди. Қариялар истиқболига чикмасликни номақбул деб билди.

– Фарид кўнгулларнинг ёруттувчи тафаккур шами ҳузурингизда.

Буги кўтарилиб турган пиёлани эндингина лабига олиб борган ҳам эдик, Самарқандий қалкиниб кетди. Жомий эса овоз келган томонга ялт аҳволда карахт турив колди.

Айвон бўсағасида жилмайиб турган Алишерга узоқ термилди ва беихтиёр, энтикиш билан ўрнидан туриб унга кучогини очди.

– Алишер.

Интиклик билан кутган нарсасига эришган кишидек эпчил Алишерга пешвоз чиқди. Бағрига узоқ босди. Киприкларида ёш томчилари кўринди.

– Алишер, иним.

– Таксир, омонликму?! – Нафасини ростлаб олган Самарқандий Алишернинг елкасидан кучди.

Икки манзара: ўз уйининг остонасидан кувғин қилиниши ва икки фозил инсон уни кучок очиб кутиб олиши йигитнинг хўрлиги кўзғади. Чархи фалакнинг ҳам қаҳри, ҳам меҳридан куюқ ва узун киприкларига ёш сизди.

Кекса, дунё кўрган дабир Алишернинг аҳволини юзидан, кайфиятидан сезиб, мутойиба билан таскин беришга уринди ва мулойим жилмайди:

– Шами равшан ёнмасдан бурун ашки фишин кўрсатурму?

Алишер кўзёшлирини яшириш ниятида бошини Самарқандийнинг елкасига кўйди. Унинг сабр косаси тўлган, ўзини йигидан базўр тийди: – Узр, таксир, – деди маъсум овозда.

– Баъзизда фоний дунё синовларини кўзёшлири билан енгишга мажбурмиз. Илло, ашқ қалб ойнасини равшан килади, дейдилар, – деди Самарқандий унинг елкасини силаб. – Алишер, дийдаси тошдек котган заҳарли кўзлардан кўркмоқ жоиз.

Йигитнинг чехрасидан ёғилаётган зариф ва зарофатли табассум Самарқандий кўнглида ажаб сурур уйготди:

– Алишербек, дийдорингизга муштоклигим билсангиз эди. Ҳали замон тўғрингизда сухбатлашиб эдик, – деди у меҳр билан. – Гумроҳ бандалармиз, Оллоҳнинг ўзи ёрлакасин.

Дабир – девон котиби. Девон – хат-хужжат ишлари амалга ошириладиган давлатнинг бош маҳкамаси.

Кутилмаган ташрифдан шошилиб қолган Жомий ичкари ҳовли томон ўтирилди:

– Кўркибой, ҳой ким бор?

Ҳовли этагидаги уй дарчасидан кузакнинг аччик изгириинига чикишни истамаган ўсмирнинг эринчак овози эшитилди.

– Лаббай. Ҳозир.

– Меҳмон келди, болам. Айтинг, таомга ҳозирлик қилсинглар.

Алишерни қаерга ўтказишни билолмай, шошиб қолган Жомий йигитлик гайрати билан сандал устидаги дастурхон вазифасини бажартувчи мис баркаш четидаги туршак, ёнғоқ ва жийда данакларини ликопчага йиғиширишга тутинди.

Танча теграсидаги кўрпачаларни тартибга келтирган бўлди. Жомийнинг табиатига хос бўлмаган бундай саъи ҳаракатдан Алишер нокулаи ахволга тушиб қолди. Мезбонн ортиқча истихолага кўймаслик учун, унинг қистовидан сўнг устунига таянган ҳолида тагчармли кигиз этигини ечди. Айвонга чиқди:

- Сизни ташвишга кўйдим, шекилли.
- Мехмонга илтифот кўрсатмаклик мезбонга фарз.
- Мехмон, – дея тақорларкан, Алишер овоз келган томонга ўтирилди. “Бу дунёда ҳаммамиз меҳмонмиз!” демокчи бўлиб ёнига ўтирилди. Қаршисида елкасига узун, бўз сочиқ ташлаб олган, бир кўлида обдаста, иккинчисида кенг, кўш гардишли обрез тутган хушсурат ўсмир турарди.

Жомий ўсмирнинг кўлидагини олишга ҳозирланди. У эса имо-ишора билан, “ўзим” дегандек эътироz билдири. Жомий ўтгадаги хижолатпазликни кўтариш ниятида ўсмири танишитирди:

- Алишербек, кенжамиз, Кўркибой.
- Узр, сизни ҳам уринтириб кўйдим, – деди Алишер бироз ўнғайсизланиб. Кўркибой Алишер юз-кўлини ювишга сув тутаркан:

Хечкиси йўқ меҳмон, – деди ва қолпоги четидан енгил буғ кўтарилиб турган обдастадан сув қуийшга чоғланди. Бундай илтифотдан Алишер воз кеча олмади. Кафтлари, юзларига ингтан илик сув вужудига роҳат бағишилаб, узоқ йўл ғуборни кўтаргандек бўлди. Алишер сочиқка юз-кўлини артаркан, йигитчага астойдил минатдорчилик билдири.

Сандалнинг иссик тафти узок йўл заҳматини олди. Алишер икки кураги остида, эзгилаб, оғриқ бераётган алам ва изтиробни унутишга, бир муддат бўлса-да кадрдонлари даврасида ўзини хотиржам сезишга урунди.

- Сўрашишдан кейин Самарқандий Сайид Ҳасан Ардашер ҳакида сўради:
- Аржуマンд Ардашер биродаримизни ахволлари қандай, соғ-омонмилар? Шерлар билан мулоқотни қанда қилмаяптиларму?

Унга ота ўрнида оталик қилган, меҳр билан тарбия кўргазган инсон ҳакида бу тариқа ҳол сўрашиш Алишерга эриш туюлса-да, кайфияти кўтарилиди. Ҳакиқатдан ҳам салтанат пойида бир умр күшчилик, мирохурлик қилган бу инсонни кўрган киши девона деб ўйлани табиий. Лекин ажойиб, саховати кенг, фазилати олам, зукю ва меҳрибон Ардашерга берилган аниқ-тиниқ тафсивдан Алишернинг кўнгли кўтарилиди.

– Шукур, омонлар. Надомат бўлгайким, валинеъматимиз билан хайр-маъзурлаша олмадик. Зарур юмуш билан қалъадан чикиб эрдилар. Аларнинг кайтишларини кутишга сабирим етмади. Ҳирот сафари факирни тамом фаромуш қилғанди...

Суҳбат мавзуси Ҳусайн Мирзога кўчганида Алишер дилида оғриниш сезди. Ардашер боғида эшитгани, “Бойқаро тахтини эгаллади” деган хушхабардан куш мисол Ҳирийга отлангани, ота ховлиси остонасидағи нохуш воқеалар хаёл ойнасидан бир-бир ўтди. Қалбига яна изтироб ниш санча бошлади:

- Қандай баҳти қаролиғ? Қачон барҳам топур бу кўргилик?! – деди маъюсланиб.
- Ўзи мушкул ахволга тушиб қолғанлигига қарамай дўстидан ташвиш қилиши Жомийни ҳам, Самарқандийни ҳам бирдек жунбушга келтириди. Иккиси бир-бириларига маъноли термулишди, лекин индашмади.

Сукунатни Алишернинг синик овози бузди:

- Дўстимизнинг ахволи не кечди экан?

– Алҳак, Ҳусайн Мирзо тадбири мункир туфайли такаллуфга дучор бўлмиш. Мақому хилвати ҳам мавҳум, – дея ҳамдардлик билан гап бошлаган Жомий биродарига илҳақ тикилди. – Сарой маҳкамаси паству баландидан яхши хабардор Абдураззок дўстимиз айтсин.

Зиёли, сарой аъёни оиласида таваллуд топган, ўсмирлик чоғидаёқ маҳкамама сиру синоатларидан хабардор Абдураззок ибн Исҳоқ Самарқандий араб тилига кунт

қилди. Ҳатто, араб тилига оид “Рисолаи Азудия”³¹ мўъжаз рисола ёзишга, хукмдор Султон Шохруҳ Мирзо назарига тушишга ҳам улгурди. Бу иқтидорли йигитни ўзи билан бирга Ҳиротга олиб келди. Фузалолар иштирокидаги катта машваратда у имтиҳондан ўтди.

Иқтидор сира завол топмайди, деганларидек, тезда эътибор топди. Унинг Хинд элига элчи этиб юборилиши айрим амалдорларга эриш туюлди. Икки йиллик сафар унда сайёҳлик ва тарихнағислика иштиёқ үйғотди. Тиришқоқлиги, заковати туфайли саройда обрўйи ортди. Шохруҳ Мирзо вафотидан сўнг Ҳурросон таҳтини эгаллаган Султон Абулқосим Бобур Мирзо ҳам сира иккиланмай уни бош дабир лавозимида колдирди. Мовароуннаҳрда хукмронлик қилиб турған Султон Абусаид Мирзо билан Султон Абулқосим Бобур Мирзо ўртасида вужудга келган ихтилоғни бартараф этиш мақсадида сиёсат минбарига Адбураззок Самарқандий чиқди. У зудликда Самарқандга бориб, отасининг якин қадррони – Ҳожа Убайдуллоҳга вазиятни ўз билганича тушунтириди. Биродаркушлик фалокатидан икки юртни сақлаб колди. Охир-оқибат, Султон Абусаид Мирзони Самарқандда вассал қилиб колдиргач, Абулқосим Бобур Мирзо Ҳиротга хотиржам кайтди.

Самарқанд яқинидаги юз бериши мукаррар мағлубиятни бартараф этишда жонбозлик кўрсатган дабирнинг зеҳни ва тиришқоқлиги Султон Абусаид Мирзога ҳам маъқул тушди. Тўғрироғи, темурийзодаларга хос бўлган ориятли йўлни тутди.

Сарой “сижжилотидан”³² яхши хабардор Жомий бош дабирнинг ана шу хислатларини эътироф этганигини Алишер ҳеч бир изоҳсиз англади. Ва Самарқандийнинг ёшига муносаб вазмин муомаласига кулоқ тутди.

– Амиру бекларнинг қай макру алдовларини айтай, – дея чукур хўрсинди Самарқандий. Қаддини бироз ростлаган бўлди. Бир бурчакка термилганча жимиб қолди. Сониялик сукунти Жомий томоқ кириш билан бузди. Самарқандий сергак тортиди. Чор-атроғга хавотир билан кўз югуртириб олгач, сўзидә давом этди. – Амир Аҳмадиёр бош вазирликка тайинланди-ю, салтанатдан файз кетди. Саройдаги парокандаликнинг асл илдизи Ҳусайн Мирzonинг яхши ният била пойтахта жаҳд килиши, маълум муддат маҳв ани этиши ижобатида.

Самарқандийнинг дилидаги надомат кўз бокишларидан яққол сезилди:

– Ҳусайн Мирзо амирлари била шундай шартлашибурким, забт этилган вилоятнинг олтидан тўрт кисмига Мирзо даъвогарлик килур. Бу ажаб вокелик, кайси хукмдор фикри бузук аёёнларнинг нағси ҳалал отмоғига аввалдан имкон берур. Мундоқ келишув оға-ини ўртасига favғо соладур. – Элликни коралаган, айни камолотта етишган бош дабир мана шу бир лахзалик тин олиши баҳонасида мозий воқеаларини хотиридан ўтказди: – Ҳусайн Бойқаро акли бир тадбир била, ҳеч бир гириҳсиз, хунрезликсиз Ҳирот қальласини камал этди. Локин садоқатли кишиларини сўзларини рад этди. Адашди. Ҳеч бир кўриқчисиз, ҳаммомда таҳорат олмоқ истагига бўлди. Ёғийлар тузогига тушиб қолиш хавфини кеч англади. Бирок шердек ҳамла бирла юз чоғли навкарни енгиб, ўлим оғатидан жон сакламиш. Мухтасар шулким, Ҳусайн Мирzonинг шиҷоати ва жасорати тақсинга лойик. Анинг юрт сўрамоқ истагига елкадош ахли биниш ва дониш бўлмади. Авомни күшойиши завол топди. Дунё ишларига хирс қўйган, охират амалларига эса этак силкиған бойғизилардан³³, хуллас, салтанат юмушидан зериқдим. Машҳад тарафдудидан ғоғил ва бепарво қолмаслик иштиёқида бўлурлар. Каминани ҳам бу илинж ташвишга соладур. Девон пирхонадур. Бу маскан покиза ниятлар ошёни бўлмоғи лозим.

³¹ “Рисолаи Азудия” – айнан: Завқли воқеалар ҳакида рисола.

³² Сижжилот – девон, козихонада бериладиган васика, хукм ёзиладиган маҳсус дафтар.

³³ Бойғизи – мақтансочқ, ҳовлиқма.

— Ҳақ гап, — деде уни тасдиклади Жомий.

— Кўзим очиқлигига, куч-куватим панд бермасидан аввал қойим ноибга этисаму, сиёсат риёлигидан чекинсан.

Сўзлар тавсифи, воқеалар таҳлилидан ҳайратланган Алишер Самарқандийдан:

— Бу воқеалар ажаб бир тарих. Китобат этмакка молик таворих³⁴ — деде сўрашга ўзида ирода топа олди. Жомий билан Самарқандий маънодор кўз уриштириб олдилар.

Ўзаро сұхбатлар чоғида Жомий биродарига бу борада кўп маслаҳатни берганди. Ҳатто, ёзилажак асарнинг мундарижини чамалаб ҳам улгургандилар. Бу тақлиф Алишердан ҳам чикишини у кутмаган эди. “Демак, бундай китобга эҳтиёж бор”, кўнглидан ўтди Самарқандийнинг.

— Арузий Самарқандий, Али Яздий жанобларидек муаррихликка³⁵ бизга йўл бўлсин.

Икки биродарнинг маънодор кўз уриштириб олишларига³⁶ эътибор бермаган Алишер сўзизда давом этди:

— Ундаи айтманг. Темурийзодалар тақдири-ю тарихини сиздек билгувчи киши саройда йўқ. Хат-хўжатлар ихтиёргингизда, — деди Алишер.

— Жуда маъқул гап, — деди Жомий дўстига мамнун жилмайиб. — Ҳаловатингизни ўғирлаган азму ниятингиз кушой топганидан мамнунмен.

— Локин, — деде Самарқандий бир зум жимиб қолди.

— Бир баҳона билан эътиroz билдиришга урунманг, — деди Жомий хиёл жилмайиб. — Иктидор асло панд бермас.

— Факирнинг иктидорига ортиқча баҳо бериб юбормадингизму? — деди Самарқандий камсукумлик билан.

— Бу тадбири ҳал этмакка бизда акл ва тафаккур етармикин? Алқисса, аларни руҳини ранжитиб кўюрмэнму, деғон хавотир ҳам йўқ эмас.

— Эзгуликни наинки руҳлар, фаришталар ҳам қўллагай, — деди биродарини қўллагувчи оҳангда Жомий.

— Ишпоolloҳ.

— Девон салтанат тарихини мужассам этгувчи хос маскан эмасму? — деде Алишер таажжуб билан сўради.

— Нафсиларам... — деде Самарқандий унга эътиroz эътироф этиб. — Бу ишға биргина ният камлиқ қилур, ёшлиқ шиҷоати зарурмикин, деғон мuloҳазадамен.

— Камтарињликнинг ҳам меъёри бор, — деди хиёл жиддийлик билан Жомий. — Алқисса, бу юмушни сиздин бўлак ҳеч ким амалга ошира билмас.

— Бу вазифани юзага чикармоғи учун Алишербекдек шогирди молик лозим.

— Нечук шогирдингиз Давлатшоҳ химматини рад этурсиз? — деде сўради Жомий.

— Давлатшоҳ зукко йигит, лек харбга майли кучлиг...

— Нахот, Давлатшоҳ илмдан воз кечган эса?! — деде ўқинч билан сўради Алишер.

— Алишербек, мабодо он ҳазратлари гина-кударатларни унугиб, амру фармон берсалар, саройда, ёнимда, котиб бўлишга майлингиз борму?

Бироқ унинг сўрови жавобсиз қолди.

Унинг ниятини англаган Жомий хавотирланиб:

— Бу бошни ихтиёран кундага кўймокку, таксир? — деди қатъий оҳангда.

Самарқандий биродари бежиз ташвишлангаётганини фаҳмлади ва Алишерга ихлос билан бокқан кўйи ўйчан сўз бошлади:

— Таксир, дилгириликка асло ўрин йўқ. Куни кеча хоқон мулокотида бўлдим. Ҳусайн Мирзо хусусинда, қолаверса, Алишербек шаънига илик гаплар айтилди.

³⁴ Таворих — тарихий воқеалар.

³⁵ Муаррих — тарихчи.

Онхазратлари бош вазир изндан қутулмокка мұхтож. Назаримда, саройда истроҳотлар эпкни эсадур.

— Ҳар ерда саҳв ва хатое воқе бўлмиш бўлса, эътиroz била ўтмагайлар ва ислоҳ калами била тузатгайлар, йўқса... – деди Алишер маҳзун оҳангда

Абдураззок Самарқандий Алишернинг сўзларида иштибохини англаган ҳолда жавоб қилди:

– Йўқса, инингиз Дарвешали сипоҳсардор макомида Бадахшонга юборилурму эрди? Тоғайингиз Мухаммад Али минг чоғли лашкарга сипоҳбардорлик қилурмуди?

– Воллоҳи аълам, – деди Жомий таажжубда – бу макр гўшанишинига³⁶ ўралган хйла эмасмукин? Ҳоқони Сайд мулозаматда бир бор бўлибон, ҳонумони куйгони каммиди Мухаммад Алининг? Наҳот, яна...

– Кечаги машваратда хон ҳазратлари Ҳусайн Мирзога шаънига максуди ажрга лойиқ сўз айтдилар.

– Мақсуди ажр?! – деда сўради Жомий ажабланиб.

– Ташмага мойил истакда Ҳусайн Мирзони Алишернинг илки била илинтирилган ниятида эрмасмукинлар? Шаҳзода тийраклиги ва азamatлиги туфайли омон колди. Акс ҳолда, не фалокат рўй бериши ёлғиз Оллоҳга аён.

– Таъкидингиз ўринли, аркони давлат расвогарчиликлари, фитнаю фасоддан зериккан, бокий дунё мағфириати талабида факирнинг таассуф била бедодликдан чекинишига шубҳангиз борми? – деда сўради Самарқандий астойдил куйинчаклик билан.

– Ҳоқони Сайд Бош вазир изнiga хуфия кўйилғонлиги бунга далолат бўлмасму?

– Бу бош вазирнинг ғажир³⁷ сиёсати.

Ҳакгўй, ҳакпарварлиги била амиру аъёнларга, ҳатто Султон Абусайд Мирзога танбех бера олиши салоҳиятига эга Жомийнинг бу таъкиди уни ўйлантириб кўйди:

– Эҳтимол. Киши йўсунинг бокиб, анинг азму фазл-саҳоватга шубҳа қилмоқлик ножоиз. Майлда сабит колурмен. Монелик қилмасангиз, он ҳазратларига Алишербек ҳусусида сўз очурмен. Шояд, ёшлиқнинг нафис шабадаларидан, покиза эпкинларидан саройнинг бузук ҳавоси саҳиҳ тортса.

Икки нуроний қариянинг самимий баҳсу сұхбатидан завқ олган Алишерни чехрасида сўнгти икки ҳафта ичи илк бор табассум пайдо бўлди.

– Хон ҳазратларини инжитмайлиғ. Турбатни шами тироз нури била ёритмоклик зарур эса, нечун бу таклифдан воз чекмок керак?! – деди Алишер астойдил.

Ийитнинг бегуборлигидан завқланган Самарқандий кўлинин дуога очди:

– Оллоҳим умрингизга, ризкингизга файз-барака берсин. Факирга икки саодат кавқаб авжи салтанати, инчунин икки бебаҳо хазиналар уммони кўшилиши таворихга бадиҳадек мұхрламоги насиб бўлсин, омин!

– Матлаи саъдайн ва мажмаи баҳрайн³⁸ – деди Алишер табассум билан. У бир муддат илгариги, кўнглидаги андармон андухни унутгандек эди.

Жомий тушунмагандек Самарқандийга ғалати қаради, Алишерга саволли назарини ташлади:

– Саъдайн ахтар³⁹ соҳибқиронайнга ишорат қиладурсиз. Соҳибқирон аъзамлиги Оллоҳга хосдир. Тарихини Али Яздийдек рисола битмоғлиғ бизга душвор.

– Таксир Ҳусайн Бойкаро тағсирини қилурлар, чоғи.

Алишернинг бокишидаги ёлқинликни илғаган Жомий таажжубланди. Гўё уни калака қилаяптилармикин, деган хаёлга борди:

– Кутлуг юлдуз остида туғилган соҳибқиронайн адолатни ғубордан фориғ этмак

³⁶ Макр гўшанишин – хилватда макрни режалаштирувчи киши.

³⁷ Ғажир сиёсат – (юртга) азоб етказувчи, кийинчилик келтирувчи сиёсат.

³⁸ Матлаи саъдайн ва мажмаи баҳрайн – бу машҳур асари Алишер Навоий таклифи билан ёзилган.

³⁹ Саъдайн ахтар – иккинчи, кутлуг, баҳт юлдзузи.

арафасида, – дея кўнглидагини дангал айтиб юборганидан Самарқандий дарвоза ва боғ тарафга хавотирда қараб кўйди.

Бобоси Амир Темур каби кирон буржида туғилган шаҳзода Ҳусайн Мирзони назарда туттан Самарқандийга мийигида кулиб қўяркан, Жомий:

– Соҳибқиронайн ва баҳрайн⁴⁰, – деди эҳтирос билан.

– Икки юрт ваҳдатига ваколатли бўлмиш саодатманд шаҳзоданинг толе баланд бўлгай.

Ҳаминқадар маҳзун кайфиятда бошланиб, кўтаринкилик билан якун топган сухбат адоғида Самарқандий “кеч бўлиб колгани” важи билан қайтишга изн сўради.

Мехмонни кузатгач, зарурат юмушларни бажариб, пешайвонга қайтган Жомий сандал теграсида, тия жуни қопланган кўрпага бурканганча пинакка кетган Алишернинг оромини бузишни истамади. Ичкари хонага жой ҳозирланганини айтмаганига афсусланди. Тахмондан ўзи ёқтирган, енгил, тивит кўрпани олиб, Алишернинг елкасига меҳр билан ташлаб кўйди. Дастурхонни бир теграсини қайириб, мис баркаш билан устини ёпди

МАККОР ТАҚДИР

*Анинг сайри бир давр охир бўла,
Фалакни латойиғдин этгай тўла.
Бирав бўлса бир ишда якка-ёлгиз,
Вале кўрмаса ранжу дард ҳаргиз.
Бўлуб төгдек ҳаққи маошига кон,
Мураббийси анқоға ҳамошибён.
Уйи натовон кўнгли каби бузук,
Бу уй ичра андуху гам озуқ.*

Алишер Навоий,
“Хазойин ул-маоний”. Маснавий.

Сайид Ҳасан Ардашер
номига битилган муншаотдан.

Оlam ва одамлар сийрат-суратини болаларча, энди англай бошлаган мурғак тассавурда алангга оташ остида колган ўтов, кулокларни қоматга келтирувчи гўдаклар доду фарёди умрбод муҳрланиб қолишидан ортиқ даҳшат бўлмаса керак. Бу мудхиҳ манзара, саноқли сонияларда ҳам ота-онасидан, ҳам норасида синглисидан айрилиши қалбида жароҳат ва чандик қолдирди.

Тоғлик қурдларнинг аёвсиз ҳамласидан сўнг тақдирига сагирлик ёзилган болакай қартайган, чопонлик ҳассасига суюниб колган бобоси теграсида пилдираб-пилдираб улгайди. Болалик завқу шавқидан маҳрум, тоғу тошларда, пода ортида шуурини таниди. Факат меҳр ўрнини заҳр, мурувват паймонини адоварат ва қасос эгаллади. Бу дунёда ёлгиз суюнчиғи бўлган бобосининг вафоти кўнгил тийраганини янада куюклаштириди.

Қўлида алмисокдан мерос, бир ярим қулоч таёқ, йилки ортидан “чув-чув” билан кун ўтказа бошлади. Сукунната сингиб кетгандек, лекин аҳён-аҳёнда теваракдан чалингувчи чия бўриларнинг ув-уви, ғажирларнинг кув-куви эътиборини тортар, ўзича алланималарни англашга уринади. Таҳдид солиши аниқ ҳавф-хатарга хезланарди. Ортиқча ҳиссиятга берилганидан ижирғаниб, “козоки” итига сўз котар,

⁴⁰ Соҳибқиронайн ва баҳрайн – Иккинчи соҳибқирон ва мисли икки дарё, икки денгиз. Султон Ҳусайн Байкаро бобокалони Амир Темур каби юз йилда бир бора Марс ва Юпитер сайдерларининг кирон буржида якинлашувида таваллуд топган. Бурж – ернинг куёш атрофида айланиши йиллик, даврий ўнг икки нуктаси.

унинг кулокларини динг қилганча термилиб туришидан зерикарди. Болаларча асабийлашиб дақёнус таёк билан ёвшон ва даштпиёзлар ниш навдаларини чирт-чирт каллакларди. Болакай шу тарика кисматидан, душманларидан ўч оларди, гўё. Фаримирлик амирнинг туман-туман йилқисини боқиб, бобоси каби рўшнолик кўролмаслигини англаб етган ўсмир бу ғурбатдан тезроқ кутилиш чорасини излай бошлаганди. Йилқиларни хайдаб, узок-узоқларга кетиб колишини истар, аммо окибатидан хайикарди. Боши ташвишдан чикмаслигини тушунарди.

Фавқулодда юз берган ҳодиса бутун мушкулотини ҳал қилган бўлиб чиқди...

...Кундузлари қуёш тафтидан яширинишга жой излашга мажбурсан, тунлари эса этни жунжиктирувчи кировли кунлар бошланганд. У йилқини тоғ дарасидаги, изғирин ва сиртлону қоплонлар ҳамласидан асрарувчи уч пахса баробар ҳарсангтошлар билан кўтарилиган, овлуга яқин қишлоғига хайдади. Барча юмушларни тугатгандан кейин, кўрадаги кулни титкилай-титкилай ахирни ўчиб улгурмаган ёнғоқдек чўғ топди. Уни авайлаб, хас-шабба устига кўйди. Томок ва бурунни киравчи, кўзни ачиштирувчи аччик тутун заҳрига чидаб, пуфлаб ўт олдириди. Бўғот остига тахлаб кўйилган майда тарашадан бир кучок келтириб, гулхан ёқди. Гулхан теграсидаги пўстакка ёнбошлигаран кўйи пинакка кетганини сезмай қолди. “Қоплон” лакабли итининг қаттиқ вовиллашидан, зум ўтмай ақиллай-акиллай, ғиншишидан, хуркиган отларнинг бетартиби кишинаши, дупур-дупуридан чўчиб уйғонди. Гуриллаб ёнаётган гарамни кўргани замон, аланга оташидаги ўтов кўз олдида гавдалангандек, эркаку аёлларнинг фарёди, гўдаклар чинкиришлари кулокларини қоматга келтиргандек бўлди. Жон ҳолатда, важоҳат билан: “Маразлар!” дея бакириб юборди.

Ўрнидан сакраб турди. Кўлларини кенг ёйганча бамбук таёқни қаттиқ сикимлади. Ҳам химоя, ҳам ҳамлага шайллангандек оёкларини керди. Олов шульасида ёлинлари йилтираётган, тўрут тарафга зир югураётган отларга термилиган кўйи туриб қолди. Шу вақт қаршисида қора байир эгарида ўтирган, кулоқчинлари елкаларини қоплаган, сувсар телпак, оёкларига кигиз этик кийтан суворий пайдо бўлди. Яланночланган қилич тифида олов аксланиб, ўлим хавфини солди. Ўсмирнинг бутун танаси вахимада, қасос илинжида титрай бошлади. Қароқчи, эрмак топилгандек, қиличини болакайнинг бошида ўйнатарди. Ҳаминкадар қаршилик кўрсатишга, кўлидаги таёқ билан қилич зарбини кайтаришга уринаётган йигитчанинг хатти-харакати завкини жўштиради. Эрмакдан зериккан отлиқ эгардан эпчил, сакраб тушди. Қиличини гилоғига солди. Таёқни икки кафти билан сикимлаган кўйи, хужумга шайлланган чўпон боланинг ёнига келди:

– Саркаш йигит экансен. Испинг нима?

– ...

– Жўжа хўроздек хурпаясен? Мардга ўлим йўқ.

– Исноддан ўлим афзал.

– Мағрурлик мард йигитта ярашади. Овлок ерда бир ўзинг кўркмайсанми?

– Кимдан кўркай?

– Шерикларинг яширинган жойни айтсанг, муруватимга сазовор бўлурсен.

– Бир ўзим, – деди ўсмир рўйихуш бермай.

– Алдама, – деда суворий бирдан жиддий тортди. Башараси кўрқинчли тус олди. –

Ёлғон гапирганларни ёқтирамайдурмен.

– Нега ёлғон айтай? Қисмат.

– Шунча йилқига бир ўзинг карашингта ким ишонур?

– Ион ҳихтиёргиз. Бобом қазосига кўп вақт бўлмади. Амир кўмакчи юборишидин ҳали дарак йўқ.

– Чорва кимники?

– Фаримирлик амирники.

– Аликутлу. Авомни қон қақшатаётган абраҳ.

– Буни сиз ҳам билар экансиз-да?

— У бадбахтни ким ҳам танимайди, дейсан. Демак, хешларингнинг қотилига хизмат қилаётган экансен-да?!

— ...

— Йилқилар бошқа бир амирники бўлганида-чи?!

Ўсмир энсаси қоттандек, мийигида кулиб кўйди. Индамади.

— Нега энсанг қотадур? Сенингча, Мурод Чапроз кўр-кўронга тадбир кўллар эркан-да.

Ўсмир суворийга тумсайиб, лабини буриб қаради. Бу одам ҳакида овулдошларидан кўп ва фақат яхши гаплар эшитган.

— Мурод Чапроз, — деди у алланечук болаларча интиклик, кизикиш билан.

— Шундай болакай. Омон бўл, йўлнинг очик.

— Мени тирик қолдириб, ўлимга рўбарў кильмокчимисиз?!

Ўсмирнинг изтироби саволи суворийни ўйлантириб кўйди. У эгарда ўтирган кўйи тун қоронфисида юлдузлар гардишлай бошлиган адир ўнгирларига, йилқиларни хайдаб кетаётган шерикларининг шарпаларига бир зум қараб кўйди. Гўё тубсиз зинданга тушиб қолган бир бечорага бокқандек ўсмирга юзланди:

— Исмингни айт.

— Ахмад. Бобом Ахмадиёр деб чақиур эрдилар.

— Курд қавмиданмисен?

* * *

Шу тариқа Ахмадиёр Бадахшон тоғларида макон курган, “адолат ўрнатишга азм қилган” Мурод Чапроз бошлиқ қароқчилар тўдасига қўшилиб қолди.

Дашномлардан дийдаси қоттан, лекин борлик, ходисаларни тийракликла илғай оладиган, йилқи, жонзотлар билан тиллаша оладиган, шеригининг ниятини кўз бокишидан укий ололадиган девкор йигитча сардорнинг назарига тушди.

Авом назаридаги: “Адолат учун кўлига килич олган”. Мурод Чапроз бошлиқ қароқчиларининг кирдикорлари фош бўлаётган паллада қатъийлик кўрсатгани боис Ахмадиёр эътибор қозонди.

* * *

Хинд Султони Бобопурнат Султон Улугбек Мирзога ўлпон сифатида Ҳофиз Дехлавий кутубхонасидаги нодир китобатдан иборат нуфузли карвон жўнатади. Бундан хабар топган Абдуллатиф Мирзонинг дилидаги отасига бўлган адоват аниқ намоён бўлади. Самарқанд салтанати томон йўлга чиқкан карвондаги лак-лак зебу зар, тенгиз бойлика эта чиқиши иштиёқи нокис ўғил аклини шошириб кўяди. Карвонни таҳликали тоғли довон сўқмоқлардан ҳос навкарлар билан Кўхистон сарҳадларигача қўриклиш ўрнига Мурод Чапрозга чопар юборади. Карвондаги Ҳофиз Дехлавий кутубхонасига оид нодир китоб ва қўлдёзмаларни ёқиши, дуру гавҳарларни эса шаҳзоданинг хуфияларига топшириш ҳакида фармон беради. Эвазига катта тухфа вайда қиласди. Зимдан иш кўришига ўрганганди Мурод Чапроз карвон аҳлига омонлик инъом этади.

Тоғдаги ҳар қарич сўқмоқ, давон-дарани яхши биладиган Ахмадиёрга кимматбаҳо юкни яшириб кўйиши масъулияти юкланди. Ахмадиёр ўзига синашта бўлган учтўрт йигит кузатувида карвонни кўздан йирок, бехавотир гор якинига олиб келади. Мўъжаз, нақшин сандиқларининг оғзи очилганида барча таассуфда бакрайиб колганди. Олтин-гавҳар эмас, аксинча, зар муковали китобларни кўрган кўзлар киприк қокмай қолди. Оч хирси, нафсини тия олмаган йигитлар тилла излаши билан овора шерикларига мийигида бокаркан, Ахмадиёрнинг нигоҳи бир четда ётган, зарҳал безак берилган кўнқопларга тушди. Юрак ҳапригини базўр енгиб, коплар тепасига келди. Киши билмас, уларни бир-бир тепиб кўрди. Залварли. Қопларнинг ичидаги нима борлигига аҳамият килмай, уларни селда ҳосил бўлган кўламли

хандакка ташлади. Ҳандак устини шоҳ шабба билан ёпаётганида йигитлардан бири унинг харакатини сезиб қолди. “Ҳали сен бизлардан хазина беркитадиган бўлдингми?” дея ялангочланган ҳанжари билан шеригига ташланди. Ҳали бор, йўклиги номаълум дунё, бойлика килган бу ваҳшиёна ружудан Ахмадиёрнинг кони қайнади. Ғазабини идора қилолмади. Уч йигитни осонгина асфаласофилинга жўнатди. Олатасирда нималар рўй берәётганига фаҳми етмай турган яна бир йигит Ахмадиёрнинг ниятини сезиб, унинг ортидан ҳамла қиласди. Ахмадиёр ортидан боши узра кўтарилиган килич зарбга базўр чап бериб улгурди. Бирок ўткир тифи чап юзига чукур жароҳат етказади. Ахмадиёр бироз буқчайган ҳолда оғрикинга сенгишга уринди. Каддини базўр ростлаб, конга тўлган икки кўзини ракибиға қадади. Ҳамлага шайланган иккичи зарбини чапдастлиқ билан қайтарди. Чакконлик билан белидаги қайиш-филофдан ҳанжарини чиқарди. Жон талвасасида ташланган йигитнинг бикинига санчди. Фавкулодда рўй берган воеадан карахт, чукур-чукур нафас олганча харсанг устига ҳолсиз ўтириди. Юрагининг гуп-гуп уриши кулоқларини киёнга келтиради. Нафасини ростлагунча алла-палла вакт ўтганини пайқамади. Ўлимтик исини туйган чия бўриларнинг увилашишидан сергак тортди. Кон саҳраган, ҳатто қотиб ҳам улгурган майда тошу ҳасларга термилиб қолди. Мурдалар устида кўк пашшалар базми бошланганди. Ахмадиёрнинг вужудида аввалги шижиатдан асар ҳам қолмаганди. Вужудини даҳшат чулғаб олганди. У бошини кўтариб, најот куттгандек осмонга тикилиб қолди. Тоғ табиатига хос тўп-тўп булуғлар узра ўлаксахўрлар канот қоқмай, сузарди, гўё. Ўлжасини мавҳ этиш учун қулай пайт пойлай бошлади. Манзара Ахмадиёрнинг кўнглида ваҳима уйғотди. Бу ердан тезроқ кетиши пайига тушди. Оёқларидаги титрокни базўр енгиг, олдингта бир-икки қадам ташлаган ерида бирдан тўхтади. Ортига бир ўтирилиб, яна йўлида давом этмоқчи бўлди-ю, аммо яна изига қайтди. Устидаги кон юки чакмони ва жанг жабдугини ечиб, харсанг устига ташлади. Теваракни айланиб, тадбирига маъкул жой излай бошлади. Тупроғи селда ювилган, кенглиги икки-уч кулич, яrim белидан келадиган ўнгир теграсида бир зум турди. Сўнгра ишга кириши. Мурдаларни чукурликка ташлаб, устидан харсангтошлар тера бошлади...

...Юмушни тутатганида тамом қора терга ботганди. Қуёш ҳам тик жарлик, дара сатҳини, кояларини кизил рангига бўяганча пинакка бош қўярди. У сойликка тушиб, шарқираб оқаётган, муздек сувда юз-кўлини, кон юки кийимини, аслаҳасини ювди. Лекин уст-бошидаги кон догини кетказа олмади.

Тўрт кўн копдаги бекиёс зеби зардан эсанкираб қолди. Идроки панд бермаганидан хурсанд ҳам бўлди...

Юзидаги жароҳатидан ҳамон қон сизаётган Ахмадиёрни Мурод Чапроз ички бир хавотир билан карши олди. Бироқ индамади, ҳеч нарса сўрамади. Чунки, Ахмадиёрнинг бокишиларидаги катъийлик вазифа улддаланганидан далолат беради.

Дехли карвони курбонсиз бўлса-да, талон-торожда валиаҳднинг қўли борлигидан хабар топган Султон Улуғбек Мирзо тоғли Бадаҳшонга кўшин тортди. Отасининг режаси жiddийлигини фаҳмига етган, кирдикорлари фош бўлишидан чўчиган Абдуллатиф Мирзо Мурод Чапроз қароргоҳига сара йигитларидан юборди. Падари бузрукворининг “юзига оёқ” кўйганидан, шарманда бўлишидан кўркиб, карокчиларни бир-бир киличдан ўтказишга, кимматли юкни ишончли жойга яширишга фармон берди. Лоҳур, Пешавор ва Чаганиён карвон йўлларини каттиқ назоратга олди. Қарокчилар ҳар томондан исканжада қолди.

Мурод Чапроз девонасиғат шахзода Абдуллатиф Мирзонинг хийласига учеб, адашганини кеч тушунди. Ҳазина Султон Улуғбек Мирзога кайтарилиган таклирда ҳам омон колмаслигига кўзи етди. Султонул-комил китоблару кўллэзмаларни хар қандай бойлиқдан устун кўйиши у учун сир эмас эди. Жон талвасаси сардор ва яқин йигитларини тун ярмида, бир ўтовга чорлади. Маслаҳат шу бўлдикни, писинимоқдан наф ийк. Жазавага тушган Абдуллатиф Мирзодан омонлик кутиш сароб.

Хожасининг нигоҳларидаги изтиробдан алланималарни илғаган Ахмадиёп:

— Оёқ етмас, овлок жойни билурмен. Ўша горда бир муддат паноҳ топса бўлади, — деди.

Мурод Чапроз гўё унинг дилидаги хавотирни уққандек, ўйламай нетмай сўз котган Ахмадиёрга ялт қаради. Чилвир хонтахта устида, босқинлардан биридан ўлжа, тилла шамдоңда липпиллаб ёнаётган шам акси жилваланаётган кўзида ҳадик ва мавҳумлик жо бўлганди. Айниқса, кечаги олишувдан ёдгорлик, юзидаги жароҳат чандиги қиёфасини янада важоҳатли кўрсатарди.

Нигоҳлардаги тушкунлик ва умидсизликни илғаган Ахмадиёр даврадан бирор маъноли маслаҳат чикмаслигини англаб, сардорнинг руҳсатисиз сўз бошлади:

— Манзилга бехавотир этиб олмок учун гурухларга бўлинмоқ лозиммикин?!

Савол наздида айтилган бу таклифдан Мурод Чапроз бироз жонланди:

— Тоғликларда: “Айрилганни бўри ер!” деган накл бор. Биродарлар тақдиридан ташвишдамен. Локим ўзга чорамиз йўқ, шекилли?!

— Ахир...

Ахмадиёр пойгахда ўтирган, мужмаллик билан эътиroz билдиришга чоғланган шеригининг оғзига урди:

— Ё омонлик, ёки...

Вазият кескинлашишини пайқаган Мурод Чапроз ғайритабиий қўрслик билан муомала қилди.

— Айтилди-ку, гурухларга бўлиниб йўлга чикурмиз.

— Бориладиган манзилга олиб борадиган йўлни ҳамма ҳам билмайди. Қолаверса, озчилик билан ёгий ҳамласига ёлғиз қаршилик кўрсатиш мушкул.

— Ақлилик қилмаясанми?

...Ахмадиёр эътиroz билдириган шеригининг бу гапдан ижирғанди. Аччиқ қиноя аралаш ўқрайиб кўйди. Унинг тазикидан сўнг ҳеч бир киши сўз айтишга ботина олмади. Айни лаҳзада барчанинг инон-ихтиёри сардорнинг изнида эмас, аксинча, Ахмадиёрнинг майлига мойил эканлиги аён бўлди. Ахмадиёр ўзида алланечук кибор ва улуғворлик ҳиссини сезди. Вазият тизгинини кўлга олиш фурсати етганини англаб етди. Тобелик занжиридан халос бўлганидан мамнун, бошқаларни ўз маслагига сола билишидан фууруланди ҳам. Энди ҳукмларини сўzsиз, итоаткорона бажаришга мажбур килган кишига бир поғона юқоридан қарай олади. Сардор таҳликада, бошига тушган ташвишдан эсанкираб қолгани якқол сезиларди. У алангаланаётган шамга термилганча ўтиради. Ахмадиёр йўлбошли, сардор одам оғир ахволда мағзаваланмасдан далил ва шиҷоатли бўлиши лозимлигини тушуниб етди. Ўрнидан даст турди. Сардордан бир оғиз сўз кутди. Мурод Чапроз ҳамон икки ўт орасида қолгандек караҳт эди.

— Вакт ўтмасин. Сардор, ҳозирлик кўрайлил.

Ахмадиёрнинг сўз оҳангидаги катъийлик Чапрозни сергаклантириди.

— Сафар оғир кечади. Бақувват отларни йўлга ҳозирласинлар, — деди у ҳазин ва тушкун қайфиятда. Бу гапга Ахмадиёрнинг ғаши келди.

— Зарурати йўқ. Тоғли дараларда от билан юриш, довон ошиш кийин кечади.

Ахмадиёр атрофидагилар, ҳатто сардор ҳам унинг измига мойилланганидан ич-ичидан завқланди. Одамларга ҳукм юргазишнинг илк нашъасини туди. У одамларни тизгинланган йўргадек йўриғига солиши кўлидан келишига ишонди.

Тиқ дара бўйлаб ҳазина яширилган ғоргача сўzsиз бордилар. Ахмадиёрнинг назарида, ортда келаётганлар унинг изнисиз бир гап айтишга, ҳатто ножӯя бир кадам кўйишга ботина олмаётгандек эди. Ахмадиёр кўнглига туғиб кўйган режасини амалга оширадиган дақикалар яқинлашгани сари юрак уриши тезлашар, сабри дош беролмайдиган даражада эди. Охирги довонга стганларида эшакларга ортилган хуржуналар йўловчиларнинг ёлкаларига кўчди. Тоғли сўкмок йўл бўйлаб юқорилаганлари сари тинкалар куригандан-куриди.

Атрофи тик төг қоялари билан ўралган, бир хафта аввал куюқ ёғиб ўтган, айрим төг ўнгирларини қалин коплаган корнинг шаффоғ ҳавоси эсаётган водийда тұхтадилар. Чошгоҳ күёши танага хуш єқадиган тафтда нур сочарди.

Елкадаги юкпала-партиш ерга улоқтирганча, кимдир ясси харсангта, кимдир хас-хашакка ястанди. Тунги уйқусизлик, узок ва тахликали йүл толиктирган, ғафлат ўз исеканжасига олган эди. Ахмадиёр уйқуни сиғиши ниятида муздек сой сувида юз-күлларини ювди. Сой лабида чүкка ўтирган күйі шерикларини кузата бошлади. Кимдир каттиқ пинакка кетган, яна кимдир уйқуни аранг енгіб, мудраб ўтиради. Сардорга қаради. У одам бүйін баробар ясси тош устида, терс ўғирилган күйін чап ёнбошида, кафтини ёстік килиб ётарди. Уннинг ухлаёттан, ухламаёттанини билиш кийин зиңді. Ахмадиёр аста у томонға юрди. Оёқ остидаги тошлар, хасу хашакларнинг шитирлашы зарра эътибор қылмаёттанидан қаттиқ уйқуда зиңді.

Ахмадиёрнинг күз олдидан гуриллаб ёнаёттан ўтов, одамларнинг доду фарёди, елқасидан күчганча унсиз йиглаёттан бобосининг маъюс чехраси жонланди. “Замона зўрники, томоша кўрники бўлиб қолди, болагинам. Қотиллардан ўч олмасанг асло рози эмасман!” Ҳовурдек кўтарилаёттан қасос хисси кучайғандан кучайди. Худди ўлиқдек ухлаб ётган ҳамроҳларига алланечук нафрат билан қаради. Бир пайтлар уни оиласидан, ватанидан, болалигидан маҳрум килган шулар эмасми? Ризку насибаси ёввойи мевалар, хору зорлик бўлишига сабабчи шулар эмасми?

Эндиғина уч мучалини қаршилаёттан йигит кўнглида бутун дунёни ағдар-тўнтар қилиш, борлиққа ҳукмдорлик килиши хисси түғён уради. Қарокчиларга бош-кош бўлган ўн-ўн беш кишини ўз измига сола билдими, демак ўз ҳукмини ўтказа олишга қурби етади. Қўли беихтиёр камарига танғилган киндаги ҳанжар дастасидан қаттиқ тутди.

Сардор кўкрагига санчилган ҳанжарнинг қайнот тифини сезди, холос. Ярим ўғирилиб ваҳшат билан бокаёттан нигоҳга, чандик башарага бакрайғанды, “кўзи очик” кетди. Сўз айтишга ҷоғланган оғизга метиндеқ кафт урилди.

Қонҳиди Ахмадиёрнинг хирсини кўптириб юборди. У ҳанжарни мурда танасидан шаҳт суғурди. Икки қадам нарида ётган шериги ҳам ғафлатда жон таслим килди. Учинчи ҳамла унга бироз панд берди. Яна бир қароқчи кийик кўзлари қинидан чиққувдек даражада бакрайғанды бақириб юборди. Аммо кўксига санчилган тиф зарбига қаршилик кўрсата олмади.

Сардорнинг маслаҳатчиларидан, умри қарокчиларда ўтган, кекса Ҳамид сарбоз кўз очиб улгургунча уч кишини асфаласоғилинга жўнатган, унга шердек ташланишга шай йигитнинг важохатидан тили базўр калимага келди:

– Астагфируллоҳ, шайтонга ҳайф бер!

Ахмадиёр қўлидаги ҳанжарни ҳаволаган кўйи сарбозга бакрайғанды туриб қолди. Кўз олдидан талончилик тўс-тўполонлари, бобосининг оппоқ қоплари, оппоқ соқоллари, маъсум боқишилари, ноҳақ қотиллар бир-бир жонланди. Бўшашиб қолди. Тош устига тушган ҳанжардан ғалати овоз чиқди. Ахмадиёр саҳраган кон қотиб колган кафтларини кенг ёйғанча, юқорига кўтариб, телбаларча бақириб юборди.

– Аё, тантрим, гуноҳим факат қасосму?!

Юрак тубидан отилиб чиқкан даҳшатли, кулокларни коматга келтиргувчи ҳайкириқ тогу тошга урилиб, акс-садо берди. Йигит вужудидан вулкондек отилиб чиқкан ғам-андуҳ лов этиб ёнди-ю сўнди. У кафтлари билан бошини чанглалаганча ҳолсиз чўккалади.

Яқин сойхонликда шовуллаб оқаёттан сойнинг бир маромдаги шовқини, қон исини туйған, “доира ясад сузаёттан” бургутларни хунук ғик-ғикларидан ваҳима босди.

Ахмадиёр рўй берган воқеадан ҳамон ўзига келолмай, караҳт ҳолатдаги Ҳамид сарбозга қаради. Сарбознинг дилида жон омонлигидан бўлак илтижо йўқ эди. Омон

қолган яна бир қароқчи йигит ҳам вахима аросатида эди. Унинг талвасада бўкаётган кўзлари дам Ахмадиёрга кўркув билан, дам кекса сарбозга умид билан термиларди. Ҳамид сарбознинг аҳволини кўргач, юраги батттар увишди. Айни паллада қотилга ҳамла килишга чоғи келмасди. Аксинча, бу мудҳиш манзарали манзилни тезроқ тарк этиш истаги устувор эди.

Кўзлари қонга тўлган Ахмадиёр бир неча терак бўйи баландликдаги, тик, кескир, кизил тусга кираётган қояларга, кунботарга терс қуюқ арчазорга, осмонда сузайтган пага-пага булутларга термилганча тош қотиб ўтиради.

Ногаҳон ундан кўзларини узмай ўтирганларига ғалати караш килди. Унинг бу карашида нафрат ва мушфикалик жо бўлганди.

Нафрат шундаки, ноҳақ куч ва зуғум рўпарасида киши ўзини ночор, ожиз тутиши, каршилик кўрсата олмаслигида. Шавқат шундаки, хокисор бандани ўлдириб, барака тополмаслигида эди. Бундан-да қалтис вазиятларни бошидан кўп кечирган сарбоз тезда ўзини кўлга олиб, ўрнидан турди.

— Йўлимиз бошқа-бошқага ўхшайди, — дея сарбоз қаддини ростлашга куввати етмагандек, энкайганча ўтирган йигитга “Сен нима дейсан?” қабилида каради.

Талмовсираган қароқчи йигит сарбозга, Ахмадиёрга маъносиз жавдиради:

— Овулимга куруқ кўл билан боришига ор киласман. Ундан кўра шу ерларда ўлиб кетганим минг марта афзал.

Ахмадиёр йигитта ялт қаради. Лоқайд кўнглидан: “Андармон бир аҳволда бўлса ҳам максади бор экан. Орият. Менда шу орият борми? Бу ерларда нима қилиб юрибман, ўзи? Ниятларим шумиди, ахир? Ахир, ахир”, деган даъват ўтаркан очилган, қон доғлари қотиб қолган кафтларига тикилиб қолди. “Бу кўллар одам ўлдиришдан бошқасига ярамай қолибди. Қасос! Кимдан қасос оляяпман, ўзи?!”

— Ҳайҳот!!!

Ахмадиёрнинг овози дўриллаб, ғалати эшишилди. Ўз овозини ўзи таний олмай колди.

— Мен маккор тақдирдан ўч олишим керак!

Ҳадик-ла, ич-ичидан, яратгандан омонликни сўраётганлар ўзи билан ўзи гаплашаётган Ахмадиёрга ғалати тикилиб колишганди. Бир балога йўлиқмасдан бурун йўл тарафдудини кўришига тушдилар.

— Мен сокит, — дея Ҳамид сарбоз ортига ўтирилиб, икки-уч қадам кўйган ҳам эди-ки, Ахмадиёрнинг “Тўхтанг!” деган ўқинчли ўтинчи ягради. У тўхтаб, ортига ярим ўтирилди. Надоматли бокишида “Дийдаси қонга тўлган бандада не хусуматинг бор?” деган андух бор эди.

Ахмадиёр унинг униккан кўзларига маъюс бокиб:

— Сизда қасдим ҳам, адватим ҳам йўқ, — деди ҳазин овозда.

— Мендан нима истайсан, ўзи? — деди Ҳамид сарбоз кўнглидаги ғашлик, ижирғанини яширмай.

Терс, зарданамо берилган савол Ахмадиёр ғазабини қўзғади, аммо, базур жаҳалини тийди:

— Ҳеч нарса? — дея жавоб қилди Ахмадиёр бўшапшиб. Ҳамид сарбоз Ахмадиёр томон кескин ўтирилди:

— Йўлимдан қайтарма! — ўқинчли даъват Ахмадиёрни ҳовуридан тушурди. — Йўлингиздан қайтармокчи эмасман. Локин...

Бир зум ўйланиб турди-да, хаёлига келган фикрдан жонланиб, сўзида давом этди:

— Шошилманг. Сизга аталган ниманарсам бор, — Ахмадиёр қароқчи йигитта юзланди. — Сенга ҳам... У шундай дея, ерда ётган аслаҳасини зарда билан тепиб, кия, адир сўқмоқдан жарлик томон юриб кетди. Хуфиёна, ғаразли ниятда Ахмадиёрнинг ортидан бормоқчи бўлган қароқчи йигитни сарбоз йўлидан қайтарди.

...Кутавериб тоқатлари ток бўлган қароқчилар йўлга тушган ҳам эзиларки, ўнгир

ортидан Ахмадиёрнинг сувсар кулокчини кўринди. Икки қўлида икки хуржун кўтариб олган котилни кўрган Ҳамид сарбоз ва йигит бир-бирларига таажжуб билан караб олдилар. Кутимаганда оёклари остига ташланган хуржуннинг оғзи очилиб сочилиган тилла буюмлардан кўзлар қамашиб, акллар шошиб қолди.

— Кизик, — деди Амир аччик киноя билан. — Тангри бойликни истаган кишисидан оларкан-у, рафбати кучли бандасига инъом этаркан.

Истехзо билан айтилган by гапдан сарбоз ва қароқчи йигит сергак тортдилар.

Қароқчи йигит тиззалаған кўйи, кўзларига ишонмай хуржундаги тилла буюмларни кафтлари билан пайласлашга тушди.

“Кўрмаганинг кўрган куни курсин”. Фикри ёдини бойлик хирси банд этган йигит шайтоний нафс гирдобида қолганди.

Ҳамид сарбоз йигитнинг ахволига ачиниш билан боқди. Қалпогини ечиб, оқ оралаган сочли бошини силади. Тердан ҳўл бўлган кафтини чопонининг барига артди. Бошини надоматла, сарак-сарак тебратди. Кўнглидан: “Мехнатсиз, заҳматсиз бойликка етишган киши босар-тусарини билмай қолади, деганлари шу бўлса керак”, деган ўй ўтаркан, Ахмадиёрнинг ички адоватда ёнаётган кўзларига ачиниш билан термилди. Сўнг нигоҳини ундан узиб, енгил чўккалади. Хуржундан икки-уч дона тилла танга олиб, чопонининг ички чўнтағига солди. Ахмадиёрга “Кетарберайми?” дегандек истехзо билан қаради. Унинг бокишида “Химматимни менсимадинингизми?” деган иддаоси мужассам эди. Сарбоз кибрнинг оқибати яхшилик билан тугамаслигига ишора килгандек:

— Ҳар нарса меъёри билан. Ортиқчаси бизга малоллик қилур, — деди.

Қароқчи йигит сарбозга олакарашиб билан ўзини оклаган бўлди. Унинг нигоҳида ғайритабиий хирс мужассам эди. Иложи бўлса-ю, сарбознинг ҳам улушига эга чиқса.

Ҳамид сарбознинг накд бойликдан воз кечиши ғирт ақлсизликдек туюлди Ахмадиёрга. Қариянинг бу килиғи охир-оқибат ўзига қарши ишлатилишини хаёлига ҳам келтирмади.

* * *

Сарбоз ва йигитнинг кўмагида мурдаларни хилват-қабрга “дафн” этган, уларни ҳайр-хўйсиз кузатган Ахмадиёр харсанг устида ёлғиз, алламаҳалгача хаёл сурби ўтириди. Қатъий бир қарорга келиб, ўрнидан шартта турди.

Чор-атрофга қоронги тушгунга қадар бор ҳазинани икки чақирим наридаги, киши оёғи етмас, Бирикампир ҳовузи яқинидаги Кетмончопмас горига олиб ўтиб, яшириди. Зарур сармояни чопонининг ички киссасига жойлади. Факирона уст-бошда “Балх қаердасан?” деб йўлга тушди.

* * *

Тоғ-адирлар кенглигига ва осудалигига ўрганган йигит Балх қальяси бўсағасида тирикчилик ташвишида кўйманаётган турфа одамларнинг гавжумлигидан карахт бўлиб қолди. Тобёлик исканжасидан бутунлай кутулдим, ихтиёrim ўзимда деб ўйлаган йигитни вахима босди.

Қалъа дарвозаси якинидан оқиб ўтгувчи сой бўйида қад кўтарган гузардаги мўъжаз сўрилардан бирига омонатгина жойлашди. Қаерга боришни, қай ердан паноҳ топишни билолмай, чумолидек кўйманаётган одамларни кузатган кўйи кунни кеч килди.

Минг бир хаёлда ўтириган ерида дўрилдок, ярим пўписа овоздан чўчиб ўзига келди:

— Ҳой, девона, бу ер сенга карвонсарой эмас...

Йигит ялт орқасига ярим ўгирилди. Табиатига кўра кўрс жавобга шайланди. Бироқ мойчироқ тутган кекса бир одамни кўриб, шаштидан қайтди. У ўзига

бошдан-оёк назар ташлади. Қоракулодан, курок-курок, ағдарма, чиркден корайбеттеган узун пүстин. Девонадан фарки йўқ. Хўрлик шиддати устун келиб ийманишга мажбур этди.

Ўсиб кетган соч-соқол, чап юздаги чукур чандик, хуллас ваҳшатли турқдан чўчиган қария орқасига тисарилди. Ҳавотирили оҳангда:

— Майли, майли, ўғлим. Агар борадиган еринг бўлмаса, майли бу кечада шу ерда тунай қол. — дея олди, ҳалос. Йигит ҳазина устида ётган илондек тўлғаниб, тонг оттириди. Кун ёришмасидан қария яна кошида пайдо бўлди.

— Ўғлим, бундай юришингиз яхши эмас, — у шундай дея каттагина бўхча сарпони ёнига қўйди. Икки-уч мис танга ҳам узатди. — Тезда ҳаммомга боринг-да, ўзингизга оройиш берни олинг.

Кариянинг бу килиғи унга жуда оғир ботди. Уни тиланчига ўхшатганидан ранжиди. Кўнглидан: “Наҳот одам киёфасини либос белгиласа!?” деган ўй ўтди. Бегона шаҳар, бегона кишилар. Чолнинг раъйига юришга мажбур эди. Ички чўнтағидаги ихчамгина ҳамённи олиб, унинг ёнига қўйди:

— Бобомдан мерос.

Кариз ҳамёнга ҳам, унинг сўзларига ҳам эътибор қилмади:

— Кун ёришмасидан уст-бошингизни янгилаб олинг. Аҳмадиёр ўзига муносиб бошпана топилгунча гузардаги бир хужрада тунаб юрди.

“Девонанинг ишини ўзи ўнглайди” деганларидек, кутимагандан, бир куни, ярим тунда, қалъя дарвозаси ёнида рўй берган фавқулодда воқеа тақдирини бутунлай ўзгаририб юборди.

Үйқусизлиқдан караҳт бир ҳолатда, ғира-шира ёритаётган машъалалар ёруғида аввалига нималар рўй бераётганини фаҳмлай олмай турганида, навкарлардан бири баланд овозда кўмакка чакирди. Шиддат билан ўша томонга отилди. Жангарилик маҳорати кўл келиб, бир неча дарбон-сокчиларни ўлим фалокатдан кутқарди.

Эрталаб хоснавкарлар кузатувида гузарга келган сипоғдор сўраб-суриштирмай Аҳмадиёрни хибсга олди:

— Ярамас, дарров уст-бошини ҳам ўзгаририб ҳам олиди.

— Унинг кимлигини башараси ҳам айтиб туриди.

Бу таъналар Аҳмадиёрни жон-жонидан ўтиб кетган бўлса-да, аччик ғазабини ичига ютишга мажбур бўлди. Боз устига, “Кечмишим фош бўлиб қолмадимикин?” деган ҳавотирда, хеч бир монеликсиз улар олдига тушди.

Гузар сарҳадларини чегаралаган ёғоч панжара эшиги ёнида тунгти воқеадан бехабар, караҳт бир ахволда қолган, унга оқибат кўрсатган, бошпана, нон-туз берган қариянинг юзига қарашга ботина олмай, индамай, бошини ҳам қилганча, мулзам бир ахволда ўтди.

Токи, ярадор бўлган сокчилардан бири бироз соғайиб, масалага ойдинлик киритмагунча Аҳмадиёр икки кун авахтада ётди. Гузарчи чол ҳам: “Бу фалокат, менинг ҳам оёғимдан тортмасайди”, деган ҳавотирда маҳкамага бориб, йигитдан ҳол-ахвол сўрашга жазм қила олмади.

Бир неча душман хуфияси кундузи қалъага осонликча киргани, вазифасини улдалай олмай ярим тунда, баланд девордан ошиб ўтмоқчилиги маълум бўлди. Дарвоза ёнидаги тўқнашувда ёғийнинг бари шахид тоғани аникланди. Ярадор навкар агар Аҳмадиёр бу олишувда абжирлик қилмаганида омон колмасдик, дея гувоҳлик бермаганида вазият бошқача тус олиши аниқ эди.

Сиёsat сиёхи билан алафгиёҳ меҳригиёҳга айланди, қолди.

* * *

...Гойибдан келгани, кетмас давлат орқасидан бою баёнлар қаторида бўлишини, умри бунчалик тез, яхши томонга ўзгаришини ҳатто хаёлига ҳам келтирмаганди. Эл-улус орасида обрў-эътиборга, мавқега эришиш иштиёқи баланд йигитга бу юк

оғирлик ҳам килди. Кутылмаганда етишгани – катта бойлиқдан эсанкираб колган эса-да, ховликаасликка тиришиши бир, шоҳ сипохлари сафидан ўрин олиши уни ўн үн чандон довдиратиб кўйди. Хазина устида ўтирган кишининг кўнглида: “Ё отинг чиксин, ё ўтинг чиксин” матали ички тажаввуз уйғотиши табиий. Бойнинг улфати бой бўлишини англаб етган даштий йигитда азёнлик хавосини олиш иштиёқи пайдо бўлди. Гадонинг сийратини либос яширади, деганларидек, қарокчи Аҳмадиёр номи Амир Аҳмадиёр мақоми билан андозалади. Атрофида корчалону дастёrlар кўпайди. Балх ҳукмдори қўшинига оддий навкар бўлиб ёлланган йигит зарнинг зўри билан эса-да, қарокчиликда кўрган, ўргангандар аскотиб ҳарбда ўзини эпчил ва жасорат кўрсата олди. Бу борада тажрибали сипоҳдорларни ҳам аросатда қолдири.

Тоғликларнинг удумига кўра, ҳар йили нишонланадиган “мехри наврӯз” байрами кўрки бўлган ҳарбий мусобакаларда: чавандозлик, қиличбозлик ва мерғанликда совринга эга бўлди. Бу соврин ва совғаларнинг кадр қиймати уни асло қизиктирмасди. Унинг нияти амир ва азёнлар даврасидан жой олиш эди. Аҳмадиёр қисқа муддатда сипоҳдор, юз боши, лашкарбоши даражасига кўтарилиди. Аммо кўксини маҳв этган ҳасад ва ғараздан қутулиши мушкул кечди. Болаликдан дилида чукур из қолдирган жароҳат, аламу ситамга жавобан ўч-қасос олиш ҳисси унга сира тинчлик бермасди. У бу зулмкор жамиятни ич-ичидан кемиришни, бундан завқ олишни истарди. Аҳмадиёр дилини оташдек ёндираётган бу алам юзидағи чандик ўнгиридан-да чукурроқ эди. У ўз мақсадига эришиш йўлида режалаган ғаламислиги Султон Абусаид Мирзо Ҳирот таҳтини эгаллаганидан кейин, хубобдек юзага қалқиниб чиқди. Кўр кўр билан коронгида топишгандек, Амир Аҳмадиёр Хуресоннинг янги ҳукмдори маҳкамасига зар билан йўл топа олди. Раиятпарвар ва адолатпеша Лаълий Бадахшоний билан Абусаид Мирзо сиёсатидаги зиддият унга кўл келди. Бойликка кўйилган хирс бир қадар қонса, исён кўтариши рост чиқди. Амир Аҳмадиёр юрг сўрмок иштиёқида ёнарди.

Бадахшон ҳукмдорига қарши зимдан, хуфиёна режа тузишга киришди. Лекин...

* * *

Ҳамид сарбознинг Балҳда пайдо бўлиши оёқ остидаги тақир янтоқдек, Амир Аҳмадиёр ҳаловатини ўғирлади. Янтоқни жойида янчидан ташлай деса, тикан заҳридан кўркарди.

Ҳамид сарбозни саройда, кўктурк элидан келган элчининг хос навкарлари орасида кўрган Амирнинг ҳайрати ошгани бир, унуг бўлаёзган воқеалар ёдига тушиб, вужудини совуқ ҳис мавҳ этди. Ўзини кўйишга жой топа олмай қолди.

Лаълий Бадахшонийнинг сарой боғидаги кўшқда, элчилар шарафига ташкил этилган зиёфатда қатнашаркан, Амир Аҳмадиёр газаб ва хавотир бухронини ичига ютишга мажбур эди.

Унга нашъя қўлган нарса, элчининг Ҳамид сарбозни ғайритабиий, танишириши бўлди.

– Онҳазрат, ижозатингиз била кароматтўй хоснавкаримиз сўз айтсалар. – Ҳукмдорнинг енгил ишораси билан Ҳамид сарбоз давра ўргасига чиқди. “Качондан бери кароматтўй бўлиб колибди?” кўнглидан ўтди Аҳмадиёрнинг Ҳамид сарбоз кўли кўксига, ҳукмдорга таъзим килди:

– Ҳазрати олийлари, кўктурклар аслида жангари, ҳарб ҳадисини хўб олганлар. Рұхсатингиз билан, удумимизни адо этсам.

Лаълий Бадахшоний қўлини ёйиб, “Марҳамат!” ишорасини килди.

Ҳамид сарбознинг имоси билан навкарлардан бири мўъжаз, кизил барқут мато билан копланган кумуш баркашда зардўз ҳамён келтириди.

– Мана шу совғамизни лашкарбошига тақдим этсам.

У шундай дея, аввал ҳукмдорга такрор таъзим килди ва Амир Аҳмадиёрнинг рӯпарасига келди:

— Хурматли амирул харб, кимки, астойдил ўзгаларга эзгулик истаса, оқибат Оллоҳнинг беназир мукофотига сазовор бўлгай, — дея у ҳамённи Амир Ахмадиёрга узатди. — Ўзи йўлдан оздиргувчи, синагувчидир, ўзи тўғри дастур кўрсатувчидир.

Амир Ахмадиёр беихтиёр, атрофидагиларга сир-бой бермаслик ниятида, гўё чўғта кўл узаттандек, ҳамённи олди. Мехмонга эътибор маслагида бош силкиб, миннагаторчилик билдирган бўлди. Сезилар-сезилмас титраётган бармоклари билан ҳамён богочининг тугунини ечди. Бу ўша, кон доғи корайиб, чирк холига келган, ўн йил аввалги, ўша хуржундан Ҳамид сарбоз кафтларига олгани, Амир Дехлавий зикри билан зарб эттирган олтин танталар. Ахмадиёргининг вужудини совуқ тер босди. Бу тадбир ортида бир хийла борлигини аник сезди. Вактида чонни ўлдириб юбормаганидан ич-ичидан афсусланди. У йигилганларга сирини бой бермай, нимтабассум билан совғани кўлига олди. Аммо лашкарбошининг кўзларига синчков боккан киши мудхиҳи сири ошкор бўлишидан чўчиётгандек бир ҳадик борлигини илғаши мушкул эмас эди.

Барчанинг диккати Ҳамид сарбозга қаратилгани бир ҳисобда Амир Ахмадиёр жонига ора кирди. Бир муддат бўлса-да ўзни маломатдан кутулгандек сезса-да, сарбозни:

— Ҳукмдорим, ҳаддан зиёд меҳр лойик кўрилган содик музозим яхшилик унутиб, хожаси бошига палаҳмон тошини отмаслигига ким кафил? — деган гап шоҳни кизиқтириди.

— Ажаб, сўзланг.

— Аслзодалик либоси кишининг асл феълини асло безамас. Нафс ва хирсга ёндош қабиҳ ният йўлида баъзан ғазабимизни тия олмай гумроҳлик килурмиз. — шундай дея, Ҳамид сарбоз қаддини бироз эгуб, Амир Ахмадиёрга маънодор қараб кўйли. Ҳукмдорга тавозе кўрсатиб, жойига қайти.

Мехмон — элчи бу гапи билан нимага шама қилаётганини фаҳмлаган Лъълий Бадаҳшоний лашкарбошига маънодор қараб кўйди. Унинг бу бокиши замирида “Ярим кулба ошёндан тез орада данғиллама кошонага мусассар бўлмоклик замирида бир фитна бормикин?” деган ўй йўқ эмас эди. Ортиқча ташвишга берилмасликка ҳарчанд ҳаракат килмасин, кўнгил гашлиги таркамади. Амир Ахмадиёр ҳадик ва хавотир билан машваратни тугашини кутди.

У хос хонасига кайтганидан сўнгтина енгил тин олди. Ҳузурига ишончли хаттотини чакирди. Мунофик ўз тадбирини қаро тун пардаси билан беркитади, деганларидек, лашкарбоши тезроқ Султон Абусаид Мирзо номига мактуб битиш талвасасига тушди. Тун-кун хизматига ҳозиру нозир хаттот фурсат ўтмай рухсорини кўрсатди. Битикда Балх қальясининг шаркий дарвозаси истехкоми заифлиги, Бадаҳшон мутлақ тобе этилгандан сўнг, Ҳиндистон юришига ўзи бош-қош бўлиши ҳакида батафсил изҳор этилди. Мактубнинг ҳатосиз ёзилганингига ишонч ҳосил қилиш максадида мактубни унга қайта-қайта ўқиттириди. Кўшимчасига зутум ҳам килиб кўйди. Тун ярмидан оққанида амирона либосни жулдуровкига алмаштириб, Бирикампир ховузи, Кетмон чопмас гори томон ёлғиз йўл олди. Тонг сахарда икки хуржун тўла тилла ашёлар билан қайтди. Расамади билан шохона тухфа ҳозирлади. Куёш энди-энди юз кўрсатагэйтган паллада чопар икки қўриқчи навкар кузатувида Ҳиротта шошилди. Аммо биринчи довондаёқ чопар ва навкарлардан бири ҳибсга олинди. Қўриқчи навкарлардан бири жон саклаб, доруссалтан томон қочишига улгурди.

Бомдод намозини ўқишига ҳоли келмай, ғафлат уйкуга кетган Ахмадиёр хуфия сипоҳлар тайзиқидан уйғонди. Ҳушини йигиб ултурмасидан ўзини зинданда кўрди. Уни салтанат ҳазинасини ўғирлашда, тажаввузда айблашди.

“Иблис макрига чалинган” амир қатлга олиб борилаётганида, шайтон васвасаси билан омон колди.

Бу орада навкарлардан бири Ҳиротга етиб олган, Султон Абусаид Мирзога номани топшириб ултурганди ҳам.

Такдир торози посонгиси Амир Ахмадиёр томон ён босди. Мукаррар ўлимдан омон колди. Балх хукмдори банди этилиб, Ҳиротга олиб кетилди. Тахт бадавий амирға – бадаҳшонлик зиёлилар унга шундай нисбат беришди – насиб этди. Янги ворис саргумлар⁴¹ – бир ялоқдан май ичиб, ўзига итоатда бўлганилар даврасида айши дабдаба кила бошлади. Вахш ва Балх атрофидаги тогли қабилалар очик талон-торожликлар, қабоҳат исканжасида колди.

Пўстак йўлгракда улғайган болакай бугун зарқурпача тахтда ўтириб, юрт сўрамоқда эди. Маҳкама аъмолидаги укувсизлиги туфайли барча ўлпону закотларни карвон-карвон килиб Ҳиротга жўната бошлади. Қабоҳатнинг оқибати эл исёнига сабаб бўлди. Фалаённи ўз кучи билан бостиrolмаган эса-да, Амир Ахмадиёр бир поғона юкори мартағага эришди. У Ҳиротда, доруссалтанада, амиру уламолар теграсидан жой олди. Пойтахтга келган амир катта салтанат уфр, удумларига кўнниколмай, қовушолмай, давраларга киришолмай юрди. Иктидор ва укувсизлиги унга панд берди. Ғумбакдек ипакка ўралса-да, дили тирайалигича колди. Заринг бўлса заминдор ҳам улфат тутинаркан. Гапу гаштак, катта давраларда Султоннинг давоматига айланди. Дили майсиз чирк, киличи консиз занг босадиган “дарға амир” Ҳирот доруғалигидан воз кечди. Чунки, авомни мустакил бошқаришга укуви йўқлиги Балҳда аён бўлиб ултурганди. Елдиримдек юкори мансабдан бош тортиши Султон Абусаид Мирзони нашъбу намосини кўзгади. Камтарликка йўйилган бу йўриғ унга маъқул келди. “Қани энди киройи амиринг шундай бўлса. Салтанат, ғазнанинг ташвишини килур. Ҳеч бир амиру аъён эплай ололмаётган муаммоларни ҳал этур. Шаҳар ҳокими эмас, ёнимда вазирларим каторида бош бўлишга лойик кўринадур”. Хукмдор фармонлари кай йўл билан қандай оширилаётганини, ҳазина ниманинг хисобига тўлаётганини сира ўйламай, шошма-шошарлик билан уни вазирлик лавозимига тайинлади. Залолатли фисқ ниши тирик мавжудотни, ҳатто салтанатни ҳам фасодга рўпара киларкан Амир Ахмадиёр энди ўзгалар илки билан режаларини амалга ошира бошлади...

* * *

Аҳмад Ҳожибек вазирлик мансабидан кетган ва Ҳирот ҳокими этиб тайинланган кундан бошлаб, салтанат пойи тахт замири парокандаликка юз тутди.

Насл-насаби мавхум, лаёқатсиз, маърифатдан йирок доғули бир жангарининг хуқумат тепасига келиши аъёну зиёлилар нафсониятига нишдек ботди. Ётиб-туриши лашкаргоҳ бўлган Амир Ахмадиёрнинг арк ташқарисидан ўзига “кошона” излаши, боз устига Ҳиротнинг эътиборли, раиятли амирларидан бўлмиш Амир Фиёсiddин Баҳодирхоннинг доруссалтанадаги энг кўркам, шавкли, шоҳона анжуманларга гувоҳлар бўлган бое ҳовлисига кўз тикиши ва оқибат эга чиқиши амиру фуқаронинг иззат-нафсига тегди. Бош вазирнинг зуғумидан чўчиган, бу ҳақда хукмдорга очик эътиroz билдиришга ҳеч бир аъённинг шиҷоат етмади. У Фиёсiddин Баҳодирхоннинг ҳовлисини осонгина, хукмдорнинг фармони билан номига расмийлаштириб олди. Аммо янги ҳовлига кўчиб ўтишга шошилмади. Кулай фурсатни кута бошлади. Одатда “юзингда кўзинг борми?” демай бундай иш тутадиганлар юртнинг шўри эканлиги аник. Афт-ангорини кўрмокчи бўлсанг тошойнага кара, феълу атворини билмок истасанг эл лафзига қулоқ тут. Бу накл айнан Амир Ахмадиёр шаънига айтилгандек эди, гўё. Ҳуфиялари ўз ҳакида, ҳалқ орасида бўлаётган гап-сўзларни ипидан игнасиғача етказаётган эсалар-да, этагини йиғиштириб олишни хаёлига ҳам келтирмасди. Аксинча, Ҳирот доругаси – Аҳмад Ҳожибекни Ҳурсондан бутунлай бадарға килиш пайига тушганди.

Давоми кейинги сонда.

⁴¹ Саргум – бошини йўқотган, довдираганлар.

Софинчнинг меҳрига сабр тутаман



**Абдунаби
БОЙҚҮЗИЕВ**

* * *

Остона ҳатласанг
Ҳар томонинг йўл,
Мақбулига мингиб кетаверасан.
Гоҳи боғ чиқади, гоҳо тоғ ё чўл,
Шахар,
Кишлок,
Қалъа... Ўтаверасан.

Йўл.
Ортингдан унсиз термилиб қолар,
Кулгиси юзингдир, йиғлари – сўзинг.
Пешонанг тор эса, қалбинг порадир,
Бахтинг бутун бўлса чароғон ва кенг.

Умр узок дейсан, кетаверасан,
Бир манзилга етсанг, манзил бўлмайди.
Бир манзилга бориб, биласанки, сен,
Йўллар тугамайди, йўллар сўлмайди.

Ойдинда

Ой,
Осмонда бир ўзинг,
Бунча маҳзунсан?
Ёлғизмисан ё
Жуфтинг кани?

Абдунаби БОЙҚҮЗИЕВ – 1954 йилда тугилган. Тошкент давлат университети (ҳозирги ЎзМУ) ҳамда Санкт-Петербург сиёсатшунослик мактабидага таҳсил олган. Ижодкорнинг “Губорингни ёзгайман”, “Сени излаб келдим”, “Ўзбекнаво юлдузлари...”, “Жудолиг дашти”, “Кўзлари дарёйим”, “Дилхирож түйгулар”, “Беш наво”, “Беш сўмлик кеккайиш”, “Чули иrogim”, “Тешикмозор ҳангомалари”, “Ай, акам дарё экан...” номли шеърий, насрий, ҳажсий-комористик ҳамда публицистик китоблари чоп этилган.

Бокираман, де?
Ха-я, кечир.
Пешонада –
Мен ҳам ғарибман.
Жуфтимми, ўтди раҳматлик...

Хўв,
Ҳалидан бери
Изма-из келасан,
Айтар сўзинг бордай?
Хай,
Майли,
Уялма,
Бунинг айби йўқ.
Биласан,
Ёлғизлик...
Менда,
Ёлғизман.
Ёлғизлик... ёмон.
Йиринглаб,
Ичингдан нуратар.
Мана, ўзим, сувратим одам...

Иноқлашиб қолдик,
Нима дейсан, кўлинг сўрасам?
Нега жимсан?
Иложи йўқ, де!
Афсус, балки, ўйлаб кўрарсан?

Ҳа, дарвоке,
Кеча чикмадинг?
Кўп гапларим ичимда қолди.
Айтмоқчийдимки,
Мен – ёлғизман.
Ёлғиз экансан.
Ҳар қалай, ҳар қалай ёлғизлик ёмон.
Начора,
Энди мен,
Мен сени,
Ҳар куни,
Шу жойда кутаман.
Яхши бор, яхши бор,
Эртага, шомгача
Чехрангни соғиниб,
Соғинчлар битаман!

* * *

Ҳафақонроқ отди тонг,
Салкиб қовоғи,
Қўёш чиқди кўзи тўла ғам.
Бу ҳол куннинг кўнглига ботди,
Қовоғи очилмай ўтди бугун ҳам.

Қовоғи очилмай
Оқшом ёйилди,
Қўёшни кутгали чиқмади уфқ.
Меними, сўраманг,
Минг йилдан буён
Фимирлаб юрибман.
Кайфиятим йўқ.

* * *

Сен яшаган уйнинг
Кўзлари мовий,
Феруза рангиди сўйлайди борсам.
У сен учун бир уй,
Менга – муғаний,
У сенинг чеҳрангдан куйлади боксам.

Йўқ-йўқ,
У биномас,
У бир – атирдон,
Бўйидан чор тараф бўйлаб таралар.
У томон энтикиб, энтикиб оксам,
Ундан ҳам орзиккан ўйлар таралар.

Сен яшаган уйнинг
Ойнаси – кўнгил,
Бирон кўзнинг йўқдир бўйлаб мунглари.
Шу уй кўчаисига музтарин кўнглим,
Қачон ёвуқ келсам, тилим гунгланур.

Сен яшаган уйнинг кўзлари, шоир,
Ўтган ҳар кас-нокаста сендан сўзлайди.
Бу уйда неки бор – васфингта доир,
Теграсида менинг рашким бўзлайди.

Худойим, бу уйни кўзлардан яшир,
Худойим, шу уйни сўзлардан яшир!

* * *

Кўксим қафасидан
Олиб чикмоқчийдим,

Озодликка, сени юрагим.
Бежо ўйлабман, чоги.
Сен озод экансан, фақат ичимда,
Сенга Ватан экан ичим, күчгим.
Менинг ичимдагина ўқтам экансан,
Мени кечир, эвлаб билай мен.
Озодлик нелигин, озод дил бийлигин,
Англамабман, хато қилибман.

Ха,
Дардларингта факат,
Ичим чидайди,
Ичим кўтаради ҳасратларингни...

* * *

Сўз десанг сўзингда сўз яйраб турса,
Хар сўзда баҳор, ёз, куз яйраб турса.
Бир жайрон кўзли сўз ахтарганингда,
Сенингманку деган, кўз яйраб турса.

Яшаяптику

Бу дарахтта
Хаво керакмас,
Пана-пасткамда ҳам ўсаверади.
Кўм-кўк, очиқ осмон, хўп, ана айтинг,
Хавф-хатардан бошқа нима беради?

Хўп, кундуз куёшга,
Хўп, тунда ойга,
Гужгон юлдузларга тўйди кай дарахт?
Хўп, бўйда ким ўзарга килдиям пойга,
Илло, қарағайга кулиб боқар бахт?

Дейлик,
Бўрон турди,
Дейлик,
Дўл ёғди,
Дейлик,
Чакмоқ чакса, Худо билади,
Бошига неларни солади тақдир?

Унга
Шу соҳ ҳам бўлаверади,
Кўм-кўк, очиқ осмон, зинхор керакмас,
Ўスマй қолганига, шукр қиласди.

* * *

Бораяпман
Йўлнинг танобин тортиб,
Танобимни тортиб
Келяпти у ҳам.
Билмадим,
Кимнинг сабри олдин тугаркин?
Ҳар қалай,
Мен йўл берсам керак.


Соғинч қаримайди

Андижон,
Бир пайтлар
Дилкашроқмидинг,
Гиналар киласардинг жигаримдай хуш.
Нечундир,
Сийракрок йўклайсан энди,
Мехринг ҳам бир қадар олгандай сўлиш.

Бир пайтлар,
Соғинсам,
Шитоб жўнардим,
Энди шайланаман икки, уч ойлаб.
Не бир мулоҳаза,
Минг бир андиша
Ва,
Яна имконнинг раъига караб.

Кўклам келсин,
Шу қор эрисин,
Ҳаволар илисин, дейман, кутаман.
Довон хавфли – йўллар қурисин,
Соғинчнинг маҳрига сабр тутаман.

Соғинч...
Қаримаскан, юзга кирса ҳам,
Яшариб бораркан кексайган саринг:
Андижон,
Гарчи,
Сен йўкламасанг ҳам,
Кетиб қолаверар сенга ўйларим.



Акмал ИКРОМ

Табассум тўкилар қарашларингдан

* * *

Тонг аzon товшидан сархуш уйғонар
майса тил чиқаса корнинг кўйнидан
заррин шамширларин сочар қўёш ҳам

Музлар шитиридан замин селкиллар
тирилар азалий жарангли шовқин
куй оқар сукунат пардасин ёриб

Дараҳтлар увишган кўлларин ёзар
дарё кокиллари оқар шилдираб
кирни унгарида лаб буар лола

Варраклар канотин чархлаб питирлар
боғларни кезади илмилик насим
бостириб киради келинчак кўклам

* * *

Ай сенинг узун қора зулф соchlаринг
кучогига шўнгийди хаёлларим
Ай сенинг кулгич лабларингда
аксини кўради куёш
Ай сенинг кўзинг мардумига
эга чиқсан бир ўзим
Ай сенинг қилич киприкларинг
мени суйса эркалаб
Ай сенинг ҳуснингта маҳлиё
кечао кундуз ким кўрса
Ай сенинг кўлларинг тафтидан

Акмал ИКРОМ – 1977 йилда туғилган. Республика Рассомлик колледжини, Олий адабиёт курсини тамомлаган. Шеър, ҳикоя ва мақолалари республика матбуотидаги этилган.

безовта қүш каби юрагим
Ай сенинг ифорли хұшбүйинг
хидидан кечалар маст аласт
Ай сени ҳаммадан қызғониб
бағримга беркитиб яшасам

* * *

Юрагим тубида исинар
түйгуларим
Туни бүйі пайпаслаб чиқар
япроқларингни
Гул
тиконларинг қадалар
жонға
Аччиқ аччиқ зорланар
тұтмадай қадалған ифоринг
тонг шудрингта чайиниб
Тушимда
күзим ёшидан туғилар умид
Панжалари титроқ үмримни
тип тиниқ мұйжизаси

* * *

Баъзан шириң сүзға исинар күнгил
бир сүз айтсанғ ғоҳи сапчиди күкка
Қордай эриб кетар сүзнинг тафтидан
гоҳо ҳаммасини чикарап йўққа

Чўкиб кетар ернинг тубига тамон
аҳён нишон қилиб тутишар ўққа
Кўпинча эртага илҳақ бўлса ҳам
бilmam тиф санчишар гоҳ тутар чўққа

Муз тошларга айланар ҳатто
эrimайди қўёш тақсанг ҳам
Райхон гулдай ифорли гоҳ оҳ
хұшбүйидан айролмас ғам

Кўнгил сен шундайин ажойибсанки

* * *

Китобларни вараклаб
топиб олдим
болаликда гуллаган
жийда гулларини
ифори сакланиб
йиллар бўйи
китоб ҳам бурканиб
жийда гуллари ҳидига

аслзодалар каби
гердайиб күринди күзимга
Жийда гулларини
олиб күйсам ҳам
китоб қайтариб бермади
Жийда гулларидан олган
хұшбүй ифорни
Қачон китобни олсам
үйғонар болалик
ва
жийда гуллари
димоғим қитиклар

* * *

Азат НАРСЫ

Сизга айтаманда дилимда борим
сизга илинаман күчөк ғулдан баҳт
сизга деб йүллайман сүзлар карвонин
сиз учун қалбимда осмон каби таҳт

Кошки күрганида күзлар қувонса
кошки унутмаса ойдай ёноклар
соғинсанг қувончли хабарлар келса
унут бўлмасайди бу хуррам чоғлар

* * *

Келсам очилади қошингда ғуллар
табассум тўкилар қараашларингдан
ўнгимда сўлимда юз очар юлдуз

Корачиклар ёнар осмон кўзингда
питирлаб тепкилар ичимдаги куш
томиримда қайнар бир гайри титрок

Танингдан узилар соғинч эпкини
ҳаловат либосин кияди кундуз
тоабад лабингда яшасин исмим



**Маъмура
ЗОХИДОВА**

– Нима истайсан мендан?

Шундай деди-ю, болохонадор сўкиниб, пишкірганча бетма-бет келиб тикка сакраётган рўпарасидаги йигит ўрнида бир маҳалдаги нимжон, сариқдан келган аразчи болакайнин кўрди. Ана, ошнасининг кўзлари баттар хунукалашиб кетди. Тишини тишига қаттиқ босибди. Ўргантан килик ўлганда қоларкан-да.

– Нима истайсан?! Ўчир овозингни! Тилингни омбурда суғуриб оламан! Э сенга диплом берганларингния!.. Домлачилигинга тупурдим сени!

– Қаёқдаги бўлмағур гапларга ишониб бекор қиляпсан. Одамларни билмайсанми?

– Кетасан! Ғовадан бошингни олиб чиқиб кетасан! Барibir тинч кўймайман! Гулдай синглимнинг номини чиқардинг! Ҳаммаёни расво қилдинг! Эркак деб адашиб юрган эканман сени! Йўқол! Қайтиб кўзимга кўринма!

Ёқа бўғишишдан бошланиб, аччиқ-тиззик шартлашишга ўтган можаро, асли можаро деган от бу айтди-дедига кўплик килаётган, оғайнисининг иссиқ юзини килиб паст келувидан якун топай деб турган эди-ю...

– Ёшгина киз, алласам бўлади дедингми?! Ит! Ифлос! Яхши кўраман деб йўлдан урдингми?! Шунака дедингми?! – ёқаси ошнасининг кўлида тортилиб бориб-кела бошлади.

– Йўқ! Бас кил!

– Айт, ифлос! Нима гапинг бор унга?! Ўлдирман сени ҳозир!

Оғзидан икки оғиз гап учиб чиқди. Чикмаганига кўймади-да ўзи.

– Яхши кўраман, нимайди?

“Келиб-келиб мен билан талашасанми орингни? Сенга қанча бўлса менга ҳам шунчаги оғир, ошна. Бунча тезикишма. Мушт солсам ўнгланмасанг-чи”.

– Ифлос-с!!!

– Ҳаммасини яхши кўраман. Бўлмаса бунақа килиб... Имм!

Икки қайта мушт тушди. Кўзидан ўт чиқди. Тепки зарбидан нарига силтаниб кетди. Uriб бўлмаса. Айб ўзида-ку. Шу ишларни кўнгли сезиб юрганди.

– Ит эмган! Марраз! Ошна дема мени!

Маъмура ЗОХИДОВА – 1973 йилда туғилган. Наманган давлатуниверситети филология факультетида таҳсил олган. Қатор адабий-танқидий ва публицистик мақолалари матбуотда эълон қилинган. “Ҳикоялар”, “Айтилмай қолган гаплар”, “Нажомт күйи”, “Булоқлимозор сири” каби шеърий ва насрый тўпламлари чоп этилган.

...Бирори келди. Бегона эди келган. Судраб кетди синдошини, яна неча йиллик даврадошини. Бурнидан келган кон оч хаворанг кўйлагига томди. Четта ўтди. Ана, болалик оғайниси бир умрлик юзқўрмас бўлди, бирорнинг кўлида тортилиб-тортилиб, худди кўйиб юборса аждархога айлангудек важоҳат солиб наригача борди, сўкинди, чирт бурилиб, тупуриб кетди. Сўкингани ҳам майли, тупургани ёмон бўлди. Ўринсиз килиқдан ўринли юмрук¹ яхшийди.

Наридা, тошгузар муюлишида томошаталаб уч-тўрттаси ярим-ёрти караб, кулогини диккайтириб турарди.

Ариқчада юз ювди, рўмолчасини бурнига босиб бошини кўтарди, кийими барларини текислади, ёқасини тўғрилади. Қайтар дунё. Рўпарасидаги қоратолга унинг тикка-тикка хивичларини санаётгандек тикилиб турди. Кейин бир силтаниб йўлга тушди. Уйга қайтди. Боғдан чиқиб келаётган бувисини кўриб ичи жигиллади, болалигидаги каби кўйнига отилгиси, қалампирмунчоқ исига тўйиб, кўз юмиб, эркалангиси келди. Ярим-ёрти сўрашди-да, чап берди.

Бу тун ҳам кўзига уйку илинмади.

¹ Юмрук – мушт.

ДУНЁЛАРГА СИФМАГАН КЎНГИЛ ОДАМИ

Ўзбек адабиёти катта адабиёт бўлгани учун ҳам ундаги барча истеъодд ғаларини пайқаш ва кузатиб юриши қийин кечади. Мен Маъмурा Зоҳидова деган ёзувчи қизининг борлигини билмас эканман. Тўғрироги, яқиндан бери ўзини танирдим, Уюшмадаги турли йигинларда кўришиб-сўрашиб юардим, лекин унинг қалами кучи “Бойчечак” қиссаси ва беш-олти ҳикоясини ўқигандан кейингина менга маълум бўлди. Битиклари тилининг шифодорлиги, мақолу айтимлардан жуда ўринли фойдаланилгани, тасвирнинг самимийлиги, қаҳрамонлар ружияти товланишлари табиийлиги, маҳаллий колорит ёрқин акс этгани билан кишини ўзига ром қиласди.

“Бойчечак” қиссаси қаҳрамони – кўнгил кишиси ўқитувчи Турғун. Кўнгил одамига яшиаш ҳамиша қийин бўлади. Бундай шахснинг кўнгил дунёси бегидир ва мұжташам, носамийлиқдан холи ва ёрқин бўлади. Ташиқ олам эсаунга татомомилатескари: одамни нафс күткўлари сари етаклайдиган кепатада. Турғун ана шу икки олам зиддияти орасида изтироб чекади. У ўз касбини, болаларни яхши кўради. Бу ҳолат қиссада: “Мактаб ҳовлисига кирди дегунча ҳамма нарсани: бувисининг кексарганда келиндан ёлчимай қўйналаётганини, ўзининг тенг-тўшлари билан сўзи чиқишмаслигини, акасини тез-тез бориб кўролмаётганини, Ойдиннинг давкўр-давкўр кўз олдига келиб турадиган қиёғасини унтутиб юборади. Орқада қолади барি. Синфхонага қадам кўйганида эса ўқитувчи опаҳонлар кўрсатадиган нағмалару баланднинг остидан, пастнинг устидан ўтишларини, битирши керак бўлган бир гарам қозғоз-поғозларни, икки ойлаб кечикадиган ва ҳали олмаган маоши устидада бўлиб ётадиган тўлов-ўлтон машмашаларини ёддан чиқаради. Рўпарасида дунё дардларидан неча йиллар масофасида йирок, ҳар бири бир олам болалар” тарзидা акс эттирилади.

Ўзи эзгу ўйли, эзгу сўзли, эзгу амалли бўлганни, болаларга-да шу сифатларни сингедиришига урингани, бошқаларда-да шу фазилатлар бўлишини истагани учун ҳамиша зарбалар остида юриши, ички олами бузилган кўпчилик томонидан ёлгизлантириши асарда жуда таъсирли акс эттирилган. Бунинг устига, ўзи сўйиб уйланган қиз илк кечадаёқ унга: “Сизни яхши кўрмайман. Севганим бор эди, ваъдалашгандик. Дадам кўнмадилар. Дадамнинг юраги яна ушлаб қолмасин, дедим. Ўзимни ўлдиромадим”, дейди. Ёзувчи бирорвга айтиб бўлмайдиган дардга

Эрталаб яна ишга. Аввалги ҳафсалалар қани, боши баттар эгилиб жинкүччанинг тошларини санаб борди.

Келишиб олганда, дарвозадан кириши билан йўлига караб турган **зувуч²** дейдиганлари кўл силкиб имлади, хонасига бошлади, ортидан етгунича жойига ўтириди-да ранг-кути ўчганча жиддий кутиб олди. Бу галги тараддулланиши бошқача.

– Турғунбой, нима қиласиз энди?

– Нимани нима қиласиз?

– Энди, ўқитувчилик осон иш эмас-да. Мактаб эгасиз ҳам эмас. Кеча *селектордан* чикканимизда *забрайено* директор билан менга алоҳида топшириқ килди. Битта ариза килиб, тинчтина бўшаб олаверинг. Энг биринчи ўзингизга яхши бўлади. Минг айтдим, *нармалний ишламадингиз*. Каттани катта демайсиз, кичикни кичик демайсиз.

У тили тинмай сайрагани билан кўзини нари-бери олиб қочаётган бошлиқ

² Ўз тилимизда мукобили бўлса-да, ўзга тилдан кириб, нуткимиздан кенг ўрин олган шу ва бошка сўйлар ажратилган.

йўлиқкан йигит кўнглида кечеётган муҳаббат ва орият ўртасидаги олишувни кийини эмрантирас даражасада таъсири ифода қиласи.

Маълумки, ўзбек йигити аёлининг бугунигагина эмас, балки ўтмишига ҳам уйланади. Никоҳидаги аёлининг қачондир кимнидир севганининг ўзи ўзбек эркаги учун унумтиладиган ва кечириладиган ҳолат эмас. Бундай ҳолатга тушган эркак чексиз изтироб оғушида қолади. Агар йигит аёлни яхши кўрса, изтиробининг даражаси янада ортади. Турғун ана шундай ҳолат исканжасида. Буни Матъмура ўтишионарли ўйсинда тасвирлайди: “Узоқ ўйлади. Тонг-ла Ойдинни олиб келиши учун боршига қарор қилди. Бироқ тонг – тонг эди. Буткул бошқа рангларда эди. Турғун оқишим ўзига берган ватдаси учун ўзини ёмон кўриб кетди. Соқол қираётганда ойнадан уялди. Кўчада Ойдин билан етаклашиб юриши-ю орқасидан Йигиталининг етиб олиб, ўтиб кетишини кўз олдига келтирди”. Икки ўт ўртасида қолган йигитининг: “Ўзинг сўйганин олгунча, ўзингни сўйганин олгин экан” тарзидағи тўхтамга келиши ўқирманни шионтиради.

Қисса факат чигал тақдирлар баённомаси бўлиб қолмай, балки унда ҳар қандай миллатнинг миллатлигини белгилайдиган тилга муносабат, уни бегона таъсиirlардан асраш, ривожлантириши, чексиз бойликларидан ўринли фойдалана билиши зарурати акс этган. Тилини ўйқотиш, уни зарарли таъсиirlар чангалида қолдириши оқибатда миллат қиёфасизланиши экани асарда жуда таъсиirlар кўрсатилган. Тилимиз фанидан ёшлиарга сабоқ бергувчилар нутқи билан халқ вакилининг нутқи ўртасидаги контрастлар маҳорат билан ҳавола этилган.

Қиссанинг барча ўрнида тасвир табиий ва зўриқишиз боради. Муаллиф асардаги ҳар бир персонаж тилининг ўзига хос бўлишига эришиади. Шу сабаб мақолсиз гапирмайдиган буви, нутқининг пала-партишилигидан савиаси қандайлиги кўриниб турадиган ўқитувчилар бадиши сўз сехридан лол қоладиган Турғун сингари тимсолларнинг тили бир-бириникидан кескин ажералиб туради.

Азиз ўқирман! Уибу қиссада сиз қизиқарли ва чигал тақдирли кишилар билан учрашасиз. Умид қиласанки, изтиробли учрашувиңгиз тозарии маъносида кўнгли ўтади.

Қозоқбой ЙЎЛДОШ,
педагогика фанлари доктори, профессор.

бўлмишга бирпас тикди-да, қоши ўргасига кириб олган тутунчакни ёзмокчидай пешонасини силади. Завуч дейдиганлари деразадан ташкарига қараб турган бўлса ҳам, хеч нарсани кўрмас, афтидан, кўзида шаҳардаги мажлисдами ё мудирнинг рўпарасида тик турганлари айланарди. Кейин у бир чўчиғандек бош силкиб Турғунга ўтирилди.

– Ўзингиздаям бор. Дарс тартибини унугиб қўясиз. Пала-партиш ўтасиз. Тилчи бўлмасангиз ҳам майли эди. Қаёқдаги нарсаларни ўйлаб топасиз. Алмисоқдан қолган мақол-соколга осилганинг нимаси? Айниқса, ана у кунги ишингиз... бошим кетишига сал қолди-я. ҚВЗнинг нима кераги бор эди? Иши йўқ одамдек... Жипириқ болаларни ҳалқ артисти деб эълон килдирасизми-ей. Ҳамманинг олдига пахта масаласини олиб чиқишига бало бормиди? Қанча ота-оналар келган экан.

Турғун кўзғалди: “навбатдаги пўпіса”.

– Дарс бор эди. Ўн биринчи “Г”да.

– Ие, сиз қизиқмисиз?! *Ватие* дарсга кирмайсиз энди! Дириектор кечасиёк чақириб аризасини ол деганиди ўзи. Ўтиринг! Биздаям бошка *виход* қолмади. Қолдирмадингиз.

– Дириекторнинг ўзи айтсан, ёзаман.

– Энди дириектор сиз билан гаплашмокчимас. Ўзбошимчаликларингиз униям мана бу ерига келтириди.

Ўриндикка гурс этиб кайта ўтириди. Завуч дейдиганларининг столидаги айлана организерми алламбало дейишадиган матоҳ ичидан кўк рангли ёзгични сугурди, кўзи баттар олайиб, хавотирда хунук йилтирай бошлаган раҳбарнинг шундок олдидা турган қофозни ҳам бир узалиб юлқиб олди.

Ёзди.

Бу бешинчи марта ариза ёзиши. Шундок ҳам туни билан нима қилсан деб ўйлаб чиқкан эди.

Жонкуткаар қофозни осонгина ёздириб олганидан хурсанд бўлиб кеттган завуч дейдиганлари энди унинг олдига айланиб ўтиб, елкасига кўл қўйганча, гапга тушган, панг овозда, асли Турғунни яхши кўриши, бир вақтлар аввалги дириекторга ўзи айттириб ишга олдиргани, ҳали бир отамлашиб ўтиришлари, ариза ёзib тўғри килгани, пайсалга солганда *заврайено* ўзи келиб кайтиб ўқитувчиликда ишлолмайдиган килиб ёздириб кетиши мумкинлиги, фурсати келиб замон айланса, яна ишга кириши-ю, терим ётоқ билан ягана пайтлари болаларни олиб ётища туриб бериши, яна эҳҳе.

Мактабнинг жинкўчага олиб чиқадиган дарвозасига етганда бир титради.

Тор кўчадан катта-катта қадам ташлаб қайтди. Елкалари кунишган, оёклари зилдек эди. Кулок-чаккаси қизиб бораради. Ҳар бутага ўт тушса ўзи куйиб ўзи ёнаркан-да.

Ёнида шерик бўлиб бир ариқ сув окиб боряпти. Бижирлаб нималардир дейтгандек.

Барибири чакириб олишади. Аввалги сафарлардагидек, “Майли, энди кўзингизни каттароқ очинг, тириклик бор”, “Кампирнинг хурматларини килдик. Уруш беваси бўлсалар. У кишига раҳмат денг. Бошка хато қилманг”, ё бўлмаса, “Энди тўғри ишланг. Шу шарт билан кайтариб оламиз сизни”, дейишади. Ишга қайтганида ҳаҳу килишадиган ўқитувчилардан бир эмас бир нечтаси якка дуч келган махалда, “Мен дириекторга айтдим, ишлайверсинг, ўзи яхши домла бўлса, дедим”, дейди. Ўн биринчи синфларнинг синфбошилари фурур билан гапиришади: “Устоз, биз синф билан йигилишиб ариза килдик”. Уч-тўрт кун ўтиб, ягана ётоқ бошланади. Болаларни олиб ётиш унинг чекига тушгандек, тайёргарлигини кўраверади.

Шунака. Бугун ариза буюрган директор ҳам ҳеч бир алохиди чакириб ё ҳеч йўқса оғзидан чикқанини икки юмалаб бажарадиган завуҷ дейдиганлари оркали бўлсин, ётоқка ҳозирлик кўришини тайинлаб ўтирумайди.

Йўқ. Бас.

Қайтмайди энди. Бу гал ҳам хўрознинг учгани томгача бўлмасин.

Уйга юрмади. Бувисига баҳона қидиргандан кўра бошқа борар жой ахтарди. Йўлни далага солди.

Ё Худо! Шундок рўпарасидан Шомирза келиб турибди. Қозокка, кейин Тошкентта курилиш ишига ёш-ёш йигитларни юбориб жойлаб ташлайди. Фарғонага ҳам одам жўнатади. Қаёкларгадир бориб, қайтишда машинасига аллақандай бегона кишиларни солиб келади. У кўча, бу кўча бошида, озиқ-овқат дўкони олдида, ошхонада, гузарда ўша бегоналар аралаш кишлоқ одамлари билан давра қуриб нималарнидир гаплашади, нималарнидир белгилайди. Кейин уларга уч-тўрт йигитни бириктириб ё ўзининг машинасида туман марказига ташлаб келади, ёки гузардаги бекатдан автобусгами, енгил машинагами солиб юборади. Тибиёт пунктидаги ҳар куни беш-олти одамни кўриб касалига ул-бул даво ёзиб берадиган Ҳусан дўхтирдан, идорада ўтириб нимадир ишларни ишлаб кейин оқ кўйлак-кора шиммининг тахини бузмай жиддийгина бўлиб Шайх кўчадаги уйига қараб бораётганда бола-бакранинг саломини эшитмаганга олиб, сал одам бўла бошлаган каттарокларникига эса билин-билинмас бош силкib ўтадиган Тилаш юристдан ҳам унинг обрўси баланд. Ана Шомирза, қаппайиб чика бошлаган корнини аранг беркитиб турган кўйлак тутмалари кўёшда ялтираб кўзни олганча якинлашиб келаётир.

Турғун тараффудланди. Балоқ³ турилмай балиқ тутиб бўлмаса. Бир-иккida тузук-куруқ гаплашмаган экан. Салом берди. Шомирза хайронланиб кўл узатди.

– Ака, сизда бир оғизлик гап бор эди.

– Ҳа, домла, тинчликми ишқилиб?

– Иш бўлса кетай девдим, Тошкентга.

Шомирза бирпас оғзини очиб турди, юзига кулги ёйилиб:

– Ҳа-а, мен бирорта мактаб болангизни билмай бир ёкка жўнатворибманни деб, – деди, кейин кўзларини каттарок очиб унга тикилди. – Ўзингиз ишламоқчимисиз?

Турғун бош силкиди. Шомирза меровланиб бирпас турди.

– Ҳа, бу, домлачилик нима бўлади?

Турғун елка қисган бўлди:

– Шу бугун-эртаёқ жўнасанам яхши бўларди. Қанака иш бўлса ҳам майли.

Устомон бўлгани билан бирорни эшитаётганда оғзи хиёл очилиб турадиган ўргакаш кўз корачигини пешонасига тортиб, ўйлаб кўрган бўлди.

– Қурилишда ишлайверасизми? Сал оғир-ку? – Шомирза унинг дазмолланган кўйлаги енгидан чикиб турган оппоқ кўлларига қаради. Оғзи яна хиёл очилиб борар экан, якиндагина корин тўйдирганини сездириб кекириб юборди.

– Ишлайман. Қачон энди?

– Бўлди. Ўзим хабарини бераман. Ҳозир сиз билан икки киши бўлди. Яндаш аканинг ўғли ҳам айттан. Тўрт киши бўлинглар, дарров Тошкент билан гаплашиб жўнатвораман.

Турғун раҳмат айтиб ундан узоклашди. Шомирза ортида хайрон-хайрон лаби бурилганча қолиб кетди.

³ Балоқ – шимминг почаси.

* * *

Хулласи, мана бундок бўлувди. Яқинги гап. Узун гап. Айтмаса бўлмайдиган.
Охирги аризадан тўрт йиллар бурунгими?..
Лекин минг йилти гаплар десаям бўлади.
Чўзмаса бўлмайди гапни.
Бор гапни айтиб олмаса ҳеч бўлмайди. Ҳеч.

* * *

Бойчечагим бойланди,
Қозон тўла айронди,
Айронингдан бермасанг,
Қозон-товорогинг вайрононди.

Ишга элтадиган жинкўчага тушгани заҳоти кўнглига шу айтимнинг оҳангি келаверади. Одамда икки хаёл бўлиши рост экан. Бири билан хиргойи килиб йўл босяпти-ю, иккинчи хаёли Ойдинда эди. Бирам сулув-да ўзиям. Ҳозир нима килаётган экан. Бунақа килиб уйида юраверса, харидори яна кўпаяди. Кел, ярашайлик, дёёлмаса. Хаёлидан куволмаса.

Қайтиб кел деса қайтмасми.

Энди аввалги Ойдин эмас у.

Лекин энди ўзи ҳам аввалги эмас...

Холини нима деб чамаласин. Тиш синса – оғиз ичиди.

Ўзинг суйганин олгунча, ўзингни суйганин олгин экан.

Бувисининг тез-тез такрор киладиган гапини эслади: тирик бўлиб сонда йўқ, ўлиқ бўлиб гўрда йўқ. Кампир буни тўртга боласини етим қолдириб ўттиз олтисида ўлган қизини ерга кўйганидан кейинги доғ-доғ ахволидан ўз-ўзига бирда бир сўзланганида айтарди.

Яхшиям иш бор, чалғиб кетади.

Ҳар куни бориб-келишига битта йўл. Энтиган-тентиган бирор ўтмаса, кимсасиз. Лекин хаёл зерикишга кўймайди. Йўлни йўлчи енгади, дейдилар-ку.

Мактаб дарвозасига етгунча тўрт юз ўттиз қадам атрофича йўл босади. Бошида санаб кўрган. Йўртиб юрса йўл унаркан. Шу йўл устида баъзан айрича фала-ғовурга, тасодифларга, кулги ортига яширинган ғамғинликка, хайратга, яна алланечуқ ажиб, номлаб бўлмайдиган туйғуларга коришиб ўтган болалигини эслайди. Эслаганида эса ҳозиргина чиқиб келгани – баланд кўтариб солинган, таъмир қилинган уйни, супачаси, ошхонаси, товуқхонаси тартиб билан жойига ўрнаган ҳовлини эмас, бутунлай бошқа манзарани кўради. Манзара эдики, кўнгил кўзлари бедор-бедор ҷоғларда юрагининг тўр-тўридан жой эгаллаб, энди хотирасининг доимгилик ҳамроҳига айланганди. Ўша паст деворли ҳовли бутун дунёдан кенг эди. Унинг эски ҳовли сахнида айланадиган тасаввурлари ҳозирги ўчоқхонадан бошланиб кетарди. Негаки, ўчоқ ҳозир ҳам жойида турибди. Уни бувиси бузишига кўймай опколган: “Кўй, исли ўчоғим – ризқли ўчоғим”.

У ҳамон йўл кечиб юриб борарди. Йўл – йўл эди. Ортдагиси ортда колган эди. Юрган йўлдан топади, ўтирган қайдан топади.

Гоҳ-гоҳ ён-веридан мактаб болалари урро кетди килиб ўтишади.

“Болам боякиш бўзчининг мокисидай ишга катнайди”, дейди бувиси.

Бежизгамас.

Бир кетиб, бир келганидан кўра, уйига у-бу иш билан бир ё икки-уч бориб қайттан кунлари кўпроқ.

Мактабнинг ўқишидан бошқа ишлари анча-мунча. Даҳмаза дегандек. Давлат ҳамма жойга шанбалик айтганми ё катталар эртага текширув келаридан потраб қолган кунлари Турғун кайтиб келиб бошқа кийиниб, зарур асбобларни олиб чиқиб кетади. Бошқа пайт белкуракми, кетмонми, замбилми, аравами, чўлтоқ ё ойим, ё кизил супургими, “Турғун ака” деб чакириб келган болалар нима сўраса, кампир бериб юборади. Кейин оралатиб мактабни, гапи орқасида Турғунни яниб қўяди: “Кўшниси мактаб бўлгандан кейин ҳар йили меҳим⁴ларини янгилақ қўяверсин экан одам. У кўшнининг рўзгорида на эга бор, на барака. Бир нарса сўрайди, йўқ деб бўладими. Шўрлик нарса боради-келмайди, боради-келмайди”.

Турғун дамини ичига ютади. Нима десин? Ёшлигига резавор тагини чопадигани, сопиям темирдан кетмонча бўларди, ерни чакқон ўядиган бир учи ингичка метин, сал букри бўлсаям, лўм, беш-олти кетмон, битта устақўли теша, кичкина арпа – ҳаммаси мактабнинг шанбаликларида йўқолиб кетди. Супургининг-ку, саноги йўқ.

Э-э, бу майдо-чўйда гаплар.

Сўқмоқ эса барибир қадрдон эди.

Тинглангиз бу қиссани эй, дўсти ёр,
Бу – ҳақиқат, ҳолимиздан ошкор.⁵

Дунёда айтиб бўлмайдиган қиссалар канча.

Ойдин кўнглини ўтга солиб бир ўйнатиб, бир келиб, бир хайё-хуйт деб кетгандан бери алланарсаларни такрор килиб юрадиган бўлди.

Мактаб ҳовлисига кирди дегунча ҳамма нарсани – бувисининг кексайганда келиндан ёлчимай кийналаётганини, ўзининг тенг-тўшлари билан сўзи чиқиши маслигини, акасини тез-тез бориб кўролмаётганини, Ойдиннинг тез-тез кўз олдига келиб турадиган киёфасини унугтиб юборади. Оркада колади барি. Синфхонага қадам кўйганида эса ўқитувчи опахонлар кўрсатадиган нағмаларни, аёлликларига бориб, баланднинг остидан, паствнинг устидан ўтишларини, ёзиш керак бўлган бир ғарам қоғоз-поғозларни, икки ойлаб кечикадиган ва ҳали олмаган маоши устида бўлиб ётадиган тўлов-ўлон машмашаларини ёддан чиқаради. Уям оркада қолади. Рўпарасида дунё дардларидан йирок, ҳар бири бир олам болалар. Бола бўлиб келаркан одам, бола бўлиб кетаркан, орада би-ир чалғиркан. Чалғир чоғларида Одам дегани боланиям, кексаниям ожиз кўраркан, “бала – бола-да”, “каричилик шу-да” деб парвосизгина қааркан.

Асли одам дегани бола дегани экан. Ҳали айниб улгурмагани одамлигини бой бермагани экан. Қариб ўлар бўлгани одам бўлгани экан.

Бир болани катта қилгунча бир шаҳар пайдо бўлармиш.

Қарчигай кариса чумчукқа майна бўларкан.

Иккинчи соат дарсдан кейин ўнинчилар билан ўн биринчиларни ташқари ҳовлига тўплашди. Директор ўринбосари, асли у ҳам бир неча йил аввал адабиёт ўқитувчиси эди, кўпларнинг назидида омади келиб, раҳбар бўлиб олган. Бир кошик ошим, фалвасиз бошим деб ўтирганидан бирда бир ичидан зил кетадиган ўша ўринбосар зинага чиқиб ваъз ўқиди:

– Так, значит, сизларга бугунги бешинчи-олтинчи соат дарсдан жавоб берамиз.

⁴ Мехим – рўзгор буюм.

⁵ Жалолиддин Румийдан.

Ҳамма уйига бориб, ёткқа тайёргарлик кўради. Эрта-индин срочна команда бўп колиши мумкин. Иссик кийимми, кружка-пружками, пастел-мастелми, майиз-туршакми, тахт килиб кўйинг! Факат шийпон, тоест, штаб белгиланишини кутяпмиз. Тағин команда бўлганда, этагим йўқ эди, раскладушкам синган, касалман, деган баҳоналар бўлмасин. Этак запаси билан бўлсин. Военный холатда тайёр турамиз. Сурункали касалман, деб юрганлар бўлса, айтиб кўяй, мундоқкина қоғоздаги справка-мисправка ўтмайди. Факат ВКК олиб келса, паҳтадан озод қилиниши мумкин. Ҳа, айтганча, ВКК район баниссасини бўлиши шарт. *A то барибири проблема бўлади.* Эртадан яна ўқишга! Дарсдан прогул килиш йўқ!

Тушдан кейинги дарслар, яхшики, бузилмади. Лекин, барибири еттинчиларни ҳам сал кечикириб ёткқа олишади. Ундан куйи иккى синф катновга боради. Ундан куйиси ҳам ишсиз қолармиди. Кеч кузакда мактаб ҳовлисида тариллаб трактор юриб қолади. Бу вақт мактабда факат бошлангич дейиладиган синфларгина қолган маҳал. Доимги мактаб формасидан бошқача, ҳар турли кийиниб келиб, мактаб ҳовлисининг у ер-бу ерида тўпланиб ўтира-ўтира охири туш маҳал сарик автобусни тўлдириб узок-узокларга жўнаган ака-опаларини “тезрок катта бўлсан, мен ҳам паҳтага борарадим”, деб ҳавасланиб кузатиб қолган кичкиналар аввалига трактор овози негалигини тушунмай, кўринармикан деб деразадан мўралаб кўядилар. Ўқитувчилар эса уф торгадилар. Мана, неча кундан бери ана келади-мана келади деб турилган кўсакни спорт зал эшигига тўкишади. Энди уни ташиш керак. Кейин ўқишга келган шўрлик болапакирларни бир соат-ярим соат дарс билан алдаб, залга опчикиш. Курук полга чўккалатиб кўсакчувитиш. Бирортаси ўрнидан турса, гапнинг қуюгини эшигади. Керак бўлса елкасидан босиб, керак бўлса алдаб-сулдаб жойига ўтиргизишиди. Ахир оёғи увишган ҳамма болалар туриб кетиши мумкин. Кейин иш расво бўлади.

Кўнгироқ жаранглар-жарангламас ҳовлига отилган майда болалар спортзал рўпарасида тўхтаб турган тракторни ўраб олиб, ичларига сигмай севинадилар. Унинг яшил кабинасию панжарали судрамаси, каттакон гилдираклари, улама темирлари фоят антика. Лекин трактор кўп қолмайди. Юкини ағадарди-ю, катталар хайҳайлаб болаларни ҳар ён килиб очган йўлдан тариллаб жўнаб қолади. Хўл кўк кўсакни энди кўраётган, ўқитувчиларнинг кўзини шамфалат килиб ичидан сув аралаш паҳта чикадиган антика думалоқ нарсадан бир-инкитасини чўнтағига тикиб олган биринчи синф болалар дарс маҳали секингина синфдошларига кўрсатиб мактанадилар. Хулласи, бунака гапларга иккى ойлар бор. Ҳали биринчи терим ҳам бошланмаган, юкори синфларни олиб кетиши учун автобуслару кўрпасини босиши учун юн машиналар мактаб дарвозаси рўпарасига терилшиб турмаган бўлса-да, сув кўрмай ечилиган этикнинг эгаси етказган эълон сабаб ичкарида об-ҳаво ўзгарган эди. Янги ўқув йилини шашт билан бошлаган ўқитувчилар энди ҳафсаласизгина дарсларга кириб чиқишимоқда, ўқувчиларнинг ҳам кайфияти алмашган, кўчанамо кўриниш олган.

Мажлис ҳам ҳар бир ўқитувчи паҳта “сезон” киришига тахт туриши, ёткқа борадиганлардан ташкари ҳамма катновга чиқиши, ётк бўлсин, катновда бўлсин, паҳта “норма”ни бажариш шартлиги, мактабда бир ярим минг ўқувчию бир юз ўн ўқитувчи борлиги учун кунлик терилган паҳта тўғрисида юкорига “информация” етказишида уялиб колмаслик лозимлиги борасида бўлди.

Мажлисдан кейин у йўл билан йўллашиб уйга қайтди. Ҳа-я, бу кичик йўлдан домлалар ичиди битта ўзи юаркаркан.

Ховлига оёқ кўйди. Тилаб азиз киладигани, тафтини оладигани – бувисининг юзига нур юргурди.

Кампир неварасини ҳар кечикканидаги каби яна учеб-кўниб кутиб олди, чўгда туриб анжирнак⁵ бўлган чойдан куйиб узатди.

– Болам-эй, кўзим тешилиб кетди. Мунча кечикдинг? – деди тагидаги чўт бехолгина милтираётган қозондан сопол лаганга икковора овқат сузаётби. – Қачон эди пишгани, совийди деб ичим тушди.

Мажлис бўлди.

– Йўқ кўраман⁶-да шу майлисингни. Нима гап экан? Пахта-махтага айтишдими? – деди кампир дастурхон ёнига чўкаркан кенг кўйлаги енгларини химариб⁸.

Хозирча йўқ.

– Акаларинг устудентларини олиб ётоққа кетганига шу бугун бир хафта бўлибди. Яхши сизларни айтмай турибди. Зора катталарнинг эсидан чиқиб қолсанглар.

– У ёкларда эртарок очилади-да. Бу якшана кўриб келаман акамни. Агар кетиб қолмасак.

Кампирнинг кўзи чўғланди. Томоғини сингил кирди, Турғун томонга қиялаб олди.

– Ўқиган жойида қолавермади шу болаям. Узокқа кетди. Кетса келолмайди, келса кетолмайди. Ойлигингдан акангга бирорта кўйлакми, обборгин, болам, йўқ, яхшиси биронта бўтиқ олакол. Бу ёғи совуқ тушади. Ўрдак есанг, ғоз бойла. Сенга ашулакўяр опкепберди-ку. Нимайди оти? *Майнатопон*. Янаям одамжонликкина аканг. Ўзининг уст-бошига қарамай, сани хўйлабди. Ишини унуми йўқ, кетини тиними йўқ. У матоҳни опкелган куни устудентлигига обераман, дувдим, битириб қўйдиям оберомадим, деб бир ўқинади.

– Ҳмм, олинг ўзингиз ҳам, – Турғун бувисига маъюс тикилди. Ичи гапга тўлиб кетган. Бечора, куни билан якка ўтиради.

– Акангнинг бутун умри мардикорда ўтиб кетди. Эр бошига иш тушса, этик билан сув кечар, қиз бошига иш тушса, кизилоёқ қир кечар. Шанба бўлса кўзим яйнаб⁹ йўл қарадим. Икки кўзим эшикда бўларди. У бўлса ўзимни ўзим эслайн деб, кўрган кўчада ишлаб юаркан. Сан-ку оралатиб бўлса ҳам, ирок¹⁰да ўқидинг. Аканг ҳафасига келадиган бир қадам жойдайди.

– Сиз каёқдан биласиз мардикор ишлаганларини? Айтмасдилар-ку?

– Билмай ўламанми, – кампир сўзлай туриб, сўри тагидаги арикчада кўл чайди. Бошидан сиргалаётган рўмолини кўли учиди тортар экан, ийманиб набираси томонга ўтирилди. Унинг бошка ёкка караб турганини кўриб рўмолини шошқин ешиб, кайта ўради. – Мени кўнглим топади. Акангни хўй-феъли яхши. Хозир илгариги оқибат контими? Ҳамма ўз кўмочига кул тортади.

– Ишлариям бошидан ошиб ётибди.

– Секин айтасанми. Умринг узок бўлгур ишини тифнаб қиласига киладиган чиқди-да. Бунака ўкишини битирган ёшлар ҳозир давлатига дам беради. Бошлиғи бўшаб кетиб битта хотин киши келганмиш-ку. Жиринкоз¹¹ гинами дейман, тиндирмайди-я. Хотиндан оқсоқол чиқса, эчкини икки қирқтиаркан.

– Ҳамма гапга бир мақол-а, буви.

– Ҳа, энди жойи келса айтарлик-да. Акангни қадрига етавур. Укаларим деб ўт

⁵ Анжирнак – ранги тўк.

⁶ Йўқ кўраман – ёмон кўраман.

⁷ Химариб – шимариб.

⁸ Яйнаб – жавдираб, кўз тутиб.

¹⁰ Ирок – йирок, узок.

¹¹ Жиринкоз – баджахл, феъли тор.

келса ўтга киради, сув келса сувга. Куллугчага анча ёрдам килди. Ман бор-йўқ, ишқилиб... Опангниям якка ташлаб қўйманглар.

– Ҳм, сафарга чиқдингизми?

– Ҳаммамиз сафарга чикканмиз, болам. Мени мазгилим якин. Шунча кун кўрдим, ер боғдим. Ўлсам ғик этиб йигламанглар. Куллугниям ўзинг уришиб тургин. Ризвонга қийин бўладими дейман-да. Салга вой-вой қиласди.

– Сиз хам холабувимни битта синглим деб нақ жон берворасиз-а?

– Айтганча, эрта ишдан чикиб, холабувингта бозор килиб кеббергин. Униям кораси коратоғ. Бектурди акаларинг даладан келолмайди, шекилли. Сув талаш эмиш. Кейин ужув¹²ини топсанг, уларданам хабар оласан. Бирам кўргим келади йўқ бўлмагур Бектойний. Мениям, Ризвонниям кичигидан хола дейдиган бўлди. Лекигин чол бўлиб ётибди-ку, ақли кирмайди.

– Ўзингизни оборайинми?

– Мен этагимни оғирини зўрга кўтараман, болам. Ораси анча-да. Йўл каёқда-ю мен каёқда. Укам раҳматли тирик бўлса, Бектойнинг олдига унча-мунчаси тушолмасиди. Йўқ бўлди кетди-ей. Бирам меҳрибон эди, – кампир кўзига ёш олди. Қисилган томоғида овози хиркираб деди. – Икки товоқ мош шопириб қўйдим. Оборасан.

– Дайсан товоқдами?

– Дайсан товоқ коптими ҳозир. Елпиштовоқда.

– Буви, дайсан товоқ дегани нима ?

– Яна сўрок-саволингни бошладингми?

– Ҳа, нима қипти, айтинг. Ҳов анави куни Мели тоғамнинг қизини чиқиб кетиши билан “дайсан товоққа ўхшамай қол”ми дедингиз-ку.

– Билмадим-э. Мен нима дейман-у. Ўшани эсимга солдинг-да. Кўрсам, худди мижиб¹³ ўлдириб қўйсам дейман. Кеннойинг ёмонам бошига чикариб олган-да. Сиртини силашдан бошка иши йўқ.

– Битта қиз деб папалайди-да, – Турғун ўз гапи ўзига нашъя қилиб кулди.

– Қизнинг эркаси – итнинг серкаси. Ҳингир-хингир кулади, шу кулгисини йўқ кўраман. Айёргишини айттин. Орқам тутиб турган бўлса, қаттиққина уришиб бераман-да. Тилининг тагида тил бор бу қизнинг.

– Ие, зўр гап-да шу. Тилининг тагида тил бор дегани нима? Гапириб туриб бошка нарса...

– Бўлди, сен бола. Ундан кўра, хотинингни опкелишниям ўйла. Қанчадан бери юрибсан. Талоқ тушиб бўлди аллақачон. Ҳали ярападиган бўлсанг, эшонлар сўратиб олинглар, дейди.

Турғуннинг кўзидағи париллаб турган завқ аллақаёқка йўқолди. Сўрига чўкиб, уф тортди.

– Хў бола, уф тортгунча Худо дегин, тавба дегин.

– Намозингиз кечикяпти.

Кампир аччиқ ҳўрсиниб, намозга кириб кетди. Турғун гулзорча томонга назар ташлаб, хаёлга берилди.

Ҳовли барча тоза туйгуларнинг, баланд ва ширин орзуларнинг учи эди. Ҳовли бугун унинг саҳнида айлануб уриниб юрган серажин кампир бувисидан аллақачонларда эшигтгани, кулогига ўрнашиб қолгани ва кейинроқ эсига олганида уларнинг нима маъно билдириши тўғрисидан кўп ўйлагани – тагдор сўзларини қай

¹² Ужув – барор.

¹³ Мижиб – гажиб.

пучмокларида яшириб турғандек, агар казнок¹⁴қа осилған кувани, шоли солинадиган ёғоч идишни, жавдар түйиладиган келини, бир пайтлар сувидишилик вазифасини қойил қилиб, энди тепага осиб күйилған чети учык тарраковокни ва унинг ичига солинганича қолған чүмичковокни, корни пачок бўлған кичкина мисқозонни яна нима-нималарни олиб чиқиб ичига бошни солгудек қилиб гапирилса, ўша бирда доно, бирда пардасизроғу нимҳазил, бирда узун-узун оҳангларга коришк, не-не одамларнинг тилида узоқ-узоқ кун кўрган, не-не ийллар, балки ўнлаб асрлар, балки, ундан ҳам кўпроқ вақтлар оғизларда яйраган ўйноки жумлаларни сайраб юборадигандек. Бувиси яна ҳам аввалги айтганларини айтмай кўйди. Унда шугина кампирнинг кекса онаси ҳам тирик эди-да, кўпини ўша билан гаплашганида айтарди.

Хаёлдаги ховли этагида кийшайиб ўғсану, худди меҳнат кила-кила кариб бели буқчайғанга ўхшаб қолған, кексанинг куни курсинми ё шунга ўхшаш айтилимиш сўзларни эслатадиган олманинг бўйнига, кетгунингча бекор турма дегандек, ҳайнинчак осилганди. Олмадан уч-тўрт қадам наридаги ярми ерга ботган, сирти силликлишиб кетган, ер асли кимники, бизларники, ишонмасанг келиб кўр дегувчи улкан кўкиш тошлар атрофида сўқмок йўлчалар кўринар, уларнинг бири ўнг томондаги сойга, бири чап ёқдаги анхорга, яна бири қадим, бир ёнга энгаш кийшик эшиклари очилиб ётган уйга, бошкаси олма дараҳти тагига элтар эди. Йўлларнинг ҳаммаси ўзиники. Изларнинг ҳаммаси ҳам ўз-ўзиники эди. Ўз дунёси бор эди. Бирор аралашмасди. Бирор индамасди. Онасининг ўрнини босай деб, не-не кунларни бошидан кечирган ўзгинаси боякишнинг табарругу фаниматлигини унуттан, балки унуттан эмас-у, билмайдигандир, бувисидан бўлак ҳеч кимнинг у билан иши йўқ эди. Бувиси қиласидиган ишнинг ҳам магиз-магзи у эди.

Юрагида олиб юрадиган тоза-тоза дунёси ҳам шу ховли эди. Ундан қараганда ҳамма катталар яхши, аклии кўринарди.

Энг зўр одамларгина раисми бошлиқ бўлишига ишонтиради ховли.

Кейинги хотини билан Задарё томонларга кўчиб кетган отасини ҳам бирда-бир келиб чакиртирганида кўрарди. Келиб-кетганидан кейин бувисининг ич-ичдан пишиб бир нарсалар деб пичирлаб, юзига фотиха тортишини, яланбуви уйига кириб кетганича ё боғ этагига кетганича кўзини кизартириб чиқишини билганидан отасини тумтайиб кутиб олиб, тумтайиб кузатар, лекин барибир уни ҳам энг зўр одам деб биларди, яхши кўрарди.

Дунёси ғоят гўзал эди.

Эрта турмушга узатилған, ора-чора эшиқдан йиғлабми-йиғламсиб кириб келадиган опаси Кутлибека ётиб қолған кунлари ҳовли тўлиб кетарди. Акасини дадаси ҳали онаси ҳаётлигига катта шаҳардаги ётоқ-мактабга олим бўлсин деб берган, шунинг учун акаси билан тўйиб ўйнаган кунларини эсломасди. Ёш бошидан мусофирик заҳматини тортган aka ҳозир учма-уч яшаса ҳам, оилали, битта болали бўлиб олганича шаҳарда ишлар, ишга ботиб, кам келарди.

Бувисининг Соттиби холага йиғлаб қилған ҳасратини қулоги илиб қолиб, кўй боккан кимсасиз жойларида кўзига жик-жик ёш олиб юрганида Турғун тўртингчига бораради. Кампир боғдан чиқиб келган неварасини пайкамай ҳасратга тушди: “Эри қаёқдан ҳам ўғай холам кизимизни сўрайяпти, берайлик, дебди. Мана, гулдай болам йўқ бўлиб кетди. Холаси курсин, бир марта биттасини беринг деб сўрадими. Бирорга жавдиратмасдим ҳам-ку. Болам шўрлик кизимни берсам, яна битта киз туғай, бермай десам, эрим ёмон кўриб колади, деб, кўй, яримжонсан

¹⁴ Қазнок – рўзгор буюмлари сакланадиган омборхона.

Маъмурда ЗОҲИДОВА

деганинга кулоқ солмай иккигат бўлди. Барибир кизи турмади-ку. Бола жонга ора киравмиди. Эри ёмон кўрса кўрсин эди, эрсиз ўтса ўтсан эди, эшигимда юрса бўлмасмиди?”

Бир гаплар ёдида қолди. Кейин неча-неча кечаларни уйқусиз, коронғи деразага тикилиб ўтказди. Сехграр бўлиб қолсан эди, дейдиган бўлди.

Худди ўша ёз доим келиб турадиган тиланчи билан қизиқ иш бўлди. Кампир бу гал ҳам унга нимадир узатгач: “Қачонгча йигит нарса бунақа қилиб юрасан, битта ҳунарнинг бошини тутсанг бўларди”, яна ул-бул дакки берди. Тиланчи шундокқина очиқ эшик остонасига кетини қўйди-да, пешонасига шапиллатиб урганча ҳўнг-ҳўнг йиғламоққа тушди. “Э эна, ишла-ишламиш-а, қисмат китобни битмалари битган. Пешонам ҳам ёзуғдан нарисини кўрмайди”. Кейин унга юзланганди: “Хой бола, пичоқ опке. Бор анграйма, опке, шу пешонамни кесаман. Ёзигини хатосини моманг тўғрилаб берсин-чи. Бор, опке. Ўхў-ўхў, увув-увув”.

Турғун урма кочиб кетди.

Ўшандәёқ қисматнинг билгисиз ёкларда – осмоннинг қай бир томонларида битилишию ўзгармас эканини болачасига бўлса ҳам ўй килди, ишонди.

Онасидан кейин синглиси Лолаҳон ҳам икки ёшга тўлай деганда ўлиб қолди. Ўша кунларда Тургунни Бектурди акасининг олдида ушлаб туришди. Кейинроқ эшитиб ақли етишича, синглиси қаттиқ ичикканидан ўлибдимиш.

Ғам-ҳасрат эрта келса эрта чарчатар экан. Юракни безиллатиб қўяркан. Ғамдан нари бўлишга уринар экан одам тушмагур. Бир-икки йўлини топар экан. Ўзини кувноқ тутиб баридан бирйўла кутулмоқ бўлди. Ҳар нарсадан кулги чикарди, бошқаларнинг кўзига хушчакчак, елҳак¹⁵ кўринди. Ичидагиси ичидা бўлди.

Бир умр ўзини шундай тутиб юришга хозиру рози эди.

Кейинроқ бўлса... яна бари чирпирак бўлиб кетди.

Ўшандок бўлгунича у вайрону талкон кўнглини овутмоқ бўлими, ўзини китобга андармон килди. Эски кутубхонада ўқимагани кам қолди.

Энг катта китоб умрнинг ўзи экан. Бираам бетлари бўларкан, суратлари билан, эсдан чикмайдиган, чикарип бўлмайдиган.

Үқдим деганинг уқмагани шу экан.

Синаамасиз фариштадан синашта шайтон яхши бўларкан-а.

Шундок-шундок бўлди-ю, ҳар нарсадан кулги ясаб бўлмай қолди.

Кўнглининг қат-қатларига бедаво дард чўқди.

Юрагига бирам чандиқ ёпишиди.

Кўксига чанг согланни бевафо деб бўлмаса, вафодор деб бўлмаса.

Юрагингта кўнглан губор ҳам давлатингдай гап экан.

Кампир намоздан чиқиб сўрига чўқди.

– Бурунда икки қўшни уришиб қопти, болам. Айтмаган сўзи қолмапти. Ҳеч бири бирини сенголмасмиш. Ахийри биттаси томга чиқиб наригисини, “Э, у кунингдан баттар бўл, нонида кулчаси йўқ, кирида кўйлакчаси”, деб мот қилибдимиш.

Турғун ён берган бўлиб мийигида кулди.

– Сиз ҳам, ҳар куни мени мот киласиз. Кўп нарса биласиз-а? Айтмаганларингиз канча экан? Ах, кундузигида ўқимадим-да, институтда қолармидим? Қадимги канча гапларни тўплаб китоб қиласардим, олим бўлардим.

Кампир кўзини ариққа қадади. Нимадир дейишга чоғланди, лекин набирасининг уй томон шайланганини кўриб, кўзлари мўлтиради, гапини ичига ютди.

¹⁵ Елҳак – бегам, бегубор.

* * *

Күш хар кунгидан каттикрок киздиради. Асфальти ўйдим-чукур бўлиб ётган катта йўлда машинаю мотоцикллар тариллаб у ёқдан-бу ёқка ўтиб туради. Дарвозаси устига “Добро пожаловать”, кейин эса “Хуш келибсиз” ёзувлари осилган мактаб ҳовлиси айни пешин бўлганидан фала-ғовурга тўла.

“Мактаб боғи” деб аталағидан тарафда – уч қаватли бинонинг шундок ортида ҳали кузни тан олгиси келмаётган дараҳтларнинг тўқ яшил барглари орасида охирги шираларга тўйинган рангдор олмалар кўринади. Қатор-қатор дараҳтлар тагида учтўрт бола хира тортган ажрикларни тепкилаб айланишиб юришади.

– Бу бешолдуз дейилади, тўғрими? – деди бир бола иккинчисига ҳозиргина шоҳни эгиб узиб олгани – қип-қизил олмани кўрсатиб.

– Ҳм, шунақа, шекилли. Мен бунақасини яхши кўрмайман. Оқ олма бўлса экан. Голден дегин. Оқ олмани голден дейилади.

– Ҳи, ўша.

Бола олманинг чангини кўллари билан артиб, карс этиб тишлади.

– Вой, бунинг ширинлигини кара.

– Ботир, *маралний* дегани нима дегани?

– Нима дейсан?

– *Маралний*?

– Билмасам, қаердан эшитволдинг?

– Арслон акам *армиядан* келди-ку, кеча шунақа деди-да.

– Э, билмиман, ошна. Зўр бўп кептиларми?

– Ҳа-да, армия кийимини кўрсанг. Менга айтдилар, *шапкаларини* кийдириб, расмга тушириларканлар.

– Шаҳарга обориб-а?

Ҳа-да.

– Ў-ӯ, мазза экан-ку.

– Ҳм, кейин хар куни эрталаб *заниматса* қиляпмиз.

– Нима қиляпмиз?

– *Заниматса*. Тушунмийсан-да. *Тренирофкам* дейдилар. Машк килиш дегани.

– Ва-а, ўзингам билмасдинг-ку. Энди акандан ўрганволиб айтъяпсан-да.

– Русчани анча билволдим. Энди Яйрахон устоздан “беш” оламан, кўрасан-ку.

– Хи-и, кўрамиз-ку.

Болаларга зимдан кулоқ бериб, наридаги ўриндиқда ўйга ботиб ўтирган Турғун энди бинонинг ўнг четидаги қизлар ўйнаётган саҳнга қаради. Махмадона бир қизалоқ тенглари орасидан чиқиб, беш-олти қадам нарида турган бошқа бир қизага қараб деди:

Зарифахон ойим,
“Икки” олар ҳар доим.
Пешонаси тиришиган,
Ҳамма билан уришиган.

Зарифа деганлари лабини бурди, мазахлагувчининг аламини келтирадиган сўз кидириб лабини ўнглади, аланглади, кейин “э бор-е”, дея узунгина жамалакларини силкиб-силкиб чопганича нари кетди. Қиз шу томонга яқинлаб келаётган бошқа қизга яна шеър ўқиди:

Муслимахон ойим,
“Икки” олар ҳар доим.
Пешонаси тиришган,
Ҳамма билан уришган.

Турғун завки келиб кулимсиради. Дарсга кўнғирок чалинди. Мактабнинг кенг ҳовлиси томонда эса болаларнинг кий-чуви хали босилмаган, лекин ҳамма бирдек кириш эшиги томон юрибми чопиб келарди.

Она тили дарсида олтинчи “А”га атоқли отларни ўтиб берди-ю, гап исмларнинг маъносидан очилди. Ҳамма ўз исмининг маъносини сўраб билиб ола бошлади.

– Устоз, кўп отларимиз арабча экан-ку.
– Ҳа, шундай. Лекин тожикча исмлар ҳам бор. Мана, Феруз, Умидаларнинг исми тожик тилидан олинган. Ҳа, Бахтигулникиям.

– Устоз ўзи ўзбекча исмлардан ичимиизда борми?
– Сизларда камрок. Ўткирники ўзбекча. Учкун, Қизлархон, Тилак, Турсун, кейин Юлдуз ҳам бор экан.

Исларнинг эгалари синдошларига ғурурланиб қараган бўлдилар.
– Ўзбекча отни ҳозир кам қўйишадими?
– Ҳа, кам қўйишади. Кўпি эскирган сўз хисоб бўлиб қолган. Оймомо, Пошшахон, Туроб, Мели – шунга ўхшашлар ўзбекча отлар.

– Устоз, мени отим нима маънони билдиради? – сўради охирги партада ўтирган бола.

– Бурхон... Бурхон... Сеники арабча эди... Бурхон... Сен менга шуни вазифа килиб бергин-а. Ҳозир қўлимда исмлар китоби йўқ эди. Эртага айтиб бераман. Сизларга эса уй иши бор. Мана, мана бу – соф ўзбекча отлар луғати. Буни “Ислар китоби”дан ажратиб, ўзим тузиб чиқдим, – Турғун ўн-ўн беш варакли, мукова дейдиган жойи ҳам оқ-кора ёзувдаги китобчани кўрсатди. – Ҳаммангиз навбат билан олиб кетасиз-да, ўтган боболарингиз, момоларингизнинг исмларидан ўзбекчасини топиб келасизлар, топилганича. Қани, ким кўпроқ ёзиб келаркин. Бунда сизга отоналарингиз ёрдам беришади. Биласизларми, “кариндош-уруг” деган жуфт сўзнинг кариндош кисми она томон қариндошларингизни, уруг кисми ота томонингизни билдиради. Чунки қариндош – қориндош дегани. Тушунарлами? Сиз ҳар икки томондан аждодларингизнинг отларини, сизга қандай қариндошлигини билиб оласиз.

Болалар эртага зўр бир ишни қойил килиб келишларига ишонганча, кўзларини катта-катта очиб, ўқитувчиларига тикилиб туришарди.

Бола-бақранинг ҳам салобати бўларкан. Ишга келибдики, уни ҳаммадан қаттиқ босгани шу салобат бўлади. Бўлмаса не-не текширас одамлар келиб-кетди, не-не селектор отлик йигилишларда директори билан бориб тик турган вактлари бўлди. Ҳаяжон дегани болани ўқитаётганда бир бошқа бўлади. Болаларнинг увоккиналиклари раҳминими, бир нарсани қўзгайди, беғуборликлари эс-хушини андармон киласи. “Бугун нима ўрганамиз?” деб туришлари-чи, кўнглигабир нималар беради. Партақаторлар оралаб юрганида кўзига мўлтираган жужуқчаларнинг оплок кўнгилларини кафтига олиб эҳтиётлагиси келиб кетадими-ей. Қани эди, бир умр шундок беғубор бўлиб қолиша. Беш-олти йил ўтиб, катта одам бўлиб кетишади. Кейин...

Барibir ҳозир ҳаммаси яхши...

Шунча бола ўқитувчисининг ҳар бир ҳаракатидан индиёт¹⁶ олиб турса, килт этид кўрсин-чи.

Танаффусда бино йўлаги бўйлаб кетаётганди, ортидан ўқувчилар чопиб келишиди:

– Устоз, китобни Тилак олволди. Бизга берсин. Биз еттитамиз бир маҳалладанмизку. Душанбагача ҳаммамиз вазифани бажариб келиб, кейин бошқаларга берардик.

– Хўп, чакиринглар. Ана ўзи. Тилакжон, буларга берақол. Сен душанбада олиб кетасан.

Тилак китобни маҳкам тутганча, кувлик билан деди:

Устоз мен олиб кетаверай. Эртага олиб бориб бераман.

Йўқ, айтганни кил. Бер. Индинга оласан.

– Хўп, – бола бўйи ўзидан баландроқ қақажон кизга китобни зарда аралаш узатди, кейин чирт бурилиб чопиб кетди.

Болалар ўқитувчисидан узоқлашишиди.

Уйга тараддуланиб турган чоғ Жўравой мажлис хабарини бериб қолди. Ҳа, рост шекилли, ана, ошхонадан берироқда бир қанча аёллар тўпланиб туришибди. У ўқитувчилар хонасига қайтиб кириб, текширадиган дафтарларини кўлига олди. “Мажлиси бошлангунчача...”

Шу мактабда ўқиб юрган вақтларида ўқитувчилари авлиё қўринарди. Жуссаси майдада бўлганидан бошқа бола-бакра катори катталарни улуғвор, ҳайбатли кўярди. Кейинроқ қараса, жуда унака эмас экан. География ўқитувчиси увокқина, математика, физика домлалари, синф раҳбари – ҳаммасининг бўйидан ўзиники баландлаб кетган, назаридаги уларнинг ҳаммаси ёши улфайган сари чўкиб қолгандек. Ўн биринчи синфда ўқишининг охирги ойларини мактабни битиргандарига ишониб-ишонмай ўтказишар экан, бир-бирларига ҳам, ўқитувчиларига ҳам доимидан хушмуомала, меҳрибон бўлиб қолгандилар. Сўнгти кўнғироқ куни синфдошлари Корахўжа тогига чиқиб кетган, у эса уйга келиб, олма тагидаги каравотда ёстикка ўзини ташлаб, осмонга қараб хўрсиниб-хўрсиниб ётганди.

Ўқитувчилар анча кўпайиб, у жой-бу жойда тўп бўлиб сухбатлашиб турган хонага котиба кириб мажлис жиддийлигию тумандан одам келишини, ҳамма шунга яраша ҳозирлик қўришини, ҳатто, эркаклар галстук топиб такиб туришларини тайинлаб кетди. Ҳамма мажлис ўтадиган синфхонага ўйналди. Яна орадан бир ош пишар вақт ўтди.

– Нима дейишарди. Ёткка ўқитувчиларни тортиш ҳакида бўлади-да. Маҳаллама-маҳалла бола сурамиз энди. Уфф.

– Менимча, мажлис унгамас. Бу йилги пахта яна йигирма кунда етилармиш. Кечки сорти экан. Жа недаволен бўлавермайлик. Шунчалик кечикканигаям шукур. Кор ёғса барibir тугайди. Бизни вақтимизда қорини силкитиб ҳам териларди. Ҳозирги ўқитувчиларга осон бўп қолди.

– Бўйлмаса нега кеча ўн-ўн бирларга дарсдан рухсат бервoriшди? Шуни касрига, мана, давомат ҳам етмиш процентга тушди. Кўп болалар пахта бошланди, деб ўйляяпти.

– Тайёргарлик дейишди-ку, эшитмадингизми?

Бошқа бир ўқитувчи дафтаридан бошини кўтарди.

– Йўғ-а, мана, Санобар опа айтдики, кеча эрталаб “эртага районодан сизларга одам боради”, дейишса, булар “энди дарслар отмен бўлади, пахта бошланди”, деб тайёргарлик эълон киворишибди-да.

¹⁶ Индиёт – кўчирма.

— Барибир энди паҳта бир ёкли бўлмагунча дарсларнинг тутуриғи бўлмайди. *Любой время ётоқ бошланади.*

— Бошқа нима гап бўлса экан.

— Кеча мажлис, бугун мажлис. *Настренингам расво киляпсизлар лекин.*

Хона ғала-ғовурга тўлганди. Ҳали раҳбарлар йўқлигидан ҳамма бемалол эди. Бувиси айтганидек, ҳар бору ҳайдар йўқ.

Нихоят, бошланди. Унгача Турғун ўн биринчи “А” синфнинг диктантини текшириб, баҳоларини журналга туширди. Ҳар галгидек охирги партага ўтириб олди, кейин кечагина шу хонада ўн биринчи “В” синфга дарс ўтгани, дарсда қизиқ гаплар бўлиб ўқувчиларнинг ичак узилгудек кулишгани, кўшни хонадан Доно опанинг “Тинчликми?” деб чимирилиб чикиб келгани, ўқувчилар шунда ҳам ўзларини кулгидан тия олмаганларини эслади. Ўша қизиқ гапларни яна ёдига келтириб, кулгисини кафти билан яшириб ўтирган эди, бирдан ўринбосар чопиб келиб, ҳаммани тик туришга ундан колди. Ҳар турли ёшдаги муаллимлар буйрукни бирдай бажо қилдилар. Директор туман бўлиминг ёшгина вакилини эргаштириб кириб келди. Вакил ҳаммани бир кўздан кечирган бўлди-да, пакана бўйини баланд кўрсатишга интилгандек кўкка чўзилиб, кейин ўзини викорли тутишга беҳуда уриниб, такаллуф қилди:

— Ўтиргилар, домлалар, — сўнг ёнидаги директорга юзланди. — Мажлисни *протоколлаштириб* боришин, нимаики гап бўлса, *полни ҳаммасини ёзишсин.*

Ўқитувчилар шувулааб чўкишди. Хона кўшимча стуллар кўйилиб тўқсон чогли одамни сифдирган бўлса-да, сув куйгандек жимжит эди.

Нихоят, *президиум* мақомидаги ўқитувчи столидан туриб, директор янги вакилининг шу мактабга “райондан куратор” этиб тайинланганини эълон қилди ҳамда унинг бўлим билан мактабга кўйган пойқадамига бир вактнинг ўзида карсак чалиб кўйилди. Орқадаги бир-икки ўқитувчилар кўлларини бир-бираига иккича бор енгил уриб, юзарида аччиқ истехзо кўрсата бошлашди. Кейин мактабда (худди шу раҳбарлар юкорига ўтиргунча) носоғлом мухит ҳукм сургандек, соғлом мухитни юзага келтириш, юкори орган топширикларини сўзсиз ва бехато бажаришга чорловчи кисқагина нутқ сўзланди.

Янги вакилга навбат берилди.

Янги вакил, айни вактда янги куратор ўз наздида янги гаплар айтар, лекин бу гаплар шу – мажлис учун макбул деб қаҷон танланганини ҳеч ким эслолмайдиган хонада нечанчи бор қайтарик килинаётир эди. “Бундан кейин янгича ишлаймиз”, деб таъкидлади нотиқ. Баландқанот сўзлар пешоналарга тириш солиб, кулоқларни ғувуллатди. Гап билан ҳеч нарсани ўзгартириб бўлмаслигига аклими, тажрибасими, фаросатими етиб турганидан кўзларнинг ифодаси ўзгармади. Қайтага котган чаккалардан юзларга нишон қалқиди.

Ҳамма жим, айримлар шунча одам олдида тик туриб қолишга тўғри келмасин деб, олазарак бўлишар, кейинги вактлардаги ҳужжатларидан ўзлари камчилик қидириб, нима эътибордан қолганини элашга тиришишарди.

Гап гапга уланди. Ёшгина ваъзхон насиҳат билан даккига ўхаш дарслардан яхши баҳо олгандек, мактабнинг бош вазифаси борасида тўлкинланиб, тошиқиб гапирав, дарслар сифатини яхшилашнинг усулларини истиҳола деган нарсанинг бўйини узганча уқтиради.

Давоматнинг пастлиги, якка тартибда дарс оладиган ўқувчилар, уларга дарс беришга борувчи ўқитувчиларнинг ялло килиб юришгани, тарбияси оғир болалар, “спид” деган балога чалиниш билан ўз жонига қасд қилишнинг олдини олишга ундовчи ёзма ишлар йигма маълумотларининг ҳануз туман бўлимига бормагани масалаларига қаратилган нутқ узайиб, алла бўла бошлади.

Бирдан вакил: “Кимнинг шу масалалар юзасидан гапи бўлса, районога таклифларми бўлса, марҳамат, биз борлигимизда айтсан”, деб колди. Айримларга бу гап “мажлис тамом” деган маънони билдириди, бир-икки слимхалталар шитирлай бошлади.

Шу чор Турғун ҳаммани ўзига қаратиб, “Менда бор”, деди. Директор шошиб ўрнидан турди, савол назари билан вакилга қаради. Вакилнинг ишораси билан,

— Марҳамат, *Юлдашев*, — деди сўзига сирли маъно бериб: “Кимнинг рўпарасидалигинги унутма, оғзингта хушёр бўл”.

— Ассалому алайкум. Мен демокчиманки... Хуллас буни таклиф деб тумангами, вилюяттами, етказилса ё бир раддия деб билсалар ҳам майли. Мен шу кунда талаб қилинган иншоларнинг ўкувчиларга ёздирилишига қаршиман. Ўзим умуман ёздирамадим.

Тушунмадим, қайси иншони назарда тутипсиз?

— Ўзингни ёқма, дори ичиб қўйма, дорга осма, дегандек иншолар ҳақида.

Директор багтар шошди, ўнғайсизланди, вакилга яна бир қаради-да, деди:

— *Юлдашев*, сиз бунга ўхшаш шахсий фикрларингизни ўзимизга битта коғозга тушириб берсангиз, биз районодаги тегишли отделга тақдим киламиз. Ҳамма гапниям бунақа мажлисга олиб чиқилмайди.

Турғун тик қараб тураверди. Кўнглидан бошқа гаплар ҳам ўтди. Энди бирор ой орасида унинг яхши ўқитувчи эмаслигини таъкидлашлар, дарсларини кузатишга кириб-кирмай, ҳужжатларини сўраб олиб, кейин уларга қараб-қарамай пўстак қоқишилар, танобини тортишлар, хайфсанбало билан пўписалар... Лекин гапнинг хонаси келди-да.

— Ахир, биз болаларнинг хаёлида йўқ нарсаларни айтавериб, эсига солсак, мияларига жойлаб қўямиз. Кейин улар кимдандир сал аччиқланган вақтда биз таништирган йўлларнинг биридан...

— *Юлдашев*, нима, сиз бу ерда юқоридагиларнинг топшириғини муҳокама қилиш учун ишлайпсизми? Бу сизнинг фикрингиз. Ҳозир майда гапларга вақт йўқ дедим сизга.

— Воҳид ака, менимча, бу майда гап эмас. Чунки...

— Мана, ўзингиз айтиб турибсиз, “менимча”, деб. Тушунганингиз яхши. Значит, фикр ўзингизники. Нега топширик келганда сразу олдимга кириб айтмадингиз? Иккаламиз районога боғланиб, таклифларингизни айтардик. Ҳозир бошқа гап бўляпти. *Инспекторнинг* кимматли вактларини олиб ўтирайлик.

Қимматли вақти олинаётган *инспектор*, афтидан, ўз вақти баҳосини чамалаб кўрдими кошини бир кўтариб кўйди, янаям викор билан ўтирганларга қараб чиқди, кейин, ўрнидан туриб, директорга юзланди.

— Воҳид Ибрағимович, аслида ҳали иккимиз мажлис темасида сўзлашганимизда бу ерга ташриф буюришимга ким сабаб бўлганини билдиримокчи эдим. Лекин унинг масаласини сизнинг хонангизда, мен, сиз ва ўқитувчи – уч киши ўтириб, бирга разбор килсан керак, деб ўйлагандим. Ситуация шундай бўлдики, именно ўша ўқитувчининг ўзи жуда калта ўйлашини, зиёли одамларга хос фикрга эга эмаслигини кўрсатиб, проблемани ҳозирнинг ўзида, ҳамманинг ичida ҳал этишимизга олиб келди.

Кўплар мажлис эълон қилинганида шундок ҳам: “Турғун бирор нарса бошламадимикан”, деб ўйлаб қўйишган эди. Ҳамма унга ўтирилди. Уйга эртарок кетсам эди, деб ўтирганларнинг уфлари тортилган, тинчгина ишлаш ўрнига галва кўзғайверадиган касбдошларидан хафа, бутун то тўққиз-ўнларгача қолиб кетиши хавфи ортганидан хавотирда эдилар. Кимдир районо инспекторини ишлаб турган

тинч ўрнидан бетинч қилган, шошилинч мажлис чакирилишига боис бўлган маҳмадонани дўнгиллаб койиди. Бу ёғи нима бўларкин, дейдиганлар эса мажлис қизик бўлиб бораётганидан оёкларини типирчилатиб кўйишмоқда эди.

Вакил давом этди:

– Бу ўқитувчингиз, ўрганишимизча, она тили-адабиётидан дарс берибгина колмай, ўзича янгиликлар килас экан. Ўқувчиларни, дарс планини бузиб, каерларгайдир олиб борар экан. Тўғрими?

Турғун бирдан қаддини тик тутди-да, вакилнинг кўзига ботириб тикилди. Ўтирганларнинг кўпи партага икки қарич қапишиб кетишиди. “Ўрлиги курсин шунинг”. Ён каторда ўтирган Мұхаббат опа Турғуннинг кўлини силкиб ўзига каратди, ишора қилди: “Кўй, шуларга гап ҳайф. Ўзингта ёмон қилиб кўяссан”.

– Ха, олиб чикканман. Ўзимиздаги ижодкорлар билан учрашув ташкил килдим. Лекин режадан чикканим йўқ.

– Ўрток директор, бу ўқитувчингиз бир йил аввал нимадир “чп” қилиб ишдан кетадиган бўлган эканлар. Шунда ҳам ўтган йилнинг ўзида экспурсиялар килган эканлар. Бу йил ҳали янги ўқув йилига уч ҳафта бўлмай, яна. Рухсат олганимилар ё бу мактабда дарс вактида сайр нармалний ҳолат хисобланадими?

Директор ваҳимада олайтан кўзлари билан биринчи қатордаги ўринбосарини кидириб топди ва кош кўтарди. Ўринбосар уқди: “жавобини сен берасан”.

– Юлдашев экспурсия қилишда ҳеч ким билан келишмадилар. Умуман, бу киши тартиб-коидаларни чақагаям олмайдилар. Мактаб программасига кўпда амал қилмайдилар. Ўша куни нотўғри чиқиб кетяпсиз, десам: “Дарс соатимиз бажариляпти, ўқувчилар ўзимиздаги шоирларни ҳам ўрганишин, режага икки соаттагача мустакил ўзгартириш киритиш мумкинлигини биламан”, деб менга ҳам ақл ўргатдилар. Ўзи бу ўқитувчимизни нима қилсан экан, деб...

Ўринбосарнинг охирги сўзлари орасида титрок сезилди. Вакил деди:

– Нега нима қилсан дейсиз? Так, тўхтаб туринг, шу кейинги гаплар отдельно ёзилсин. Бу бошқа протокол бўлади, – завуч дейдиганлари қофоз шитирлатиб, ёзаяпман, дегандек ручкасини бир кўтариб кўйди, вакил давом этди. – Воҳид Ибрагимович, дарсларни контрол қилиш шу кишидами?

Директор бош силкиб, ўринбосарга жавоб беришини ишора қилди. Ўринбосар сал довдиради. Кейин томоқ кириб олиб, тик қолган Турғунга қараб кўйди-да, гапга тушди:

– Бу кишининг паспортларида фамилиялари Юлдашев. Ўзларининг дакументларини тан олмасдан, ўқувчиларнинг олдида бизни уялтириб, саводсизга чиқаргандек ё устимиздан кулгандек, журналинг ҳамма саҳифасига Турғун Йўлдош ўғли деб ёзиг чиқибдилар. Ўқувчиларга ҳам: “Мени Юлдашев демантлар. Турғун aka, денглар, фамилиям Йўлдош ўғли”, дер эканлар. Унда дакументларини ўнглаб келсинлар, ўнгломадиларми, тегинмасинлар эди дейман-да. Эргага генералний комиссия келса, мен жавоб бераман. Кейин бу киши бутун ўқувчиларни ўзларига оғдириб олиб, кружок ўтаман, дейдиларми, бешинчи синфдан ўн биринчигача “Бизга она тилидан шу устоз кирсинлар, бошқаси бўлмайди”, деб ариза килгани-килган.

Вакил уч сўқмоқка рўпара келиб, маъкулини танлаётган қаҳрамондек, бир ўринбосарга, бир Турғунга, бир мажлис ахлига қараб ўйланиб турди-да, нимадир ёдига тушди, чамаси, деди:

– Сиз бу ерга направление билан келганимисиз?

– Йўқ.

– Хўш? Унда қандай?

- Шундок катта йўл билан диплом кўтариб келганман.
- Саволга тўғри жавоб беринг! Илмоқ гапларингизни ўқувчиларингизга айтасиз!
- ...
- Ким ишга олган? Воҳид Ибрагимович, сизми?
- Директор бир силкинди:
- Йўқ, менгача олинган.
- Ўтирганлардан бири лукма ташлади:
- Олдинги директор.
- Олдинги директор? Кариндошмисизлар?
- Йўқ, кариндош эмасмиз.
- Мен бу ёқка келишда сизнинг *делонгизни* ўргандим. Нега дарс соатингиз биринчи йил келганингиздаёқ кўп бўлган? Директорга *крупнийроқ потхом* қилганимисиз? Яширманг. Эски раҳбарингиз энди йўқ-ку.
- Ундай эмас. Билмадим.
- Ўртоқ завуч, бу ўқитувчининг меҳнат интизоми қандай? Дарс қолдириш, прогул, кечикишга ўхшаш *нарушениеларга* йўл кўйиб турадими?
- Завуч ёзишдан тўхтаб ўрнидан турди.
- Унақа ҳолат кузатилмаган. Меҳнат интизомига юз *процент* амал қиласидар, дейолмайман-у, лекин вактида келиб, вактида кетадилар. Мана, мен ўзимга *метка* килиб бораман. Бизда юздан ортиқ ўқитувчи бор-ку, шунга ҳар кунлик кечикиш, дарс қолдириш, *балничийга* кетиш, ҳаммасини белгилаймиз.
- Вакил узатилган дафтарга тикилди.
- *Птичка* кўйган экансиз. Икки марта. Нима бу?
- Завуч изоҳ берди. Вакил яна Турғунга юзланди
- Нега шунча она тили фани ўқитувчилари бўла туриб шу ерга ишга кирдингиз? Бошка мактабларга борсангиз бўлмасмиди?
- Олдинги парталардан Мухаммад аканинг овози чиқди:
- Энди... Дарс ҳаммага етади. Бу йигитнинг уйиям яқинда-да. Кейин ўзи ўқиган мактаб. Гапнинг очиги, менимча, анча-мунчасидан яхши дарс беради. Ўзи золотой бола лекин.
- Директор уни тўхтатди:
- Холматов, сиз руҳсат берилганда гапиришни ўрганинг. Кераксиз жода нима қиласиз бурун тиқиб? *Золотойми*, бошками. Доим *падвадит* килиб юрасиз.
- Мухаммад ака жойига ўтириди.
- Вакил ковоқ уйиб деди:
- Юлдашев *аттестациядан* неча балл билан ўтган? Фанини яхши биладими?
- Ўзларини *предметлари* бўйича баллари 94 балл.
- Касбдошлари орасида кўрсаткичдан бехабарлар бор экан, чоғи, томоқ тақиллатишлар эшитилди. Амалдор давом этди:
- Лекин педагогик психологиядан билимлари яхши эмас.
- Вакил директорга юзланди.
- *Вот*, кўрдингизми, *проблеманинг* илдизи қаерда? Сиз ўқитувчиларнинг маънавий саводхонлигини ошириш учун маҳсус соатлар ташкил этишингиз керак. Бу бир-икки марта эмас, *пастаянно* ўтказилиши керак. Ҳали бунақа ёш, практикаси кам ўқитувчилар орамизда қанча экан. Давр билан ҳамнафас бўлмаган, педагогикани билмаган ўқитувчи оксайди. Энг ёмони, ёш авлод тарбиясини ҳам чўлоқ қиласиди. Бу ўқитувчи, *документлар* бўйича иш юритилишини тан олмаяптими, демак, у маънавий бузғунчилик килишга қодир. *Тем более*, она тили-адабиёт ўқитувчиси! Бунақаларни тартибга чакириш, ўз вактида хурмачасига тикиб

Маъмурा ЗОҲИДОВА

кўйиш ҳаммамизнинг бурчимиз! – вакил Тургунга қаради. – Сизнинг дарс вақтида қандайдир одамнинг уйига ўкувчиларни бошлаб борганингиз бўйича бизга жалоба тушган. “Бу ўқитувчи билганини қиласди, хоҳлаганда мактаб *программасини бузади*”, деган мазмунда.

– Айтдим-ку, биз бир соатлик дарсни саёҳат дарси килиб шонр билан учрашишга бордик. Бор гап шу, – у қовоғини солиб олди, овози ҳам одатдагидан баттар дўриллади.

Вакил директорга ўгирилди.

– Қишлоқларингда шунака знаменитий ёзувчилар кўпми жа?

Директор истеҳзо аралаш деди:

– Йўғ-э, агар арзиганида китобга киритишган бўларди-ку.

Вакил Тургунга қаради.

– Нега китобдаги *темалар* қолиб, ўкувчиларни бошқа нарсаларга чалғитяпсиз?

Шаҳар бедарвозами сизга?

– Чалғиттаним йўқ. Ҳамма мавзуларни ўрганамиз. Факат шу Вали Дархон шонр болалар учун яхши шеърлар ёзганига у киши билан учрашиб, ўкувчиларимни сухбатлаштириб келдим.

Орада чирок ўчди. Кимдир ёндиригичидаги фонарчани ёқди. Мактаб коровули иккита шам ўрнатиб кетди. “Свет шунака кўп ўчадими?” деб сўради вакил оғриниб. Директор чайналди. “Ҳар куни”, деди кимдир. Яна бошқаси: “Кунда икки маҳал бир соатдан ўчиришади, пахта *сушилкалари* ишлашни бошласа, умуман свет беришмайди”, деди, чамаси, коронгидан куч олиб.

Ёш вакил яна Тургунга қаради:

– Шоирингиз билан учрашувни мактабда *крупний планда* ташкил қилсангиз бўлмасмиди?

– Шоирим анча қариганлар. Кейин пойттахтдан келиб, шеърларини олиб, кўшик қилиб айтишганида, биз ўлиб кетишларини кутмасдан сухбатларини олсак, ёмон ери йўқ, шекилли.

– Жуда зарур бўлса, *абетдан* кейин экскурсия килдириб олиб бормайсизми?

– Ахир дарс режада ҳам саёҳат соатлари бор-ку? Мен уни ўзимизга маъқул мавзуга мослаштириб олдим, холос. Ўкувчилар жиддий ўрганишсин, дедим.

– Қойил, агар ҳамма ўқитувчи иш планини ўзига мослаштирадиган бўлса, *районо* билан облонода ўтирганларга иш қолмабди-да, – вакилнинг кўзларида хавотирми, нимадир йилтиллади. – *Может планларимизни полноти кўриб берарсиз?*

Турғун мажлисда бўйнидан боғлангандек ўтирганларнинг деворда акс этиб турган катта-кичик сояларига қаради.

– Битта синфни олиб борганимисиз?

– Йўқ, учта ўн биринчи синфни.

Кимдир пиқ этиб, ким овозсиз кулди.

– Бир кундами? Жа зўр бўпти-ку. Шундай қилиб неча соат дарс ўтилмади?

Тургуннинг ўрнига *завуч* дейдиганлари жавоб берди.

– Йўқ, икки кун ичида. Уч соат.

– Уч соат? *Вапше қайшар!* Бориб турган виждонсизлик бўлиди.

Ўзини кайвонилардан санаб юрадиган, ҳалидан бери ким нима деса ўша томонга ўтирилиб, кўзойнагини бир ечиб, бир такиб ўтирган ўқитувчи аёл ёнидаги ҳампартасини туртиб: “Ана, кўрдингизми?” дегандек ишора киласди. Ёнидагининг ғани келар, лекин нимадир дейишдан тийилиб, бурнини жиийириб кўярди. Кайвони анча тадорик кўриб турган эди, шарт туриб гап бошлади:

– Воҳид Ибрагимович, Майлими мен гапирсам?

Директор бетартиб ўқитувчиларидан хижолатланган қиёфасига рухсатми деган яна бир ифодани күшиб, вакилга юзланды. Вакилнинг боши иргалди.

— Мен бу мактабда ўттис йилдан бери она тили-адабиёт фанидан дарс бериб келаман. Руқия Юсупбаеваман. Шунча йил постепенна бир жойда ишлаб унчамунча тажриба орттиридим. Бу касбнинг иссик-совуғидан, мактабнинг баланд-пастидан яхши хабардорман. Ҳали ўқитувчи кам вактларда икки смена ишлаган, огоҳлик бўйича ишхонамизни кўриқлаш учун *ночнойга дежурлик* килиб қолган кунларимиз ҳам бўлган. Беш йил аввал, у маҳалда директор Ориф Исанов эдилар, ўзи бизга она тили дарслари етишмай ётган пайтлар эди, шу Турғун Юлдашев иш сўраб келдилар. Директор бир оғиз маслаҳат кильмай, бу кадр қанақа экан, деб ўтирамай, ўн битта она тили ўқитувчиси устига ишга олдилар.

Вакил иягини ушлаб турган кўлини бирдан юкори кўтарди.

— Тўхтанг, опа. Нега ўшандада директорингизга тушунтирумадингиз?

— Йў-ўқ, кирганман. Янги ўқитувчи олманг, ўзи *декретнойда* ўтирган иккита ўқитувчимиз бор. Биттаси яқинда ишга чикар экан, деб дарсини *замещение* килиб ўтиб юрибмиз, дедим. Қулоқ солмадилар. Битириувчиларнинг дарсини *полний* шу кишига ишондилар. Ҳайрон коладигани – Юлдашев ўшандан бери ўн биринчи синфларга дарс бериб келяптилар. Мана ахволимиз. Бу киши бўлса... Манимча, ужсе ўзларига иш *план* тузиб ҳам олгандирлар. Бир куни “Шу *программаларимизни* ким тузади ўзи? Янгилашга таклиф киритсанк бўларкан”, деб мениям тортмоқчи бўлдилар. Менинг ўз фикрим бор, ким нима деса кетаверармидим. У куни дарс маҳалда хоналарида шовқи-и-ин-сурон бўлиб кетди. Кирсан ўзлари кўринмайди. Қанилар ўқитувчи десам, ўкувчилар доскада турган бир портретни кўрсатишпти. “Бу нима майнавозчилик?” десам, “Майнавозчилик эмас, янгича дарс. Эсада саклаб қолиш учун зўр усул”, дейди ўқитувчи столига ўтириб олган ўкувчи. Кейин орка партадан бу киши туриб келдилар. Кап-кatta одам ўкувчи ролини ўйнаётган эканлар. Доскадаги портрет ўзи ҳақидаги маълумотларнинг тўғри-нотўғрилигини ўкувчилар билан бирга тасдиклаб ё инкор килиб турармиси. Қанақа килиб, десам, айтишмади. Бирпас кириб ўтирингмиш. Бирорнинг дарсига бунақа дуч келган вактда киролмайман ахир. Агар раҳбарият вақтида караб, *виговорми* берганда, бугунгидек...

Вакил сўради:

— Юлдашевнинг дарсига неча марта киргансиз?

— Уч-тўрт марта.

— Хўп, сиз нима дейсиз, ўкувчиларга бирор нарса бера оладиларми?

— Мен ёнларидаги хонада дарс ўтиб турганимда шовқин бўлиб кетгани учун ё нимадир иш билан кирганман. Ҳалиги... ўкувчиларнинг *кругозорини...*

— Йўқ, дарс *анализига* кирганимисиз, баҳолаб беринг, демокчиман.

— А... *анализига...* йўқ. Чунки... Бу кишининг дарсларида ўкувчи билан ўқитувчи орасидаги *субординация* йўқолиб кетади. Тўғриси, дарс ҳам бир ўйин бўлиб туюлади. Шунгами, киргиси келмайди одамнинг.

— Ўртоқ директор, яна она тили фан ўқитувчиларнингиздан кимлар бор? Бошқалар билан ҳам Юлдашевнинг муносабатлари яхши эмасми?

Ҳаммани севинтириб бирдан чирок яна ёнди.

Директор тагин ўринбосарига қаради. Ўринбосар ёнга алантглаб, ўттис беш ёшлардаги баланд бўйли аёлга ишора килди. Аёл сирғалиб секин турди.

Хўп, кимлигингизни таништиринг.

— Мен Алимова Клара, она тили адабиётдан 8-синфларга дарс бераман.

— Хўп, Юлдашев билан муносабатнингиз қандай?

Маъмурда ЗОҲИДОВА

— Олдин... ёмон эди, хозир яхши. Ишга янги келган вактларидаёк директоримиз менинг хонамни бу кишига бериб кўйдилар. Мен бир йил аввал ўша хонага катта пул расход килувдим. *Плакатларим* анча пул билан битувди. *Юлдашев* кузги каникулдан кейин мен бюллетенга чикиб, баниссада бўлганимда хаммасини янгилаб, мен кўйган жихозларни ташлаб юборибдилар.

— Юлдашев, шу тўғрими? Нега ташлаб юборасиз? Ўзларига қайтариб берсангиз бўлмайдими?

— Тўғри. Қайтариб берганим билан барибир ишлатолмасдилар. Паннолардаги ёзувлар ўзгарган алифбе бўйича ёзилмаган экан. Нотўғри алифбе ўқувчилар хотирасида сақланиб қолиши мумкин. Шунинг учун олиб ташлаганман. Орка томони ҳам ишланган паннолар эди, — Турғун чимирилиб жавоб қилди.

— Барибир одобсизлик бўлиди.

— Хоналарини жихозлашда ёрдам беришимни айтганман. Лекин ҳали жихозламадилар.

— Хона тегмаяпти-ку, канака килиб жихозлайман?

Вакил яна директорга каради:

— Тушунмадим, хоналарни қандай таксимлайсизлар ўзи?

Завуч деганлари ўрнидан турди:

— Хоналар *кураторлиги* бор ўқитувчиларга берилади. Ўша синф билан бирга жихозигаям, тозалиги, *пожарний ҳолатидан* тортиб хаммасига жавоб беради.

— Тушунарли. Воҳид *Ибрагимович*, сиздан сўрамоқчиман. Нега ёш *кадрга* сиз битирувчиларнинг она тили-адабиёт дарсини ишониб топширдингиз? Ахир, *опитний ўқитувчиларнинг* хурмати бўлиши керак-ку?

— Ҳа-ҳа, тўғри. Очиги, бу *кадрни* ҳар йили пахта мавсумида қийинчилик бўлавергани учун юкори синфларга дарсга кўйганимиз. Четоб эртага ётоқда ўқувчилар ўқитувчимиз деб тан олсин деганимиз. Олдинги директор ҳам шуни кўзлагандир. Аёлларимиз — яхши ўқитувчи. Лекин на ягана, на теримда буларнинг бирортаси болаларни олиб ётоқда ётолмайди. Айниска, ўтган йили битирувчиларимиз тўқсон кун пахтада бўлиши. Шу вақтда мана шу эркак домлаларимиз туриб беришади. Лекин, агар... Ҳали *педсовет* ҳам чакириб *Юлдашевнинг* масаласини кўриб чикамиз. Бизга муҳими — дарс, тарбия. Ўқитувчиликка муносиб бўлмаса, иш *планни* бузса, бунақ ўзбошимчалик қиласерса, албатта чорасини кўрамиз, — деди у.

— Бу масала *нетолка* мактабда, *районодаям* кўрилади. Кейинги ҳафта сешанба куни *Юлдашевни* соат ўнда *районога* етказишга масъулусиз. Мудирнинг шахсан ўзлари билан ҳал қиласиз. Тушунарли-а, Юлдашев?

Бирдан ўтргада аёллардан бири шартта ўрнидан турди.

— Воҳид ака, майлими икки оғиз гапирсам? Узр, вактингларни олмайман. Мен ҳам она тили ўқитувчисиман. Турғунжоннинг дарсларига кўп кирганман. Таҳлил дафтар тўлдиришгамас, дарс техникаларини ўрганишга. У билан бемалол фаҳрлансак арзиди. Агар бола ўқитиши масаласи биринчи *планга* чикканида бу ўқитувчимизнинг олдига мактабимиздагина эмас, *районодаям* ҳеч ким тушолмасди. Билими кучли. Ўқувчиларки шу кишини танлайптими, демак, биздан кўра болаларнинг кўнглига кўпроқ у йўл топяпти. Шуни ҳам хисобга...

Директор уни ҳам сўзлашдан тўхтатди:

— Хозир биз бу ерда ким кимнинг кўнглига йўл топаётганини муҳокама қилмаяпмиз. *Проблема* қаерда? Тартиб-коидаларнинг бузилганида. Билими яхши бўлса, ютуқ ўзиники. Ундан ҳеч ким тортиб олиб кўймайди. Лекин зўр эканман деб билган ишини қилмайди-ку. Юкоридан олинсин деган иншоларни олмаса, дарс вақтида кўчама-кўча юрса. Кейин сиз ҳам навбат берилганда гапиришни ўрганинг.

Үзи аёллар кўп жойда ишлаш бизга қанчалик қийинлигини ўзимиз биламиз. Ўтириңг, сизга тушунарлими, Юлдашев?

Аёл тап этиб жойига ўтириди. Турғун “ҳа”га ишора килди, стулга чўкиб, қандайдир китобнинг букилган сахифасини очганча, ўқимаса ҳам тикилиб олди. Бирок вакил уни яна турғизди.

– Ҳозир экскурсияларингиз ҳақида заврайонога битта обеснителний ёзасиз. Қаранг, менга қаранг, сизга қандай ёзишни ўргатаман, туман халқ таълими бўлими мудири Н. К. Пашаҳаджаевга деб бошлайсиз. Фамилияни тўғри ёзинг лекин. У киши чўткй ишлаб ўрганганлар. Хатингиз кайтиб келиб ишни кўпайтирунг тагин.

Турғун ковоғи уйилганича билинار-билинмас бош ирфади.

– Энди бошқа масалаларга ўтсак. Бу йилги олимпиадани ҳар доимидан ҳам самарали ўтказиш тўғрисида облонодан алоҳида топшириқ бор. Энди танлаб олинган ўкувчи билан индивидуалний ишлаш...

Мажлис кеч тарқалди. Роса чўзилгани билан бир тузук мавзуси ҳам, якунни ҳам бўлмади. Турғун ҳамманинг кетидан чикар экан, директорнинг Жўравойга имо-ишора килаётганини кўрди. У қанча орқада қолиб раҳбарларга кўринмасликка тиришмасин, бўлмади. “Машинаниям мактабига малай қилиб олган булар. Бирортаси беш тийин пул кўшибимиди. Эшшакара вақовради”. Жўравой Турғунни бир туртиб, зарда билан директор томон кетди. Айримлар тушунарсиз тўнгиллар эдилар. Ёмон бўлди-да, Жўравой энди неча кун гапириб юради. Ахир ана у маҳмадона вакилни шаҳарга элтиб кўйиш керак.

У жинкўча томон юрди.

Туни билан ҳайҳотдай ҳовлида ёлғиз қолган бувисини ўйлаб чиқди. Авваллари кўни-кўшинилар билан узок-узоқ сухбатлашиб ўтиради. Энди тенглари тутул, ундан беш-ён ёш кичикроқлар ҳам бир-бир ўтиб кетишяпти.

Қайси куни деразадан кузатиб турди: бувисининг ҳаракатлари чаккон, гайрати кўп, лекин белини ушлаб-ушлаб кўяди. Шу ёшида хизматини қилиб дуо оладиган келин бўлмади-да Ойдин.

Узок ўйлади. Тонг-ла Ойдинни олиб келиш учун боришга қарор қилди.

Бирок тонг – тонг эди. Буткул бошқа рангларда эди у. Турғун оқшом ўзига берган ваъдаси учун ўзини ёмон кўриб кетди. Соқол кираётганда ойнадан уялди. Кўчада Ойдин билан етаклашиб юриши-ю орқасидан Йигиталининг этиб олиб ўтиб кетишини кўз олдига келтириди.

Тушгача у-бу ишлар билан андармон бўлди. Кун пешиндан оққанда бувиси неча кунки, қиблага қараб: “Ҳаво ёғиб кўймаса бўлди”, деб ташвишга тушаётгани учун томдаги шафтоли қоқисини йиғиб олишга уринди. Нарвонга оёқ кўйди. Уч-тўрт кадам юқорилагач, бирпас тўхтаб турди-да, бир поғона пастга энди.

– Томнинг қандигида¹⁷ илон бор экан, буви.

– Илон дейсанми?

– Ҳа, тилини чиқариб мени масхара киляпти.

– Тилини чиқаргани менга тегма дегани. “Жонивор, сенга зиён етказмийман, сен ҳам менга зиён етказма”, дегин. Туш, бўлди, бошқа вақт чикасан. Уям болачасига ул-бул опкираман, деб чиқкан-да.

– Ўлдирсам-чи?

Нима киласан ўлдирниб?

Ўзи нима киласи бизнинг уйда?

– Ким айтди сенга бу уй сеники деб? Бир ўйла-чи, бирор шунақа дедими?

¹⁷ Кандик – томга чикиш жойидаги тицсинлар ораси, қовоклеш.

Маъмурा ЗОҲИДОВА

- Хўп, тавба килдим, сизники, – Тургун мийигида кулган бўлди.
- Меникияммас, – кампир пешайвон қирғоғидаги ёочғалтак атрофида ғингиллаб юрган сарик арига ишора килди. – Пашибадир, чивиндир, чигиртка, курт-кумурскадир – ҳаммасининг уйи.
- Қаёқдаги гапларни айтгасиз-а, буви.
- Нимага қаёқдаги гап бўлсин? – кампир кўрсаткич бармоғини васса терилган шифт тўсинига тўғрилади. – Ху анави ваҳмакни кўрдингми, уdir, ана у куни ертўладан олиб чикиб ташлаганинг бор-ку, чаёндир, итдир, мушукдир, ана у айвондаги сигир борми, эчки-улоқми – ўшаларнинг уйи.
- Буви-и.
- Ҳа!
- Ҳалиям ёш бола деб биласиз-а?
- Ёш боласан ҳали.
- Э-э, мени роса боплагансиз ўзиям. Илгари музқаймок олиб берганингизда, уни қаердан опкелишади, десам, булутларни кўрсатардингиз. “Самолётда оптушишадими”, десам, “Ҳа”, дердингиз.
- Нима бўпти?
- Энди эртакларингиз ҳам катталарга мос бўлиб ўзгарипти-да.
- Сен ҳали ишонмай юрибсанми? Ростданам музқаймоғинг булутдан бўлади.
- Роса кулгига қолганман. Иккинчи синфидим, Бойқўзи домламиз кулиб-кулиб айтиб берган, “Музқаймок сут билан шакардан бўлади”, деб.
- Нодонсан ҳали. Олийга ўқиб диплом олганинг билан менинг мактабимни битиролмайсан. Ўша шакар ҳам, сут ҳам булутдан бўлади.
- Тургун хахолаб кулди. Кейин жиддий тортиб, бир нималарни эслади.
- Буви, ўшанда музқаймокни бидонда опкелишарди-а? *Бидон ёғоч бочкада бўларди. Бочка билан бидоннинг орасида катта-катта музлари бўларди.* Музқаймоғи шунака мазалийдики. Биз ошналарим билан оролни айланаб арок, пиво ичиб кетган одамлардан қолган шиша идишларни йигиштириб келардик. Тўртта шишага битта музқаймок олса бўларди. Самижон aka бидони ичидан кошиқда олиб коғоз идишга солиб берарди. Менинг ўша музқаймоқчига роса ҳавасим келарди. Унга мазза, музқаймок егиси келса, идиши тўла, дердим. Лекин шунча пойлаб, еганини ҳеч кўролмаганман. Гавдали, баланд бўйли одам эди.
- Секин гапирасанми. Раҳматли Бодомчанинг бешта ўғли бориди. Туронбой, Сувонбой, Тешавой, Самижон, Валижон. Ҳаммасиям гавдали йигитлар бўлган. Нак арслон дейсан.
- Бирор нарса эсингиздан чикмайди-я. Отларида адашмаганингизни-чи. Ҳозир ҳам Самижон акадан бошқа ҳаммалари борми?
- Йўқ-да. Тешавой билан Валижон икковиси бор, Лайлакуядадаси экиб кўргонча килиб кетган боғда кўшни ўтиради. Самижон тушмагур сойга окиб ўлиб колди. Тўнғичлари Туронбой бўйнига битта кўк яра чикқани баҳона, эрта кунда уям омонатини топширувди. Сувонбойни ўзига жавр килиб катталар билан олишиб, мана, каро ерда ётибди. Болам, умрниям уволи бор. Ўзининг жонини асрарамаса, одам дегангага бу бошни нимага берибди. Бирор билан олишиб, сира бўйни йўғонлик қилмагин. Худо у дунёга бир жойи эзилиб боргандарни сўрок қиласмиш. “Мен сенга бутун тана берганидим, қани?” дермиш.
- Буви, бўйни йўғонлик қиласм нима бўлади?
- Дард бўлади, бало бўлади.
- Бўлди, айтинг. Нега тили узун ё бошқа нарса демай шунака дейишаркин-а?
- Дорга осар замонларнинг гапи бу. Пошшо билан унинг одамларига терс

гапирадиганларни, “Жа гапирдинг, осса ўлмайсанми, бўйнинг шунча йўғонми?” ё “Бу дорга оссаям ўлмайди, бўйни йўғон-да”, дейишаркан. Шу. Бўлди, гапни кўпайтирмай илонга кара-чи, кетган бўлса, қоқини оптуш.

Тургун нарвонга оёк қўйди.

– Кетибди.

– Одам бор жойда илон бўлади-да, – кампир томга чиккан неварасига далда килиб овозини кўтарди. – Жони қаттиқ бўлади илонларнинг Илон одамни кўрганда, “Бўйи курсин-эй, мунча баланд бўлмаса, тикка туришини-чи, туркиям бирам совук”, дермиш.

– Қовоқпешнинг орасида пўсти қопти, олиб тушайми?

– Янгими?

Билмасам.

– Кўлингни теккиз-чи, синиб кетмаса ҳозир ташлаган бўлади. Йўқ. Кўпам ҳозир ташламаган. Вақти эмас.

– Вақти қачон экан? – Тургун кулди.

– Бир ой-бир ярим ойча бор.

– Эски экан, куриб ётибди.

– Ха, тузук. Кўкламгиси яхшиrok эм бўлади. Худонинг бергани буям. Қоқингни ташлаб тушавер. Мен бўздан халтacha тикиб берай, ўшангага соласан, эзивички кип кўяман, – кампир ичкаридан игна-ип, оқ латта олиб чиқди.

Тургун копни пастга ирғитиб, томдан тушди. Бувисининг кўлидан янги битган халтачани олиб яна чиқди, илон пўстини халтага жойлаб, бандини тортиб, оғзини ёпди. Нарвондан туша туриб деди:

– Илгари бедазорларда мол бокиб юрганимизда ошиналарим илонларни роса кўп ўлдиришарди. Думидан ушлаб симёоч симига ирғитишарди. Нечтаси тепада ток уриб ёпишиб осилиб колган, нечтаси икки бўлиниб тушиб келган.

– Сен-чи, кўшилармидинг??

– Йўқ. Ўлдирмаганман.

– Томошасини кўрганман, дегин.

– ...

– Худо яратган маҳлукнинг жонини олиб нима топиш¹⁸? Ҳаммасининг сўрови бор. Бир жонга азоб берсанг, ўзинг ҳам азобингни тортасан. Бир маҳали, унда аянг иккинчидаги ўкирди, Хузрум томондаги сигирларга касал келиб, беш-олтитаси ўлибди. Кейин эгалари кўмишга жой тополмай токка чиқариб пат-пат юрар жойгача оббориб, қарға-қузгунгаям овқат керак деб чукурроқ жойга ташлаб келаверишибди. Эртаси яна бир сигир билан бузоқ ўлган экан, Яндашали тегирмончи бўларди-ку. Кўтарманинг бошидаги. Эслайсанми?

– Ха, ха.

– Ўшанинг гурсиллаган бир акаси бўларди. Гапирса ҳамма ёқ гулдираб кетарди. Ўша ўзим ташлаб келаман, деб борибди. Караса йўғонлиги мана шу кувидай келадиган илон уч-тўрт кунлигига ўлган бузокчани ютаётганмиш. Оғзи юмилгунча караб турибди. Ютиб бўлганда ўзини эплолмай бирпас-яримпас туроди шекиллида, трахтиридан паншаха опекилиб илонга тикиб-тиқиб қийнабди. Кўзи котиб, думи буралмай қолганда кайтибди. Келиб, “Ўлдирдим”, деб ҳаммага мактанибди. Беш-олти кун ўтиб кизикибми, нечаям киши атай кўргани боришса, илон ётганмиш-у, еганини ҳал киворганимиш, дўппайган жойи йўқмиш. Боши ҳам қаерда қолган бўлса, ўша ердан қимирламаганмиш.

¹⁸ Топиш – фойда.

Ўлмабдимикан?!

– Энди бу ёгини эшит. Ён-веридаги ўн ҷоғли ўлик молларнинг бирортаси йўқмиш.

– Илоннинг шериклари келиб егандир-да, а?

– Ха-да. Яна ким билсин, қайси маҳлук келиб еган. Тилов подачи илонлар одам иси йўқ жойга судраб кетган деган эди. Билмасам энди. Кейин уч кун ўтиб, Яндашалининг акасини, оти Болтавой эди, кидир-кидир кип қолишиди. Бирори дашитга кетганмикан, шу ёкка қараб ўтирадиган бўп қолувди, бирори ғалатирок гапириб юрувди, дейди. Ота-энаси догига одош бўп кетди. Худо кўрсатмасин. Болам, илонниям Худо яратган. Униям уйи, жойи, бола-чақаси бор. Худо берган умри бор. Кўзини кўргандирсан, шуни Худо даргоҳимни кўрсин деб яратгансасми? Кўзини юмдирган одам Худодан зўрман дегани-да.

Турғун ҳовли четидаги буралиб ётган ток зангларига тикилиб қолди.

– Биз томонларда ҳам шунака катта илонлар бор экан-да?

– Бўлган дейишади-ку. Бўлсаям тоги тошдадир. Бир емишлиги сероб жойларда бўлмаса, ҳамма ердаям катта илон бўлмайди. Қорни осон тўймаса.

Кампир сўрига чиқиб, чордана қурди.

– Турғунбой, кўк териб келмайсанми?

– Куз кунида канака кўк тераман?

– Ана, Сотимбойнинг кечки маккасига бор, учинчи экинга бачки эккан, ичи тўла шўра.

– Йўқ, буви, ўзимизнинг боғдан бўлса майли эди, бирор кўриб қолса, нима дейди? Уятга ўлайми? Эркак кишига... Мен энди кўкат терармидим.

– Эркакмиш. Кўчада пешоб килсанглар уят эмас-ку, кўкат териш уятми? Ўғирлиқмиди, ғарлиқмиди, уяласан? Эрта-индин ётоққа кетиб қолсанг, кўк сомсага тўйдидай дувдим. Ўзимниям бир кўнглим кетди.

– Сомса ёпмай кўяверинг. Кўчадан Тўйчивой тофанинг ошхонасидан олиб келайн, еймиз.

– Кўй-э, ёш-ёш болаларни ишлатиб юради. Кўлини ювиб қиласдими, ювмай қиласдими. Ҳалқумимни булғама.

– Тоза қиласди, буви, ўзлариям ейди-ку.

– Тўйчивойнинг ҳам пул топай деб канака гўшт ишлатаркин? Тоғда касалдан ўлиб-нетган, ичи ўтиб чалиш-палиш бўлган молларнинг гўштими, дейман. Пулни човлаб чотига, пуфлаб пугтига уради.

– Майли, опкелаверай.

– Йигит тушмагур-эй, алакни палак билмайсан-а. Ўзи ойлигингни неча вакт кечикириб оласан. Кўй, кора қозонни қайнатганимиз яхши. Ис чиқиб турмаса, барака кетади. Озгина тоза пахта опчик, ёғ кизиганда чироқ кўйиб юбораман.

– Ўтганларимизгами?

– Ҳа. Ер-сув эгаларига яям. Ўлик тўймагунча тирик тўймайди, болам.

Кампир ўчоқбошига кетди. Қозон тагига хашак қалаб ёкишга тайёрлади, чойгумни сувга тўлдириб ўчоқ оғзига кўйди. Ариқ сувига солиб бўғзидан ип билан боғлаб ток зангига тортиб кўйилган ёғоч идишдан гўшт олиб ёнғоқдек-ёнғоқдек килиб тўғради. Пиёз парраклади, картошка арчиди, бир бўлак қовоқ майдалади. Ўчоқ ёнига ташланган фўзапоя богини ечиб, ичидан танлаб синдириб олган калтагига тоза пахтани ўраб, тирсакча узунликда чироқпилик ясади. Уни қозондаги ёкка ботириб олди-да, оловга тутди. Чироқпилик ўт олди. Кампир уни ўчоқ четига тиклаб ўрнатди. Шу жойга келганда Турғун ҳар галгидек, яқинлашиб, чўккалади. Кампир Куръон туширди. Омин қилдилар. Яна оловни баландлатиб, қозонга гўшт

ташлади. Димламанинг оловини пасайтириб, чўғни чойгумнинг қорнига сурди.

— Тургунбой болам, сигирни эртарок олиб кириб кўяқол. Жағи жарда қолжин-а. Пичанини сопкўйдим. Сениям бир кўрсин. Мол эгасининг кўзидан сув ичармиш.

Турғун мол-холни тинчтитди. Сигирнинг узун-узун товуши тўхтади, подадан маърашиб келиб жойига кирган эчки-улоклар жимиб колди. Катакка терилган товуклардан бир-иккиси оҳиста “кук” деб кўйди.

Халигина күшларнинг ховлини тутиб, ариқдаги сув овозини ҳам босиб кетган чугури ўрнини чигирткаларнинг узок-яқин чириллаши эгаллади.

Пешайвон саҳнини хира ёритиб турган чироқ атрофида капалакчалару чивинлар айланиб учиб юради. Ўргада ярми сийлмаган овқат, дами чиққан чой турар, икки четдаги яккақават кўрпачада буви билан невара ўз хаёлига берилиб ўтиришарди.

Турғун пиёласида илиб қолган чойни хўриллатди.

— Буви.

— Ҳм?

— Курбақанинг қуриллашини қаранг.

— Ҳм?

— Энди тушуняпман тилини. Ўзимнинг уйимдаман, хоҳлаганимча қуриллайман, деялти, шекилли.

— Ҳа-да.

— Ҳах.

— Нега куласан? Бори шу, — кампир дастурхоннинг ўзи томонда кайрилиб турган четини очиб текислади.

— Болам, шуни еб кўйгин. Ёмондан ёрти кошик қўлмайлик.

— Йўқ, емайман, буви, тўйиб кетдим. Сал тузини паст килибсиз.

— Овқатта нато¹⁹ ўқима. Овқат дастурхонга келганда, ўтирганлар мени ёмон демасмикан, деб қалтираб турармиши. Ёқмаса емагин эди.

Йўқ, ёқди. Яхши-ю...

Буви чимирилди.

— Ит бақага тўйди, житта-житта кўйди.

— Э-э, буви.

— Суммат сенга нўкор²⁰ми? Жинимни келтирсанг, очингдан тириштивораман.

Кампир шакир-шукур килиб йигиштирган бўлди. Кейин қўлини дуога очди:

— Омин, еган-ичган, тўкилган сочиғаннинг савобини аввало ўзингта, жами пайғамбарларга, Мухаммад пайғамбаримизга, ахли муслимларга, жами ўтганларга, шаҳидларга, аввалиги ер-сув эгаларига, еттидан етмиш авлодгача умидвор бўлиб ётганларга, шу каторда, ўзинг бериб ўзинг олганинг — Олмахон кизимнинг руҳи покига бағишиладик. Гўри тўла нур бўлсин, йўлдошлири хур бўлсин. Кетидан борган гўдаккина Лолаҳон неварамниям қоронғи гўрини ёруғ қилгин. Иккисиниям раҳматиларинг каторида қилгин. Бу дунёда кўрмаганини у дунёда кўрсаттин. Художон, кўпига бергин, кўпни каторида шу мунглиғигина болаларимга кенг феъл, кетмас савлат, танисиҳатлик, хотиржамлигини бергин. Ўзинг ўт балоси, сув балосидан, иллату фалокатлардан, оби азоб кунларидан, вабои жонлардан асрарин. Фийбатдан, бўхтондан, ҳасаддан, жин ҳамласи, шайтон васвасаларидан саклагин. Болаларим тупроқ олса олтин бўлсин, кул олса кумуш бўлсин. Яхши кунларингни кўрсаттин. Омин Оллоҳу акбар.

— Мен юваман, буви.

¹⁹ Нато — накл.

²⁰ Нўкор — карол.

- Кўявур. Намозга хали бор. Ўзим юваман. Сен ёзарингни ёз. Дарсингни кил.
- Даладан пичан ўриб келайми? Эчкиларни ўти қолмапти.
- Вой тавба. Шомдан кейин-а? Далага боргунингча икки хуфтон бўлади-ку?
- Ой чиқяпти, қаранг. Ёп-ёруғ.
- Кўй, курт-кумурска кишлик жой ахтариб карахт бўлган пайт. Кўл-пўлингни бирор нарса чақиб олади.
- Телевизорда айтишибди. Эртага совук тушаркан. Хазонак эртароқ келадими дейман.
- Йўқ, болам, қорақарға²¹нинг қай²²и. Яна ҳаволар жўнашиб кетади. Дала-тудза экин-тикин бор. Давлатнинг паҳтаси бор. Қантароғди²³гача қанча иш бор ҳали.
- Ҳмм.

Дарвоза тўсатдан тараклади.

- Сумматби хола, Ҳо Сумматби хола!
- Вой, Чаманми, ютур, кара, келавер, Чамангул! – деди кампир шундоқ ҳам дик туриб, дарвоза ёкка отилган неварасига.
- Нима бўлди? Якка келдингми?
- Йўқ, кўчада Элбек бор. Хола, Азлар холамникига юаркансиз. Айтадиган гаплари бормиши.
- Вой мангина ўлай. Ўсал бўпқолмадими, ишқилиб?
- Йўқ, олдингидан анча яхшилар. Кеча бир табибни чакиришган экан. Шундан, шекилли. Икки кундан бери кўзларини очмаётган эканлар. Бугун яхши бўлиб, сизни сўрабдилар.

Хабарчи жувон ийманибингина кўрпача четига ўтириди. Пешайвон дамидаги човгун томонига шошиб кетаётган кампирнинг тайёр бўлишини кута бошлади.

- Яхши бўлдилар деб кўркитмагин, қизим. Оёғимнинг калтираганини кара. Икки кундан бери ана-мана дейман. Вой-ей, килча кучим қолмади-я.

Турғун сўритокка қайрилма сим билан осилган челакдан човгунга сув куяркан, деди:

- Нега оёғингиз калтирайди? Яхши деяптилар-ку.
- Ҳа, бола-я. Куй, куй тезроқ. Қочакол, ариқда юваман. Азларби қандок эди-я. Даладан бери келмай ишларди. Айғиротдай кучи бор эди.

Чиқиб кетишиди.

Ховли жимжит бўлиб қолди.

Турғун ўчоқбошини йиғишитирди. Идишларни ариқда ювиб тандир ёнида симга осилган ёғоч узумкутига тўнкариб кўйди. Қозон устини маҳкамлади. Ўчок оғзига кирпитеткан кириб чўғда куймасин учун тунука лаппак ўрнатди. Кейин ўн бир тўсинлик “дарсхона” уйга кириб, портфелини титкилади. Сал мизғийман, деб ухлаб қолибди.

Тушида худди шу ўзи ухлаётган уй деразасига Ойдин яқин келиб, унга энгашиб қараётганниш.

“Нега кечасида келдинг?” дебди Турғун. “Шундоқ, ўзим. Тоқчада исирғам қопкетибди”, дермиш Ойдин. “Қайтиб келмайсанми?” дебди у. “Сизга юз марта айтаманми? Барibir сизни яхши кўрмайман. Ваъдалашганим бор. Кузда у билан кочиб кетамиз”, дермиш хотини. “Йигит тарра биланми?” деса, “Йўқ, Эргашали-ку”, дермиш.

²¹ Қорақарға – октябрь ойи кириши ўнкунлиги.

²² Қай – кириш вақти, мавсум қайрилиши.

²³ Қантароғди – декабрь бошидаги ўнкунлик.

Чўчиб уйғонди. Аввал деразага, ундан оша дарвозага ошишиб қаради. Уйланганида тўлдирилган, кейин бир йил ўтиб келиннинг сеплари олиб кетилган икки хонали уий томон отилди. Калитини туширолмай аранг очди. Ичкаридан Ойдиннинг бўйи юзига ургандек бўлди. Ипор иси сандикдан кетмас деганча бор экан-да.

Оёғи тагига ўриндиқ олиб келиб чиқди-да, баланддаги кичик токчага қаради. Йўқ, исирға йўқ. Факат бир қофоз кўринди. Сурат. Тескари бўлиб ётган экан. Тўйдаги. Ёнларида иккитадан ошнага дугоналар билан. Ана, хотини. Чиро-о-ойли. Келин либоси бирам ярашган. Лекин чимрилган. Суратдаги ўзи хижолатда турибди. Сочлари қоп-кора бўлган экан. Хотининг яхши бўлса ёқанг оқаради, ёмон бўлса сочинг, дерди бувиси Бектурди акасига.

Ўксиниб кетди. Ҳовлига чиқди, сўрига оғир чўкли, кейин чўзилди, юлдузларга тикилди.

Дарвоза очилди. Кампир қовоклари шишган, кўзлари қизарганча кириб келди. Турғун у томон юрди.

– Азларби бўлмай қолди, хуфтондан кейин омонатини топшириди.

Турғун омин килди.

– Худо раҳмат килсин.

– Ҳа, Шокантардаги кизи шу ерда экан. Катта қизини эри Русияга опкетган. Энди ётиб келомайди. Азбонаси бор эди-ку. Яхши кўрган кизи ўшайди-я.

Азбона дейсизми?

– Ҳа. Ҳаммага топилган нон шуларга топилмадими, ўша ёкларга кетди. Қорни қопдек, ичаги енгдек бўлмаса. Азлар тушмагур, энди юрган-тургани бир пул бўлади.

– Тоблари йўқмиди шунчалик?

– Ётиб колувди-да. Бу кечага тушим булғашди дедим-а, – кампир юзидан оқаётган ўшларни кўли билан сидирди, овози бузилди. – Эртарок борсам айтадиганининг ҳаммасини айтармиди.

– Сизга бирор нарса дедиларми?

– Деди-да. Аввалига ҳол сўраб инқилаб ўтириди. Вактини ўтказиб кўйди-да. Қўшниси бор эди. Ҳадеганда чикавермайди. Ёлғиз қолишига илҳак бўлдиёв. Кейин бир-икки оғиз гапирди. Яна бир нима айтар бўлувди, тилдан қолди. Э Ҳудойим-эй. Ўргилайн жонимнинг эгаси, Яратганим! Сен нима десанг шу бўлади. Дам ўтказганингта шукур.

– Азлар ҳола қизларига ул-бул мерос васият килдиларми?

– Ўлма-я, хаёлинг меросдами? Нимаси борки, васият килса. “Асалбидан ўзингиз хабар оптуринг. Ювгани ўзингиз киринг. Асалби кўркади”, деди.

Кампир йигғлади.

– Нега, кап-катта хотин-ку, Асалби ҳола ҳам?

– Катта бўлган билан эридан қалтак ейвериб чўчийдиган бўпқолган.

– Эрлари ҳалиям ичиб юаркан.

– Шуни айтгин.

– Катта қизларининг оти ғалати-а?

– Нимаси ғалати?

– Азбонаям отми энди?

– Тилга шунака ўрнаб қолган-да. Бошпитида Азизабону.

– Ҳа, шунакамиди? Мен бўлса...

– Раҳматли билан кўздай кўшни эдик. Шу уйимиздан бизни ҳаксиз қилиб чиқарганда тўққиз ёш эдим. Дадамни кулок қилиб опкетишиди. Бувим билан ўзимизнинг жойимиздан жой беринглар, деб ялиниб ўн саккизга бўлинган ҳовли-

ерларимиздан шу бўлдакни олиб қолганмиз. Келин бўлиб тушган жойимнинг тена томонида Азларбилиарнинг уйи бор эди. Гапимиз тугамасди. Худо раҳмати-ей, яллаға бираам устайди. Овози ўткир, ёқимли эди. Бирорвга сира эшиттирмаган. “Опа, ичкарига киринг, ўзингизга айтиб бераман”, дерди.

— Эрлари бобомга уҳшаб урушдан келмагани?

— Ўйқ, болам, Азларби мендан ўн ёш кичик-ку. Эри япон урушга борган. Бир бурдагина бўлиб қайтиб келганиди. Кейин бир кеча ухлаб ётсам, каттиқ товуш келяпти. “Опа-опа, чикинг, Келсинбойингиз хириллаб қолди”, дейди. Кириб борган жойимда ғўлдираб-ғўлдираб жони узилди. Нимадан ўлди, кўрган-кечирганига юраги дош бермадими, билолмадик. Болам, дамингни олаколгин. Сахар туриб ун ошига жаз килиб, ҳамир кесиб кетаман. Каравасан. Азларби ун ошини яхши кўрарди. Ўзиям кўп пиширади. Маъракасида уринганларга опчикайин. Ҳали кирсан-бараксан²⁴ бўлганда суюк ош керак.

— Яна чикиб кетасизми?

— Ҳа, чиқайин, болаларига далда бериб турмасам, эрталабгача икки букилиб қолади. Худойим-эй, шоти тинмай қолди-я.

Кампир пешайвон тахмонига яқин келди. Турғун дик турди.

— Ўзим соловоламан. Энди ёш бола килиб жойимниям солиб берасизми?

— Дарвозага ташқаридан калтак тикиб кетаман. Мен бориб тайёрлик қилишай. Латта-путта, бозор-ўчари бор. У-бу ёкни йифармиз. Сахар келиб ўзим турғизаман сени. Ўт ёқиб берасан, мол-холни эрта тинчит, кейин ўзинг ҳам бориб эшигининг оғзида тургин. Дўппи-мўппингни тайёрлаб қўй. Чирокни ўчирма.

Туни билан уйкуси ўчди.

Калима келтириди.

Уч юзгача санади.

Кейин осмоннинг кўриниб турган бир парчасидан яна Ойдиннинг юзини ахтарди, топди, ширин энтиқди.

Кўзга якин, кўнгилга якинсан, Ойдин... Сен... яхши кўриб боғланиб колиш нималигини... Йўқ, билмайсан эмас-ку... Уфф...

Сенга уйланаман деб эски уйимизни бузуб уй солдирдим. Бувим мендан беркитиб қанча йиглади. Бувимнинг оталари, эналари яшаган уй-да. Кўп ўтганларимизни кўрган. Ўша эски паст томли уйлар, чорбурчак хоналарида шифтигача кичкина-кичкина токчалари бор деворлар менгаям кадрли эди. Шундок қўзимда турибди. Ичкарида бир уй бор эди. Дарчаси кичкина, чироги йўқ. Пешиндагина ичи сал ёришарди. Яланбувининг уйи деб мени Полвон акам қўркитган эди. Каттарок бўлгунимча киролмасдим. Яланбуви кимлигини билмайман.

Ойдин, бир куни, “Менга қачон кўнгил кўювди ё сўз берган жойим бормиди? Шунака килиб ҳам уйланадими?” деб аччиқ сўз қилдинг. Биласанми, “Фарҳод Ширин”да Фарҳод, “Ишққа чалинганимда ҳали рухим танам билан бирлашмаган эди”, деркан. Кўрдингми, бизнинг рухимизда севги ўзи бўларкан. Факат биз ундан кечрок ҳабар топарканмиз. Худо вакти билан билдиаркан.

Ойдин, сенга кўнглим бойланганда энди ўн бешга кетаётгандим. Еттинчини битирган йилим Кенжавой ошнам билан эчки бокаман, деб бир кунгина подасига подамни қўшибман. “Тоққа борамиз, мен ҳар куни тоғда бокаман”, деди Кенжа. Эчки дегани тоққа ўч бўларкан. Факат қояга ўрлайди. Отакўзи тоғанинг қўргончасига ўтиб кетмасин деб олдини кайтаргани югурибман. Тоғда югуриб бўлмас экан-да, Ойдин, одам куйига эниб кетаркан, ўзини тўхтатолмай қоларкан.

²⁴ Кирсан-бараксан – ғала-ғовур.

Эчкилардан қанча ўтиб кетдим ҳамки, оёғим югураверади. Охирى учиб кетдим. Неча думалаб тушдим. Иккала кўлим синган, чап оёғим ҳам. Юзим шилинган. Ўга Отакўзи тоганинг иккита ўғли замбилга солиб осилтириб олиб келишди. Кўл оёқ пастга осилиб турса, синган жой оғримас экан. Бувимнинг войвойлаганини кўрганингда эди. Ўша замбилда Бадалвой тоганинг пат-патига юклашди. Ёнимга бувим ўтирилар. Бир ярим соатда шаҳарга касалхонага олиб боришган, Ойдин. Пат-пат трахтири биласанми? Тескари бўлади. Олдинда кажаваси, орқада калласи. Ўшанда бориб, ўшанда келдик. Иккала кўлим тахтакачланган, оёғим қотириб кўйилган, шу ҳолимда... Сени кўрганман. Ўзи аввал ҳам кўтардим, лекин ўшанда бошқача бўлиб қолганингни, юзингнинг тип-тинклигини, қошлининг коп-кора, қайрилмалигини, киприкларингнинг узун-узунлигини кўриб...

Вараки сомса олиб чиқдинг. У вақтда бизга якин жойдаги ховлингларда турардинглар. “Аям бериб юбордилар”, дединг. Бувим ўчокда кўйласим²⁵ кайнатаётганди. Кувидан олган сариёгини юмалоклаб, устига туз сепиб турганди. “Вой бўйларингдан айнанай. Аянг жон кўшним-да, бугун овқат килолмаганимни билибди-я. Она кизим, шу акангта совукчой ичириб кўй. Менинг кўлим ёғ”, деди. Сен аввал менга, кейин сўридаги чойнак-пиёлага қарадинг. Пиёлага чой тўлатаётганингда худди катта бир ишни бажараётгандек, кунтингни кўйиб, паст лабингни тишилаб, чойга қаттиқ тикилиб турдинг. Кейин жилмайиб менга якин келдинг. Эҳтиётлаб ичирдинг. “Яна берайми?” дединг кўзларинг жавдира. Мен уялиб бошимни сарак-сарак килдим, йўқ дедим, лекин чанқоғим қонмаган эди. Томоғим ёнаётган эди. Оқ докада бойланган оёқ-кўлларимга қараб бир сесканиб кетдинг. Раҳминг келиб яна кўзимга қарадинг. Ўша кунги мўмиёни эртароқ ичиб кўйиман-да. Эсимдан чиқиб қолмасин, дебман. Сенинг шомдан кейин мени кўришга чиқишингни бунака чиройли бўлиб ёнимга келишингни билганимдами!

Мўмиё ичган одам гапирмай ухлаши керак экан. Чунки овоз суждан чиқармиш, Ойдин. Сен ақалли раҳмат ҳам айтмади, деб хафа бўлгандирсан-а?

Эйўқ, бу ўзим ўйлаб топган баҳонам. Барибир ўша куни бир оғиз гапиролмасдим. Хушимни шундок олиб кўйгандинг. Айтами, ҳали ҳам томоғим қақрайди. Ҳали ҳам совук чой тилайман. Лекин унақа чойни қайтиб ичмадим, Ойдин.

Сенга айтадиганим кўп эди.

Энди бу ғози йўқ гаплардан нима фойда. Куйрукни ейсанми, буйрукними, дейишади-ку.

Сенинг бир умрлик дард бўлишингни билганимда... Кўлингдан қайтиб куюгимни босар чой ичолмаслигимни ҳам билган бўлармидим.

Ойдин, мен энди сен минг марта ўтиссанг ҳам кўлингдан чой ичмайман.

Лекин минг уринсан ҳам, кўзимдан кетмайсан...

Уфф...

Юкингта келгунларича токчалардаги қанча идишларингни синдириб ташладим. Тошойнани майдалаб кўлимни киркиб олдим. Фойдасиз, биламан. Бувимни адо килдим холос. Идишларингни бошқатдан бозордан келтирдим.

Одам ўзининг ичиниям, хаёлиниям шунака янгилаб ололса экан.

* * *

Сап-сарик автобус илонизи йўлда пўр-пўр овоз чиқариб кишлоқ сари кетиб борар, узумзорлар орасидан ўтаётгани учун уловнинг ичига олтингугурт иси тўлиб

²⁵ Кўйласим – ёғи олинган айрон.

Маъмурा ЗОҲИДОВА

олганди. Одам тиқилинч, орқа томонда тик турганлар қаторида темир устунга осилгудек келаётган Турғун ҳозиргина катталар билан бўлган майда гапларнинг дудини эсхонасидан қуволмай, охири оғзидан чиқариб юборадигандек, уф тортиб кўярди.

– Отпунктда ташлаб кетинг, шопир ака.

Йўловчилардан бирининг ҳайдовчига хитобини эшишиб севиниб кетди. Хайрият, тушадиган бор экан, нариги бекатдан қайтиб келишининг ҳожати йўқ. Йўлкира узатди.

– Ий, сизам тушасизми, домла? Бутун дарс йўкми?

Турғун бошини сарак-сарак килиб автобусдан тушди.

Дарвозадан кирганда бувиси кўшнининг кизи Чароснинг соchlарини майдалаб ўриб ўтиради.

– Ха, болам, ётоққа эканми?

– Йўқ, шаҳарга жўнаташуви. Келяпман.

– Дарсинг-чи?

– Бутун сизга рухсат дейишиди. Бошқалар ўтишаркан.

– Эрта кунда кепсан. Бориб дарсингни ўтавермайсанми? Бироннинг ишига бироннинг саратонда қўли музлайди. Пулингниям ҳалоллаб оласан, болам. Вақт топсанг, бошқаларни иши чиқадими, тоби қочадими, дарси бўлса ўтиб кетавургин, Турғунбой. Юк кўтарган юзага чиқади.

Ўйланиб қолди. Ростдан ҳам мактабга боргиси келди. Лекин яна дарсхонаси томонга қадам кўиди.

– Энди борсам ғалати. Даламизга бориб келарман.

Турғун кийиниб чиқди. Кампир катор-катор терилган кокилларни иккига ажратиб, ўнг ёғидагисини чапга, чап ёғидагисини ўнгта тортид-да, деди:

– Худойим, шу кизгинанинг жамалаги ойда кулич-кулич, кунда карич-карич ўссин. Бахти-тахти бўлсин. Тенгини ичида сўз бермасин, қайнанасига суюмли бўлсин.

Турғун сўри четига чўкиб, оёқ кийимини кия бошлади.

– Жичча эртамасми бунингизга қайнана тилашга?

– Тилакка ҳеч эртамас. Бола ўнга киргани – ота сонга киргани.

– Соч ўришгаям ас²⁶ бўп кеттансиз-а, буви, майнингини-чи, бугдойбошоққа ўхшайди-я.

– Не-не узун соchlарни ўрганман. Тўпа аммам раҳматлининг бир невараси бориди. Ҳулкарби деган. Унака чиройли киз бу яқин орада яна бино бўлмас. Сочи бирам қалин, бирам узун эди-е. Раҳматли. Тўланбой тегирмончининг ўғлига кўнгил бериб, иккаласи аҳди-паймон қилиб юаркан. Отасининг сўзини қайтармай, инглаб-инглаб бошқага тегди-ю, беш-олти йил яшаб юрак оғригидан ўлиб қолди. Болаям кўрмади. Шунинг сочини ўриб чарчардим.

Турғун оғир хўрсинди, кейин ўрнидан турди.

– Далага дедингми? Фидиржўрангни дами чиқиб ётибди-ку?

– Ҳа-я. Эсимдан чиқиб кетибди. Ҳозир янгисини кўяман.

Кўрпачаларни юваб кўювдим. Қоплашсанг-чи ундан кўра?

Турғун ўзига жавдираб қараб турган кўшни кизга қош учирди.

– Ана, Чаросча бор-ку.

– Вой, бу гўдак-ку. Сен ўлмагур ё хотинингни опкелиб бермайсан, ё ишларга хотин иши деб карашмайсан.

²⁶ Ас – уста

Турғун симтүрга, дорга осилган авра-астар курок күрпача жилларига караб бирпас турди-да, пешонасини тириштириди.

Аскар акамнинг кизини чакиринг, қарашибади. Мен...

– Нима бўлса ўша бечорани чакираман. Ўзи ўтчи-элакчи биттагина қизи бўлса Аскарнинг. Тағинам очиқкина. Чақмокни ўти дейверасан. Нима иш айтсам, индамай қиласди, умринг узок бўлгур бирор марта, “Ишим бор эди, чиқиб кетаверайми?” демайди-я. У куни бирам сепма юпқа пишириди. Ҳа-я, единг-ку. Товонидан ўт чакнайди. Қарсллайди. Бирни айтиб ўнни қиласди. Бу йил эрга берармиш, оқлик берворибди. Онаси сеп йигиб юрибди.

– Ўлмасойни-я? Ҳали ёшмасми?

– Болам, вактида бергани яхши. Қиз асрарунча туз аспа. Аммо мен чўлок бўламан. Ўтимдан кириб кулимдан чикади-я.

– Яхши-да, ўргангани ўзига, килиб бергани сизга, – Турғун кулимсиради.

– Мани гапимни такрорлама. Ҳали Сумматби бўлишингта анча бор. Иш қаёқда-ю мен қаёқда, деган. Кеча онаси: “Ўлмасойни Турғунжонга бераман, деб юрардим, хола, бир оғиз сўрамадингиз ҳам”, дейди.

Кампир сўридан тушиб жўмрак олдидаги ойнага оёғи учиди интилиб соchlарини кўрмок бўлган Чарос томонга Турғунни ишора килиб қаратди. Турғун бориб қизни кўтариб ойна кўрсатди. Қизча хурсанд бўлиб соchlарини селкиллатиб чопиб чиқиб кетди.

– Куннинг ўтишини қара, кечагина эмасмиди, шу қизни бешиксолди килгани. Чоchalоққа қанд олиб келайми, деб турсам, Бектой умринг узок бўлгур бир калла печак билан кириб келди. Ўшани опчикувдим.

Турғун қизча ортидан ёпилган дарвозадан кўзини узди.

Буви, “Бойчечак”ни ўзингиз ҳам бешик устида айтганмисиз?

Кампир аввал бироз жавдиради, ниманидир эслатадигандай, ҳовли деворига, кейин кари олма дарахтига, ундан нари ҳозир казнокка айланган эски уй эшигига каради.

– Йўқ, мен айтмаганман. Бешикка яқин келсан бошқа нарсаларни айтгим келарди. Ҳамманиям айтадигани дард эди-да, болам. Ўзи дадам қайтмаганларидан кейин бувим ҳам укаларимга “Тор кўччанинг бошида жавдираган етимлар”ни айтгардилар.

Айтиб бермайсизми?

Қўй, мани йиглатасанми?

Хадеб йиглайверармидингиз, айтинг. Бир марта, буви.

Йўқ, кел энди, ишингни қил.

Ишим шу-да, буви.

– Ҳа, жа ишинг шу! Ҳали алла, ҳали ёр-ёр дейсан! Маман чолдан бир нарса ёзиб келодирман, деб ўн кун катнадинг. Ёги чиқармиди. Нима қиласан оворайи сарсон бўлиб? Дарсингни бер. Болалар орқангдан югуриб юрибди. Дардификринг эски мақол, эски ашула. Ўзингнинг ишингни қиласдан газитга ёзганингга сўрок-савол бериб юрибсан-ку.

Турғун кўзларини олайтириб, бувисига ўтирилди. Ёзнинг бошида ҳам шаҳарга бориб бир-икки катталар билан тортишиб келганди. Маман чол мардикордан омон келган Ўнарвой деган киши билан тогавачча бўлиб ундан эшигтанларини Турғунга айтиб берганди. Ўнарвой чол айтган эканки: “Қарғалар учса карайлик” кўшиғи Марғилондан борган мардикорларнинг кўшиғиймиш. Ўрмон ичиди тўп-тўп бўлиб узоклаб кетиб йўқолиб қолган, бир ҳафталаб топилмаганларни ўлигини дарахтларнинг тепасига чиқиб, қаердан гала-гала карға учса ўша жойдан

Маъмурат ЗОҲИДОВА

кидиришганмиш. Ўшанда улар гала учган қарғаларга қараб: “Биз Марғилонга етармиканмиз”, деб кўшиқ айтишганмиш. Шуни вилоят ҳокимлик газетасига мақола қилиб берган эди.

Бувиси барибир бугунгисиниям билади ҳали.

Мен... Сиз каёқдан эшита қоласиз-а?

– Гап беркитиб қаёқка борасан? Ерни тагида илон кимирласа биламан. Шаҳарга чакирганиди-а ўшандаям?

Чакирганиди-да.

Нимага?

Турғун кувлик билан кулди.

Ўшанга.

Унақа дамхапа бўлмай айтмайсанми? Ўтган галги гапгами?

Йўқ, унда газетадан келишган эди. Босмахонада гаплашувдик.

Нима қилиб қўювдинг ўзи?

– Бир олим илмий иш килган экан. Мен нотўғри мақола ёзганмишман. Шуни қайтадан ёзиз, бўлмаган гап эди, аслида бунақа дейсан, бўлмаса ўзимиз алланарса ёзамиш дейишганди.

– Нима килдинг кейин?

– Ҳеч нарса. Айтганиман уларга ҳам. Мен унақа килмайман, эркакман деганман. Мана, ёзмадим-ку. Қанча вақт ўтди.

– Тавба, ҳар турли одамлар бор-да. Бир тўпори ўқитувчи бўлсанг. Менга қара, бутун ҳам ўша босмахонасига боргансан, шекилли-а?

– Йўқ, бугун районога бордим.

– Раянада нима иш бор экан сенга? Хайрлими ахир?

– Хайрли, хайрли.

– Ишклиб, шунака бўлсин. Кўй, унга-бунга сукилмай тинчгина ишлагин, болам. Домлаликдан яхши иш йўқ. Савобиям катта. Чин дунёга ҳаммамиз ҳам кетамиз. Одам у дунёга боргандা олдига дастурхон килиб бу дунёдаги ишларини қўяркан. Илойим, дастурхонимиз бўш бўлмасин. Аммо ҳушёр бўлгин. Ҳозир у кўзинг бу кўзингта панд берадиган замон.

Мактабда ишлагим келмаяпти.

– Энди элпа-теппа²⁷ бўлсан. Шунча бола хурматингни қилса, орқангдан эргашиб уйгача келса. Илминг бутун бўлса.

– Ишхонада эркаклар қолмаяпти, буви. Ҳаммаси аёллар. Одамга ноқулай.

– Ўв, бола, куляй жой гўрда бўлади. Тутам-тутам ойлик олсанг. Кети бир чироқ ёғ элтмаган одам ана шунака у шоҳгамас бу шоҳга сакраб юради. Текин мўнталок²⁸ бир жойда қараб ётибдими?

– Эрали яхши килди, савдога чикиб кетди. Менам...

– Гапирма ўшани! Илмини хўр қилиб, топган пулида хайр борми унинг? Жойидан кўчган дарахт кеч авж олади, болам. Мактабда битта бўлсаям эркак домла бўлса ёмонми? Қайтанга қарқара²⁹ бўлиб юрасан, – кампир сағал хаёл килди. – Сандан бошқа ҳеч ким қолмайтими? Тўхтарвой домла-чи?

– У жисмоний тарбиядан дарс беради. Эркаклар тўрттамиз. Муҳаммад ака, Жўровай.

– Ий, ана, Турсимат бор, Валижон, Тўравой. Кеча учаласини ароқхонанинг

²⁷ Элпа-теппа – эси оғтан.

²⁸ Мўнталок – пул.

²⁹ Қарқара – эъзозли.

олдида кўрдим. Пиво оламиз деб турган эканми.

– Улар биттаси коровул, бошқаси уста, монтёр-понтёр-ку, буви.

– Ха, нима бўпти? Коровул одаммасми? Мантур-пантурмиш. Жа ўзингга бинойинг баланд-ку. Амал тегди хундига, бошини сукди мўндига. Ҳамма одам бир одам.

Бувиси қовок уйиб олди. Турғун ҳар доимгидек:

– Хўп, буви, – деди.

– Эркак домлайм жуда керак, болам. Бизла лотин ёзув ўқиганимиз. Ҳамма домлаларимиз эркак эди. Кўчада паранжи ёпиниб бориб, мактабхона ичидаги йигиб кўярдик. Бир синфда ҳар турли ёнда ўқийверардик. Эшимбой деган домламиз бўларди. Болалар кўлайганида парталарни орқага суриб, тахтадан катор қилиб партя ясаттирганиди. Ўшанда ўтирадик. Ўн беш кун ўқиганимдан кейин, дадамда савод чиқарганимасманми, Эшим домламиз Бузрук Яшин деган коттаконимизга менинг ёзувимни кўрсатганда, кўлимдан етаклаб учинчи синфга кўшиб кўйган. Эндики домлалар хотин киши бўп кетди. Тарбия беришига эркак одам тузук ўзи. Хотин киши – рўзгорнинг одами. Домлачиликни эркаклар килса, ўғилу кизниям тамизи бутун бўлади, майда-чўйда билан экалашмайдиган, дали-гули бўлади. Рўзгордаям ҳадеб хотинини теварагида айланишаверган эркак сийка бўп кетади.

– Муҳаммад акаям кечаги кун: “Хотинлар билан ишлайвериб майдагап бўпқолдим шекилли”, деди.

– У Муҳаммад акангни бир хотини бор-эй. Битини сиқиб қонини ялаган. Ўшанинг нағмасига ўйнаб шунақа бўлдим, деса ишонаман. Лекитин-чи, ўзи ўқишини битириб келганда бирам килич-килич йигит эди. Худди мирзаларга ўхшарди. Олчину қамчин қизлар турганда шу ўтай аммасининг қизига унаштириб, уч кунда тушириб беришди.

– Йўғ-э, Салтанат хола Муҳаммад аканинг аммасининг қизими?

– Ҳа-да. Она кўриб киз ол. Санталатнинг онасини қара – Умрижон. Бургадан пайшанбалик олади. Чолиниям нақ ўзига ўхшатган-олган. Кўча-кўйда бирор боланинг ўйинчоги қопкетса, ўшаниям уйига опкириб кетади. Умрижоннинг раҳматли онасиам текин кафан бўлса ўлиб оладиган хилидан эдилар.

– Шунақа денг. Ёш кеттандирлар-а?

– Нимага?

– Текин кафан чиқиб қолган бўлса, дейман-да, – Турғун қаҳ-қаҳ отиб кулди.


– Кулма! Икки кўлим ёкамда, тавба килдим, ер бориб айтмасин, ердан уялмасинлар.

– Аттант, шу Муҳаммад аканинг бирорта қизи йўқ-да. Ўзим уйланиб олардим. Бой-бадавлат бўпкетармидик. Хўп, буви, ўтириб туринг.

– Кўп қолиб кетмагин.

– Даладан хабар оламан, сув бўлса суғорарман. Қайтишда ўт ўриб келаман, – деди Турғун велосипед баллонига камер ўрнатар экан. Кейин не-не қисматларга гувоҳ улкан тошларни айланиб ўтиб, қазноқдан ўроқ олиб чиқди-да, ташқарилади.

Давоми кейинги сонда.



**Отабек
ИСМОИЛОВ**

Мадрасалар кўраётир туш

* * *

Изгирилнинг пасайди забти,
Ховуридан тушди қаҳратон.
Тундмас бугун осмоннинг афти,
Тугади қиш – совук имтиҳон.

Уйлар чекмай кўйди. Кўринмас
Мўриларда энди тутунлар.
Бошланди ўн саккиз яшар қиз
Нафасидай ёқимли кунлар.

Бўртаётган куртакка бокиб,
Мўлтирайди хайратда кўзлар.
Ер остида омонлигидан
Дарак бераётир илдизлар.

* * *

Кўйдирмаса кўзинг гар,
Ундин гул, гул эмас.
Нола этмас то сахар,
Ҳақиқий булбул эмас.

Отабек ИСМОИЛОВ – 1953 йилда тугилган. Тошкент давлат университетининг (хозирги ЎзМУ) журналистика факультетини тамомлаган. Унинг “Сенсиз ўтган кунлар”, “Умид дарахти”, “Хивадаги ҳангомалар”, “Сўз мартабаси”, “Хайрат лаҳзалари” каби шеърий, настрий ва илмий-оммабоп китоблари чоп этилган,

Ёр, ҳолингта кўймаган,
Минг эврилиб тўймаган,
Кокилларинг ўйнаган,
Дил охиму, ел эмас.

Агар дўстинг чинакам,
Дўст эрса аҳди маҳкам,
Яхши-ёмон кунда ҳам
Турланмас, хил-хил эмас.

Фарқ этмас: шакар, тузни,
Кисик деб билса ўзни,
Айтольмаса Ҳақ сўзни,
У парча гўшт, тил эмас.

Гар бўлмаса лафзи бир,
Данаги бир, мағзи бир,
Аҳд ягона, оғзи бир,
У – оломон, эл эмас.

Бўлса ҳамки қафасда,
Изтироб ҳар нафасда,
Мудом орзу-ҳавасда,
Юрак сенга кул эмас.

* * *

Булатларга ўхшамадим, йўқ,
Шамолларга бўлмадим эрмак.
Хўрсинмадим худа-беҳуда
Ясамадим кўзёшдан кўлмак.

Гар ўхшасам булаттга юрмоқ –
Лозим, ичга нафасинг ютиб.
Дўнмоқ учун қорга, ёмғирга
Яшаш даркор қисматинг кутиб.

Менгзашим бор булатга, бироз:
Гоҳ шошқинман, гоҳида ювош.
Унинг каби бағримни йиртдим,
Балқди дард – ишқ,
Қисқаси күёш.

* * *

Кадим Хива узра ярим тун,
Ичон қалъа узра сукунат.
Эртакнамо шаҳар олар тин,
Гўё сеҳранган салтанат.

Тун кўрпасин устига ёпиб,
Мадрасалар кўраётир туш.
Тош кўчалар ухлар донг қотиб,
Эшитилмайди тик этган товуш.

Ухлар Жума мачит, Кўхна арк,
Ҳатто Карвонсарой ҳам мудрок.
Хўжаминор ухламайди ҳеч,
Фақат Минор турар тик оёк.

Кўз тикиб юрт сарҳадларига,
Шу тахлит кўз юммас то сахар.
Минор бир нарсани билади:
Faфлат бу – ўлимга баробар.

У фидойи бир мардга менгзар,
На тиз чўкар, на бир толади.
Чиқа солиб күёш ҳам унинг
Манглайидан ўпиб олади.

* * *

Узоқдаги ёрга эй шамол,
Саломим элт, дедим ёлбориб.
Эшик ёпиб жўнади дархол,
Оёғини қўлига олиб.

Менку унга ишондим, бирок,
Саломимни элтмайин туриб,
Кўрдим. Юрар далада шу чок,
Отам билан хирмон совуриб.

Тумор қилинг қалба мехригиёни



Ашурали
БОЙМУРОД

Ўз тилимда янграп Ватан

Она сути билан сингдинг танимга,
Аждодлар ўтити сенда мужассам.
Ўзинг оҳанг бердинг митти жонимга,
Сен билан айтилур Ватанга қасам.

Миллат борки, сўз гавхарин саклайди,
Сен кенглиқда кўлим етмас фалаксан.
Сўзлар гўё юлдуз бўлиб чакнайди,
Сен осмондан тушган ўттиз малаксан.

Сен – Навоий, Бобур, Машраб, Фурқатсан,
Асрлардан олиб ўтдинг номани.
Сен кўнглимда сўз айтмоққа илҳақсан,
Бор ҳаётин кеча килдинг хомани.

Курашлардан иборатдир бу ҳаёт:
Чала, ёнбош, ҳалол дея айтилур.
Сен борсанки, парвозимга шай қанот,
Ўзбекча сўз гўё ўқдай отилур.

Ошиклар ҳам мактуб биттай сен билан,
Дил изхорин айтгувчи хуш забоним.
Энг сўнгти дам бўғзимдасан мен билан,
Ўз сўзини айтган икки жаҳоним.

Ашурали БОЙМУРОД – 1957 йилда туғилган. Жиззах давлат педагогика институтини битирган. Ижодкорнинг “Табиат сеҳри”, “Садоқат”, “Согинч”, “Мирзо Бобур”, “Онагинам”, “Мехристон”, “Қўшилар суҳбати”, “Мулоқот” сингари шеърий китоблари нашир этилган.

Үргатувчим ўзинг ҳаёт имлосин,
Сенинг билан севгим, дилда ҳаяжон.
Оlam ахли, энди бизни тингласин,
Ўз тилимда янгарар Ватан – онажон.

Тинчлик ила безанг қадим дунёни

Кўнглингизни яхшилика эш тутинг,
Мехр ёнсин, аввал, уни хеш тутинг,
Ҳар лаҳзада акл ила иш тутинг,
Дилдан хайданг зулмат ила риёни,
Тинчлик ила безанг қадим дунёни!

“Занжирбанд ер” бўлиб қолмас сайёрам,
Самоларга кўлин чўзган фавворам,
Кўнглим факат учадирган тайёрам,
Гулга тўлсин уйимизнинг ҳар ёни,
Тинчлик ила безанг қадим дунёни!

Ўз уйингни севганинг зўр давлатдир,
Ундан ўзга туйғу билсанг, гафлатдир,
Юрагингда бор севгингни сақлаб тур,
Ҳатто, күёш сендан олгай зиёни,
Тинчлик ила безанг қадим дунёни!

Юрак ўзи учайтган кабутар,
Кабутарни кўролмаслар тош отар,
Аввал, кўнгил ёришгай, сўнг, тонг отар,
Оқаверсин, кўйинг икки дарёни,
Тинчлик ила безанг қадим дунёни!

Фаришталар қўнар сокин гўшага,
Ким бузгунчи, лаънат ёғар ўшага,
Дарз кетмасин, кўнгил ўхшар шишага,
Унутмайлик дўстлар, шарму хаёни,
Тинчлик ила безанг қадим дунёни!

Бокийликка йўл очгувчи тинчликдир,
Баҳор янглиғ гул сочгувчи тинчликдир,
Дуо айлаб, кўл очгувчи тинчликдир,
Тумор қилинг қалбга меҳритиёни,
Тинчлик ила безанг қадим дунёни!

Тановар ноласи

Оллоҳ дилга солган мунгли ноламен,
Кир бағрида ёнган оташ, лоламен,
Кел, бағрима, мен ишқ бўлиб ёнамен,
Кора сочинг куйдиради танимни,
Олса олсин шул бир оҳанг жонимни.

Ўртамизга тушган фирок бўлакча,
Не савдога гувоҳ бизнинг йўлакча,
Ўзи йиғлаб, ўзи куйлар юракча,
Бир бевафо кийнадику танимни,
Олса олсин шул бир оҳанг жонимни.

Тўлғанади гўё соchlар илондек,
Қош кўзлари ўқ отади камондек,
Турибманку қўл тегмаган жонондек,
Ишки бирла ўтказиб ҳар онимни
Олса олсин шул бир оҳанг жонимни.

Эшит, энди дилимдадир нола-ғам,
Дунё бирин бериб, бирин килар кам,
Бир сўз топдим жондек азиз, мукаррам,
Кўз илгамас куч тўлдириди ёнимни,
Олса олсин шул бир оҳанг жонимни.

Бу бошимда яна қанча савдолар,
Куй авжида, оқиб келар наволар,
Масту ҳайрон, ҳатто, шоху гадолар,
Бир ибога бердим бор эҳсонимни,
Олса олсин шул бир оҳанг жонимни.

Сен ундасан, мен бундаман, бегона,
Ишқинг мани қилди далли-девона,
Ўртамизда колдику бир афсона,
Минг мақомга дуч этсада, танимни,
Олса олсин шул бир оҳанг жонимни.



Наримон УМАРОВ

АДОЛАТ УСТУВОР ИСЛОХОТЛАРДА

Бирор вокеа ҳайтингизни тубдан ўзгаришишга, айниқса, ижобий томонга ўзгаришишга ишонсангиз, уни интизорлик билан кутасиз. Ўзбекистон Республикаси Президентининг Олий Мажлис Парламентига қиласидан мурожаати ҳам ўтган давр мобайнида шундай воелика айланди.

Аҳамиятли жиҳати, ушбу Мурожаатномани нафакат парламент аъзолари, маҳаллий кенгаш депутатлари, ижро ҳокимияти, зиёлилар, балки чекка-чекка қишлоқлардаги юртдошларимиз, аникрок айтганда, оддий одамлар ҳам кутадиган бўлди. Чунки улар ҳар йили давлат раҳбарининг парламентга мурожаатида ўз ҳайтини яхшилашга оид янги фикр, янги ғоя, янги ташаббуслар янграшини яхши билишади.

Айниқса, бу галги Мурожаатнома барчани бирдек тўлқинлантириди, рухлантириди ва келажакка бўлган ишончи ҳамда умидини яна бир бор ошириди десак, муболага бўлмайди. Мухтарам Президентимиз томонидан ўтган йил давомида амалга оширилган ишлар, жорий ва келгуси йилларга мўлжалланган устувор йўналишлар, давлатимиз ички ва ташки сиёсати учун асосий вазифалар баён этилиб, долзарб конунчилик ташаббуслари илгари сурилди. Ушбу Мурожаатнома янги парламент ва янги хукуматга йўлланди ва мазмунан, нафакат 2020 йилни, балки келгуси беш йилликни камраб олди.

Мамлакатимиз иктисодиётидаги ижобий ўзгаришлар кузатилмоқда. Мурожаатномада қайд этилганидек, 2019 йил якунларига эътибор берсак, тўғридан-тўғри хорижий инвестициялар 4,2 млрд долларни ташкил этиб, 2018 йилга нисбатан 3,1 миллиард долларга ёки 3,7 баробар ўсганлигидан далолат беради. Иктисодий ўсиш 5,6 фоизни ташкил этиб, саноат маҳсулоти ишлаб чиқариш ҳажми 6,6 фоизга, экспорт 28 фоизга кўпайди, олтин-валюта захираларимиз 2,2 млрд долларга ортиб, 28,6 млрд долларга етди.

Солик ислохотида ҳам ижобий натижаларга эришилмоқда. Янги солик

Наримон УМАРОВ – “Мечнат шуҳрати” ордени соҳиби. Ўзбекистон Республикаси Олий Мажлиси Конунчилик палатаси Спикер ўринбосари, “Адолат” социал-демократик партияси сиёсий кенгаси раиси. 1952 йилда туғилган. Тошкент давлат политехника институтини (ҳозирги ТДТУ) татомлаган.

сиёсати доирасида иш ҳакига солик юки 1,5 баробар камайтирилди, натижада расмий секторда ишлаётганлар сони йил давомида 500 мингтага кўпайди. ҚҚС ставкаси 20 фоиздан 15 фоизга тушнирилди, бунинг хисобидан солик тўловчилар ихтиёрида 2 трлн сўм қолди, истиқболда эса бу рақам 11 трлн сўмни ташкил этиши кутилаётгани, ислоҳотлар натижасида 2018 йилга нисбатан кариб 2 баробар кўп янги тадбиркорлик субъектлари ташкил этилиши хабари айниқса ҳалкимиз қалбida янада мамнунлик хисларини ошириди.

Мурожаатномани тинглаганлар ўзлари умид қилганларидан кўпроқ янгилик ва натижалардан боҳбар бўлишди, деб ўйлайман. Чунки Мурожаатномада бир қатор тарихий ташаббуслар янгради. Шунингдек, мурожаатномада охирги уч йилда “Инсон манфаатлари ҳамма нарсадан устун” деган тамойил асосида, ҳалкимиз ҳаётини тубдан яхшилаш бўйича олиб борилаётган кенг кўламли ижтимоий ислоҳотларни давом эттириш, бунинг учун биринчи навбатда аҳоли фаровонлигини ошириш ва унинг ижтимоий ҳимоясини кучайтириш бош вазифалардан бири бўлиб қолиши алоҳида таъкидлаб ўтилди.

Жумладан, олий таълимга қабул квоталарини доимий равишда ошириб бориш, кириш имтиҳонларини соддалаштириш, давлат грантини икки бараварга кўпайтириш, рақамли иқтисодиётни ривожлантириш, тадбиркорлар учун бюрократик тўсикларни бартараф этиш, дориларнинг электрон реестрини яратиши, ўқитувчи ва шифокор макомини янада мустахкамлаш ва уларнинг ойлик иш ҳақларини ошириш, коррупцияга қарши курашиш, ички ишлар органларини ҳалкона тизимга айлантириш каби таклиф-ташаббуслар юртдошларимизнинг юрак-юрагигача стиг борди, десак, муболага бўлмайди.

Юкорида тилга олинган муаммолар биз сайловлар арафасида партия Сайловолди дастурини шакллантириш жараёни ва сайловолди учрашувларида ҳалкимизни анча йиллардан бери қийнаб келаётган муаммолар эканлигига гувоҳ бўлғанмиз. Шунинг учун бир қатор муаммоли масалаларни партия Сайловолди дастурига киритиб, устувор вазифамиз сифатида белгилаб олган эдик. Бугун юкори минбардан туриб яна бир бор ушбу масалаларга эътибор қаратилгани ва ечимлари кўрсатиб берилгани бизни кувонтириши билан бирга зиммамизга алоҳида масъулият ҳам юклайди. Демак, энди Мурожаатномада кўрсатиб берилган вазифаларbekamu кўст бажарилиши ва унинг ижросини назорат килиш бўйича фракция ва жойлардаги маҳаллий Кенгаш депутатларимиздан алоҳида масъулият талааб этилади.

Президент нутқида алоҳида дикқатимизни тортган яна бир масала борки, бу “прописка” масаласидир. Ушбу муаммо узоқ йиллардан бери кўплаб фуқароларимиз ва жамоатчиликнинг ҳақли эътирозига сабаб бўлиб келаётган эди. Айнан шу сабаб партия Сайловолди дастурига “Пропискадан ўтиш” тизимига янгича ёндашиш, фуқароларимизнинг ўз хоҳиш-истакларидан келиб чиқиб, доимий яшаш жойини ўзи белгилаш ҳукуқини таъминловчи ҳукукий асосни боскичмабоскич тақомиллаштириб бориш” масаласи киритилди. Сайловолди дебатларда, учрашувларда бошқа партиялар томонидан ушбу фикр якин йиллар ичida ечимини топмаслиги ва сайловчилар овозини олиш учун килинган “популистик чакирик”, деганга ўхшаш мулоҳаза ва киноялар ҳам бўлди. Шунингдек, Мурожаатномада, мамлакатимизда узоқ вактдан бери доимий асосда яшаб келаётганлар барча фуқаролар сингари ҳамма ҳукуқлардан фойдаланиши лозимлиги таъкидланиб, 1995 йилгача Ўзбекистонга келган ва шундан бўён истиқомат қилаётган шахсларга

Ўзбекистон фуқаролиги автоматик тарзда берилиши даркор, дес яйтилган хабар кўпчиликнинг кувончига сабаб бўлди. Бу каби сайд-ҳарақатлар натижасида 50 мингта яқин юртдошларимизнинг фуқаролик билан боғлик муаммолари ҳал этилиши кувонарли ҳолдир. Бугун давлат раҳбари томонидан узоқ йиллар давомида халқимизни кийнаб келган соҳадаги бундай адолатсиз тизимни бартараф этиш вақти келгани таъкидлангани кўнглидаги гап бўлди.

Жорий йилга “Илм-маърифат ва ракамли иқтисодиётни ривожлантириш йили” деб ном берилгани ҳам мамлакатимизнинг келгуси 10 йилликдаги асосий йўналишини белгилаб беради. Юргашимиз йилни илм ва маърифат соҳасига қартишларининг ўзида бир мажозий маъно мужассам. Чунки, энг катта бойлик бу – акл-заковат ва илм. Энг катта мерос бу – яхши тарбия, энг катта қашшоқлик бу – билимсизликдир, деб яйтилган фикрда муболага йўқ. Зеро, илм-фанни ривожлантирасдан туриб, ёрқин келажакни тасаввур этиб бўлмаслиги айни ҳақиқатдир. Бу бевосита барча олий таълим муассасаларига жуда катта масъулиятни юклайди. Истиқболда стратегик фикрловчи, бутун мамлакатимиз учун барча соҳаларда илмли, маърифатли, тажрибали, малакали ёшларни тайёрлаш борасида олдимиизга кўйган муҳим вазифаларимизни яна бир бор таҳлил қилишга, қайта кўриб чикишга масъулиятли вазифаларни белгилаб олишга чакиради.

Келажак фаровон бўлишини истар эканмиз, иқтисодиётни ва барча соҳаларни ракамлаштиришга эришишимиз даркор.

Чунки ракамли иқтисодиётни ва технологияларни ривожлантириш соҳалар ривожига таъсир этиш билан бирга коррупцияни бартараф этишининг самарали воситаси ҳамдир. Бу орқали биз мазкур иллатнинг оқибати билан курашишни тўхтатиб, уни келтириб чиқарувчи сабабларни аниклаб, партия дастурида белгиланганидек, илдизи билан куритишга эришамиз.

Мурожаатномада қайд этилганидек, коррупцияга карши курашиш мамлакатимизнинг навбатдаги ислоҳотлар даврининг энг асосий йўналишларидан бирига айланмоқда. Президентимиз “Бу иллатни йўқотмасдан туриб олдимиизга кўйган бирорта вазифани бажара олмаймиз”, деде бежиз таъкидламади. Эндиликда мазкур “оёғимиздаги кишан”га қарши сўзда эмас, амалда жиддий кураш бошланмоқда. Бу курашга масъул қилиб аввалгидек, турли идоралар ёки жамоатчилик асосидаги комиссиялар эмас, алоҳида, кучли орган белгиланди. Парламент олдига ҳам соҳага оид конунчилик базасини такомиллаштириш вазифаси кўйилди.

Бу борада Ўзбекистон “Адолат” СДПнинг ҳам ўз таклифлари ва дастурий йўналишлари бор. Маълумки, мазкур иллат билан курашишни факатгина давлат органларига юклаб кўйиш билан керакли натижага эришиб бўлмайди. Бунда энг асосий восита, ечим, курашга кенг жамоатчиликни, фуқароларимизни, халқимизни фаол жалб қилиш лозим бўлади. Бунинг учун, аввало, мазкур масалаларни конунчиликда акс эттириш керак.

Умуман олганда, жамоатчиликни ислоҳотларда харакатлантирувчи кучга айлантириш Мурожаатноманинг бош ғояларидан бири бўлди, десак асло адашмаймиз. Эндиликда, мамлакатимизнинг ижтимоий-иктисодий ҳаётига оид ва жамоатчиликда алоҳида қизиқиши уйғотадиган ўта муҳим масалаларга доир қарорларни қабул қилишда жамоатчилик билан маслаҳатлар, жамоатчилик эшитувларини ўтказиш мажбурийлигини аниқ белгиланиши қайд этилди.

Бу эса айни пайтда жамоатчиликка ҳам жуда катта масъулият юклайди. Яйни мухим масалалар юзасидан жамоатчилик фикри эшитиладиган, кабул килинадиган шароит яратилмоқда. Албатта, бу ўриндә айтиладиган фикрлар, таклифлар мамлакат тараққиётiga, халқимиз фаровонлигига хизмат қилиш даражасида бўлиши лозим.

Мурожаатномада илгари юксак минбарларда янграмаган яна кўплаб ташаббуслар, ғоялар, фикрлар илгари сурилди. Улардан ҳар бирининг тўлиқ ижросини таъминлаш, ҳаётга татбиқ этиш натижасида мамлакатимиз тараққиёти янада жадаллашувига эришилади. “Адолат”чилар ҳам ўз олдиларига кўйган мақсадларини яна бир карра тахлил қилиб, Мурожаатномадан келиб чиқадиган вазифаларини белгилаб олдилар. Жумладан, партия фаоллари коррупцияга карши курашишда Буш прокуратура билан ҳамкорликда тегишли халқаро кўрсаткичлар, индексларни ҳамда уларни тузиш методикасини назарда тутиб, жамиятда бу иллатга нисбатан мутлақо тоқатсизлик маданиятини шакллантиришига қаратилган тизимли чора-тадбирлар режасини ишлаб чиқиб, уларнинг натижаларини кенг оммага етказиши борасида, шунингдек, Олий суд, Инсон хукуклари бўйича миллӣ марказ билан ҳамкорликда суд-хукук тизимидағи ислоҳотлар натижасини, айниқса, соҳада ахолининг норозилигига сабаб бўлаётган омилларни танқидий ўрганиб чиқиб, тегишли таклифлар бериш, суд-хукук тизимини янада такомиллаштириш, соғлиқни саклаш тизимиға замонавий ахборот-коммуникация технологияларини жорий этиш, “Ақли тиббиёт” тизимини шакллантириш, жойларда ахолига малакали тиббий хизмат кўрсатишини янги босқичга олиб чиқиши максадида тиббий хизмат устидан депутатлик ва жамоатчилик назоратини кучайтириш, ахолининг тиббий маданиятини ошириш бўйича таъсиричан қонунчилик механизмларини ишлаб чиқиши, мамлакат таълим тизимини бутунлай янги босқичга олиб чиқиши максадида Олий таълим вазирилги билан ҳамкорликда 2020 йилдан ҳар бир олий таълим муассасаларига давлат буюртмаси асосида ўқишига қабул қилиш параметрларини белгилаш билан бирга уларнинг босқичма-босқич ўзини-ўзи молиялаштиришига ўтишини таъминлашга қаратилган меъёрий ҳужжатларни ишлаб чиқиши, шунингдек, ахолини қийнаб келаётган муаммолардан бири бўлган – дори-дармонларнинг ноқонуний айланишига бутунлай чек кўйиш юзасидан ўз лойиҳаларини ишлаб чиқди. Шуни ишонч билан айта оламанки, бу лойиҳалар қоғозда қолиб кетмайди. Бундай дейишимга сабаб биз лойиҳаларимизни кейинги беш йилликка эмас, аксинча, жорий йилнинг ўзида амалга оширишга мўлжаллаб ишлаб чиқдик. Ушбу лойиҳалар йил якунига кадар амалга оширилса, биз, ўз сайловчиларимиз олдида ҳисобот беришга тайёр бўламиш.

Энг асосийси, фаровон ҳаёт, ривожланган Ўзбекистон биз учун энди узоқ келажак эмас. Қилинаётган ишлар, олиб борилаётган ислоҳотлар орқали биз буюк келажакка тобора яқинлашмоқдамиз. Буни халқимиз ҳам ич-ичидан сезмоқда, эртаси фаровон бўлишига ишонмоқда. Бизнинг асосий вазифамиз эса белтиланган вазифаларнинг тўлиқ ижросини таъминлаш орқали ана шу юксак ишончни оқлашдан иборатдир.



ШУҲРАТНИНГ НОМ ТАНЛАШ МАҲОРАТИ

**Мехрибон
ЁДГОРОВА**

Шоир ва ёзувчи Шуҳратнинг “Олтин зангламас” романида ҳайтий асосига эга образлар билан бир қаторда ёзувчи фантазияси маҳсулни бўлган тўкима образлар ҳам талайгина. Агар муаллиф Қодир образини тўкима асосига курган бўлса, Чухнов ва Марат образларини прототип асосида яратган, дейишаг асосимиз етарли. Мухими бу эмас, асосийси адаб бу образларнинг ҳар бирига бадиий мазмун юклай олган. Куйида биз бу образларнинг ёзувчи эстетик идеалини акс эттиришда қай даражада роль ўйнаганлиги ҳакида сўз юритамиз.

“Олтин зангламас” романининг 1964 йили Ўзбекистон Ёзувчилар уюшмасида бўлиб ўтган муҳокамасида “асарда Қодирдан бўлак яхши одам кўринмаяпти”, деб асарга “айб” кўйилган. Агар, айномага эътибор берсак, “Олтин зангламас” романининг деярли барча персонажлари соцреализм талабига жавоб бермайди, деган хulosа келиб чикади, бу эса ўша пайт учун жиддий нуксон эди. Ҳакли савол туғилади, ким эди у ягона ижобий қаҳрамон? У чиндан ҳам соцреализм талабидаги қаҳрамонми? Адаб унга қандай ғоявий юк юклаган эди? Соцреализм методи ўз йўлига, масалага муаллиф нуктаи назари билан қарасак-чи? Муаллиф ижобий қаҳрамон деганда кимни назарда тутмокда? Адаб бу қаҳрамонга нега айнан Қодир деб ном берди? Персонажга ном беришда адаб аниқ бир мақсадни кўзлаганми ёки кўп ўзбек исмларининг бирими бу??

Тилшунос олим Маъруфжон Йўлдошевнинг фикрича, “маҳоратли ёзувчилар қаҳрамоннинг ҳаёти тақдирни ва руҳияти билан унинг исми ўртасида муштараклик ўрнатиш орқали бетакрор образлар яратишга ҳаракат қиласидилар”¹. Олимнинг фикрига кўшимча килиб яна айтиш мумкинки, қаҳрамоннинг исми орқали ҳам ёзувчи эстетик оламига кириб бориш мумкин.

¹ ЎзР ФА Алишер Навоий номидаги давлат адабиёт музейи. Ёзувчилар архиви. Ф.16.42 инвертар рақамили хужжат. Муҳокама чогида ёзувчи Шуҳрат томонидан муҳокама иштирокчиларининг гаплари ёзib олинган “коралама”. Бу кайдлар жами 9 бетдан иборат бўлиб, юкоридаги кўчирма 2-бетдан олинди.

² Юлдошев М. Бадиий матнларни лингвопоэтик тадқики. Ф.ф.д., илмий даражасини олиш учун ёзилган дисс. Т.: 2009. – Б. 172.

Мехрибон ЁДГОРОВА – 1984 йилда туғилган. Қорақалпоқ давлат университетини тамомлаган. Республика матбуотида қатор мақолалари чоп этилган.

1951 йилнинг 24 февраль Шуҳрат ҳаётидаги энг кора кунлардан бири бўлди. Худди шу куни ёш шоир Шуҳрат “халқ душмани” деган айб билан қамоққа олинди. Шоир уйи тинтуб килиниб, Шуҳратга тегишли шахсий буюмлар олиб кетилади. Давлат хавфсизлиги хизмати архивида № 726 инвертаръ рақами остида сақланётган ҳужжатда ёзувчи Шуҳратнинг жиноят иши материаллари сақланади. Айнан шу “дело”да юкорида айтганимиз ёзувчининг уйидан тинтуб пайтда олиб кетилган Шуҳрат шахсий буюмларининг рўйхати берилган.

Рўйхатнинг ўн тўртингчи пунктида кўрсатилган “эскириб, уннишиб кетган 16 та китоб” бизнинг эътиборимизни тортди. Қандай китоблар эди ўзи улар? Бу китоблардан ҳам жиноят аломатларини топишганми? Умуман, бу китоблар Шуҳрат хакида бизга нималарни айта олади?

Ўша машъум 726-делода Шуҳратдан ташқари X. Сулаймонов, А. Алимухаммедов, Н. Алимухаммедов, М. Исмоилий, Шукрулло, М. Муротов, М. Жўраевларнинг “жиноят иши материаллари” ҳам сақланади. (Булардан ташқари, бошқа маҳбусларни ҳам бор, лекин улар тўлиқ эмас.) Эътиборли жиҳати шундаки, ҳужжатда маҳкумларнинг уйидан тинтуб пайти олиб кетилган “ашё”ларнинг рўйхати берилган, агар айrim маҳбусларининг ҳам уйидан олинган китоблар номма-ном саналган бўлса, айrimларининг эса умумий сони айтилган. (Китоблар камрок бўлса номма-ном саналган, кўпроқ бўлса умумий сони кўрсатилган.)

Биз тергов материаллари билан танишиш мобайнida Шуҳратнинг “дело”сида кўрсатилган ўн олтига китобнинг бештасини аниқлашга муваффақ бўлдик. Булар: Абдулла Қодирийнинг “Ўткан кунлар”, “Мехробдан чаён” романлари, Чўлпоннинг “Соз” тўплами ҳамда Усмон Носирнинг “Юрак”, “Мехрим” тўпламлари. (Унда Фигратнинг ҳам китоби бўлгани айтилади, лекин китобнинг номини билолмаганимиз учун уни санамадик. Тахминимизча, у илмий асар бўлган.)

Бу китоблар учун Шуҳратта “Ўз уйида миллатчиларнинг антисовет китобларини сақлаган”³, деб айб кўйилган. Шуҳратнинг ўзи эса бу айбномани рад этиб, Ўзбекистон ССР Олий Судига ёзган аризасида, “мени антисовет китоблар сақлаган деб ўтилади, ахир у китоблар тақиқланганга қадар бўлган, институт программасида ўқилган, тақиқлангани эълон қилиниши билан (институтда) 1937 йил бошида ёки ташланган. Бунинг жиноят каторига киришини нотўғри деб биламан”⁴, деб ёзди.

Синчилаб қаралса, Шуҳрат нафакат ўзига кўйилган “айб”ни рад этяпти, балки 1937 йилда “аксил инқилобий, советларга қарши адабиётлар” деган тамфа босилиб, ўтда куйдирилганига орадан ўн тўрт йил ўтса-да, ҳалигача улар устидан чиқарилган ҳукмни ҳам тан олмаяпти. Бу билан у мазкур китобларни, ҳатто, химоя ҳам киляпти.

Юкорида номлари саналган саккизта айбланувчи жиноий ишининг умумий хажми 16 томдан иборат. Бундан ташқари ҳар бир айбланувчининг “шахсий иши” мавжуд бўлиб, ҳаммасини кўшиб хисоблагандага 24 томли “айбнома” пайдо бўлган. Эътиборли жиҳати шуки, бу машъум ҳужжатлар ичida Абдулла Қодирий номи тилга олинмаган биронта “дело” йўқ. Қодирий номи ҳамда унинг асарлари маҳкумларга айб кўйишида ёки, аксинча, айловчи томоннинг устунлик килишида гўёки барометр вазифасини ўтаган.

³ Архив КГБ. П-21493. Личное дело Алимова Гуляя Аминджановича. Архив. инв. №4. С. 33–777. – Ст. 89. (Тергов рус тилида суд эса ўзбек тилида бўлиб ўтган. Шунинг учун Судлов айбномаси ва Ҳукм ўзбек ва рус тилларида берилган.)

⁴ Личное дело Алимова Гуляя Аминджановича. Архив. инв. №4. С. 33-777. – Ст. 231.

Агар, XX аср ўзбек халқи маданиятини катта бир дарахтга менгзайдиган бўлсак, ана шу дарахтнинг энг йирик шохи, бизнингча, Абдулла Қодирий сиймосидир. Шоҳки, унга илинган ҳак-ноҳақ тухматларни кўтаришга кодир, қаҳратоннинг совук киличи музлата олмайдиган, саратон жазирамасида куриб колмайдиган, асрлар суронида қаддини тик тутиб турга олувчи мустаҳкам шоҳдир.

Шуҳрат домланинг “жиноий иши” билан танишар эканмиз, хаёлимиздан юкоридаги фикрлар ўтди. Хўш, бу гапларнинг мавзуга нима алокаси бор?

“Олтин зангламас” персонажларидан бири, Шуҳрат романининг “ягона яхши одам” и Қодир номи ўзига хос код вазифасини бажариб, бу бир томондан, Шуҳратга кўйилган “айб”ларнинг бири билвосита Қодирий билан боғликлигига ишора килса, бошқа томондан, Қодирий сиймоси Шуҳрат учун эстетик идеал бўлганилигини англатади. Шунинг учун ҳам адаби бу образни Қодир деб номлаган бўлса ажабмас. Худди шу жойда, Шуҳратнинг “яхши одам” деганда кимни ёки қандай одамни тушуниши ҳам маълум бўлади.

1968 йилда Шуҳрат “Танланган асарлар”ининг 3 томлигига “Ўзим ҳақимда икки оғиз сўз” сарлавҳаси остида сўзбоши ёзар экан, насрый асарга кўл уришдан олдин қандай тайёргарлик кўргани ҳакида, жумладан, шундай дейди:

“Бир маҳаллар кулоғимга кирган ёзувчиларнинг асарларини имкони борича кўздан кечирдим. Ҳаммадан Мопассандаги маиший жозибадорлик, Жек Лондондаги романтик қаҳрамонлик, Чеховдаги ихчамлик ва аниклик, Лев Толстойдаги кўлам ва психологик бутунлик мени ўзига мафтун килиб кўйди. “Уруш ва тинчлик” билан “Анна Карепина”ни икки-уч марта ўқиб чиқдим...

...Тўғри, уларни мунтазам мутолаа қилгунимга қадар Ойбекнинг “Кутлуғ кон”, “Навоий” романларини, Абдулла Қаҳхорнинг “Сароб” романи ва хикоялари,Faфур Ғуломнинг кулгили хикояларини энтиқиб-энтиқиб ўқиб, ҳар ўқиганда бир жозиба ва мўъжиза топиб, “оҳ, қандай ажойиб” деб кўнглим суст кетиб юради. Назаримда ана шу ҳавас, мафтунлик учкунларини кейинги мутолааларим гуриллатиб юборди. (Буларнинг барчасидан бурун Абдулла Қодирийнинг ўлмас икки асарини ўқиб, шайдоси бўлиб юрган бўлсан ҳам, бу вактда у “сал эсдан чикиброқ” қолган эди)“⁵.

XX асрда адабиёт оламида бўлсин, илмий жабҳада бўлсин олиму, ёзувчиларни санаганда, аввал “улуғ оға”ларнинг номини қайд этиб, миллий ёзувчи ва олимларни кейин тилга олиш урфга кирган эди. (Бу “урф”дан ҳалигача кутула олганимиз йўқ). Анъанага мувоғин, Шуҳрат ҳам насрый асар ёзища унга ғойибона устоzlик килган ёзувчиларни бирма-бир санаашда олдин жаҳон ва рус адабларини, сўнг ўзбек ёзувчиларининг номларини санайди. Эътиборли жиҳати шуки, бу санокда Шуҳрат Абдулла Қодирий номини асосий гапга илова тарзида қавс ичиди “бу вактда у “сал эсдан чикиброқ” қолган эди” деган изоҳ билан беради. Бизни эса бошқа нарса кизиқтиради. Нима, Шуҳрат 1968 йилга келиб, “Ўткан кунлар” билан “Мехробдан чаён”ни чиндан ҳам унутиб юборганими? “Сал эсдан чикиброқ қолган” бўлса, уни ёзиб ўтирмасдан ташлаб кетаверса бўлмасмиди?

Тўғри, одамнинг хотираси магнит лентаси эмас, эсидан чикариши, унүтиши мумкин. Бу нормал жараён. Лекин Шуҳрат Қодирийни ҳам, унинг “ўлмас икки асарини” ҳам эсидан чикарган эмас. Шунчаки, камоқдан чиқиб, эндиғина рўшнолик кўра бошлаган ёзувчи ўзига ўйлосизликдан йўл ахтаряпти, бир иложини килиб

⁵ Шуҳрат. Ўзим ҳақимда икки оғиз сўз. Танланган асарларнинг 3 томлигига ёзилган сўзбоши. 1 том. Т.: F. Ғулом. 1969. 7-8-бетлар.

қавс ичидә “эсімдан чикқан эди” деб ёзіб бўлса-да, Қодирий номини айтишнинг иложини киляпти. (Бунинг устига Қодирийнинг оқланганига ҳам эндигина ўн йил бўлганди-да).

Шұхрат Қодирийни, нафакат, “эсідан чикармаган”, балки “Олтин зангламас” романини ёзишда Қодирий анъаналарини ҳар томонлама давом эттирган. Адаб сюжетнинг кўп тармоклилиги, воеалар драматизми, характерлар тасвири учун воеаларнинг кескин бурилишлардан фойдалана билиш, бадий деталларни қўллаш каби, жиҳатларни Қодирийдан ўрганганди.

“Ўткан кунлар” романининг бир ўрнида Мусулмонқул Отабекка қаратада “дов юрагинг бор экан, йигит... Ҳайфки, гунохинг бўйнингда”, деб айтади. Худди шу жода Қодирий “Мусулмонқулнинг ўзи ҳам фавқулодда юраклик эди”, деб Мусулмонқул ҳакида етти қатор тарихни матн остида хавола киласди.

“Фавқулодда юраклик” сифатини Қодирийнинг ўзига нисбатан ҳам қўллаши мумкин. Бунга биргина мисол килиб, Қодирийнинг кичик асарларини кўрсатиш кифоя. Ёзувчининг “кичик асарлар”и билан танишган кишининг хаёлига, дастлаб, буларни ёзганидан кейин Қодирийнинг отилмаслиги мумкин эмасди, деган фикр келади. Дарҳақиқат, ундағы гапларни Қодирий яшаган даврда ҳам, ундан кейин ҳам ҳеч ким ёзмади.

“The secret” фильмидә “бир хил нарсалар бир-бирига тортилади”, деган фалсафий фикр айтади. Бу гапни Шұхрат билан Қодирийга нисбатан ҳам қўллаши мумкин. Бошқача айтадиган бўлсак, Шұхратнинг Қодирийга интилиши бежиз эмас. Замондошларининг хотирлашича, Шұхратнинг феълида ҳам Қодирийдаги жасорат, мардлик, тўғрисўзлих хислатлари устун эди.

Шұхратнинг дўстлари ҳам ўзига ўхшаган ёвкур кишилар эди. Шұхрат лагерда топган дўсти, туркман йигити Журменек бахши ҳакида шундай хотирлайди: “Журменек бахши новча, коп-кора, чайир, чапани киши эди. Уникига Саид Ахмад ва Пиримкул Қодиров билан бирга бордик. Пиримкул Қодиров унинг жасурлиги, ёвкур гапларига хайрон қолди. Ўзбек ёзувчилари орасида доим эҳтиёткорлик бор, сир эмас, эҳтиётимиз баъзан кўркоклик даражасида эди. Бахши эса Советта хизмат килиш у ёқда турсин, бор-йўғи, бу тузум билан келишган, холос!

— Биз Совет билан келишиб олдик: у менга тегмайди, мен унга тегмайман! Теса, ўзидан кўрсин! — дер эди. Кўркув ҳам, ҳадиксираш ҳам йўқ: “Нари борса, бир ўлимда!” дер эди”⁶.

Академик Наим Каримовнинг хотирлашича, Шұхратнинг “Жаннат қидирғанлар” романы устидан Мирза Солиев деган бир кимса турли идораларга “думалоқ ҳат” ёзип ёзувчини яхшигина сарсон қиласди. Бу масалада бир неча маротаба мажлислар бўлиб, ёзувчига анчагина тошлар отилган. Шундай мажлисларнинг бирида жони ёнган Шұхрат Мирза Солиевга қаратада “Яхшиям сенлар борсан, бўлмаса биз салбий қаҳрамонни қаердан олардик”, деб айтиб юборган экан. Бунақа гапни мажлисда айтишини фақат Шұхрат домладан кутиш мумкин эди.

Юқоридагилардан келиб чиқиб айтишимиз мумкинки, шахста сиғиниш фожиаларини биринчи бўлиб акс эттирган “Олтин зангламас” романини ҳам айнан Шұхратнинг ёзиши бежиз эмас.

⁶ Yodgorova M. Roman konsepsiysi va obraz tabiatı. // Til va adabiyot ta'limi. 2019. 5-son.

⁷ Қодирий А. Ўткан кунлар. Т.: F. Фулом. 1974. – Б. 124.

⁸ Кенжабек М. Озод калб. Ёзувчи Шұхратнинг хибсдаги ҳаёти. // Маҳалла газетаси. 2004. № 51.

Шуҳрат роман ёзишга ўтирас экан, ўзига таъна тошлари отилишини олдиндан билган, лекин шунга қарамасдан, ёзувчи ўз принципидан кечиб, ёзмай қўяқолмасди “Таржимаи ҳол”ида ёзганидек, “бунга виждони йўл қўймасди”.

Ёзувчи образ яратишда турли-туман усуслардан фойдаланади. Шулардан бири – прототип асосида образ яратишдир.

“Олтин зангламас”даги ўз прототипига эга образлардан бири, роман бош қаҳрамони Содикнинг терговчиси Чуханов образидир.

Биз бу образ ҳакида шоир Мирзо Кенжабекдан сўраганимизда, “Шуҳрат ака терговчисининг исмими Суханов деб айтганди. Ё мен адашяпманми”, деб иккиланиб колди. Кейинчалик биз Ўзбекистон Фанлар академияси Алишер Навоий номидаги давлат адабиёт музейи Ёзувчилар архиви фондида сакланаётган “Олтин зангламас” романининг асл кўлёзмаси билан танишганимизда бундан-да қизиқ фактга дуч келдик.

Романнинг “Айбсиз айбдор” деб номланган ўн олтинчи бобида, қамалганидан ўн кунларча ўтиб, Содик илк бор терговга чакирилади. Худди шу жойда Содикнинг тарговчиси Чуханов билан танишуви бўлиб ўтади. Кўлёзмада бу сухбат шундай бошланади:

“ – Мен сизнинг терговчингиз Сухановман. Ишингиз менинг кўлимдам”⁹.

Терговчининг исми аввал Суханов деб ёзилиб, кейинчалик, кўлёзманинг 271-бетидан бошлаб Чухановга ўзгартирилган. Олдинги “Суханов”ларнинг ҳаммаси бошқа сиёҳда устидан чизиб Чуханов қилиб ўзгартириб чиқилган. Шундан кейин бизда, Шуҳрат домланинг терговчисининг номи Мирзо Кенжабек айтганидек Суханов бўлган бўлса керак, деган тахмин пайдо бўлди.

Илмда тахмин доим ҳам ўзини оклайвармайди, илм аникликка интилади. Шунинг учун биз ёзувчи Шуҳратнинг жинойи иши билан танишиб терговчининг исмими билишга уриндик. Бу “дело”да терговчининг номи биз куттганимиздагидек Суханов, деб берилган экан.

Татар тишлиноси Г. Зиннатулина фикрига кўра, бадиий асардаги барча исмлар маълум аҳамиятга эга. Поэтик мақсад назарда тутилмаган ҳолда ҳам бадиий асардаги антропонимлар муайян бир ҳалқнинг исм кўйиш маданиятидан хабар беради ва бадиий асарнинг ономастик кўламини белгилайди. Олима татар-бошкирд ёзувчиси А. Еники асарларидағи антропонимларни учга бўлиб ўрганади: 1. Тавсифловчи исмлар. Булар бадиий асарда маҳсус кўлланилган, қаҳрамон характерига мос бадиий антропонимларни кириктган. 2. Яширинча тавсифловчи исмлар. Булар ғоявий (идеологик) вазифа бажарувчи исмлар. 3. Нейтрал характердаги поэтик антропонимлар киради”¹⁰.

Зиннатулинанинг фикрига кўшимча қилиб яна шуни ҳам айтишимиз мумкинки, ёзувчи персонажларга ном кўйиш билан бирга уларга нисбатан ўзининг мухаббати, нафратини ҳам ошкор этади. Бундан ташқари, исмлар тарихий ҳақиқатни билишимизга ҳам ёрдам беради. Чамаси, Шуҳрат Чуханов образини яраётганида, терговчиси Сухановнинг қиёфаси доимо кўз олдида турган кўринади. Шунинг учун образга бошқа ном ҳам кўйиб ўтирган. Вужудини қамраб олган бор нафратини сочиб, у ҳақда эллик икки бет ёзгандан кейин, дўппини бошдан олиб, “тўхта, Суханов ҳали тирик, роман ҳақда хабар топиб уни ўқиса, бу иш яхшиликка олиб келмайди, унинг номини бироз ўзгартириш керак”, деб ўйлаган бўлса ажабмас.

⁹ ЎЗР ФА Алишер Навоий номидаги давлат адабиёт музейи. Ёзувчилар архиви. Ф. 16. 37-38 инвертар ракамли хужжат. “Олтин зангламас” романининг кўлёзмаси. – Б. 225.

¹⁰ Анданиязова Д. Онамастик бирликларнинг лингвопоэтик тадқики. Т.: Турон замин зиё. 2016. – Б. 88.

Натижада ўн түккизинчи бобдан бошлаб, юқорида айтганимиздек, уни Чуханов деб номлади.

Роман күләмасыда ўзгаришга учраган исмлардан яна бири бу – Марат исмидир. Марат роман бош қаҳрамони Содикнинг ўн беш йил интиқ кутиб, охири севикили аёлидан ажрашиб, иккинчи турмуш курганидан кейин туғилған ўғли. Марат образи романнинг “Қайту тизгинидаги севинч” деб номланган ўн биринчи бобдан асарға кириб келади. Маратнинг туғилиши қанчалик интиқ кутилған бўлмасин, Содикнинг хаётида бошланган кўнгилсизликлар туфайли иккинчи планга тушриб ўборилган. Бу эса ўз навбатида ёзувчининг бадиий ниятига мос тушган.

Ўн биринчи боб күләманинг 160–168 саҳифалари бўлиб, бу жойда Марат исми “Бахтиёр” деб ёзилган, “Маратнинг аяси” деб номланган йигирма учинчи бобгача унинг исми шу ҳолатда кўлланган. Йигирма учинчи бобдан кейин эса, Бахтиёр номи Маратга ўзгартирилган. Худди, Чуханов образидагидек, олдин ёзилган Бахтиёр исмларининг хаммаси устидан бирма-бир ручка билан чизилиб, Марат деб ўзгартириб чиқилган.

Бадиий асарда энг кичик деталдан тортиб, асар сарлавҳасигача бўлган хамма нарса катта ахамиятга эга. Асарға ҳеч бир ўзгариш ўз-ўзидан киритилмайди. Ҳар бир ўзгартириш маълум максадга йўналтирилди. Маратнинг исми ҳам Чухановни сингари муаллиф томонидан романни ёзиш жараённица ўзгартирилган. Қўйида биз бу ўзгаришга ёзувчини ундан омиллар хамда Марат образининг прототиплари ҳакида мулоҳаза юритамиз.

Самарқандлик олим Раҳим Муқимов Шұхрат ҳакида шундай хотираларни ёзди: “...1963 йилнинг ёзи эди. Мен – умр ўйдошим Полина Матвеевна ва ўғлим Маратжонлар билан Ёзувчилар союзининг Кўктебелдаги ижод уида дам олардик. Кутимаганда Шұхрат aka билан учрашдик. Ҳордик чиқариш кўнгилдагидай кечди... Биз Шұхрат aka изодининг муҳлислари, мирикиб тинглардик. Кейинчалик билсан, бу саргузаштлар забардаст адабнинг бўлажак янги романлари “Олтин зангламас” ва “Жаннат қидирганлар” учун керакли хомаки материаллар экан... “Олтин зангламас” романнда “Маратнинг аяси” сарлавҳали бир бобча бор... Мен ҳар гал романдаги бу бобни ўқиганимда муаллиф томонидан зўр самимият билан чизилган бу бола (Марат) киёфасида ўз ўғлим Маратжонни кўргандай бўламан. Ахир, Шұхрат aka ўшанда, Кўктебелда, роман устида ишлётганда менинг ўғлим 13–14 яшар шўх, ёқимтойгина болакай эди-да. Энди маълум бўлишича, бу ҳассос адабнинг дикъат-эътиборидан четда қолмаган экан”¹¹.

Юқорида айтганимиздек, Марат (Бахтиёр) образи романга “Қайту тизгинидаги севинч” деб номланган бобидан кириб келган бўлиб, бу боб 1963 йил 28–30 март кунларида ёзилган. Образнинг Марат деб кайта номланган, “Маратнинг аяси” бобининг ёзилиши эса, 1964 йилнинг 21–25 январь кунларига тўғри келади. Бу иккала бобнинг ўртасида ўн бир боб бўлиб, Марат образи бу бобларда айтарли кўзга ташланмайди. Нихоят, “Маратнинг аяси” бобида бу образ бош планга чиқарилган. (Кўләмада ҳар бир бобнинг ёзилган вақти муаллиф томонидан қайд этилган).

Энди бу бобларнинг ёзилиш вақти билан Р. Муқимовнинг хотирасида кўрсатилган вақтга эътибор берсак. Демак, романда Маратнинг туғилиши ҳақидаги бобнинг ёзилиши 1963 йилнинг баҳор ойларига тўғри келса, Шұхратнинг Кўктебелга дам олишга чиқиши 1963 йилнинг ёз ойларига тўғри келади. (“Олтин зангламас”

¹¹ Шұхрат замондошлар хотирасида. Т.: Ўзбекистон. – Б. 171–172.

Малеевкада ёзилган.) Худди шу ерда учраттан дўстининг Марат исмли ўғли унинг дикқатини тортган, тўғрироғи, болакайнинг исми уни ўзига жалб килган кўринади. “Маратнинг аяси” бобига қадар, ёзувчи ўртада Содикнинг қамалиши, унинг тергов жараёни, Мушарраф фожиаси каби эпизодларни ёритиб бўлиб, Марат (Бахтиёр) образига дикқатини қаратганида ўша, ёзда, дам олишда кўргани, дўстининг ўғли Маратжонни хотирлайди ва унинг исмидан унумли фойдаланади.

Кўриниб турганидек, Р. Мукимовнинг ўғли Марагжон “Олтин зангламас”даги Марат образига прототип вазифасини ўтаган, дейишга далилларимиз етарли, лекин бизда Марат образига ёзувчининг катта ўғли Фикрат Алимов прототип бўлган, деган тахминлар ҳам йўқ эмас.

Романга мурожаат киласиган бўлсак, Содик қамалгандаги Марат олти ойлик чакалоқ эди. Ўхшашликни қарангки, Шуҳрат домла камалганида унинг ўғли Фикрат ҳам олти ойлик гўдак бўлган. Адиб романда Содикни турли жойларда, камокда, лагерда, урушда тасвирлар экан, у мудом ўғли Марат (Бахтиёр)ни эслаб, соғиниб юради. Романдаги бу лавҳалар, агар таъбири жоиз бўлса, отанинг ўз фарзандига бўлган самимий муҳаббати билан йўғрилган ҳолда тасвирланади. Худди шунга ўхшаб, Шуҳрат ҳам 1953 йили лагердалигида “Ўғлим Фикратга” деган шеър ёзади. Булар эса ўз навбатида, Марат образига ёзувчининг дўсти Р. Мукимовнинг Марагжон исмли ўғли ҳамда Шуҳратнинг ўз ўғли прототип вазифасини бажарган, дейишимизга асос бўла олади.

Бундан ташқари, романда Жаннатнинг Адолат хола билан Маратни олиб Содикни кўргани лагерга боргани тасвирланган бир эпизод бор. Буни қарангки, бу эпизод Мирзо Кенжабекнинг Шуҳратнинг оғзидан ёзіб олиб нашрга тайёрлаган “Озод калб. Ёзувчи Шуҳратнинг хибсаги хаёти” киссасида ҳам келтирилган.

Бу эпизод киссада шундай тасвирланган: “Тошкентга етиб келган кунимиз КГБдан уйимизга хабар беришди. Эртаси куни хотиним келиб кетганини айтишди. Бир ҳафтадан кейин оилас билан учрашувга рухсат берилди. Онам билан хотиним келишган экан. Қамоқхона қабулхонаси йўллагида бир бола ёнимдан чопқилаб ўтди.

Терговчининг олдига кирсам, онам ўтирибди! Шўрлик онам озиб-тўзган, кексайсан, менинг фамида куйган! Онаизорим олдин армияга, урушга кетганимда канча интизорлик чекканди, энди қамоқдан кутиш азоблари.

Онамни кўришим билан йиглаб юбордим. Юрагим эзилди. Онам ҳам мени кучогидан қўймай, кўп йиглади...

Хотиним ясан-тусан қилиб олган экан. Кўришдик.

– Ўғлим қани? Олиб келмадингми? – дедим.

– Ана, чопиб юрибди, – деди. Қарасам, бояги бола ўғлим экан. Келиб, бўйнимга осилиб олди, йиғлади. Оталик меҳримни тўйган бўлса керак”¹².

Жанубий америкалиги адиб Габриэл Маркесдан “Ёлгизликнинг юз йили” романини кино қилишга киночилар рухсат сўрашганларида Маркес “романдаги Улсула менинг онам. Онамни қандайдир бир актисанинг киёфасида кўришини истамайман”, деб рози бўлмаган экан.

Бу гапни сал бошқачароқ талқин қилиш ҳам мумкин. Шуҳрат домла ўз ўғлининг адабий киёфасини яратар экан, уни ажнабий ном билан атаси мумкин эмасди. Бу унинг характер мантиқига ҳам тўғри келмайди. Бу гапни адиб хаётидан бир нечта мисол келтириши орқали тасдиқлаш мумкин.

¹² Кенжабек М. Озод калб. Ёзувчи Шуҳратнинг хибсаги хаёти. // Махалла газетаси. 2013. №51.

Шұхрат 1955 йил қамоқдан қайтиб келиб, 1956 йилда түлиқ оқланған. Аввал айтганимиздек, қамоққа олинганида унинг битта ўғли бор эди. 1956 йилда яна бир ўғилли бўлади. Унга Хондамир деб ном беради. Орадан икки йил ўтиб, 1958 йилда учинчи ўғли Бобур дунёга келади. Зулм ўчоғи ҳали совумаган бир пайтда, Шұхраттинг фарзандларини миллиатимизнинг буюк кишиларининг номи билан аташининг ўзиёқ, юкоридаги мулоҳазаларимизнинг тўғрилигини тасдиқлайди. Бунинг устига Хондамир, Бобур исмлари ҳалқимиз орасида у пайтда ҳали оммалашмаган эди.

Шұхрат нафакат ўз фарзандларига от кўйишда, балки асарларидаги қаҳрамонларга ном беришда ҳам узок мулоҳаза килиб, образ мантиғига, исмнинг маъносига, ҳаттоки, қайси миллат қаҳрамонининг қиёфасини ярататганига ҳам зътибор берарди. Раҳим Муқимовнинг куйидаги хотираси ҳам фикримизни тасдиқлаши мумкин: “...бир куни Шұхрат ака ўзи ёзаётган роман қаҳрамонларидан бири – жанг вактида фашистларга асир тушган тожик аскарига ўзига мувоғиқ бир ном топиб беришмни сўради. “Шундок ном бўлсинки, – дер эди Шұхрат ака, – бошқа миллат жангчиларининг номидан фарқ қиссин, яни унинг тожик фарзанди эканлиги билиниб турсин”. Энди мен тожикча номларни эслашга киришдим, катта бир варак тожикча номга тўлди: Сангин, Одина, Шогадо, Табар, Теша, Шоғулом, Гулназар, Сафар, Фулом, Фазанфар, Ҳабибулло ва хоказолар. Шулардан, агар янгилишмасам, “Шогадо” макул бўлди...”¹³

Қолаверса, Бахтиёр исми Содикнинг фарзанди туғилганидаги руҳий ҳолатини ҳам ўзида ифодалайди, ахир у боласининг тугилишини ўн беш йил интиқлик билан кутган эди-да. Марат номи эса, роман қаҳрамони Содикнинг характер мантиғига мос келмайди.

Юқоридагилардан келиб чиқиб мулоҳаза юритадиган бўлсан, агар “Олтин занглашас” романининг асли қайтадан тикланиб, нашр килинадиган бўлса, Чуханов билан Марат образларининг номи дастлабки ҳолатида берилса, бизнингча, муаллиф бадиий ниятига қарши бориш бўлмайди. Чунки, ҳар иккала образдаги ўзгариш “замонасозлик” таъсири сабаб, цензурадан ўтиш мақсадида килинган. Қолаверса, Қодирийни ўзига идеал деб билган адид “руспараст” бўлиши ҳам мумкин эмас эди.

Профессор Иброҳим Ҳакқул адабиётдаги шахс ва шахсизлик масаласи хақда фикр билдириб, “ХХ аср ўзбек адабиётида учта шахс бор. Булар: Фитрат, Қодирий ва Ҷўлпонлардир. Улардан кейинги авлод шахс сифатида синдирилди”, дейди. Эътибор берсак, олим синди демаяпти, “синдирилди” деяпти. Чуханов билан Марат образларидаги ўзгаришлар олим айтган “кейинги авлод”нинг кандай синдирилганлигини ҳам ўзида акс эттиради.

Айтиш мумкинки, Қодирийлар авлоди Шұхрат авлодига нисбатан баҳтли эди. Улар жисмонан маҳв этилган бўлсалар-да, ёзувчи сифатида ўзларини ёрқин намоён кила олдилар. Катта араванинг изидан юрган кейинги авлод вакиллари эса, ўз сўзларини парда ортига яширишга мажбур бўлди. “Олтин занглашас”даги Қодир исмининг кодлаштирилиши ҳамда Чуханов ва Марат образлари номларининг ўзгаришга учраши бунинг кичик далилидир. Шундан келиб чиқиб айтишимиз мумкинки, ўрга авлод вакиллари томонидан ёзилган асарларни тушуниш учун, аввало, уларга тушадиган калитни топиш лозим бўлади.

¹³ Шұхрат замондошлар хотирасида. Т.: Ўзбекистон. 2008. – Б. 176.

Булоқ күз очди



**Дилшода
ЭРГАШЕВА**

Умидимни экдим қушлар күзига

Софинч

Юрагим, кишлоққа кетайлик энди,
Кўксимда туманлар кўзгалаётир.
Олис ҳовлимизнинг остонасида
Онам изларимга тутар хавотир.

Жимгина ўрмалар бекатларда кун,
Саболар сочимдан этарлар парвоз.
Бахмал адиirlарнинг меҳробларидан
Исмимдек ҳайқирап зангори овоз.

Чинорлар энтикар оғриқларимдек,
Алвидо айланар сўнгти япроққа.
Шаҳар йўлларидан бораман териб,
Софингимни қайтараман кишлоққа.

Юрагим, кишлоққа кетайлик энди,
Ўиймда хижроннинг хур лавҳалари.
Йироқда... отамнинг нигоҳларига
Битилар соғингичнинг сарлавҳалари.

* * *

Яшаган умримда: маъно бор, нур бор,
Мухими умид бор кўксимда унган.
Фақат, сен ёнимда турсанг баҳтиёр,
Мен дадил бораман эртанги кунга.

Дилшода ЭРГАШЕВА – 1990 йилда туғилган. Фарғона давлат университетининг филология факультетини битирган. Унинг “Умид фаришталари” шеърий китоби нашр этилган.

Күёш пешонамнинг терини артар,
Ой кўкка кўксимдан учиб чиккан куш.
Юлдузлар ёнида яшасанг агар:
Бир лаҳза, бир лаҳза ҳаётимга туш.

Қишлоғлик сулув

У бахтини суяди қўллари билан,
Қошлари ўсманинг шаробидан маст.
Бехос кулгичининг инжуларий,
Минг бор ёмғир бўлиб ювсанг аrimас.

У кулиб йиғлайди, йиғлайди кулиб,
Изини бағирлаб тўлғонади йўл.
Тонглари мудраган кенг кўчаларни,
Сув сепиб уйғотар этаклари хўл.

Ипак рўмолига хуснини туғиб,
Хаёли сирпанар нигоҳларидан.
У пастак супада сочини ўтар,
Райхон таъми келар дудокларидан.

Тонгта кўйлак тикар, шомга дастрўмол,
Шодлиги анҳорни тўлқинлатган сув.
Туннинг кўролмаган тушларин бузиб,
Супада ухлайди қишлоқлик сулув.

* * *

Мени қийнар, йўл қараган сим ёғочлар,
Оёкларин ерга кўмган жим ёғочлар.
Севги еган юрагимнинг айвонларин,
Қанотида силаб ётар калдирғочлар.

“Адабиёт – инсон қаиф қилган ҳамма мўъжизалар, буюк ихтиrolар сирасида энг буюги, энг улугвори”, деган эди мутафаккирлардан бири. Чиндан ҳам адабиёт, нафақат қалбимизга, онгимизга ҳам озуқанинг маънавий манбаи, туйгулар тарбиячиси, ҳаёт неъматлари, гўзалликларига бўлган адабий дидимизнинг қайроқтошидир. Адабиётни эса ижод машаққатига ўзида куч топган, истеъодод эгалари яратади. Ёши шоира Дишиода Эргашева ана шундай истеъододли ёшлиардан. Унинг шеърларида теранлик, қадим Фарғонанинг адабий анҳорларидан баҳра олган шоирона қалби шиикоат, ёшлик ҳайратларига ҳамоҳанг сўзига шионаман.

Энахон СИДДИҚОВА,
Ўзбекистон халқ шоири

Хув, осмоннинг этагига ётиб олсан,
Ой нурига юзларимни артиб олсан.
Ишон менга, хузурингта бориб етгум,
Юлдузларни орасидан ўтиб олсан.

Қайда меҳр, тилаган дил дарвешлари,
Кўлларимда синган кўнгил идишилари.
Кийнар, мени севган тоза юракларнинг:
“Мухаббатга зор бўл” – деган сўнишлари.

* * *

Умримга баҳт инди мўлжалдагидек,
Сўнг кисмат қалбимга жойлади музни.
Энди, қандай килиб тўлдираман айт,
Кўксимда армонлар қазган ҳовузни.

Юзимга сачради хавотир ўти,
Қоп-кора тоғларга осмон қулади.
Ҳар лаҳза дилдаги изтиробимни,
Боламнинг кулгуси ювади.

Тонг

Шу мусаффо лаҳзада сахар,
Этагидан оқшомни кокиб,
Кушчаларни майин сайратар,
Күёшини кўяди ёқиб.

Ойналарни очишар гуллар,
Ташқарида нур бор, зиё бор.
Уйнинг ичи бошқа бир олам,
Ташқарида бошқа дунё бор.

Аёл кутар тандир бошида,
Қизаришин кулча, патирни.
Чопиб юрган шаббодалар ҳам,
Ширмойларнинг исидан тотди.

Сув сепилган ёруғ айвонда,
Билагини кўзмунчоқ сикиб.
Чой ичади уч яшар бола,
Кўлларини қаймокқа тикиб.

МАРКАБ

Икки ҳикоя



Наби ЖАЛОЛИДДИН

Бикинига нимадир қатткік ботди – қайта-қайта нүқийвергач, күзларини очди.

Кимдир ўдағайлаётганди.

– Ҳов, кимсан, бетавфік?! Тобутдаям ётадими одам?!..

Дум тушганча (юз тубан) ёттанидан овоз эгасини күролмади. Күзгалай деса ҳаммағи тарашадай қотган. Аммо турмаса бўлмасди – туртгувчига нимадир дейиши керак. Шуурида эса шу сўз: “Тобут, дедими? Наҳотки ўлган бўлсам?! Йўғе!..” Борки кувватини жамлаб, оёқларини кимирлатишга уринди. Ўнги силтанди-ю, ёғоч кирига тирадлан тиззалари зиркираб кетди. Икки оёғининг тиззасидан насти тескари осилиб – муаллак қолганидан ортидаги юмшоқ жойларининг томирларида жон йўқдай эди. Энди кўллари эсига тушди: Яхшики, ўнги озод, бирок тун бўйи қимирламаганиданми, ёнбошида йўғон ичакдек чўзилиб ётар, чапи эса остида увишиб колганди. Куруқшаган тили танглайига ёпишганидан, бир бор тамшаниб олгунча тоза чиранди. Аввал ўнг кўли, сўнг оёқлари ожиз силтаниб, вужудига жон киргандай бесўхшўб харакатлар қилди-да, ниҳоят овоз келган тарафга қайрилди: Олим гўрков экан.

Гўрков уни олдинроқ таниганди.

– Туппа-тузук одам, сенга нима бўлди? – деди хижолатли овозда, кўлидаги таёкни нари улоқтиаркан...

Кенжасини уйлантириди-ю уйидаги гишавалар баттар кучайди...

Катта ўғли университеттинг охирги курсида ўқиёттанды, замон боласи эмасми, таниш-билиш орттириди шекишли, уйга пул олиб келадиган бўлди. У кувонди: “– Худо берган кўмакчим, белимга мадор, деди. Ўқишин тугаллаб, дипломни қайгадир беркиттида, туппа-тузук тадбиркорга айланди. У ойлигидан ошиниб, ўзича пул жамғариворарди. Ўғлининг топгани эса кўр бўлди. Мехнатларим хосили, яхши фарзанд

Наби ЖАЛОЛИДДИН – 1962 йилда тугилган. Тошкент давлат университетининг (ҳозирги ЎзМУ) журналистика факультетини тамомлаган. Адибнинг “Ялпизли кечা”, “Хур нидо”, “Сен билан қолмайман”, “Кўнгил озод”, “Энди куз...” каби шеърий, “Ўлимнинг ранги” қассаси, “Эркаги бор уй” ҳикоя ва қиссалар тўплами, “Кўрб” роман-монологи, Умар Хайём ҳаёти ва ижоди ҳақида ҳикоя қўливлари “Хайём” романни ҳамда Чўлпон ҳақидаги “Тегирмон” романни нашир этилган. Альбер Камюнинг “Калигула” пьесасини ўзбек тилига ўғирган.

Наби ЖАЛОЛИДДИН

ўстирганимга Худонинг сийлови”, деди, лекин барибир ўзининг ошиганидан ишлатиб юрди: ўзини талтгайтиришдан, ўғлинига хиёнат килишдан чўчиди-ю, юрагида далда, белида кувват тыйди. Аввал ўғлини уйлантириди, кейин унинг кўмагида икки кизини чикарди. Ўша кунлари каттасининг алп коматига қараб севинганини айтинг. У туғилганида, кишлоқдагина эмас, бутун юртда донги чиккан Омон полвонга ўҳшасин, деб тилаганди Худодан. Эшитар экан: бўйи салқам икки метрли паҳлавон бўлди. Шод эди. Тағин маошини тўплаб, хотинининг ойлигини қорин-курсокқа ишлатиб юрганида ўша назаркандаси деб қолди:

— Мошина олайлик, дада!

Унинг кўзлари кандай олайиб-ёнганини кўрган одам билади. Бу фикр хаёли тугул, тушига ҳам яқинлашмаган. Бола-чакамни катта килсан, ўқитсан, уйласам-жойласам, деб юрарди-ю, аммо мошина олишни...

— Манов пулим бор, — деди ўғли халтадаги тахламларни тўкиб. — Сиздагини кўшсак...

— Меники нима бўларди, ойлиқдан ошиганимда, оммалекин баракали, — бу унинг бир умрлик ишончи-хузури эди. Шунинг ўрнига: “Шу пуллар сизга, ота”, десанг бўлмайдими-я, бола! Бир тўликиб, ўзимга келиб олардим...

Розилик берди: мошина каттасидан ошмай қолди. Унинг ташвиши эса, кенжасини уйлантириши. Нихоят ўша кун келди. Ўғилларига ёрилди: “Менинг топганим манови, сизлар ҳам...”

— Хавотир олманг, пул бор, дада, — деди каттаси викор билан.

У енгил нафас олди. Борини ўғлига берди: “Бу ёгини юргиз, болам!” Дилядаги бўлди — барча олди-бердилардан сўнг тўй куни етди.

— Ўғилларингга, айниқса, каттасига раҳмат, хотин, — деди кўкси хапқириб.

— Бу шўрликларни кўп сўқдингиз, — дея минг ийллик ҳасрати очилди жуфтининг, — ўзи бир ойлики бўлсангиз. Булар эса топарман-тутарман, шукр килинг!

Шукр килди. Элга берганмасми, элдан келиши бор эди; хўпам тўёна тушди. Хаёлида тўйнинг қолган-қутган харажатлари... Олдин би-ир санаб, хисоб-китоб килиб олади. Кейин сарфлайди. Балки ошиб қолар... Узатганларини ўғли халтага солиб турди...

Эртаси тушлик маҳали сал чарчоклари ариб, ўғлига: “Қани, пулларни олиб келинг”, деди гўё эркалагандай.

— Қайси пулларни? — Безрайган назар нафасининг кўзлари пиёладай кўринди.

Пулларнинг ҳаммасини кам-кўстларга ишлатиб юборишибди. Унинг кўнгли оғриди: бир оғиз сўрашмабди-я? Ҳай, майли, дея ўзини овутди, яхшилика ишлатишибди-ю. Аммо ҳамёни-ғазнасида шабада сайр этарди. Ёши бир ёққа оға бошлаган одамга бу аксил таъсир қиларкан...

Янги келин тушган, бу ёғи қуда-андачиликнинг завқу сууруи — ҳаёти бинойидек эди. Ишга бориб-келарди-ю, ўйлкира, тушликка якин кўллари калтираб, юраги суст кетадиган бўлди. Ёшлигига шунакайди: болам-чакам, деб роса тежаб-тергарди, гоҳо тушлика ҳам чикмас, бир йўла уйда кечки овқатни ерди. Аммо сира норози бўлмас, бирорвга ҳасрат ҳам килмасди. Ҳаммаси ўтиб кетади, бориб-бориб рўзгорга барака киради деб ишонарди. “Ўғилларим катта бўлишса, ёнимга киришади, топгандарини менга беришади, ана ўшанда киссам қаппайиб, кўкрагим кўтарилади, дея ишониб, орзу қилганлари ҳам рост. Ахир ўзбекда таомил шундай-ку: фарзандлар, айниқса, ўғиллар маош-паошларини олиб келиб, оталарига беришади-ку. Оталар

эса ғазнабон – оналарга топширишади. Бироқ оиласыларнинг рухсатисиз бир тийинига ҳам тегишмайди. Ҳар ҳолда у шундай деб ўйларди.

Фарзандларининг барини уйлаб-жойлаб, ташвишидан кутулгандай эди-ю, лекин ҳалигиндай ахволга тушгач, ўзини ҳеч кимга кераксиздек хис эта бошлади. Ҳа-да, ҳаммаси ўзи билан ўзи овора: келин-куёвлар эрта кунда уйларига кириб, гумдон бўлишади. Хотини бир пас невараси билан андармон ғимир-симир қилгач, гўдакни келинга бериб, ўзи дарров пинакка кетади. Кетганда ҳам-ки... Бирам пишиллайдики...

Ўша кунлари бироз ёзилман, кечкурун яхши ухлайман, деб ишдан кейин бир-икки пиёла ичадиган одат чикарди. Шундай ҳам бўлди – овкат ейди-ю, таппа ташлаб, ухлайди. Бу хотинига ёқмади, бир-икки гингшиб юрди. У эса парво қилмасликка уринди: ҳар ҳолда борлигини хис этди-ю.

Бир куни кечки овкатдан кейин, эндигина ишдан қайтиб, мошинасини дарвозахонага олиб кирган катта ўғлига деди:

– Эртаматан бир жойга фотихага боришим керак, обориб келарсан?

– Эртага саҳар чикиб кетаман, иложим йўқ, – деб тўнғиллади полвонсифат ўғил саломни ҳам унугиб, уйи томон кириб бораракан.

– Ҳўй, бола, ахир мен отангман! – дея ўртанаракан, чаккаси қизиб, бўғзи куруқшаётганини хис этди.

– Ким сизни отаммассан, деяпти? – заҳарханда тиржайиш ила тасқараларча сўз ўйини килди ўғил.

Шу пайт хотинига кўзи тушди.

– Кўриб кўй ўстирган болларингни! – дея кесатди овозига шашт бериб. – Ҳатто отасини бир тийинга олмаялти! Ҳаммаси сенинг ишининг, уларни сен шу кўйга солдинг!

– Секинроқ гапиринг, қўшнилар эшитади, – чийиллади хотини. – Бола ишдан чарчаб келди, тушунинг-да сизам! Эрталаб бир гап бўлар, ахир!

– Камроқ ичиши керак, ҳов от-таа! – дея танбех берган ўғил уйга кириб кетди.

– Ҳе, онангни сенларни!.. – Яна ароқ ичтиси келди. Бироқ уйда йўқ эди, дўконлар эса, аллақачон ёпилган. Ҳа, майли, ростданам эрталаб бир гап бўлар. Балки айтса, кичкинаси мошина топиб келар. Анов-манов билан ўзини овутишга урунди-ю, аммо тун бўйи тузук-куруқ ухлолмади: миясида нимадир ғимирлайверди-ғимирлайверди...

Мана, неча йилдирки, бомдод намозини сира қолдирмай ўқиди; ҳарна-да, гуноҳларимга каффорат бўлар, дейди, ахир Оллоҳ меҳрибон. Бир куни унинг ёнига боришимиз аниқ – кечирап!.. Намозни тутаттунича катта ўғли уловини гинғиллатиб, чикиб кетишга улгурди. У уст-бошини кийиб, тонг ҳавосида бирпас ҳовлини айланди. Асли индамай кўчага чикиб кетса ҳам бўларди, бироқ катта ўғлининг кечкурунги килиғидан кейин кичигидан оқибат кўргиси келди. Хотини билан ошхонада уймалашаётган янги келинига буорди:

– Ановини уйғотинг, қизим, биронта киракашни топиб келсин!

Келинчак: “Хўп бўлади”, дея зиппиллаганча уйига кириб кетди. Ҳадеганда чикавермагач, у каттикроқ овоз берди;

– Тур, ўғлим, тезрок битта мошина топиб кел, фотихага бораман! Пулини ўзинг бериб кўярсан. – Шу тобда ўғлининг: “Хозир, дадажон”, дея югуриб чиқишини, уловни олиб келгач: “Мана, дада”, деб бир тахлам пул узатишини жуда-жуда истаб

кетди. Лекин ундей бўлмади. Боши хам келинчак икки ўртада мулзам турарди.

– Тұрмаяпти, дадажон! – деде олди аранг чорасиз оҳанғда.

Унинг вужуди аввалига титраб, тортишди-да, сўнг салқиди. Чаккаси кизиб, тишлари бир-бирига каттик жипслашди. Фазаби тошмокқа ҳозир эди-ю, нима килишини билмай, каловланди.

– Чикинг, ана, кўча тўла мошина! – шанқиди хотини. – Биронтасини ушларсиз. Нима қиласиз ёш болани қийнаб.

Сўқинмокчи бўлди-ю, ҳарчанд чиранмасин овози чикмади – бўғзи қуруқшаб колганди. Шалвираганча дарвазахона томон юрди...

Киракаш ёллагани пули етмасди. Бир-икки йўналишдаги “Дамас”ларга чикишига тўғри келди. Фотиха ўқиб қайтди-ю, ишга кеч қолди. Бу унинг наздида, кап-катта одамга ярашмасди: гап кўтартмасди. Аммо бир сидра киноя эшитишга мажбур бўлди: кун бўйи дилгир юрди. Аламдан эти устихонига ёпишгандай туюлди.

Ишдан кайтса, каттаси уйда экан. Тағин қайсарлиги тутди: уйдагиларнинг ўзига итоат этишларини, уни аяшларини хис килишини, ўғлининг эса: “Нима хизмат, дадажон!” деде югуриб чишиб, кўл қовуштиришини истагандан-истади.

– Менга карагин, ўғлим! – деди саҳн ўртасида тўхтаб.

Аввал келини пайдо бўлиб:

– Лаббай, дадажон, – деде кўлини кўксига кўйди.

– Ановини чакиринг!

– Хўп бўлади, дадажон.

Хийла вақт ўтгач, йирик гавдаси эшикка базўр сикқан ўғли пешонаси тиришиб чишиб келди.

– Нима дейсиз? – деди салом ҳам бермай.

У ўзини босишига уринди.

– Олдин мундай саломлаш, болам. Кейин пастга туш, ёнимга кел!

Ўғлининг пешонаси баттар тиришиб, лапанглаганча унга якинлашди.

– Омма-чи, дада, – деди ўнг кўлини кекиртагига пичноқдай сермаб, – киликларингиз жонимга тегди! Мен ишдан чарчаб келган бўлсам...

– Нима, мен ишламаяпманми? – тутокди у.

– Сизни ишингиз нима – борасиз-келасиз, барибир ўша ойлигинизни оласиз-да, – деде масхаромуз тиржайди ўғил.

У тушунолмасди: нима бўляпти ўзи? Нега буларнинг бари бу қадар ўзгарди? Ким ўзгартириди?! Ё олдин сезилмасмидийкін?.. Алами баттар авжланди.

– Тўғри, мен бир умр ойликка яшадим. Лойиҳачи-инженерман, касбимдан фархланаман... – У хиёл дудукланиб қолди.

– Худди шоайрларга ўхшаб гапирасиз-а, дада! – яна тиржайди ўғил.

Бунча мени масхараламаса бу, ахир отасиман-ку!

– Қанийди, шоир бўлсан! Балки сенларга яхшироқ тарбия берармидим.

– Кўйинг, шу гапларни! Нимага чакирдингиз ўзи? – кўлини арра килди ўғил.

У жаҳлини ҳам унугтиб, келинлар йўқми, дегандай у ён-бу ёнга аланглади-да, ийманиброк деди:

– Ёнимда пулим қолмади, ўғлим, ишга бориб-келгани кийналяпман. Шунга-а...

– Аракқа пулим қолмади, дент, – деде лабини бурди ўғил. – Ойлигизи нима киляпсиз ўзи?

Унинг токати тугади:

— Менинг арақ ичишими ойлигим билан нима ишиңг бор, манқа?! – деб салкам ўшқирди. – Мени тергашни сенга ким қўйибди, эшшак?!

Ўғил қўл силтади:

– Бўпти, ана, менинг ишм йўқ! Пулам йўқ! Билганингизни қилинг!..

– Хўй, менга қара! – Энди у ростмана жириллай бошлади: – мен сенларни ҳалол ойлик билан боқдим. Ўқитдим! Ўзим етим, ёлғиз бўла туриб, уй-жой қилдим. Сенларни уйлантирдим, сингилларингни чиқардим!.. Тўғри, мен сенга ўхшаб мосина ололмадим...

– Айб ўзингизда-да, – деди ўғил парво ҳам қилмай.

У сўзидан адашмаслик учун ўғлининг гапини ё укмади, ё зътибор бермади. Ҳасратимни тўкиб солаверсам, ахийри раҳми келиб, “синади”, айбини тушуниб, узр сўрайди, гапларидан уялади, дея умидланди.

– Агар мен ҳам сенларни ўқитиш ўрнига, Россиягами, Қозокқами жўнатганимда, балки эрта-кунда мосинали бўлармидим. Лекин сенлар касб-корсиз қолардингларку! Мен буни истамадим! – у ўғлининг хиёл жим қолганини инсофга келганидан деб ўйлади. – Энди ҳамма ташвишлардан кутулдим, ўйнаб-кулиб яшайман деганимда, мендан – отангдан, – бўйин томирлари бўртиб, бармоклари билан кўксига нўқиди, – озгина пулни қизғанасанми, болам?!

– Пул йўқ! – деди ўғил икки кафтини чўнтакларига уриб. – Боринг-эй! – дея шартта қайрилиб, нари юрди.

Унинг хўрлиги келиб, баттар асабийлашди: наҳотки шуларни деб бутун умрим меҳнатда ўтган бўлса!?

– Ҳов, менга қара, тўнгиз!.. – У ўғлининг ўнг елкасидан тутиб, ўзига қаратмоқчи бўлганди, девдай йигит гурзидақ кўли билан силтаб ташлади. Шунинг ортидан ўнг кўли кафтининг орқаси отасининг юзи аралаш бурнига тегди. Дувуллаб кон оқди...

Хотини пайдо бўлди.

– Яна ёш боллар мinan тенг бўляпсизми?! – дея шанқиди уни инсофга чақиргандай, – Нима бўляпти ўзи? Ҳали ичмовдингиз, шекилли-ю!..

Ўғил онасига: “Олинг, бунингизни”, дегандай кўзларини олайтириди-да, уйига кириб кетди.

Кейин нималар бўлди, ёдида йўқ. Лекин: “Минг лаънат сендай фарзандга！”, дея ҳайқиргани рост. Сўнг барча ҳаракатлари караҳт ҳолда кечди: бурнини апил-тапил ювди, кейин гузардаги чойхонага чиқди. Кун корайиб бораради. Ариқ бўйидаги сўриларда одам гавжум, майшатпастларнинг шовқин-суронли гурунги авжида. Нега шуларга ўхшаб яшамадим, топганимни еб-ичиб умримни ўтказсан бўларди-ку!.. Хизматдагилар-у хўрандалар уни бу ерда қарийб кўришмаганаларидан ҳайратларини яширолмай, муддаоси не, дегандай қараш килишарди. Бунда “насия” сўзини ёқтиришмайди, боз устига, асосан майпастлар жам бўлганликларидан, қарзга нарса сўровчиларга мутлако ишонишмайди. Лекин унга насияга ароқ беришиди: ё ҳурмат килишганидан, ёки яна бир “клиент” пайдо бўлганига умидланишиди. Бўш сўрига ўтириб, ўша ерда турган пиёлани чайди-да, тўлатиб, газаксиз симириди. Миисига “уришини” ҳам кутмай, тағин битта ичди. Сўнг яна... Олдида кимлардир пайдо бўлди. Кабоб келтиришиди. Бир-бирларига гап бермай, тоза ҳасратлашишиди, нималарнидир исботлашга уринишди. У ҳам неларнидир гапирди, бирор “дил ёрмади” – шууридаги “соқчи” изн бермади... Яна ичишди... Бир вақт мундок караса, катта йўлда бир ўзи кетаяпти. У ён-бу ён тебранади, довдирайди...

Наҳотки бир умр мана шу болларни деб яшадим?! Шу нонкўр ифлосларни деб шунча куйиб-пишдими?! Минг лаънат ҳаммасига!.. Дада!.. Қаердасиз, дада?! Кийналиб кетдим-ку, дада!.. Қабристонга яқинлашиб қолганини пайқади. Ана, девори, дарвозаси... Мен сиз билан ётаман, дада! Уйга кирмайман! Тупурдим ҳаммасига!.. Сизга айтадиган гапларим кўп, дада! Бу дунёда ҳеч ким менинг тарафимни олмайди! Нима қилай, мен ҳам одамман, ахир!.. Дарвозадан кириб, кўзи айвон, сўнгра бир-икки хоналарни илғади: майитни ерга қўйишаётганда, дуогўй, савобталаб эл-улус шу ерда ўтириб туради. Қатор ўринидеклари бор. Бикинидаги айвондан довдираб-совдираб ўтиб бораркан, ғўлдиради: “Дада, бугун сиз билан ётаман! Ҳеч йўқ сиз ҳайдаманг, дада! Сиздан бошқа кимим бор, дада?!..” Ўнг оёги нимагадир тақалди: билди – ёғоч. Оёгини кўтармоқчи эди, танаси мувозанатини йўқотиб, олд тарафга оғди. Шунда ҳам кўллари аскотди: тахтага аввал улар урилди, сўнг “так” этиб чап юзи. Бу унга хуш ёқди – толикканди. “Дада, деди онасининг бағрига бош қўйиб, эркаланган боладай, мен келдим, дада!..”

Олим гўрковнинг олдида тоза изза бўлди-да. Отасининг улфати эмасмиди, уям бунинг юзига қаролмади. Бунақа бўлиши бечоранинг етти ухлаб тушига кирибдими? Танимасдан ҳалиги гапни айтиб юборди-да...

Уйга келди, енгил-елпи ювинди. Хонага қамалди, ишга ҳам бормади. “Наҳотки шу ахволга тушдим?! Наҳотки адойи тамом бўлган одамман”, дерди юраги! Ўзини англолмасди, ўзини тополмасди. Демак, бир умр ўзини излаган экан-да! Шунинг учун куйиб-пишган экан-да?!. Энди яна бошидан бошлиши керакми?!. Юраги шунақаям қаттиқ бурадики, кўксини чангллаганча тин олди...

Тушликда хотини эслагандай бўлди: “Овқат емайман”, деди уй ичиди туриб. Шу билан хотини гум бўлди.

Ўз ёғига ўзи қовурилиб ётганида, кечки пайт каттасининг овозидан вужуди музлади:

– Анови эрингиз қани, ая?! – деди у хитобланиб.

– Уйда ётибди! Яна нима бўлди? – дегани эштилди хотинининг ўғлига хайрихон оҳангда.

– Чакиринг бияққа!..

У совуккон хотиржам қиёфада ташкарига чиқди.

– Нима, дейсан?! – деди тишлари орасидан паст овозда. – Мана, мен – онангни анови эри!

Хотини бир унга, бир ўғлига мўлтирайди.

– Бизни ерга тиквордийз-ку, дада!.. – дея ўшқирди каттаси бўғриқиб. – Ётгани тобутдан бошқа жой куриб коптими, а? Шунчалигам ичасизми, дада?!

– Ким айтди буни сенга? – сўради у қиёфасини ўзгартирмай.

– Ана, кўчада ҳамма гапирипти!..

Аслида Олим гўрков ўғлини кўча бошида узоқ пойлаб ўтирган, нихоят келгач: “Нима, отангни ранжитдинларми? Сал кўнглига қаранглар, отанг яхши одам”, деган эди. Каттаси буни ўзича тушунганди.

У хотиржам, аммо маломатли қиёфада саҳнга тушди.

– Нима бўпти ҳамма гапирайтган бўлса?! – деди “хоҳласанг шу” кабилида.

– Нима, тобут ётмайдиган жойимизми?! Қолаверса, мен ҳеч қачон отамга кўл кўтартмаганман! – Чаккалари кизиб, юраги каттиқ бир қисирлади-ю, сўнг бурайверди. Буни билинтирмасликка уринди. – Отамни урмаганман!..

Үғли:

– Яна шоирлик киляпсиз! – деди-да, “сизга гап топиб бўлармиди” янглиғ ҳаракат ортидан уйига кириб кетди.

Хотини минғирлади:

– Хах, ўлинг-а, тағин шу болани ҳана қилдий! Ахир катта-катта пул топиб турган бўлса...

Кечки овқатга рўйхушлик бермагач, хотини ҳам ўз одатича ортиқ кистамади.

Ювениш хонасида обдон чўмилди. Ҳуфтон номозини ўқиши ниятида саждада койим бўлди. Намоз фарзининг иккинчи ракатини ўқигач, жойнамозга манглайнини қўйиб: “субҳона роббиял аъло” дер экан, вужудининг туб-тубидан ўқсик бир наъра келди, хўнграб йиғлаб юборди. Пешонаси саждада, бутун танаси титраб, силтаниб йинглайверди, йиглайверди... – Гуноҳларимни ўзинг кечир, Оллоҳим!.. Ҳеч йўқ сен мени яхши кўр, Оллоҳ! Болларимга ўзинг инсоф бер, Худо!.. – Нолалари чексиз эди...

Рўпарасида отаси билан онаси ўтиришибди: ўша-ўша ўттиз беш-кирқ ёшда, иккиси ҳам хурсанд, юзларидан нур ёғилади.

– Ҳа, нима бўлди, ўғлим, мунча дилгирсан? – сўради отаси жилмайиб.

– Ие, дада, сизмисиз? – У вужудида ажиб енгиллик, ҳаловатни хис этиб, ўзини ёш боладай сеза бошлади. – Мунча ўпсизлар? Қаранг, мен қанчалик қариб кетдим, дада!

Дадасининг юзига хуш табассум ботиб қолгандай эди.

– Ҳа, энди, болажоним, у дунё ўшанака, бу дунё эса, шунақа.

– Яна бир марта болажоним, дент, дада!

– Хўп, ана, болажонгинам!

– Сизларни, сизни соғиндим-да, дада!

– Биламиз.

– Доим сизга ўҳшагим келарди, дада! Аммо қанақалигингизни билмасдим.

– Биламан, болажоним.

– Сиз етти ёшимда, онам ўн ёшимда ташлаб кетдинглар-да, дада! Жуда кийналдим!

– Биламан, болажоним!

– Мен ҳамма билан, бутун дунё билан курашиб яшадим, дада! Ҳеч кимдан енгилмайман дедим, дада!

– Биламан, болажоним! Сен ҳаммани енгдинг, ўғлим!.. Сен ҳар сафар “дада” деганингда, Оллоҳни чорлардинг, болам! Кийналгандарингда биз онанг иккимиз роса эзилардик, аммо сенга ишонардик. Ҳар сафар дуо қилганингда, тўй ёки эҳсон ўтказиб, бизни эслаганингда, бу ёқда шунақаям яйрандик-ки!.. Бизнинг бутунги гўзал онларимиз сен туфайли, болам. Сен ҳамма синовлардан ўтдинг, мардана ўтдинг, болажоним!

– Менга ҳеч ким шу гапни айтмади-да, дада! Фарзандларим...

– Бу гапларни кўй, болам! Сен ўз вазифангни ўтадинг! Биз сендан розимиз!..

– Нима киласай: чарчадим, шекилли! Ахир мен ҳам одамман! Мени ҳам кимдир мақташи, эркалатиши керак-ку!..

– Бу энди тама, болажоним. Ўз вазифасини билмаган экан, болларинг бир куни тайинли насибасини олишади. Аммо сен ўзингни тут! Агар толиккан бўлсанг, бу ёкка – бизнинг ёнимизга кел!

Наби ЖАЛОЛИДДИН

– Нима, ўлайми, дада?!

Отаси яққолроқ жилмайды:

– Ўлим нима, болам! Ўлим маркабга – самолётгами ёки бирон күш қанотигами ўтиришдай бир гап. Ўтирасану, бир зумда шу ердасан, болам! Бандалик шу-да, эркәтойим!

– Кўрқаман-да, дада!

– Кўркма, болам! Биз сен туфайли гўзал жойлардамиз! Сенинг борар манзилинг эса, ундан-да гўзал!

– Сизлар билан бирга бўламанми, дада?

– Албатта, болажоним!

– Аммо мен болларимдан розимасман, дада!

– Бу сенинг ҳаққинг, болам!..

Киприклари ниҳоятда оғир туюлди-ю, барибир кўзларини очди. Ўнг ёнида хотини, сўлида икки кизи, оёқ томонида ўғиллари ўтиришар, уйнинг икки бурчагида келинлари тик туришар, каттасининг кўлидаги невараси нечукдир унга басмабас тикилаётгандек туюларди. Аёллар рўмолча тутишган, ийглардилар шекилли, бурунларини чимдib-чимдib кўярдилар.

– Дадаси, ҳой, дадаси, одамни бунака кўрқитманг! – дея пикилларди хотини.

Хира тортган шуурида фикр ёлкىнланди: демак, бир неча кун ўсал ётибида.

– Бизни кечиринг, дада! – деди оёқларини уқалаётган катта ўғли. Бармоқлари қисирлаб, шу ҳолатда ҳам оғрикини хис этди: полвон-да. – Рози бўлинг, дадажон!

Негадир вужуди оғирлашгандай туюлди. Лабларида киноя балқида. “Чойхонада карзим колди”, деди, хозир келаман қабилида.

– Розиман! – дея тамшанди, товуши майнин-майнин чиқди. Шунинг ортидан неварасига кўзи тушди-ю: жилмайиб турган беғубор чехрасини аниқ-тиник кўрди.

– Розиман, болам!.. Дада!..

– Йўлга чик, болам! – Бу отасининг овози эди. – Мана, маркаб, ўтири, болажоним!..

Тобутнинг ўнгидаги каттаси, сўлида кичиги елка тутдилар. Бирордан сўнг тоғдай Омон полвон пайдо бўлди – мудом бақувват эди. Катта ўғилнинг кўлидан, “Ё, Оллоҳ” дея тобут дастасини олиб, елкасига кўйган заҳоти бели “кирс” этиб, хиёл буқчайди: “Бунча оғир бўлмаса?” Ортиқ токат килолмай, тобутни катта ўғилга кайтарди...

Гўрни Олим гўрковнинг шогирдлари казир, у эса ўргатиб-нетиб турарди. Аммо лаҳадга майиттинг маҳрами билан бирга ҳамиша ўзи тушарди... У кўлидаги таёғини четта ташлаб, ёш-яланг кўмагида осилиб, қабр айвонига оёқ кўйди-да, лаҳад ичига бош сукди. Зумда силтаниб, бери бўлди.

Тепада – мункигандай тобутнинг икки ёнида – эл қуршовида ўғиллар туришибди. Пастдан ҳатто кичиги ҳам девдай кўринади.

– Бунақасини ҳали кўрмаганман, – деди ўзига-ўзи гапиравётгандай. – Лаҳад ичи чироқ ёкиб кўйгандай ёп-ёруғ-а, тавба!.. Кўркиб кетдим! – Сўнг ўғилларга бокди.

– Ичкарига кайсининг кирасан? Сен кисилиб қоласан, – деди каттасини нигоҳи билан итариб. – Сен-чи?

– Кўрқаман! – дея ортига тисарилди кичиги.

– Унда ўзим кираман, – деди гўрков лаҳадга бош сукишга чоғланиб. – Сенлар айвонда ёрдамлашасанлар. Туш, икковинг ҳам пастга! Қани, бисмиллоҳир раҳмонир роҳийм!..

ПЕШАНА

Қабулхонадаги диванда етмиши ёшлардаги ихчам соқолли чол ва бутун борлигича ўзбаки ўрта яшар аёл ўтиришарди. Рўпарада, яъни бошлиқ хонасининг сўл ёғида компьютеру яна алламбало нарсалар куршовидаги котиба ўзини нелар биландир банддай кўрсатишга уринса-да, аслида гирт бекорчи эди. Ҳар замон-ҳар замонда gox у-гоҳ бу кўлининг панжаларини ёзиб, пардоздан олалашган кўзлари или тирноқларига тез-тез назар ташлаб кўяди. Замона расмига биноан бўялган, йўғонлаштирилган қоп-кора қошлари ёқимсиз кўринади. Аммо ёйик соchlарини тўғногич билан кулоклари ёнидан қисиб олган, бу хойнаҳой расмий идоранинг “хурматидан” бўлса ажабмас. Чунки уни кўриши билан кўзлари ёниб, киприклари учаркан, икки кўли беихтиёр соchlарини сийпалаб, тўғногичларини ечиб юборишига бир баҳя колди. Шунинг асносида, бўйдоқ эканлигини англадими, жалб этувчи уринишлари яна-да кучайди.

Эътиборли кишига, ўнг томондаги ихчам хонанинг очиқ эшигидан эшитилаётган узлуксиз овозлардан сохибининг серҳаракатлиги сезилади.

У салом бериб, аёлнинг сўл ёғига ўтириди. Лекин котибанинг қараашларига муносиб “жавоб” қайтармади: ҳали иши ҳал бўлмаганидан, “подадан олдин чанг чиқаришни” истамадими. Тошкентда бўлганда-ку... Котибанинг эса, бир неча қараашлардан сўнг, ҳафсаласи пир бўлиб, хиёл қовоқ уйганча, нималарнидир кетмакет дўйирлатиб, такирлатди.

Соат ўн бир сари огарди. Дўпписи-ю соқоли ўзига ярашган чол бир-икки асабийроқ силтанди. Аёл унга хайриҳо бокаркан, бошидаги рўмолининг тугунини тутамлаб, икки чаккасига кафтларини босиб, соchlарини тузатган бўлди.

— Бугун келадими ўзи бошлифингиз? — кесатик оҳангидан сўради чол.

Котиба пинак бузмади, ҳатто чолга кўз ҳам ташламади. Бунақа гапларни ҳар куни эшитаверганиданми, энсаси қотди гўё.

— Бошлиқ одам, иши кўп, — дея мингиrlади бармоклари стол устида тимирскиланиб.

Шу пайт очиқ эшикдан йўнилган таёқдай сип-силлик, сочи текис тарошланган бўйинбоғли йигит чикиб келди-да, котибага қараб, “Чой” деди секингина, аммо кескин. Сўнг дивандагиларга бир сидра назар ташлаб, нигоҳи унда тўхтади.

— Мен бошлиқ ёрдамчисиман, — деди кўлидаги дафтарини очиб, орасидаги ручкани тутаркан, шошилаётганини англатиб. — Исл-шарифингиз?

Айтди.

— Нима масалада келдингиз?

— Иш масаласида.

Ёрдамчи норози алпозда “об-боо”, деркан, ўзини ташқарига урди. Бошлиқнинг хонаси рўпарасидаги “Биринчи ўринбосар” деб ёзилган эшикдан чиккан дароз одам ҳам шоша-пиша унга эргашиди.

Котиба човгунни токка улаб, ўзига оро бера бошлади. Гўё каршисида бобоси тенги оқсоқол ҳам, онаси тенги аёлу куёв бўлгулик йигит ҳам йўқдек эди.

Уч қаватли бино олдига зулук тусли машина келиб тўхтади. Шай турган ёрдамчи

Наби ЖАЛОЛИДДИН

тавозе ила орқа эшикни очди. Ўрта бўйли, кимматбаҳо қастим-шими, бўйинбоги салобат бағишилаган, кўёш соғинган юзли эллик ёшлардаги бошлиқ тушганда, дароз ўринбосарнинг жуссаси кичрайиб кетгандек туюлди. Бошлиқ кўл олиб кўришгач, бино томон юрганда икковлон пилдираганча унга эргашиши.

Кираверишда сокол-мўйлови тиканак қоровул чой ичиб ўтиради.

– Саломалайкум, – деди бошлиқ шитоб кириб келаркан.

Қоровул ярим кўзғалиб кўл узатди.

– Ваалейкум ассалом, хўжайнин. Яхши келяпсизми? – дея жагининг остини қашиди.

– Маза киле-еб чой ичиб ўтирибсизми, ака? – бошлиқ ўтиб бораркан, қоровулга сирли жилмайиш ҳадия этди. – Соқолни каерда олдирдингиз? Қоровул астойдил хиринглади ва шунинг ортидан шанқиди:

– Сизнинг устарангизда-да, шеп(ф)..

– Ҳаммаёқ тичликми? – сўради бошлиқ йўл-йўлакай ёрдамчидан.

– Топширикларингизнинг ҳаммасини бажардим, – деди ёрдамчи дафтарига тез-тез кўз ташларкан, қадамларини хўжайнинининг оёкларига мослашга уриниб. – Ишхонада тинчлик. Қабулингизга, – овози титраб, суст кетди, – учта одам келган...

Бошлиқ уф тортди.

– Улар билан ўзинг гаплашиб кўя қолмадингми?!..

Қабулхонага кириб келганида, у билан аёл тутул чол ҳам ўринларидан сапчиб, илтижоли киёфада кўл ковуштиришиди.

– Саломалайкум, – деди бошлиқ уларга бир кур нигоҳ ташларкан, эшитилар-эшитилмас овозда. Сўнг биринчи ўринбосарга ишора килди: – Сиз мен билан юринг!

Котиба баланд пошнада эмасми, кетини ўйнаттанча шошиб бориб икки қаватли эшикни ёпиб, хушнуд ортига кайтди-да, чой дамлашга тутинди.

Ўтирганлар бир-бирларига қараб олишгач, ўз хаёллари или хафсаласиз хўрсиниб кўйишиди.

У диван ёндорига суянаркан, беихтиёр бобосини эслади. Раҳматли келбатли одам эди. Кийим-боши-ю сокол-мўйлови ҳов ўша эски чолларга ўхшарди. Кам гапиради, лекин тошлиб гапиради. Мактабни битириш арафасида у билан тағин ёзилиб гаплашиб қолди. Суҳбат пайнови ёдиди йўқ, аммо “кагтаконлар” ҳакида нималардир деганди: “Амалдорда Азроилнинг бир туки бўлади, болам. Буям Худонинг бергани-да. Бизнинг замонимизда кетмон сопига шляпа кийдириб қўйса, ўшани раҳбар деганмиз. Ишонганмиз, бўйсунганмиз! Колхози (жамоа хўжалиги)-мизнинг раиси оқ иштонида “Волга” (машина)сига ўтирволиб, кўчаларни айланиб юради. Уни кўриши билан ҳамма ўзини ё далага, ёки панага уради. Раис мундандроқ одамларни калтаклаганини ҳам эшитганмиз. Чунки у бойларнинг замонини кўрган-да. Шунинг учун сен ҳам ўки, яхши ўки. Кагтакон амалдор бўл. Қара, даданг амалдорга шопир бўлиб, қандай яхши яшаяпсизлар. Қаерга борса, гапи ўтади... Аммо ҳозирги амалдор бол(ла)лар бир чиқди-бири чиқди! Уларнинг олдиди олдингилар ип эшолмайди. Ҳаммалари бир хил, шайтонга дарс беришади, онағарлар!”

Ҳакикатан ҳам ҳозир шунакаям мансабдорлар пайдо бўлдишлар-ки, ётти иклим ҳайрон чиқар: суратан сип-силлиқ демократ, сийратан бой отанинг бачалари.

Университетда ўқиб юрганида бу ҳақда кўп ўйлади: ректор, декан ёки кафедра мудирлари амалдорми-йўқми? Амалдор деса, аксарияти қозогза қарамай, “нукта, вергули” билан гапирадилар. Акси бўлса, сўзлари бир хил, худди фалончининг нуткидан кўчириб олингандай? Амалдормас деса, афт-ангари, юриш-туриши ўхшаш, ҳамтус... Кейин билди, замона мансабдорлари ва уларга интилгандар бир хил юришаркан: албатта эгниларида нархидан қатъи назар костюм-шим, бўйинбօғ бўлади. Кейин нигоҳлари совук. Юрганларида кўлтикларини хиёл кўтариб, чиганокларини ёнбошларига бироз чикарадилар, гёй хурпайлан бургут ёки карғадай кўринадилар. Оёкларининг учини ичкарига босиб, одимни катта оладилар. Буни кузатган, кў-ўп кузатган. Манови ёрдамчи, ҳатто биринчи ўринbosарнинг алпазлари ҳам буни исботлайди.

Котиба чой олиб кириб бергач, биринчи ўринbosарнинг ортидан ёрдамчи чикиб келди. Дарозни хонаси ютгач, чолга юзланди.

– Сиз киринг, отахон, – деди чойхонадаги югурдак кепатасида. – Фақат гапни қиска киласиз. Бошлиқнинг вакти зик...

Бошлиқ чолни ўрнидан туриб, кучоқ очиб қарши олди.

– Ассалому алайкум, отагинам! Омонмисиз, бормисиз? Бола-чакалар, неваралар?..

Қария эрий бошлади.

– Раҳмат-раҳмат, болам!..

– Чойдан куй! – деди бошлиқ дафтару чойнак аро шай турган ёрдамчисига.

Чол чойдан хўплагач, стул сунянифига ястанди.

– Шу десангиз, болам, пешана... – дардини тўкиб солди.

– Эйй, отахон! – бошлиқ гёё бу муаммо ҳеч нарсамасдай кўлларини ўён-бу ён силтади. – Сиз учун хамма нарсага тайёрман! Мухтарам Президентимиз... – Шу ерда шошганини фахмлади – бу гапни олдин чол айтиши керак эди. Дардига қария малҳам бўлди.

– Тўғри айтасиз, болам! Президентимиз халқни ўйлаб... – дея дастурхонини ёйди.

– Раҳмат сизга, отахон! – деди жиддий тортиб. – Мухтарам Президентимизнинг сиёсатини тўғри тушунганингиз учун, раҳмат. Бу муаммоингизни эртагаёқ, йўқ, – кўз қорачиклари бир зум ағдарилди, – шу бугунок ҳал қиласиз. Ёз! – дея буюрди ёрдамчисига. – Керакли одамларга айт, отахоннинг ишларини тезда ҳал қилиб беришсин!

Чол бошлиқнинг қош-кўзи ишорасига караб, беўхшов ҳаракатлар ила пиёласини бўшатди. Айни пайтда у бошлиқка ёкмай қолишдан кўркарди.

– Илоҳо омин, – дея қўйини дуога очганди, амалдор забтига олди:

– Юртимиз тинч, мухтарам Президентимиз омон бўлсин!

– Оллоҳу акбар!..

Оғзи қулоғида чолни қабулхонага кузатиб чиқди. Ичкари қайтаркан, ёрдамчисига шипшигани эшитилди:

– Қайтиб бу чолни менга рўпара қиласа!.. Ишонч телефонига кўнғироқ қилсан. Борсин, ана, “портал”га ёсисин. Менинг олдимда нима бор?!

Чол қабулхонадан чишиш эшиги олдида бир зум тўхтаб, дўпписини ечди, бошини паришон қашиб, хўрсинди-да, хонани тарқ этди.

Ўрта яшар аёл ёрдамчи етовида ичкарига кириб кетаётганда, қабулхона остонасида тирикчиллик қопчиғини ўрамоқлаш кўлтиқлаган кирқ ёшлар чамасидаги уст-боши кир-чир корамтирип одам пайдо бўлди.

– Ассаломалайким, – деди чап кўлида туси унининг бир бор қўзгатиб, халтасини бағирларкан.

Унинг миясига урилган хаёл шу бўлди: “Бу одамнинг бунда нима иши борийкин? Наҳотки ушбу ташкилот шунақалар хам кираверадиган жой бўлса?”

– Халтангизни ташкарида колдирмабсиз-да, – деди котиба бурнини жиийириб.

– Коровул рухсат берди, – дея оғзининг таноби қочди қорамтирип кишининг. – Бошлиқ зўр одам деди.

– Ҳа, майли, – яна кўллари стол узра тимирскиланди котибанинг, – халтангизни ўша ерда колдириб, анови стулга ўтиринг...

– Хўш, опажон, кайфиятларингиз яхшими? – дерди оромкурси суюнчиғига борини ташларкан, бошлиқ шангид. – Соғликларингиз қалай?

– Ҳаммаси яхши, – дея хонадаги ҳашаматдан, каттаконнинг яқин олишидан эсанкиради аёл. – Шуу... Ҳалиги... Кўргилик экан...

– Тушундим! – қўл силтаб, ўмганини столга тиради бошлиқ. – Дардингизни мен жуда яхши биламан. Ёз! – дея буюрди ёрдамчига. – Биринчи ўринбосар опанинг муаммосини шу бутунок ҳал қилиб берсин, буюраман!

– Раҳмат, – каловланди аёл. – Лекин сиз тушунмаяпсиз, ука. Мен аввало сизга...

– Нимага тушунмайман, опа, нега энди тушунмайман, а? – ўта жиддий қиёфага кирди бошлиқ. – Мабодо ишингиз ҳал бўлмаса, тўғри менинг олдимга киринг. – Шундай дея ўрнидан туриб, аёлни хам қўзгалишга уннади.

– Сиз хафа бўлмант, ука, – дея пала-партиш қадам ташлай бидиллаб борарди аёл. – Мен... мен... Пешана экан...

– Навбатдагини кирит, – дея амр этди бошлиқ курсисига ястаниб, чой хўпларкан. – Нима иши бор экан ўзи?..

Учинчи курсда ўқиётганида бобоси оламдан ўтди. Учинчи куни фотиҳачиларни кузатиб туришганида, бирдан дадасининг телефони овоз берди. Нарирокка бориб гаплашди-да, асабий ҳолатда жойига қайтди. Нималардир деб ғўдранди. У дадасининг ёнига келиб, оҳиста сўради:

– Тинчликми, дада? Ўзингизни тутинг, одамлар карашяпти!

Отаси беихтиёр у ён-бу ён аланглаб, паст овозда тўнғиллади:

– Хўжайинни кўрмайсанми, бугун нега ишга чикмадинг, дейди! Мен ахир, отамдан ажраб турибман-у! – Кўзлари ёшланди. – Ишламайман, бошқа ҳайдовчи топинг, дедим! Ҳе, ўша... Ўзи амалдор ҳалки одам-подам бўмасакан!..

У ўшандаги дадасининг ахволини тушунди: хам ачинди, хам унинг раҳбаридан нафрлатланди.

Ҳар ҳолда хўжайнин инсоф-диёнатдан бутунлай мосуво бўлмаган экан, бобосининг йигирмасидан кейин дадасини ишга чакириб олди. Айтишича, узр хам сўрабди. Мана, энди ўша одам уни ишга жойлаштириш учун манови бошлиқка сим кокканди.

– Хўш, студент, – деди раҳбар кўксини кераркан, ўнг кўлида курси ёндорини ушлаб, – ишлар қалай? Ўқишини тутатибсиз-да, а?

– Раҳмат, яхши. – У бироз эсанкиради. – Сизга жўнатишди. Иш-пиш бўлса деб...

Бошлиқ кўзларини укалаб, эснади. Наздида, бу одам учун нафақат унинг, бутун оламнинг дарду ташвиши бир тийиндек туюлди. Кўзида, кишини ўзидан итарувчи ялтирок юзида нимадир бор, кулса баттгар совуклашади.

Лекин у бу нарсаларга эътибор бермасликка уринди, иши тушиб турибди ахир.

– Кўлингиздан нима иш келади? Эшитишмча, шеър ёзармишсиз? – деди бошлиқ писандсиз.

У ийманиб дипломини узатаркан, хижолатли жилмайди.

– Ҳмм, машқ килиб тураман. Китоб ўқишини яхши кўраман.

Бошлиқ дипломни очмади ҳам.

– Шунақа денг, – дея тагин ҳомузга тортди. – Мабодо ишга олсан, бу ёқдаги ишлар колиб, шеър ёзиб, китоб ўқиб ўтиравермайсизми, ишқилиб?

– Йўғе, – дея кизарди у, – шахсий ишни уйда қиласман...

– Шундай бўлиши керак. – Бошлиқ у билан вақт ўтказиш учунгина гаплашаётгандек туюлди. Бу ёғи тушликка ҳам яқин қолган. – Биз ҳам китоб ўқиймиз. Мухаммад Юсуф раҳматли билан қадрон эдик. Китобларига... ҳалиги нимайди?.. Ёзиг берган, уйда турибди. “Шайтанат” деган шеърниям ўқиганмиз...

Унинг энсаси котиб, хатто кулиб юборишига бир баҳя колди. Лекин ёшлиқ ўз кучини кўрсатишига йўл кўймасликни амаллади – тилини тийди.

Бошлиқ ёнбошидаги жавонга узалиб, семизгина китоб оларкан, мудом ўзини китобсевар, билимли кўрсатишига уриниб, деди:

– Бошқа шонрлардан ҳам танишларимиз бор, мана... – Шу пайт хонаки телефонлардан бири жиринглади. Кўлидаги китобни унга бериб, телефоннинг муроватини босди. – Нима гап? – деди тўнг овозда.

Котибанинг майин саси эшитилди:

– Сизни маҳаллангизнинг раиси сўрайпти, зарур иши бор экан.

– Бандлигимни айтмадингми?! – дея дўк уриб, телефоннинг унини ўчирди. – Қанака гапи бўларди, бирон нарсага ҳомийлик килинг, дейди-да, – деди гўё ўзига гапираётгандай.

Тавба ўйларди у, тез-тез қойиллатиб дўқ уриш ҳам амалдорлик расамадига киаркан-да! Шунинг ортидан нафақага чикқач, ўзида ноёб истеъоддони кашф этган муаллифнинг пулдор ўғлиниң химмати туфайли чоп этилган “дўмбоккина” китобини вараклади. Ундаги шеърлар, хикоя деб аталган газета ҳабарига ўхаш нарсалар ўта ибтидоий ва фиж-фиж имло хатога тўла эди. Аммо муқоваси кўзни камаштиради.

– Қалай, – деди бошлиқ яна бояти ҳолатига қайтиб, – зўрми? Шоирнинг ўз қўли билан ёзган гапини ўқинг.

Дастхатни овоз чиқариб ўқиди:

– “Халқимизнинг фидойи ва мард фарзанди, улуғ раҳбаримиз, замона хонзодаларидан бири...” – У ёғида раҳбарнинг исм-шарифи ёзилганди. – Қойил! – деди у ҳожатбарорига ёкиш учун тантанавор оҳангда. – Омма дастхатни боплабди.

Бошлиқ тупроқда ағанаётган тойчоқдай яйраб кетди.

– Менга аталган шеъриям бор ичиди. Энди кўшиқ килдирман, дейди, – дея столни шапатилади. – Ўзи зиёлилик менинг қонимда бор-да. Онам – ҳожи она, ўқитувчи бўлган. Ҳозир дуо килиб ўтиради уйда. Бизни зўр тарбиялаган-да...

Бошлиқнинг кўл телефони сас берди.

– Ало, – деди қулоғига тутиб, – ваалайкум Раҳмат. Ўзингиз ҳам яхшимисиз? Э-ээ, иш кўп-да. Сизларга ўҳшаб, – бошлиқ шилкимларча ҳиринглади, – юпканинг ичидаги ётволмиймиз... Ҳа-ҳа-ҳа!.. Йўқ, тушлиқда бўлмайди. Бугун селектор йиғилиши бор. Ҳа, каттанинг ўзи ўтказади. Кечқурун саккиздан кейин. Ҳа, ўша жойда. Хўп. – Телефонни столга кўйиб, унга нима деётувдим дегандай паришон бокди. – Ҳа-а, студент, шунақа денг. – Дипломни узатди. – Ҳозирча бизда бўш жой йўқ. Аммо хабарлашиб туринг. Акахоннинг хурмати, сизни албатта ишга олишга харакат киласиз. – “Хайр” дегандай ўрнидан кўзгалди.

У кўли кўксидаги мужмал кайфиятда хонани тарк этаркан, эшик оғзида ёрдамчи билан тўқнаш келди. Ортидан бошлиқнинг овози эшилди:

– Бу болани янаги сафар менга киритма, тўғри кадрга йўлла! Хўш, тағин ким бор?

– Бир девонага ўҳшаган одам...

Ёрдамчининг сўзи оғзида қолди.

– Сенларга нима бўляпти ўзи, а?! – дея ўшқирди бошлиқ. – Кимни бўлса кўяверсанларми? Қоровул қаёққа карайпти?!

– Коровулга неча марта айтдим, хўжайн!..

– Бор, яна айт! Анови одамни ўзинг бир ёкли қил!

Ёрдамчи шошиб чикиб кетди.

Бошлиқнинг шуурида хушхўр тушлик хаёли кезиниб, гилк этиб ютинди-да, хузур билан керишди.

Ёрдамчи диваннинг бурчагида шумшайиб ўтирган қорамтири одамнинг яғир кийимлари-ю окшайган пойабзалига бирпас ижирғаниб қараб турди-да, сўради:

– Сиз ўзи нима учун келувдингиз, ака?

– А?.. – деди қорамтири одам кўзларини лўқ қилиб. Шўрлик ё гарант, ёки овсарроқ эди.

Ёрдамчи иши осон битишини фаҳмлаб, ичидаги пича енгил торти.

– Нимага келувдингиз, дейман? – деди овозини бироз кўтариб, котибага масхаромуз ишора киларкан.

– Ёрдам сўраб келдим. – Қорамтири одам хиёл дудук эди. – Бош... Бошлиқни... ликини яхши... яхши одам дейишди, хм...

Ёрдамчи унга кўли билан туринг дегандай имо қилди:

– Юринг, – деди эшик томон бошлаб, – мен сизга ёрдам бераман. Халтангизни олинг.

Қорамтири одам итоаткорлик билан унга эргашди.

Зинапоядан тушиб боришаркан, ёрдамчи чўнтағидан ўн минг сўмлик чиқариб, узатди.

– Манг, чой-пой ичарсиз, – деди зигифча оғринмай.

Қорамтири одам индамай пулни олиб, “раҳмат” деркан, шу орада кўлини дуога очиб, ўзича фўлдиради-да, юзига фотиха торти.

Ёрдамчи уни кўчага чиқариб юбориб, коровулга гина қилди:

– Кимни бўлса киргизаверасизми, ака? Сизни деб мен гап эшилдим!..

– Э-ээ, мен уни кўрмай қобман, – ўзини оклаган бўлди коровул. – Нариги ёкка

ўтганимда кирволган, шекилли-да. – Кейин одатица насиҳатомуз оҳангта кўчди: – Ҳа, энди, ука-а, уям Оллонинг бир бандаси-да. Айби камбағаллиги. Ўзи-и Худо ёзигини, пешанасини оғир киб кўйибди. Энди биз ҳам туртсак, айб бўлар!..

Ёрдамчи унинг гапларини эшитишни истамагандай норизо типирчилаб, нари кетаркан, деди:

– Кейинги сафар кўйманг, бўлптими!

– Ҳўп-хўп! – Қоровул надоматли бош тебратиб, хўрсинди. – Ҳах, болая! Эртага ўзингнинг пешанангта нима ёзилган – Худо билади. Кичиккўнгилликда биронтанд бошлиққа ўхшамадинг-ўхшамадинг-да!..

Бошлиқ кечқурун алламаҳалда уйга кириб келди. Онаси одатдагидек ёлғиз ўзи телевизор кўриб ўтиради.

– Ассаломалейким, хожи онагинам! – деди оstonада у ён-бу ён тебраниб таъзим қиласкан.

Онаси кўзойнагини ечиб, меҳрли боқди.

– Ваалейким ассалом. Келдингми, болам!

Бошлиқ онасининг ёнига чўнқайиб, уни кучоклади-да, икки юзидан чўлпиллатиб ўпди.

– Яхшиям сиз борсиз, она! – дея тили тутилганидан бир-икки тамшандида, онасининг тиззасига бош кўйиб, ётиб олди. – Бўлмаса мен нима қиласдим, билмадим.

– Яна ичдингми, болам? – аёл унинг соchlарини силади.

– Ҳмм... – деди ўғил кўзлари юмуқ холда эркаланиб.

– Ичмагин-да, болажоним! Энди катта киши бўп қолдинг, ахир.

– Ҳўп... – Бошлиқ мастона тамшанди. – Чарчадим-да, она. Ҳамма менинг олдимга келади, дардини айтади. Нимадир сўрайди. Ахир мен сўрамаганман-ку! Улар кўпчилик, мен битта бўлсан. Шу-уу... Умуман, бирордан бирон нарса сўраган одамни жуда ёмон кўраман-да, она!.. – Лабларини кимтиб, пинакка кета бошлади.

– Одамларга керак бўлганинг яхши-да, ўғлим. Ҳамманинг олдигаям ёрдам сўраб келаверишмайди, шукур кил! – Она ўзлининг пешонасига кафт босди. – Демак, сенинг пешанангта шу ёзилган, болажоним... Мен бўлсан, – онанинг хаёли чалғиди, – игнамни йўқотиб кўйдим.

– Келинингизга айтинг, янгисини... – деди бошлиқ алаҳисирагандай.

– Ўзимниги кўлим ўрганиб қолувди-да, – онанинг нигоҳи паришонлашди.

– Пешана... – Бошлиқ хириллаб хуррак ота бошлади...

Йигит тун ярмида телефоннинг шанкишидан уйғониб кетди.

– Об-боо, ким бўлдийкин-а? – дея ғудранди уйқисираб. – Ало... Раҳмат. Адашдингиз, танимадим. Мен ичмайман. Сиз билан ўтирганим йўқ. Сизни танимайман ҳам. Нима?.. Чатоқ бўпти-да, – деди-да, телефонни ўчирди. – Пешонасини эшикнинг қиррасига урвоганмиш, тавба! Менга нима? Шунга ширин уйкимни бузиб... Камроқ ичиш керак, одам!.. – Жойига ётаркан, хаёлидан ўтди: ёрдамчининг телефон ракамини ёзволмапман-да, каллам курсин! – дея пешонасига шапатилиб кўйди...

Бошлиқнинг манглайига пойтахтда ишлаш ҳам ёзилган экан: кўп ўтмай, катта лавозимга кўтарилиб кетди.



Нафиса
КАРИМОВА

ЮРАККА ЙЎЛДОШ ТУЙГУЛАР

Замонавий шеъриятимизнинг бетакрор намояндадаридан бири Йўлдош Эшбекнинг “Қизғалдоклар очилди” шеърий китоби тўрт бобдан иборат бўлиб, бобларга “Мангу масофа”, “Сувайдо”, “Дарё мавжи” ва “Ортда қолган излар” деб ном қўйилган. Шоир умри давомида хаётни қандай хис этиб англаган бўлса ва қандай ибратлар олган бўлса, уларни шундайлигича шеърга кўчирган. Ижодкор аввало, дунёга холисона баҳо беради:

Дунё ўрмонидир,
Ҳалак бу жондир,
Бир биримизни
Излаб дил қондир...

(“Мен” шеъридан)

Шунингдек, шоирга мағруона кайфияти ҳамроҳ экани китобнинг барча фаслларида бирдек кўзга ташланади. Масалан:

Сизнинг кулганингиз нима бўлибди,
Кўнглимда сон мингта соф одам кулар.
Сўлса менинг битта гулим сўлибди,
Ҳайрат чечаклари очилиб, тўлар.

Шоир ўзининг ҳам, шеърхоннинг ҳаётга муҳаббати, яшашга бўлган шаштини тараннум киласи. Кўпгина шеърий сатрларда руҳий кўтаринки кайфият мужассам. Шоир туйгуларига бирдамхәёл бўлиш учун унинг шеърларини бот-бот, худди шоирнинг ўзидек завкли кайфиятда ўқиши керак.

Деразамнинг ортидан дарахт
Кириб бошим узра селкиллар.

Нафиса КАРИМОВА – 1997 йилда туғилган. Тошкент давлат ўзбек тили ва адабиёти университетини тамомлаган. Мақолалари республика ва хориж матбуотларида эълон қилинган.

*Атрофимда энтикади Бахт,
Мен шоҳ десам: қулдай эгилар.*

Шоир мисраларида: “Кўрқоқ қодир”, “ширин ҳақиқат”, “кўйкармоқ учун тоз каби баланд”, “агар бу дунё ҳам чинакам, чинакам дунёниг ўзи ўйқ” каби антитеталар учраб туради. Шоир анча йиллар бурун ёзилган шеърларини бугун нашрдан чиқарган экан, энди биз ҳам янги давр одами сифатида Йўлдош Эшбек ижодига янгича талқин билан ёндашибга ҳақлимиз.

Эй осмон,
Кўнглимга кир,
Дунёдан бир ўтилгайсан,
Эй осмон, кўнглимга кир,
Сен қафасдан қутилгайсан!

Бепоёнсан, кеккаймагин,
Коинотга энкаймагин,
Эй осмон, кўнглимга туш,
Парвоз қылгин мисоли қуш!

Шаклан антитета бўлиб кўринган мисралар, назаримда, мазмунан антитета эмас. Бу ўринда осмон жисман озодликда, эркинликда юрган бўлса ҳам рухан қийноклар, жонни ўртовчи хислар куршовида турган инсон рамзиdir. Шоир унга ўз юрагидан бошпана бермоқчи, уни руҳий азобдан оташ қалби билан ҳимоя қилмоқчи.

“Шифохонада” шеърининг сарлавҳаси тагига “турли мусибатлардан талафот кўрган болаларга”, деб изоҳ ёзилган. Шеърнинг мисраларида:

Лекин барча соглом сенга ўхшамас,
Лекин барча бемор сенга ўхшамас,

дейди шоир. Дарҳақиқат, мусибатни бошидан ўтказган қалб эгаси неча ёш бўлишига карамай, тани соғ бўлса-да, юраги ярадор яшайди. Дард инсонни матонатли қилиб тарбиялади.

Йўлдош Эшбек оний лаҳзаларни овловчи сифатида мавзууни эмас, дастлаб шеърий жанрга хос оҳангни танлайди. Курашчан шоир сифатида эса ҳаёт ҳақидаги хулосаларини шеърхонга уқтириш учун курашади:

Истар эдингизки, ҳамма мард бўлса,
Шириң ҳақиқатни тингласа дилхун,
Инсонга рост сўзлаш агар шарт бўлса,
Айтар эдингизки, ҳаёт-арғанун.

(“Мен” шеъридан)

“Арғанун” сўзига “Навоий асарлари луғати”да “Бир турли чолғу асбоби (орган)”

деб маъно берилган¹. Шоир шеърларида ҳаёт куйини чалади, завқланади, шавқ улашади.

Шоирдан чин маъно излаб топиш учун унинг ошиқона шеърларини четлаб ўтиб ўқисак, шеърлардаги мазмун яна-да жиддий тус олганини кўрамиз. Шоирда тушкин кайфият, нола чекиш, норозилик, тарки дунё килиш истагининг йўқлиги шеърхонни ҳам жонлантиради. Шеърлардаги ритм юкори ва ўта жадал:

*Биз-чи, биз учрашиб қоламиз гоҳо,
Улкан мақсадимиз бой бермаслик сир.
Бир иззат истаймиз, бир қадр, аммо
Одам ўлиб кетар, тушунинг, ахир.*

(“Инсонга таъзим” шеъридан)

Шоир ўзининг ўқдай-ўқдай мурожаати билан ўқувчидаги ухлаб қолган ҳисларни уйғотади:

*Ҳаёт
Ҳали сен кўрмаган гўзал туши,
Уйғонарсан, балки тушлар бағрида,
Туш ҳам ўзи алоҳида ҳайрат тусл,
Маъносин чақолсанг – ҳикмат, Тангридан.*

(“Ҳаёт”)

Йўлдош Эшбекнинг шеъриятида гўё маъно чукурлиги бор-у, унда тушиб кетсанг, шоирнинг нима демоқчилигини, нимани уқтироқчилигини теранрок англайдиган бўласан киши. Аксар адабиёт ихломандлари шоирни “Йиғлаётган қиз” шеъри оркали таниган. Ўкиш ва кузатишлардан келиб чикиб, ийғлаётган қиз ушалмаган орзу тимсоли бўлса керак, деган мулоҳаза пайдо бўлади. Чунки факат чексиз орзунинг ушалмаслиги “Дунё кўзларингдан дунё аламлар”ни келтириб чиқаради:

*... Дунё кўзларингдан дунё аламлар,
Томчилар, ҳар бири бир улкан юлдуз...*

*Бирорлар алдаган, бирорлар алдаган.
Томчилар кўксингдан келаётган куз,
Огулар томчилар, гуллар томчилар.*

Мағлубиятнинг манзараси чизилган ушбу шеърий мисралар ҳар қайси юракка турли мазмун олиб кириши мумкин. Орзу қиз боланинг ғуруридан устун”, деб бежиз айтишмаган. Ушалмаган орзунинг қасоси худди қаҳри келган қиз кабидир. Яна антитетага дуч келамиз:

*Алданмоқ тиларман сенга кўп марта,
Алданмоқ – дунёга назар, англамоқ.*

¹ Навоий асарлари лугати. – Т.: Фафур Ғулом номидаги Адабиёт ва санъат нашриёти. 1972. 60-бет

Аламдан “йиғлаётган қиз” бундан ҳам ёмонрок “йиғи”га дуч келмаслиги, ҳаётда яна такрорланмаслиги учун шоир унга алданмоқни тилайди. Инсон зоти баҳти дамларда атрофида кечётган макр-у, хийла ва хиёнат билан ҳақиқатнинг фаркига бормайди, хаёлига ҳам келтирмайди, умуман эътибор бермайди. Ҳаёт оқ чизиқдан иборатдек туюлади. Машнавий зарбалар инсонга “Бу дунё аслида алдоқчилардир! Бу дунё аслида йиғлаётган қиз” эканлигини исботлаб, ҳаётдаги оқ чизик қора билан параллелигини кўрсатади. Шуни унутмасликни даъват этган шоир қайта-қайта алданишни тилаб колади. Мағлубга тасалли беришдан тийилади. Бу дунё бир кам эканлиги билан характерланади, шунинг учун ҳар кимнинг ўз “йиғлаётган қиз” и бор. Кўзи кўрларни балки ўша “қиз” кутаётгандир.

Яна бир тимсол мавжуд: мумтоз адабиётда бу дунё қари кампирга ўхшатилади. Дунё алдовлардан иборат-у, бирок жимжитдек эканлиги оғир, вазмин кариянинг юрагига туғиб қўйган ҳийалалари каби деб қаралади. Дунёнинг қари кампир эканига “йиғлаётган қиз”ни параллел қўйсан, ўз-ўзидан биринчисига мазмунан зид бўлган иккинчи бир талқин вужудга келади. “Бу дунё аслида йиғлаётган қиз” бўладиган бўлса, демак ёмон ниятлар ўз ниҳоясини топган бўлади.

Умуман олганда, “ҳар бир шоирнинг дунёси унинг ижодий тақдиди тарзida баҳоланиши лозим”². Шу маънода йўлдош Эшбек шеърларини, унинг бетакрор лирик оламини ҳам чин шоирнинг “ижодий тақдиди” сифатида баҳолаш ўринли бўлади.

Аннотация: Мақолада шоир Йўлдош Эшбекнинг “Қизгалдоқлар очилди” шеърий тўпламидаги шеърлар таҳлил этилган. Дастлаб шеърий маъжмуа структураси юзасидан маълумот берилиб, кейин шеърлар таҳлилида шоирнинг руҳий кайфиятига эътибор берилган. Шунингдек, лирик қаҳрамон табиатидаги зиддиятлар антитетза воситасида тушунтирилган. Мақолада шоирнинг машҳур “Йиғлаётган қиз” шеърига алоҳида аҳамият қаратилган. Мақола зарурий адабиётлар билан таъминланган.

Аннотация: В данной статье анализируется сборник стихов “Қизгалдоқлар очилди” Елдош Эшбека. Также с помощью антитетзы объясняется душевное противоречие в лирического героя, в статье основное внимание обращается на знаменитая стихотворение поэта “Йиғлаётган қиз”.

Annotation: Poems in “Qizg’aldoqlar ochildi” by Y. Eshbek are described in this article. At first the struture of poems olletion is explained, then we pay attention to poet’s mood to awalse his poems. Beside that, the opposition of lyric poet is explained by the help of antiteza. We especially pay attention to a poem named “Yig’layotgan qiz”.

2 Ботирхон Акрамов. “Оламнинг бутунлиги”. – Т.: Faafur Fulom nomidagi Adabiyet va san'yat nashriyoti. 1988. 19-бет.



"ЭНАЙЎЛ"НИНГ ҚАДРДОН ЙЎЛИ

**Марҳабо
Қўчқорова**

Ҳозирги адабий жараёнда ўзига хос модерн насрй услуги, ўзига хос замонавий миллий бадний талқинлари билан бошқа носирлардан ажралиб турувчи ёзувчилардан биттаси Баҳодир Қобулдир. Муаллиф оригинал услуги, бадний маҳорати билан катта адабиётшунослар ва ижодкорлар назарига тушди. Жумладан, академик Баҳтиёр Назаров у ҳақда шундай ёзди: “Ўзбек адабиётига сўнгти йилларда бир қатор истеъоддли ёзувчилар кириб келди. Бу авлод вакиллари миллий адабиётимизни янги боскичга кўтаришига ўз хиссасини кўшишига жиддий бел боғлаганлиги билан ажралиб туради. Ана шундайлардан бири, қатор кисса, ҳикоялари билан адабиёт ихлосмандлари ўртасида ўзининг хурматли ўрнини этгалиб, энг асосийси янги овоз билан кириб келган, муболагасиз айтаманки, забардаст адиб Баҳодир Қобулдир”¹. Устоз жуда тўғри эътироф этганларидек, Баҳодир Қобул Истиклол даври ўзбек адабиётида ўзининг ҳеч кимнигка ўхшамаган киссалари ва ҳикоялари билан катта хурматта сазовор бўлган адибларимиздан бири.

Баҳодир Қобулнинг “Энайўл” тўпламига кирган тўрт киссаси (“Энайўл”, “Отаҳаёт”, “Отачирок”, “Энашамол”) ва уч ҳикояси (“Энабулок”, “Отамозор”, “Тановар”) ёзувчи туғилиб ўсган қадим ва кўхна Самарқанд, унинг кишлоплари йўсмат, Турқишишлоп, Ойқортот, Жаркўчада яшовчи ўзбеклар ҳаётидан ҳикоя этади. Очиги, муаллифнинг мазкур киссаларини ўқиб, ёзувчи “ўзбек” деган миллатнинг, унинг “ўзбекона миллий қадриятлари”ни, “ўзбекона оддий кундалик турмуши”ни, “ўзбекча сўзлашув тили”ни бу қадар аниқ-тиник тасвирилаганига ҳавас килдим. Дарҳақиқат, устозимиз Баҳтиёр Назаров таъкидлаганидек, Баҳодир Қобул асарлари хоҳлаган бир хорижий тилларга таржима этилса, “ўзбек” деган халқ, миллат қандай яшайди, унинг кундалик турмуши қандай, кечмиши қандай, нимага эътиқод қиласди, миллий азалий қадриятлари, миллий менталитети қандай каби қатор саволларга аниқ-тиник жавоб беради.

Муаллиф асарлари сарлавҳасида тақрор-тақрор ишлатилган “Ота” ва “Эна” сўзлари ҳам эътиборимизни тортиди. “Энайўл”, “Энашамол”, “Отамозор”, “Отаҳаёт”, “Отачирок”. Ёзувчининг бу сўзларга, сарлавҳаларга тақрор-тақрор

¹ Назаров Б. Ўзликни англашнинг сўздаги наволари // Қобул Б. Энайўл. Тошкент: “Машхурпресс”, 2018. – Б. 3.

Марҳабо Қўчқорова – филология фанлари намзоди. 1976 йилда тугилган. Тошкент давлат университетининг (ҳозирги ЎзМУ) ўзбек филологияси факультетини тамомолаган. “Бадий сўз ва руҳият манзаралари” номли илмий монография муаллифи. “Ҳозирги ўзбек насрода бадий шартлилар” мавзусида докторлик дессертацияси устида иши олиб бормоқда.

мурожаатлари ҳам бежиз эмас албатта. Ёзувчи "Ота" ва "Эна" сўзлари замирида она Ватанни, Ўзбек миллати қўним топган кичик макон, аммо бадиий маданияти, кечмиши узоқ минг йилликларга туташган буюк халқни кўради. Қиссалар услубининг бетакрорлиги назаримизда, биринчидан бадиий ифода услубида кўринади. Баҳодир Қобул насрода кейинги пайтда жаҳон адабиётида тобора барча жанрлар табиятига сингишиб, жанрлар синкетизмини вужудга келтираётган эссе жанрига хос қатор бадиий канонларни кузатдик. Адиб асарлари услубида эссе жанри табиятига хос беҳад эркинлик, самимилик, муаллифнинг шахсий фикрлар оқими етакчилик киласи.

"Энайўл" киссаси дастлаб "Шарқ юлдузи" журналида "Ой йўли" номи билан чоп этилган эди. Умуман олганда, ҳар икки ном ҳам киссага мос тушади. Чунки, киссада ҳам "Йўл" образи, ҳам "Ой" образи жуда катта бадиий юқ олган. Қиссалар тилида фольклор жанрларига хос насрой сажъ элементлари, халқона бадиий услуб (такрорий сўзлар) кўзга ташланади. Мисол учун: "Хонлар билан уч ой қовун, уч ой совун, уч ой қовок, уч ой чавоқ еб охирида пешковуз еганларнинг ўзи бир мозорот" (насрой сажъ); "Оқ гули оқдан оқ", "сариқ гули сариқдан сариқ"; "Кора тортиб қаро сонига кирганиям, қаро босиб қаро урганиям кўчада юришидан маълум"; "Бу бош неча бор омон-омон, неча бор ушла-ушла, неча бор кочди-кочдини ўтказган"; "Энанинг хаёлинин илғаб, хаёлот оҳанги, хаёлот ҳангига, хаёлот рангига, хаёлот шаҳдига, гап мазаси, сўз тигининг тилига кулоқ солиб ётишдан ортигини кўрмаган, билмаган, эшитмаган" (такрорий сўзлар); "Ўғри-тўғри, ёшикари, катта-кичик, раис-даюс, урилган-сурилган, кўр-чўлоқ, бой-кулоқ, хаёл-хиёл, хону хони, туёкли-туёқсиз, шапкали-шапкасиз, ўтхўр-сутхўр, оксусяк-корасуяк экан демайди" (жуфт антоним сўзлар) ва ҳоказо.

Қиссалар бола образи тилидан ҳикоя этилади. Хусусан, "Энайўл" киссасида ҳам бола образи ровий вазифасини бажаради. Аслида бу бола образининг хаётий прототипи ёзувчининг ўзи. Бола катта энасидан кўп эртаклар эшитган. Бизнингча, Баҳодир Қобул болалигига энаси айтиб берган эртаклар, достонлар, мақоллар таъсирида улғайиб-үди, бўлажак адебнинг бадиий олами шу тарзда шакллана борган. Шунинг учун унинг бадиий услубида халқона оҳанг етакчилик киласи. Зоро, мана бу сатрларга эътибор қаратайлик: "Оқ йўл Самарқандга Ойдала оралаб кетади. Ўрайдан ўтиб, Тайпокса тайпанглаб, Гулбулоқда карсиллаб, Оқтепада гурсиллаб катта китобларда ёзилганидек, ҳар даштининг юзидан жанинат кўринадиган ва ҳар даласидан Эрам боғи билинадиган Самарқандга жўнайди"². Ёзувчи улғайиб, элликини коралаган бўлса ҳам, унинг хаёлида болалигига эшитган эртак-достонлар қаҳрамони доим у билан бирга яшайди. Ёзувчи Баҳодир Қобулнинг ичидаги уни ҳамон тарк этмаган мусаффо, беғубор бола ҳали ҳам яшайди. Ўша муаллифни ҳамон тарк этмаган туйғулари мусаффо осмондек тоза бола ёзувчининг илҳомига илҳом, ижодига ижод кўшади. Иккинчидан, ёзувчига сўз сехрини сўйдирган киши, унинг Энаси хисобланади. Шунинг учун ёзувчи "Энайўл"да шундай ёзади: "Мен эса энамнинг эртакларини яхши кўраман. Керагидан ортиқ соддалиги учун кулгига колган "Лакипай ва Жонипай"ниям, айтишларидан олдин йиглаб олиб, камига яна йиглаб-йиглаб айтадиганлари "Эрдона Чўкки"ниям....

...Насиб бўлса эртакларни бошқа сафар айтиб берарман. У эртаклар жуда узун.

² Қобул Б. Энайўл // Энайўл. Тошкент: "Машхур-пресс", 2018. – Б. 24-25.

Энам салкам юз йилдан бери айтадилар. Ўзларига ўзлари эртак айтиб ўтирадилар. Эртакларни қайта сўраш мумкин. Лекин хаёлларга араласиши мумкин эмас”³.

Халқ эртаклари одатда, анъанавий бошлама (Бир бор экан, бир йўқ экан. Бўри баковул экан, тулки ясовул экан, қарға қақимчи экан, чумчук қақимчи экан...) ва якун (...мурод-мақсадларига етишибди. Қирқ кечга-кундуз тўй-томоша беришибди...) билан якунланади. Худди шу анъанани Баҳодир Қобулнинг қиссаларида кузатиш мумкин. Жумладан, “Энайўл” қиссасининг ҳар бир фаслини қўйидагича якун билан тамомлайди: “Бир нарсани йўқоттандай, нима йўқоттанини ўзиям билмайдиган, йўқоттанини қидирган, жаланглаган Ой бўлади. Қимирлаган қора танишдай туюлиб орқасидан эргашади. Жавдираган ой бўлади. Оқ йўлдан энган билан теппантенг париллаб жўнайди. Юрса юради, тўхтаса тўхтайди... ўрлаган билан измаз изиллаб ўрлади...”⁴ Табиийки, бу якун халқ эртакларидан айнан олинмайди. Балки, ёзувчи халқона анъанавий ечимни янгилайди, замонавийлаштиради.

Қисса сарлавҳаларга ажратилган 16 фаслдан ташкил топган. Агар диккат билан қарайдиган бўлсан: сарлавҳаларда ҳам ёзувчи “Йўл” сўзига бадиий-гоявий юз ташлайди. Масалан, сарлавҳаларни хотирлаймиз: “Йўл кўриш”, “Кимга қора жар, кимга кенг кўча”, “Йўл-йўлакай”, “Нафақа йўлида”, “Тавба йўлининг ташвиши”, “Йўл бошида довул урган довул”, “Яна йўлдош бўламиزمи, жўра”, “Йўл караган мустарлар”, “Йўл тўла мезон кўшиғи”, “Ой йўли”, “Йўлнинг кўзи ҳамиша очик”, “Йўл сарсон, ийигит сарсон”, “Кўз очик – йўл очик”, “Энайўл”, “Энайўл тушлари”, “Жар ҳамиша уйғоқ”. Икки сарлавҳадаги “жар” ва “кўча” сўzlари ҳам бевосита “Йўл” деган сўз билан туташади. Демак, қиссада “Йўл” сўзи муҳим марказий фокус вазифасини бажаради. Назаримизда, қисса фаслларининг якунида такрор берилётган сатрларда акс этган “Ой” ва “Йўл” рамзий образлари ўз-ўзидан бир-бирини бадиий мантикий жиҳатдан тўлдириб, эмоционал, халқона, рамзий модерн образли метафорик образлилика айланади. Бизнингча, жаланглаган, эргашган, жавдираган, энган, париллаб жўнаган, юрса юриб, тўхтаса тўхтаб, ўрлаган, измаз изиллаб ўрлаган Ой бадиий тасвирлари накадар халқ ижоди билан туташиб кетган бўлса, иккинчидан ёзувчининг бугунги ўзбек қиссачилигига олиб кирган янги ижодий услуби сифатида баҳоланиши керак. Қолаверса, Баҳодир Қобулнинг эртаклар оламида яшайдиган ва яшаётган бола қалби мана шундай чиройли бадиий ечимни топишига туртки бўлган.

Ёзувчи Жарқўча, Турккишлок, Ўсмат кишлоғига етиб келгунга кадар берилган тасвирларни беришда, ўзбек мемуар адабиётида катта аҳамиятта эга бўлган Бобурнинг “Бобурнома” асаридаги муаллиф услубидан ҳам моҳирона фойдаланади. Жумладан, Каттасойдан бошлаб тасвирланган Жарқўча, Кўр丰тепа кўзи остидаги Отабулок, Бозоржой, Тошбулок, Марра октош, Катта шаррак, Ўртакир, Кичик шаррак каби макон тасвирларини ниҳоятда маҳорат билан батафсил тасвирлайди. Муаллиф Кичик шарракдан бошлаб, теракзорлар, гулмозорлар-наъматаклар, бўритароқлар, жийдазор, ковуллар, итузумлар, кўксултонлар, ўрикзор, дараҳтлар, ёнғозор, чўпқадиларгача аник-тиник тасвирлаб беради. Мазкур географик, табиий макон тасвирлари беихтиёр бизга Бобурнинг кадами етган ва кўрган жойлари тасвирини беришдаги эссеистик-мемуаристик услубини эслатди. Қайсиидир маънода, Баҳодир Қобул ўзбек мумтоз адабиётининг йирик салафлари Махмуд Кошгарий, Захириддин Мухаммад Бобур каби йирик сўз санъаткорларининг ҳам илмий, ҳам бадиий тажрибаларини ўзлаштиргани аён бўлади.

Қиссадаги ёркин образлардан бири, бу шубҳасиз – Мардон тентак хисобланади. Асарда Мардонга шундай таъриф берилади: “Мардонга эса ҳамиша катта кўча.

³ Қобул Б. Энайўл // Энайўл. Тошкент: “Машхур-пресс”, 2018. – Б. 23.

⁴ Қобул Б. Энайўл // Энайўл. Тошкент: “Машхур-пресс”, 2018. – Б. 30.

Ўзини димогини чоғ килиб юрадиган тентакка ҳар куни ҳайит. Такбири ташрик тилидан тушмайди. Бир вактлар одамлар ҳайит намозини ўқиши учун мачитга кетаётганда, йўлда бир-бирлари билан учрашганда баланд овозда айтишганидек кўзига яхши кўриниб қолган дарахтга, тошга, кушга такбири ташриқ айтиб қолади.

*Оллоҳу акбар, Оллоҳу акбар.
Ла илаҳа ималлоҳу валлоҳу акбар.
Оллоҳу акбар ва лиллаҳ хи-л-ҳамд.*

Тўрт томон кибла. Хоҳлаган жойига кўш ташлайди. Бирордан бир нарсани сўрамайдиям, бирорва яхши кўринай деб ҳам, бекорчиликданам гап кўшмайди. Кўчадан топганиям, кўчага топширганиям, топшираётгани, топаётганиям. Бирор бирон нарсани сўролмайдиям. Гап кўпса кўчага, дов-дараҳтга, тошга, сувга, эшагу итга гап кўшади. Жаркўчанинг бошидан оёғигача каерда нима, ким борлигини, қачон нима бўлганини билса фақат Мардон билади⁵. У болаларни йигиб, калима қайтиришни ўргатади. Жайдарича ўзбекона исмларни кисқартириб, русчалаштириб олишган болаларни уришади. Мардон том маънода миллиятпарвар киши тимсоли. Хуллас, киссада Мардон ўзига хос характеристи, юриши-туриши, хатти-харакатлари билан ўзгача образ. Айтиш мумкинки, Мардон Баҳодир Қобулнинг фаройиб миллий образи. Ишонч билан айта оламизки, Мардон образининг ҳам хаётий асоси бор. Ёзувчи киссалари ва хикояларидағи ҳар бир образ хаётийлиги, самимийлиги ва жонлилиги билан эсда қолади.

Мустабид шўро даврида диний кадриятларга ҳам тазиик ўтказилди. Ёзувчи мана шундай тазииклар остида яшаган халкнинг рухиятини, киссада кичик-кичик хаётӣ деталлар орқали кўрсатади. Қиссанинг ҳар бир саҳифаси миллий анъаналар талқини билан мазмунан бойитилган. Зеро, куйидаги тасвирга эътибор берайлик: “— Айланай, борингта шукур. Берганига, етказганига шукур. Келсанг кари-куррига кел, ёшлар ўйнасин, кулсин, дейдилар. Энам Янги ойни Ойқиз тўлганини Ойномоси дейдилар Ойнинг кўргилиги кўп бўлганидан бир ойда ҳам кулиб, ҳам тўлиб, ҳам тўйиб, ҳам тўклиармиш. Янги Ой шамоли ойдан тушиб, Ойкорнинг устида ўзини тўғрилаб, корнинг совуғидан кўйинини тўлдириб олиб, кейин Ой йўлидан тўғри тушиб келса керак”⁶.

Қиссада “Ой” сўзи билан боғлиқ “Ойкор”, “Ойбулوك”, “Оймоҳ”, “Ойбет”, “Ойбодом”, “Ойдала”, “Ойкўча”, “Ой йўли” каби бирикмалар бадиий-мантикий жиҳатдан бир-бирига уланиб кетади.

“Отаҳаёт” киссаси ҳам “Энайўл”нинг мантикий давомидек ўқилади. “Энайўл” хақида тўхтағанимизда, алоҳида ургулаганимиз, бу асарда ҳам бўртиб кўзга ташланади. Ёзувчи халқ тилидан, мақол-матал, халқона сўзлашув нутқидан унумли фойдаланади. Масалан, кисса матнida қўйидаги халқ мақол-маталлари, халқона гаплар учрайди: “Билганга хор, билмаганга сор”, “Тандир киздиришни билмайдиган хотиннинг оғзи совимайди”, “Ўгри бек, гар бека бўлолмасмиш”, “Ямонни кучи япалокка етдими”, “Ахмок тишимни ол, ақл тишимни бер”, “Ишонган туман сан бўлсанг кувшанг оғзингта...”, “Кул кутурса қудукка тупиради”, “Кулзодага кун кўпса қудукка кулф кўндирамиш”, “Кулдан куловуз чиқса ишни қудук кўмишдан бошлияди”, “Кўркмаганинг қудугидан сув ичмайдилар”, “Одамни эксанг эртасига қулоғи кўклаб кетади”, “Турк бор жоҳда тентак бегона бўлмайди”, “Ақлнинг тұғмаси бошка, сукмаси бўлак” ва хоказо. Агар Баҳодир Қобул асарларининг тилига чукур назар ташлаб, бундай халқона гап-сўзларни рўйхат киласиз десак,

⁵ Қобул Б. Энайўл // Энайўл. Тошкент: “Машхур-пресс”, 2018. – Б. 94–95.

⁶ Қобул Б. Энайўл // Энайўл. Тошкент: “Машхур-пресс”, 2018. – Б. 89.

бир умумий дафтар тўлиб кетса керак. Ёзувчи асарлари тилини халқона образли мақоллар, маталлар, гурунглар, афсоналар, халқона қарашлар безаб турибди. Табиийки, ёзувчи бундай халқона гапларни узоқ йиллар давомида бувисидан, отасидан, Мардондан, халқдан ўрганиб, дафтарларига ёзиб, хотирасига обдон жойлаган. Вакти келиб, ёзувчининг сири хотира сандиги ишга тушган. Бу ижодий меҳнат самараси Баҳодир Қобулнинг асарлари тилида якъол кўзга ташланади.

“Отачироқ” киссаси ҳам лирик кечинмали услуг билан яратилган. Ёзувчининг ота шахри Самарқандга бўлган чексиз мухаббати, унга интилиши, уни жондан севиши нихоятда ёрқин ҳиссиятли реал воқеалар билан хикоя этилади. Баҳодир Қобулнинг барча киссалари услубида эссеистика унсурлари етакчилик килади. Бу холат “Отаҳаёт” ва “Отачироқ”да ҳам кузатилади. “Энашамол” киссаси ҳам бир зарб билан ўқилади. Самарқандни кўришини орзу килган ёш боланинг хаёллари лирик-романтик услубда хикоя этилади. Ҳар тўрт киссадаги қаҳрамонлар ва воқеалар бир-бирининг давоми каби ўқилади. Назаримизда, бу холатни бир томондан ижодий баҳолайдиган бўлсак, иккичи томондан ёзувчи ўзини ўзи ҳар сафар тақрорлаб кўймаятпимикан? – деган хавотирили бир фикр ўртага чикади.

Баҳодир Қобул асарлари оддий, жўнгина ўқилмайди. Уни шунчаки кўз югуртириб ўқиб кетиш мумкин эмас. Муаллиф асарлари ўқувчидан фикрлаш, мушоҳада килишини талаб килади. Чунки, ёзувчи кўниклилган анъанавий бадиий услублардан чекинган ҳолда янгича насрой бадиий ифода топишга уринади. Бунинг улдасидан чикади ҳам. Киссалarda тасвирланган бола, Эна, Ота, Мардон, Опа образларидан ташкари жуҳуд сураткаш каби катор образлар ҳам биз учун бегона эмас. Улар ҳам якин ўтмишнинг парчалари, лаҳзалари каби хотирамизга осон ўрнашади. Уларнинг ишларини ўқиб-кузатиб, улардан завкланамиз. Уларни ўз кўзимиз билан кўргандек ҳиссият тутамиз. Киссалarda тилга олинган кўплаб ҳаётӣ воқеаларнинг реал замини бизнинг хотирапаримиз, кўрган-кечиргандаримиз билан туташиб кетади. Балки, ёзувчининг энг катта ютуғи ҳам шудир. Бинобарин, ёзувчи бадиий услубда янгиликка, ўзгачаликка интилса-да, моҳиятда барибир миллий бўлиб колган. Шунинг учун академик Баҳтиёр Назаров Баҳодир Қобул асарларини “миллий модерн” деб баҳолайди.

Умуман олганда, Баҳодир Қобулнинг киссалари ва хикояларида Ватан ва Миллат, Миллый кадрият тушунчалари ёнма-ён келади. У ўз юртини ва халкини каттик севади. Китобга сўнгсўз ёзган Абдулла Орипов қуйидаги жумлаларни нихоятда топиб ёзган: “Баҳодир ижодининг ўзига хос томонларидан бири унинг барча асарларида бадиий макон – Самарқанд, Ойкортоғ, Жарқўчада танланади ҳамда ўша-ўша таниш образларнинг давом этишидир. Уларнинг асардан асарга ўтиб, бир-бирини тўлдириб боришидир. Бундай услуг – адабий маконнинг ўзгармаслиги, образларнинг асардан асарга кўчиши, ҳаётӣлиги, ҳаёлот узлуксизлигини таъминлашсаноқли ижодкорларгагина насиб этган. Бу асарларда кош-кўзи бўялган образлар, бўйинидан аркон боғланган сухбатлар, тушгаям киришга уяладиган воқеаларнинг ўзи ўйк. Ҳаммасини ҳамма кўргандек. Ҳаммаси табиий...”⁷ Дарҳакиат, Баҳодир Қобул ёзувчи сифатида шаклланиб, ўзининг бадиий услубига, ўзига хос маҳоратига эришган адид. Унинг ёзганларида ҳеч кимникига ўхшамаган бадиий тароват борки, уни бошка бирорта бошка ёзувчи билан адаштириб кўшиш мумкин эмас. Истеъоддли адидан бундан-да сара, гўзал асарларни кутиб қоламиз.

⁷ Орипов А. Сирли, ҳарир парда оркасидаги ҳаёт // Қобул Б. Энайўл. Тошкент: “Машхур-пресс”, 2018. - Б. 351.

ҚАРДОШ ХАЛҚЛАР ОҒЗАКИ ИЖОДИДА МУШТАРАКЛИК



Насим ОЧИЛОВ

Бугунги кунда туркій халқлар алохіда-алохіда давлат сифатыда фаолият юритган, үз дүнёқарапи ва тафаккур бирлігінде эга бўлса-да, қачонлардир бир уруғ, бир кабила сифатыда шаклланган, ривож топган. Мана шундай тарихий-генетик боғлиқлик уларнинг ижод намуналарида бадиий-эстетик ҳодиса сифатыда алохіда ажralиб туради. Бунинг ёрқин мисолини биргина “Алпомиш” ва у билан боғлиқ турли хилдаги катта-кичик асарларни кўрсатиб ўтиш лозим.

“Алпомиш” ҳакидаги эпик достон ўзбек, қозок ва коракалпокларда (қўнғирот версияси) қаҳрамонлик эпоси шаклида машҳур; тоғлик олтойликларда (“Алп-Манаш”) – қадимги баҳодирлик афсонаси сифатыда шұхрат козонган; бошкірд ва козон татарларida (“Алпомиш” ёки “Алпамиша”) эса маълум маънода янгилик киритилган ва бир кадар замонавийлашган тарзда “кечмиши-кечирмиши”га оид оғзаки хикоялари тарикасида мавжуд; XV–XVI асрларда ёк адабий жиҳатдан кайта ишланган ўғуз баҳодирлик кўшиклари туркумида ёки машҳур “Дада Қўрқут ҳакида китоб” (“Қўрқут китоби”) таркибиға кирган эпик афсоналар тарзида Озарбайжон ва Онадўлида “Кам-Буранинг ўғли Бомси Байрак ҳакида хикоя” номи билан ёзил олинганди¹. Шулардан ҳам кўриниб турибдики, Алпомиш билан боғлиқ қаҳрамонлик сюжетлари туркій халқлар ижодиётіда достон, эртак, хикоя тарзида турли версия ва варианtlарда яшаб келган. Ўхаш сюжетлар ўргасидаги ўзаро муштаракларни биз озарбайжон халқ достони “Қўрқут ота китоби”²нинг “Ком Бўра бек ўғли Бомси Байрак ҳакида”ги учинчи хикоясини “Алпомиш”³ достони сюжети мисолида киёсий таҳлилга тортсан.

Маълумки, “Қўрқут ота китоби”да озарбайжон, туркман, турк халқларининг аждодлари хисобланган ўғузлар хаёти, тарихи бадиий акс эттирилган. Достонда Қўрқут ота бош қаҳрамон бўлмаса-да, у бутун асарни бирлаштириб турувчи қаҳрамон, доно маслаҳатчи, адолат тимсоли, баshoreтгўй образ сифатида

¹ Жирмунский В. Эпическое сказание об Алпамыше и «Одиссея» Гомера // Сравнительное литературоведение. – Л.: Наука, 1979. 315 стр.

² Китоби-дада Қоркуд. Асил ва соддалаштирилган матнлар. Нашрга тайёрловчи Т. Ҳожиев. – Баку, 2004. Мисолларни ушбу манбадан оламиз ва саҳифасини қавс ичидан кўрсатамиз.

³ Алпомиш. Достон. Айтубчи Фозил Йўлдош ўғли. Нашрга тайёрловчи Т. Мирзаев. – Т.: Фан, 1999. Мисолларни ушбу достондан олиб, қавс ичидан саҳифасини келтирамиз.

Насим ОЧИЛОВ – филология фанлари номзоди, доцент. 1972 йилда тугилган. Қарши давлат университетини тамомлаган. Ўнинг республика ва хорижий матбуотда қўрқдан ортиқ ىлмий, ىлмий-оммабон мақолалари чоп этилган.

гавдалантирилади. Озарбайжон адабиётшуноси Тофик Ҳожиев достонда ўгузларнинг давлатчилик тарихи акс эттани, Кўркут ота оқсоқол, донишманд ва сўз соҳиби рамзи сифатида тасвирланганлигини қайд этиб, Кўркут отанинг достон учун рамзий бир тимсол, аслида уруғнинг қаҳрамони буюк ўғуз эли эканлигини таъкидлайди⁴. Ҳақиқатдан ҳам, достонда мана шундай ғоявий мақсад етакчилик килади. Достон жами 12 ҳикоядан ташкил топган бўлиб, унинг учинчи ҳикояси айнан “Алпомиш” достони сюжети билан ўхшаш ва муштарак ҳисобланади. Эпик сюжетларнинг бундай ўхшаш ва яқинлигига албатта, достончилик анъаналярининг ривожидаги ўзаро таъсири бўлса, иккинчидан, эпик мотивларнинг универсаллик хусусиятлари билан боғлиқлигига ҳам кўринади. Сюжетларда эпик қаҳрамонларнинг илоҳий дунёга келишидан қаҳрамонлик кўрсатишигача бўлган воқеалар изчил рамзий тасвирларда баён этилади. “Алпомиш” достонида бўлгани каби “Кўркут ота китоби”даги учинчи ҳикояда ғоявий мақсад оила, ёр ва уруғ бирлиги учун кураш, душманга нафрат туйгуси етакчилик килади. Ҳар икки сюжетда ҳам қаҳрамонларнинг илоҳий дунёга келиши, улғайиши, ёр учун, оила ва уруғ бирлигини химоя қилиш учун мардлик кўрсатишлари рамзий воситалар асосида тасвирланади. Албатта, эпик қаҳрамонларнинг куч-кудратга эга бўлиши учун уларга ёрдамчи кучлар-эпик ҳомийлар зарур. Достон воқеаларида мана шундай хусусиятлар рамзий деталлар воситасида ғоявий асос қилиб берилади.

Дастлаб, қаҳрамонларнинг туғилиши, Алпомишнинг Барчинга, Бомси Байракнинг Чечакка бешиккери қилинишида қадимий урф-одатларга боғлиқ тасаввурлар акс этади. Уругни бирлаштириш, душмандан химоялаш ва адолат билан бошқаришида ҳалқ ўзининг келажак орзу умидларини, фаровон ҳаётга бўлган ишончнин эпик тимсоллар хатти-харакатида хис этади. Бу йўлда қаҳрамонларга эпик ҳомийлар ҳамда от ва камон лозим. Достонда мана шундай рамзий деталлар ўз бадиний ифодасини топган. Туркий ҳалқлар эътиқоди бўйича камон ҳокимият, салтанат белгиси ҳисобланса, от эпик қаҳрамонга йўлдош, химоячи, энг асосийси, эътиқод рамзи вазифасини ўтайди. “Алпомиш” достонида Ҳакимбек етти ёшга тўлганда бобоси Алпинбийдан қолган ўн тўрт ботмон биричдан бўлган ёйни отиб, ҳаммани ҳайратга қолдириш эпизоди баҳши томонидан куйидагича кўрсатилади: “Дунёда бир кам тўқсон алп ўтди, алларнинг бошлиги Рустами Достон эди, охири бу Алпомиш алп бўлсин. Тўқсон алпнинг бири бўлиб санага ўтди” (70-бет). “Кўркут ота китоби”да Бой Бўра бекнинг базиронларига топшириги асосида Истамбул шаҳридан “...насли денгиз отидан бўлмиш бўз айғир олишди, кайн пўстлоғи билан копланган катта ёй олдилар, олти киррали гурзи олдилар ва яна бир яхши қилич олиб” (56-бет) кайтдилар эпизоди билан тасвирланади. Сюжет кизикарли, эпик баён қаҳрамонларнинг шиҷоати ва жасорат кўрсатиш эпизодлари билан ривожланишда давом этади. Алпомиш Барчинни қалмоқ алларидан куткариш мақсадида қалмок юртига йўл олса, Бомси Байрак овда кийик орқали Чечак ўтовига боради. Сюжетларда алп-қизлар шарти мавжуд. Шарт коидасига кўра пойга, камондан ўқ отиш, кураш тушиш каби алларини синаш мотивлари мавжуд. “Кўркут ота китоби”да Чечакнинг шартлари юқорида қайд этилган уч шартда кўрсатилади. “Алпомиш” достонининг Умир шоир Сафаров, Мухаммад Жонмурод ўғли Пўлкан, Эргаш Жуманбулбул ўғли ва бошқа бир катор баҳшилар репертуаридан ёзib олинган варианtlарида ҳам “Кўркут ота китоби”дагидек учта бўлса-да, Фозил шоир вариантида тўртта. Бундай фарқли томонлар Фозил шоирнинг воқеаликка ижодий ёндашиши, ёхуд кейинги ижтимоий жараёнлардаги ўзгаришлар натижасида достон воқеалари тасвирига киритилмаган.

⁴ Ҳожиев Т. “Дада Коркул китоби” илк ёзма ёдгорлигимиздир // Китоби-дада Коркуд. Асил ва соддалашибирлиган матнлар. – Баку, 2004. 6-бет.

Достонлар сюжети умумий жиҳатдан ўхшаши, бири иккінчисини түлдіради. Иккінчидан, воеалар тизимида ўёки бу каби ҳолатларда фарқлар күзге ташлансада, ғоявий жиҳатдан бир хиллікка эга. Биз еса достондаги ўхшаши воеаларнинг хар иккі сюжеттеги генетик жиҳатларига тутқунлик мотивидаги тасвир жарайёнини таҳтил қилиш билан чегараланамыз.

Тутқунлик мотиви универсаллық қасб этиб, у күплаб эпос намуналари учун ечим вазифасини ўташи билан ахамиятлайды. Рамзий код моҳияти нұқтаи-назаридан Алпомишиң ва Бомси Байракнинг душман күлида маълум вақт тутқунликка тушиши зәгулік күчларининг ёвузы күчларидан маълум муддат енгилиш моҳиятини белгилайды. “Мифологияда ҳам, эпосда ҳам түсіккә учраган субъект-эпос қаҳрамони бир хил ҳолатда-вақтненчалик ҳаракатсизликка маҳкум. Бу ҳаракатсизлик мифда чала ўлік күринишида воее бўлса, эпосда бехушлик, узок давом этувчи баҳодирона ўйқу ўёки тўғридан-тўғри ночорлик, бандилик каби күренишларда зохир бўлади. “Алпомишиң” достонида ҳаракатсизлик шаклида тасвириланган⁵ Алпомишиң ва Бомси Байракларнинг тутқунликдан кутилиш эпизодларини рамзий ифодасини изоҳлашга ҳаракат қилган олим Ж. Эшонқулов қаҳрамонларнинг “юрга бош бўлиши, салтанатга зялиқ қилиши кудратини ифода” этишини қайд этиб, куйидагича фикр билдиради: “Алпомишиң” ва “Дала Кўрқут” эпосидаги мифологик катлам илдизлари қадимга бориб тақалишини кўрсатади. Зоро, қадимда шомонлик маросимига мувофиқ бехушлик макомидан ўтган томон ёвуз руҳларни, ёвуз күчларни енга олиш кудратига эга бўлган⁶ Олим тўғри таъкидлаганидек, қаҳрамонлар ҳомий руҳлар томонидан зиндондан озод бўлиши, Алпомишининг Култой киёфасига, Бомси Байракнинг Ўзан киёфасига кириши эпизодларида ҳам бир босқичдан иккинчи босқичга кўтарилиш, ёхуд ҳокимиятни бошқаришда янги күчнинг келганидан далолат беради. Тутқунликдан кутилган ҳар иккала образ ўз она-Ватанлари томон йўл оладилар. Йўлда дуч келган Ўзан ва Қайқубоднинг қаҳрамонларни бўлаётган воеалар ҳакида таништириши асар ечинининг тобора зиддиятли тарзда давом этишини таъминлайды. “Кўрқут ота китоби” ва “Алпомишиң” достонларидаги ушбу эпизодлар бир-бирига яқин бўлса-да, тасвирдаги ўрни ва ижро этилиши билан фарқланиб туради.

“Кўрқут ота китоби”да Бомси Байракнинг Ўгуз юртига келиши ва йўлда ўзанга дуч келиши тасвири куйидагича: “Байрак юра-юра Ўгузга келди, боқди, кўрди, бир ўзан кетаётиди. Ҳой, ўзан қаёққа кетаяпсан, деди.

Ўзан: Бек йигит тўйга кетаяпман, деди.

Байрак айтур: Ўзан, тўй кимники?

Ўзан айтур: Ёлғончи ўғли Ёлтоғиқ деган бир кишиники, деди.

Байрак айтур: Кимнинг қизини оляпти?

Ўзан: Ҳон Байракнинг отоқлуси бону Чечакни оляпти, деди.(71-бет)

“Алпомишиң”да Алпомишиң Култой орқали Қалмоқ юртида бўлаётган воеалардан хабар топади. Учрашув қаҳрамонларга ўз юртида бўлаётган воеалардан хабар беради. Қаҳрамоннинг ким дўсту, ким душман эканларини билишга ундейди. “Кўрқут ота китоби”да Байракнинг чўпонларга учраши, ундан кейин қизларга дуч келиши, кийимини алмаштириб, Ёлғончи ўғли Ёлтоғиқ тўйида камондан ўқ отиш мусобакасида ғолиб келиши, Чечак билан айтишув эпизодлари асар якуннан ота-онаси билан дийдорлашиб, мурод-мақсадига эришиш тасвирлари мавжуд. Хотима кисмида Кўрқут отанинг келиб, бирордларни келажагидан башорат бериши билан якун топади. “Алпомишиң” достонида Алпомишининг Култой билан учрашув

⁵ Саримсоков Б. Эпик жанрлар диффузияси // Ўзбек фольклорининг эпик жанрлари. – Т.: Фан, 1981. 137-бет.

6 Жаббор Эшонқул. Фольклор: образ ва талкин. – Қарши: Насаф, 1999. 123-бет.

Эпизодларыда каҳрамон юртида бўлаётган воқеаларни билади. Култой ва Алпомиш сухбатларыда мана шундай ҳолатлар ўта ишонарли тарзда бадиийлаштирилади: “Энди гап шул, ўттиз кунча бўлди. Ултонтоз тўй бериб, хотинингни олмоқчин бўлиб ётири. Энди бориб ўлдира берасан-да, энди гап шул-да! – деди.

Бу сүзни эшишиб, Алпомиши айтди: – Бобо, сиз мен бўлиб боринг, мен сиз бўлиб борайин, ким дўст, ким душман, ўз кўзим билан кўрайин, бироннинг чоригига бирор тойиб, ўлиб кетмасин, – деди”(367-бет). Достонда Култой Алпомиши кўринишида Бойчиборни миниб, жўнаб кетиши, Алпомишнинг Култой кўринишида тўйга бориши, йўлда Қалдирғоч, ўғли Ёдгор, онаси ва отаси Бойбўрилар билан учрашувлари, Алпомишнинг тўй устида бориб Ултонтоздан ўч олиш тасвиirlари борки, булар бахши томонидан маҳорат билан чизилган. Гарчи сюжетлардаги вокеалар умумий тарзда ўхшаш бўлса-да, қаҳрамонлар хатти-харакати, руҳий жараёнлар, бадиий деталларни кўллашда “Алпомиши” достони анча муқаммалликка эга. Достонда Алпомиши тутқунликдан кайтгач сингли Қалдирғочнинг тия бокиб юрган ҳолатини кўради. Мана шу жараёнда Алпомиши ва Қалдирғоч руҳий жараёнлари акс этган тасвирида бахши икки юзи саксон олти мисралик гўзал туйғуларини қаҳрамонлар диалоги асосида бадиий тасвиirlай олади. Инсоннинг соғинчи, айрилик изтироби Барчин нуткида бахши маҳорати оркали янада кескинлашганини кўриш мумкин:

*Хала, дейман, манглаймдан күн ўтди,
Мени тақдир шундай күлфатта зэтди,
Байдык күллар мени чүлда хор этди,
Хала, дейман, товонимдан ер ўтди,
Фалак жабри мениң багримни йиругти.* (357-бет.)

Достоннинг кўплаб ўринларида анъанавий ўхшатишлар, сифатлаш ва муболағали тасвиirlар, кўчимлар, услугбий фигуralар берилади-ки, буларнинг бари Фозил шоирнинг юксак ижодий салоҳият эгаси эканлигидан далолат беради. “Кўркут ота китоби”да ҳам Бомси Байракнинг Бойрут қальясидан озод бўлиб, йўлда сингли билан учрашув тасвири мавжуд бўлиб, у кирк тўрт мисралик шеърий мисраларда тасвиirlанса-да, Фозил шоир вариантидагидек мукаммал эмас. Руҳий вазият ва образлар хатти-харакатидаги кечинмалар ноизчил ритмик мисраларда куйидагича давом эттирилади:

...Огам Байракнинг яйлови эди,
Огам Байрак кетдио, яйловлар бўм-бўши
Совуқ-совуқ сувларни сўрар бўлсанг.
Огам Байрак ичгучи эди. (68-бет.)

Икки тасвирнинг умумий моҳияти шуни кўрсатади, Фозил Йўлдош ўғли варианти нафакат ҳажм жиҳатидан, балки қаҳрамонлар руҳий ҳолатини бадиий акс эттириш, ритмик изчиллик, образ ва мотивларни мукаммал тасвирилашда ҳам анча устунликка эга. Биргина баҳшидан ёзб олинган достон вариантида ўн уч минг етти юз мисрадан иборат шеърий мисралар ва шунга яқин насирий баённинг достон умумий сюжетида акс эттирилишининг ўзиёқ “Алпомиш”нинг мукаммал бадиий асар намунаси эканлигини кўрсатмоқда. Бундай ҳолат эса ижрочининг, яъни баҳши импровизацияси, унинг анъанавий достончилик усул ва йўлларини пухта ўзлаштирганлиги бўлса, иккинчидан, эпик ижро конунцияларига баҳши-шоирларнинг ижодий эстетик карашлари асосида мукаммаллашуви доираси билан

боглиқ жараёнлардандир. Достончилик мактаблари ва бахши-шоирларнинг достон ижро этишга бўлган эстетик қарашлари бир катор туркй халқлар, жумладан, ўзбеклар орасида “Алпомиш” достонининг мукаммал сюжет ва композицион тугал достон намунаси сифатида оммалашувинын кучайтирган.

Шулардан келиб чиқсан ҳолда айтиш мумкинки, икки асар сюжетининг ўзаро ўхшаш томонлари мавжуд бўлса-да, аммо уларни ишланиши, бадий мукаммаллиги жиҳатидан фарқлаб турувчи бир катор омиллар мавжуд. Булар куйидагиларда ўз ифодасини топади. Биринчидан, “Кўркут ота китоби”даги учинчи хикоя “Алпомиш” достонининг яратилиши, жонли жараёнларда ижро этиб келиниши, авваламбор, туркй халқларнинг қадимги даврдан олам ва инсонга эстетик қарашлари натижаси ўларок вужудга келган ижод маҳсуси хисобланади. Қолверса, турли сюжетларнинг ўхшаш ва муштараклик хусусиятлари туркй халқларнинг генезиси, шажараси бир эканлиги, достон воқеаларига асос бўлувчи ғоявий мақсад негизида шу халқларнинг тарихий-географик, ижтимоий-майший ҳаёт якинлиги ва бадий тафаккур оламидаги муштаракликларнинг чамбарчас боғликлитиги билан изоҳланади.

Иккинчидан, эпик сюжетларнинг ўхшаш ва муштараклигига сабаб достончилик анъаналари ривожидаги ўзаро таъсиirlар натижаси билан боғланади.

Учинчидан, ҳар иккала сюжетда ҳам битта мақсад-урӯғ бирлиги, ёр, оила учун кураш ва шу асосда қаҳрамонликни улуғлаш мавзуси етакчилик қиласи.

Тўуртинчидан, асар воқеаларини тасвирлашда шаклий-композицион изчиллик насрарий ва назмий мисраларни ёнма-ён баён этиши билан давом эттирилса-да, воқеликка муносабат, образлар тизими, баъзи мотив ва эпизодларни ишлашда фарқли ҳолатлар кўзга ташланади. “Кўркут ота китоби”да тасвирнинг нисбатан архаик шакли мавжуд бўлса, Фозил шоир вариантида бадий маҳорат масалалари устунлик қиласи. Мисол учун Фозил шоир вариантида Барчин шартининг бажарилиши, Алпомишнинг соҳдан кутулиш тасвирларида қаҳрамонликнинг энг юксак тасвирини уратиши мумкин.

Умуман олганда, ҳар иккала сюжет воқеаларида ҳам туркй халқларнинг дунёкараши, эътиоди, ҳаётга бўлган эстетик тафаккури, келажак орзулари қаҳрамонлик рухида акс этган бадиият намунаси хисобланаби, авлодларга хизмат қилишда муҳим адабий-бадиий ёдгорлик сифатида кадрлидир.

Аннотация: Мақолада ўзбек халқ достони “Алпомиш” ва озарбайжон халқ эпоси “Кўркут ота китоби”нинг ўхашлиги, ўзига хослиги, образлар тизими ва ғоявий-бадиий хусусиятлари таҳлилга тортилган.

Abstract: The similarities and differences, the system of the personages and ideological-literary features between the Uzbek national doston named “Alpomish” and Azerbaijan national epic “The book of Kurkut Father” are clarified and analyzed in the article.

Аннотация: В статье анализируются своеобразие, система образов и идеологическо – художественные особенности узбекского национального дастана “Алпамиш” и азербайджанского национального эпоса “Книга отца Куркут”.



Zulfiya
MO'MINOVA

Baxmal misol qanotlar bulutlarni silabdi

Mushukning sichqonlarga degani

Hoy, sichqonlar, sichqonlar,
Kayfiyatim buzmanglar.
Bo'g'doy qopga kirib olib,
Sichqon bazm tuzmanglar.

Uchta, to'rtta don bilan
To'yarku qorinchangiz.
Hamma qopga tiqasiz,
Yuvuqsiz burinchangiz.

Qoplarda odamlarning
Rizqu ro'zi joylangan.
Har bir qopga qanchalar:
Mehnat, mehr boylangan.

Hoy, sichqonlar, sichqonlar,
Tayyoriga ayyorlar.
Birovlarning haqqidan,
Qo'rmaydigan beorlar.

Baringiz isqirt, sassiq,
Oyoq-qo'lingiz iflos.
Yuvinmay ovqatlanish,
Faqat sichqonlarga xos.

Зулфия МҮМИНОВА – “Дўстлик” ва “Мехнат шуҳрати” орденлари билан тақдирланган. 1959 йилда туғилган. Тошкент давлат университетининг (хозирги ЎзМУ) филология факультетини тамомлаган. Муаллифнинг ўн бешдан ортиқ шеърлар ва эсселар тўпламлари чоп этилган.

Mikrob sizga merosmu,
Kirdanmu, zodlaringiz?
Cho‘milmayin o‘tmoxda
Avlod-ajdodlaringiz.

Onangiz, opangiz ham
Kir yuvishni bilmaydi.
Biror marta otangiz,
Sovun olib kelmaydi.

Kasallik tarqatasiz,
Ifloslamoq ishingiz.
Tug‘ilgandan beri ham
Yuvmagansiz tishingiz.

Ombor tomon chopasiz,
Hammom tomon kelmaysiz.
Sichqon qizlarga atir,
Upa sovg‘a qilmaysiz.

E’tirozim ko‘p sizga,
Charchadim ogoh etib.
Tunlar pismiqligingiz,
Jonimdan ketdi o‘tib.

Insof degan yo‘q sizda,
Tokaygacha poylayman.
Bir kechada baringizni,
Och qornimga joylayman.

Qurbaqanining sovg‘asi

Soy bo‘yida toshbaqa,
So‘l qirg‘oqqa boqarkan.
So‘l qirg‘oqdagi gullar,
Unga juda yoqarkan.
Xo‘rsinarkan termilib,
O‘tay desa suzolmas.
Tosh ustida termilib,
Guldan ko‘ngil uzolmas.
Uning bu holatini,
Qurbaqa qoldi sezib.
Qirg‘oqning so‘l betiga,
Gul uchun ketdi suzib.
Eng chiroyli gullardan,
Saraladi guldastra.
Toshbaqaoy yoniga,

Suzib qaytdi bir pasda.
 Gullarni uzatarkan,
 O'zi ham boqdi yayrab:
 "– Bu gullar chin ko'ngildan" –
 Dedi, vaqir-vaqirlab.

Xo'roz nega uchmaydi?

Qanotlilar sinfida
 Xo'roz ekan bilimdon.
 Qiynalmay besh olarkan,
 Hamma fandan har qachon.

Ertalab turishdan – besh,
 Maydalab yurishdan – besh,
 Tumshuqdagi donini
 Kichikka berishdan – besh.

Xo'roz o'zidan xursand
 Mag'rur qadam tashlabdi,
 Chor atrofida hamma
 Uni maqtay boshlabdi.

Qanday asralmoq mumkin
 Issiqdanu ayozdan,
 Neki, mushkul yechishni,
 O'rganinglar xo'rozdan.

Biram quvnoq, qaqildoq,
 Xo'rozjonga ofarin!
 Dangasalikdan yiroq,
 Xo'rozjonga ofarin!

Xo'roz bir tong: O'qish ko'p
 Charchab tolaman – debdi.
 Nima qilibdi shu bir kun
 Darsdan qolaman – debdi.

Tongda Ukki turgun – deb,
 Jahilla, baqiribdi,
 O'rtoqlari birma-bir,
 Maktabga chaqiribdi.

Avval, Turna chaqirib,
 Uyg'onishin kutibdi,
 Mayna tur deb, ko'ziga
 Oynachasin tutibdi.

Kaklikningchi qichqirib,
Ovozlaribitibdi.
Xo'roz esa yostiqla,
Qulog'in berkitibdi.
Turmagach, bari sekin,
Maktab tomon ketibdi.

Qanotlilar sinfida
Shu kun qizibdi saboq,
Xo'rozga dangasalik
Qimmatga tushdi biroq.

O'sha kun qanotlilar
Omadga yuz tutibdi,
O'qituvchi shu kuni
Uchish darsin o'tibdi.

Xo'roz esa g'aflatdan
Par yostiqni quchibdi,
Ushbu darsda do'stlari
Falak sari ko'chibdi.

Baxmal misol qanotlar
Bulutlarni silabdi,
Ularga jami jonzot
Yuksak parvoz tilabdi.

Qushlar xursand bo'lishib,
Baxtli kun sabog'idan,
Qanot silkib o'tishdi,
Xo'rozning qo'nog'idan.

Xo'roz esa bu baxtni
Quchaolmay qolibdi,
Qanotlari bo'lsa ham
Uchaolmay qolibdi.

Shunday qilib qissadan
Chiqqan hissa ayondir,
Darsni bir kun qoldirgan
Bir umr pushaymondir.



Сайёра
ХОЛМИРЗАЕВА

ХОТИРАЛАР – МЕНИНГ БЎЛАГИМ

1

Адам Шукур Холмирзаевнинг “Сайланма”ларини 5 жилди чоп этилаётган пайтлар, китобнинг корректурасини олиш учун “Шарқ” нашриёт-матбаа акциядорлик компаниясига борганимда йўлакда Эркин Маликовни учратиб колдим. Ўз хоналарига таклиф этдилар. Ҳол-аҳвол сўрашгач, албатта, гап яна адам ҳақида кетди. Адамнинг чоп этилиши керак бўлган романлари, пьесалари, мақолалари ҳақида гапириб, уларни ҳам “Сайланма”нинг кейинги жилларида чиқаришим кераклигини таъкидладилар. Мен бу ишларни факат менгагина боғлиқ эмаслигини тушунтиридим. Шундан кейин Эркин ака, адам уларни Бойсун сафарига олиб боргандарини ва у ердаги қизғин сухбатларни, бўлган воқеаларни эслаб, “булар ҳақида бирор кун мақола ёзман”, дедилар.

Шунда беихтиёр адам турли йиллар давомида устозлари-ю дўйстларини туғилиб ўғсан юртлари – Бойсунга меҳмонга олиб боргандарни ёдимга тушди. Адам уларни гўзал Бойсунтоғ табиатининг тақрорланмас манзаралирини, сойлари-ю адиirlарини кўриб роҳатланишларини истардилар. Адамнинг болаликдан якин дўйстлари Аскар ака, Абдуқаюм ака, Собир ака, Исмат ака, Нурулла ака, Неъмат ака, жиянлари Матлаб ака, Ҳолик акалар биз оиласиз билан Бойсунга боргандаримизда ҳам, адам ўз устоз-у дўйстларини Бойсун сафарига олиб боргандарида ҳам доим ҳамроҳ бўлишган. Улар бирор юмуш билан Тошкентга келадиган бўлсалар, албатта, бизнисига кўниб ўтардилар, қизгин согинчли сухбатлар бошланарди. Ҳолик ака юракни сел қилувчи нолали кўшиқлар куйласа, Абдуқаюм ака гижжакда мумтоз куйлардан чалардилар...

2

Адам Шукур Холмирзаев вафот этганларидан икки йил кейин, 2007 йилнинг куз кунларининг бирида Аскар ака менга кўнғироқ килиб, Абдуқаюм ака билан

Сайёра ХОЛМИРЗАЕВА – филология фанлари номзоди, доцент. 1961 йилда туғилган. Тошкент давлат университети (ҳозирги ЎзМУ) ўзбек филологияси факультетини таомомлаган. Шукур Холмирзаевнинг “Сайланма”ларини (V жилд), “Чўлоқ бўри”, “Ақл билан давлат” каби ўзбек ҳалқ эртакларини нашрга тайёрлаган. “Қайтмас дамлар” китоби, “Нутқ маданийти ва нотиқлик”, “Давлат тилида иши юритиш”, “Лотин ёзувига асосланган ўзбек алифбоси ва имлоси” каби ўқув қўлланмалари ҳамда қўплаб мақолалари чоп этилган.

Тошкентта келганларини, бизнинг оиласдан хабар олмоқчи эканликларини билдирилар. Мен яна бир бор манзилимизни тушунтириб, уларни кутаёттанимни айтдим. Бир соатга колмай, етиб келдилар. Чигатой қабристонига бориб, адамнинг қабрларини зиёрат килганликларини айтиб, адам билан боғлиқ бўлган кўп воқеаларни эсга олдилар.

Шунда Абдукаюм ака, “Сайёра, хабаринг борми, Сурхондарё вилоятининг Бойсун туманидаги халқ ансамблининг номини Шукуржон қўйган”, деб қолдилар. Мен, “Йўқ, энди эшитиб турибман, айтиб беринг”, дедим. Шунда улар 1969 йилда маданият вазирлиги томонидан Сурхондарё вилоятининг Бойсун туманидаги Маданият уйи қошидаги ансамблга халқ ансамбли увони берилганини, ансамблнинг номи вазирлик томонидан “Бахор” деб газеталарда расмий ҳолда эълон килинганини айтдилар. Бу хабарни эшигтан адам, бир нечта ижодкор дўстлари билан табриклагани Бойсунга боришган экан. Шунда адам: “Берилган ном менга бироз ёкмай турибди, иложи бўлса, юртимиз ва табиатимизга мос бирор бошқа ном топиш керак. Ундан ташқари, Тошкентда машҳур “Бахор” ансамбли бор”, деган эканлар. Эртаси куни адам Тошкентдан бирга келган ижодкор дўстлари ҳамда Нурулла ака, Матлаб ака, Несьмат ака ва Абдукаюм акалар билан тоққа сайдга жўнабдилар. У ерда шаршара ёнида тўхтаб, табиат манзараларига маҳлиё бўлиб турган адам бирдан кувнок овозда: “Ном топилди! Агар Сизларга маъкул келса, халқ ансамблининг номи “Шалола” бўлсин! Қаранглар, шаршарадан қандай сув тушяпти, мавжига эътибор беринглар. Қандай гўзал!” деган эканлар. Ўша кундан бошлаб, Сурхондарё вилояти Бойсун туманидаги биринчи халқ ансамблининг номи “Шалола” деб ном олиди.

Аскар ака адамнинг синфдоши, ҳамда болаликдан энг яқин ўртоқлари бўлганини билардим.

У киши талабалик йилларида бир воқсани ҳам айтиб бердилар. 1960-йилнинг сентябрь сонида Москвада чоп этилган “Художественная самодеятельность” журналининг муқовасида адамнинг Гамлет ролидаги киёфаси босилиб чикқач, адамга турли шаҳарлардаги муҳлислардан мактублар келган экан. Шулардан бири Иванова шаҳридан бўлиб, Мехнат қаҳрамони, ўша пайтларда машҳур бўлган Валентина Гаганованинг 9-синфда ўқийдиган кизидан бўлиб, адам билан танишиш истагини билдириб мактуб йўллаган. Адам бошқалари катори бу мактубга ҳам жавоб ёзмаганлар. Ўша йиллар адамнинг муқовадаги ушибу суратларини талабалар ёткоҳонасидағи кўпчилик талаба кизлар худди актёrlарни расмидек хоналарининг деворларига ёпиштириб қўйган эканлар.

Ҳозирига кунда Аскар ака (Аскар Хўжакулов, олим, биология фанлари номзоди) ҳам, Абдукаюм ака (Абдулхаев, Ўзбекистонда хизмат кўрсатган маданият ходими) ҳам орамизда йўқлар. Юкоридаги сұхбатимиз ҳам энди бир хотирага айланиб қолди...

3

Халқимизнинг энг азиз байрамларидан бири – Давлат тили байрами. Бу байрам йиллар давомида мен фаолият юритаётган Тошкент давлат аграп университети жамоаси томонидан ҳам нишонланади. Албатта, байрамга ҳозирлик кўриш, яни талабаларнинг сахна кўринишларини тайёрлаш, ёд олган шеърларини машқ килдириш каби ташкилий ишлар “Тиллар” кафедраси ўқитувчиларига юклатилиди. Нима учун буларни ёдга олаётганимнинг сабабини ҳозир тушунтириб бераман.

2003 йилнинг 21 октябрь куни ўтказиладиган тадбирга барчамиз тайёргарлик кўярпмиз. Мен ўша кафедрага мудирлик килар эдим. Ўзбек тили ўқитувчиси Хайриниса опа (кафедрада маънавий-маърифий ишларга масъуль эдилар) тузилган сценарий асосида бир неча кун кизлар билан шуғулландилар, машқ килдиди.

Кизлар деганимга сабаб, у пайтларда пахта теримига ўғил бола талабалар чикарилар эди. Кизлар университетда колиб, турли тикиш-бичищ, пиширик ўрганиш каби тўғаракларга катнарди. Тадбир ўтказилишига икки кун колганда Хайриниса опа сценарийни тасдиклатиш учун университет ректори Ҳасан Бўриевга олиб кирди. Ҳасан ака сценарий билан танишиб, “бир-инкита ёзувчи ва шоирларни хам тадбирга таклиф этинглар”, деб ёзиб берган. Иш вакти тугашига оз қолганда Хайриниса опа хонамга кириб, вазиятни тушунтиридилар. “Эртага эрталаб тадбирда иштирок этадиган ёзувчи ва шоирнинг исм-шарифини ёзиб, ректорга киришим керак”, деди. Мен уларга бу муаммони ҳал қилиб, эртага эрталаб, албатта, тадбир иштирокчисининг исм-шарифини айтишимни билдиридим. Лекин бошим қотиб қолганди, тадбир индинга бўлса, деярли бир кун қолибди. Ижодкорларга хам бир кун қолганда айтиш нокулайрок, ёқмайди, ҳамманинг ўз режаси бўлади.

Кейин, “нима қилдингиз?”, деб сўрарсиз. Албатта, ишдан чикиб, мени гапим ўтадиган, ҳар кандай вазиятда хам гапимни икки қилмайдиган, менга доим ёрдам қўуни чўзадиган, турли холатда хам йўлини топадиган, суюнчигим – адамнинг ёнларига бордим. Уларга: “Адажон, илтимос, Давлат тили байрамига бағишлиланган кечага ўзингиз борақолинг. Мен ишлаётган даргоҳни хам кўриб келасиз. Бир кун қолгани учун бошқа бирор фикр хаёлимга келмаяпти, факат “вактим йўқ” деманг”, дедим. Адам эса: “Хавотир олма, кизим. Ҳаммаси яхши бўлади. Албатта, бораман. Соат неччиларда бориши керак?” деб сўрадилар. Мен индинга, соат 13⁰⁰да тадбир бошланишини айтдим, кейин яхши кайфиятда уйимга кетдим. Эрталаб ишга келгач, Хайриниса опани чакириб, сценарийга таклиф этилаётган ижодкорларга адамнинг исм-шарифларини ёздирдим. Хайриниса опа адамин университетта келишларини эшитиб, қувониб кетди ва сценарийни олиб, ректорнинг қабулига йўл олди. Ярим соат ўтар-ўтмас ректор қабулхонасидан қўнғироқ бўлиб, ректор мени чакираётганини айтишибди. Мен қабулхонага борсам, қотиба киз: “Кираверинг, Сизни кутяптилар”, деди. Ҳасан ака очиқ чехра билан карши олди. Гапни режалаштирилган тадбирдан бошлади, хулоса шу бўлди: “Сайёра, биз Шукур Холмирзаевни жуда хурмат киламиз, ўзбекнинг улуғ ёзувчиси. Лекин уларни бирор кун маҳсус чакирамиз, жиддий тайёргарлик кўриб. Тўн кийдирамиз, совғасалом берамиз. Ҳозир талабалар хам оз, ўғил бола талабалар паҳтада. Кейинроқ университетнинг катта залида учрашув киламиз. Эртага уларни овора қилмайлик”. Мен эса: “Мен адамга айтиб кўйган эдим, энди нима дейман? Адам жудаям камтар инсонлар, совға-салом, тўн-пўн шарт эмас. Бир-инкита соат ҳозирги ўзбек тили, адабиёт, ижод ҳакида сухбат бўлганида талабалар хурсанд бўларди”, деганча қолавердим...

Ишдан чикиб, “адамга қай йўсинда айтар эканман”, деб келавердим. Адам ишлаб ўтирган эканлар, мени кўриб, қўнглимин тинчлантириш, кувонтириш мақсадида гапириб кетдилар: “Қизим, ҳаммаси ҳал бўлди. Салим Ашур (ўша йиллар “Туркистон” газетасининг бош мухаррири эди) билан телефонда гаплашдим, машинасида бирга бориб келамиз. Соат 12дан ўтганда Махмуд Саъдий билан хам Юнусободнинг бозорида учрашамиз, талабаларга ўзи ишлайдиган газетанинг бир нечта сонларини олишини хам айтди”, дедилар.

Нима дейишни билолмай колдим.

Қандай қилиб айтаман, энди адамга? “Сизни жуда хурмат қилганидан чакирмаяпти, раҳбар “йўқ” деяпти”, деб олмайман-ку! Худо кечирсин, ёлғон аралаштиришга мажбур бўлдим. Адамдан узр сўраб, тадбир колдирилганлигини, университет жамоаси ўша куни паҳта даласига чиқиши керак эканлигини айтдим. Эй, Худойим-а, адажоним-а, нима дедилар денг: “Хечқиси йўқ, бир йўлини қилиб уларга тушунтирасман. Сен хижолат бўлма, кизим”. Эртаси куни ишдан чикиб, адамникига келдим. Ҳеч нарса бўлмагандек ишлаб ўтирган эканлар. Қўнглим хотиржам бўлди, демак, кайфиятлари ёмон эмас. Адам 12 яримларда Юнусобод

бозорида улар билан учрашганларидан кейин, бўлган ҳолатни айтиб, уларни хаммаларини ўша ердаги ошхонага олиб кириб, тушлик қилдирибдилар, бироз сухбатлашгач, таркалишибди. Ана шунака гаплар...

Адамиён ўшанда тадбирда катнашмаганлари менга бир умрлик армон бўлиб колди. Мен учун кадрли бўлган олий ўкув юритида адамини кўриши насиб этмади.

Вақт ўтаверди, кунлар ўтаверди. Орадан икки йил ўтар-ўтмас адам Шукур Холмираев бу оламдан кўз юмдилар.

Ҳамма нарсани вақтида килиб қолишга улгуриш керак экан. Мехр кўрсатишини ҳам, вақтида қадрлашни ҳам, эътибор берини ҳам, ҳатто учрашувларга таклиф этишини ҳам.

Биз эртага, эртага, деб кеч қолишимиз мумкин экан, кейин ҳеч нарсани ўзгартириб бўлмайди...

4

Мен адам билан бувим ҳакида ўйлаганимда менга бўлган муносабатларида ҳам, якинларга меҳр кўрсатишлирида ҳам ўхшашликлар кўраман. Бу – энг аввало, мени ҳаётимда, мени бу дунёга келган кунимдан то вояга етиб камол топишмидаги, тарбиямдаги асосий инсонлардан эканликларида, уларнинг мени боримча қабул килиб, шундайлигимча яхши кўрганликларида, бутун ҳаётлари давомида қалбимни бутун килиб, менга чексиз меҳр кўрсатиб келганликларида кўринади.

Шу сабабдан ҳамиша уларни кўмсаб, соғиниб яшайман...

Бувим адамни – ёлғиз куёвларини худди ўз ўғилларидек кўрардилар. Бувимни киёфалари адамнинг 2004 йилда ёзилган “Бу кишим – устоз, мен – шогирд” номли эсселарида жуда ҳаққоний берилган. Сухбатларимизнинг бирида Эркин ака (Эркин Аъзам) шундай деган эдилар: “Ўтган аср 70 йилларнинг боши эди. Мен талаба эдим. Шукур акамнинг Сомон бозордаги ҳовлиларида ўтирасак, Ҳалима опа ишдан чикиб, келиб колдилар. Шукур акамга оёқ кийим кутисини узатиб, “Шукуржон, сизга олган эдим”, деб, бериб, кетдилар. Очиб карасак, эрқаклар орзу киладиган энг замонавий чет элнинг туфлиси эди. Шунда уларга ҳавас билан караган эдим”.

Бувимнинг ҳаётларида энг якинлари опам, адам, ва набиралари – мен, Жамшид ва Жаҳонгир эдик. Опам ёлғиз фарзанд эдилар. Шунинг учун бутун умр бувимнинг “топғанлари” бизларники бўлган. Бувим доим рўзгорнинг кам-кўстини тўлдиришда ҳам, бизларга кийим-кечак харид килишда ҳам ўзлари ёрдам берганлар ва бу ишни ўта мамнуният билан, бажонидил килардилар. Зоро, ҳаётларининг мазмуни ҳам бизлар, бизларнинг тинч-тотувлигимиз, баҳт-саодатимиз эди. Энди адам билан боғлиқ бир воқеани эсга олсан. Кўпинча, адам нафакаларини олганларидан кейин, эртаси куни бирга бозорга тушиб, бир неча кунга етарли озиқ-овқат маҳсулотларини харид килардик. Бир гал рўзгорга керакли нарсаларни, шу жумладан, гўшт, иккита товуқ оёғи ҳам сотиб олдик. Эртаси куни кечга якин адамдан хабар олгани уйларига келдим. Улар иккита товуқ оёғини пишириб, биттасини кечки овқат маҳали истеъмол килибдилар. Иккичинини эса музлаткичга кўйиб, менга олиб кўйган эканлар. “Йўқ, кўрним тўқ, ўзингиз енг”, дейишишмга қарамай, ёнларига ўтказиб, емаганимча кўймаганлар. Мен эса ичимда, “ўзи иккитагина эди-ку, ўзларига колса бўларди”, деб ўйлардим. Лекин агар шуни емасам, адам хафа бўлишларини билардим. Бундай ҳолат кўп бўларди. Беихтиёр шундай лахзаларда бувим яна ёдимга тушардилар. Улар ҳам худди шундай, нима бўлса, илиниб олиб кўяйверардилар. Энди мен ўзимнинг ўғилларимга шундай килаётганимни сезаман.

Бунинг номи оддий, “яхши кўриш” деб аталса керак.

Ҳар қандай вазият, ҳолат ўзгартира олмайдиган, ўзимнинг ақидаларим, карашларим, яшаш тарзим борлигига шукур киласман. Бунинг замирини ҳам адам билан бувимнинг ҳаётга карашларида ва ўз ишларига муносабатларида

доим менга намуна бўлиб келганларидан ва меҳр-муҳаббатта тўла мухитда тарбиялаганларидан кўраман...

Мен учун якин инсонимга айланиб қолган зиёли бир аёл – Зулфия Мусоқова ҳақида ҳам тўхталиб ўтмоқчиман. Адам Шукур Холмирзаев сабаб тақдир Зулфия опа билан учрашиди.

2012 йилнинг ёз кунларининг бирида Зулфия опа уйга кўнғирок килиб, ўзларини танишиди. “Тонг ўлдузи” газетасининг ходимаси Феруз Сойибжон кизидан (маҳалладош экан) телефон ракаминни топиб беришини сўрабди. Бир неча кун аввали туғилган куни бўлиб, 75 ёшни каршилаган экан. Шунда совға сифатида неваралари адамнинг сотовдаги “Сайланма”ларининг 2-3-4-жилларини совға килиби. Китобни бир неча кунда ўқиб чиқибдилар ва уларга жуда маъкул келибди. Касблари шифокор бўлган Зулфия опа телефона: “Мен шу кунга кадар ўзбек тилида ёзилган асарларни ўқимаганимга афсусланаман”, деганди. Опа адамни қаерга дағи этилганларини сўраганида, мен Чигатой қабристонида эканлигини айтдим.

Биринчи марта 2012 йилнинг 29 сентябрь куни – адам вафот этган кунлари биз Зулфия опа билан Чигатой қабристонида учрашдик (ТошМИда ўқийдиган Фотима исмли неваралари ёрдамида келдилар). Ўша илк учрашувимиздан кейинок бир-бири мизга меҳримиз тушиб қолди, яхшилаб танишиб олдик. Ўзи рус тилида таълим олган, Туркманистондан Тошкентта келин бўлиб тушган экан. Оёклари оғиррекан, сал кийналиброқ юради. Шунга қарамай, адамнинг туғилган кунларida ҳам, вафот этган кунларida ҳам, хотира ва кадрлаш куни ҳам адамни зиёрат қилгани бораради. “Мен учун бу ер – зиёраттоҳ жой”, дер эди. Адамнинг ижодларига ихлослари баланд, хурматлари чексиз эди. Менга ҳар 2-3 кунда кўнғирок килиб, ҳол-аҳволимни сўрарди, маслаҳатлар берарди. Худди бутун умр бир-бири мизни билгандек гаплашардик, оиласиз аъзосига айланиб қолганди.

2014 йилнинг май ойладида ахволлари оғирлашиб қолганини телефон орқали билиб олдим, турар жойларини суриштириб кўргани бордим. Бекатда неваралари мени кутиб олди. Ҳовлилари маҳалланинг ичидан экан. Мени кўриб, севиниб кетди, каравотдан турмокчи бўлди. Атрофдагиларга – кизларига, келинларига, ўғилларига мени танишиди. Ёнларida, қарасам, столларida адамнинг кабрлари ёнида бирга тушган суратларимиз, адамнинг “Сайланма”ларининг 1-жилдини неваралари интернет орқали чиқариб берган нусхаси, адамнинг “Сайланма”ларининг 2-3-4-жиллари, “Шукур Холмирзаев замондошлар хотирасида” китоби (мен совға килган эдим)...

Менга чиройли катта сочиқ бериб, “мендан эсадалик, қизим. Ўзингни эҳтиёт килгин, соғлигингга безътибор бўлмагин”, дедилар. Бироз ўтирганимиздан кейин, улар билан кучоклашиб хайрлашдик. Неваралари уйимгача кузатиб кўйишиди. Ўша ҳовлига бир неча кундан кейин Зулфия опанинг маъракаларига боришга тўғри келди. Қариндош-уруглар, кўни-кўшнилар билан гаплашиб ўтириб шуни билдики, уларнинг кўпчилигига нафакаларидан невараларига олдиритирган адамнинг китобларини “албатта, ўқинглар, бу китобларни”, деб совға қилган экан. Улар доим мендан “Сайланма”нинг 5-жилди қачон чоп этилишини, китобни кўришини орзу қилишларини айттардилар. Улар кутган “Сайланма”нинг 5-жилди 2016 йилда чоп этилди. Эсимда, китобнинг илк нусхасини кўлумга олганимда, “Эҳ, эсиз, Зулфия опа кўрмадилар-а?” деган ўйлар хаёлимдан ўтган эди...

СЮЖЕТ ҚУРИШ МАҲОРАТИ



Nilufar
ЧҮЛИЕВА

Ижодкор бадий вокеликни яратишда муайян ҳаёт материалини қайта ишлайди ва уни ривоя қилиш шаклий-мазмуний структураси – композициясини тузади. Муаллиф ниятининг тўлақонли ифодаланишида бадий асар композициясининг мукаммаллиги мухимдир. Айтиш жоизки, асар структурасининг пухталиги ижодкор истеъдод кучининг, композицион тафаккур имконларидан фойдаланиш маҳоратининг қай даражада эканини кўрсатади. Маълумки, вокебандлик эпик асар табиатини белгиловчи хусусиятдир. Эпик асарлар комзион қурилишининг асосини эса сюжет ташкил этади. Бадий асарнинг сюжети “асар проблемасини бадий тадқиқ этишга имкон берадиган ҳаёт материалини уюштирувчи, асарда мавзуни шакллантирувчи” бўлиб, “унинг қандай бўлиши муаллифнинг ижодий ниятига боғлиқ бўлади”¹.

Бугунги прозамизни вокеликнинг ноодатий баёни, турфа образлари билан бойитган, “Миллий истиклол даври ўзбек насира янги оҳанг олиб кирган” (адабиётшунос Қозоқбой Йўлдошев таърифи)² Назар Эшонкулнинг “Уруш одамлари” киссаси мазмунида адабнинг инсониятга урушнинг миллионлаб танларнигина эмас, балки уруш ортидаги калбларни, инсоний туйгуларни, саодатманд яшашга ҳакли бўлган келажакни ҳам яксон қилувчи жаҳолат эканини бадий ифода этиш нияти туради.

Асар сюжети экспозициясида терсоталик Нормат полвоннинг бир оёғидан арилиб урушдан кайтиши воқеаси тасвирланади. Тугун эса Нормат урушдан тирик кайтса-да, хотинининг бундан негадир хурсанд кўринмаётганини пайкаши ва бунинг сабабини қидиришидир. Кўринадики, кисса урушдан кайтган одамнинг яна уруш билан, унинг жисмоний, маънавий-рухий асоратлари билан курашининг давом этиши хакида. Асар воқеалари ривожи эса уруш касофати туфайли Нормат

¹ Куронов Д. Адабиёт назарияси асослари. – Т: Академнашр, 2018. – Б. 166–167.

² Йўлдошев Қ. Ёник сўз. – Т: Янги аср авлоди, 2006. – Б. 81.

полвоннинг хотини Анзиратнинг хиёнати ва бундан эри, бутун кишлекнинг хабар топиши жараёнида кўринади. Вокеалар ривожи, албатта, характерлараро, қаҳрамон ва муҳит, қаҳрамонларнинг ички (психологик) конфликтси – зиддиятли тўқнашувларида кучяди. Вокеалар ривожида Нормат полвоннинг рухий ҳолати мураккаблашиб бориши билан характерларидир. Сабаби қаҳрамоннинг ўз орияти, ҳамияти, ғуури билан, кишлөк одамларининг (айниқса, аммаси Бийди момонинг) гап-сўзлари, Анзиратнинг гуноҳини кечириш-кечирмаслиги борасидаги иккиланишлари билан, ич-ичидан хотини билан кимнинг унга хиёнат қилганини кидириши, улардан нафрлатланиши, оиласини, хаётини бу мудхишлиқдан кейин қай тарзда юргизиши каби ечими оғир ўй-хаёллар билан кураши асар воеаларининг якуний йўналишини белгилаган.

Қиссанинг кульминацион нуқтасида Нормат фарзандлари учун Анзиратни кечиришга карор килади. Аммо хотинини кечириш учун қайтган Нормат уйида Мирзакул раисни кўрадио, уни ҳам, хотинини ҳам отиб ўлдиради. Норматнинг жасадини эса одамлар вақт ўтгач Бухор коялари остидан топишиди.

Қиссада уруш туфайли бир оиланинг барбод бўлиш воеаси замирада бутун бир жамият, миллатлар фожиаси ифодаланган. Асарнинг бундай счим топиши урушнинг у юз бераётган ҳудудларнингина эмас, бутун ер юзини қамраб олганини, у мавжуд барча ҳалқларга бахтсизлик, бало келтирганини, уларни пароканда қилганини, бутун тирикликтин кушандаси эканини кўрсатишга хизмат қилган.

Муаллиф урушнинг фожиавий киёфасини бир пайтнинг ўзида тўлақонли бериш учун сюжетнинг хроникали туридан ҳам фойдаланган. Нормат ва Анзиратнинг рухий изтироблари тасвири билан “параллел вақт”да Бийди момонинг бирваракайига икки ўғлидан айрилиш қайғусининг ифодаланиши, ретроспекция – замондан ортга кайтиш усулидан (кадимги ўтрок қўнғиротлар ҳакидаги воеанинг берилишида) ҳам юкоридаги мақсадни амалга ошириш, мазмуннинг эмоционаллигини кучайтириш кўзланган. Шу орқали асарда уруш қай даврда, қай ерда бўлишидан қатъи назар инсонларга факат кулфат келтириши таъкидланган.

Қиссадаги деталлар, хусусан, Нормат полвоннинг уйи деворида, сўзанаю қашталарда тасвиrlenган ошиқ-маъшуқлар, жонли табиат, турли гуллар; чол-кампирларнинг бегубор ҳазил гурунглари умр деб атамиш неъматнинг инсонга факат бир бора берилиши, инсон қалби доим меҳр-муҳаббатга, гўзалликка ташна эканлиги, тинчлик, соғлик, якинлар дийдори одамзод учун жуда муҳим кадрият эканлигини ўкувчига яна бир бор эслатади.

Қиссадаги ўткир коллизияни ҳам, кульминацияни ҳам таъминлаб берган, Норматда Анзиратга нисбатан пайдо бўлган кучли алам оловига “ёғ сепган” қаҳрамон Бийди момо хисобланади. Образ ўта серкирра ва тайёр характер даражасидаки, у муайян вазиятта, ҳамкишлекларига ўз таъсирини ўтказа олади. Айниқса, Анзиратнинг хиёнатини билгач, Норматнинг уни калтаклаши воеаси тасвиридаги одамларнинг полифоник нутқида бу яккот намоён бўлган. Яна айтиш керакки, асар сюжети воеаларини бир қадар силжитган, яъни Бийди момони Анзиратнинг хиёнатидан хабардор килган образ – Турсуной гуж-гуждир. Лакаби нуқсонидан огоҳ этувчи (тинмай гапириб, “ушакчилик” қилувчи) бу персонаж гийбатчи, бирон шум хабар эшитиб колса, уни ёйишдан завқланадиган одамлар тоифасининг бадиий вакили. Муаллиф асар воеалари бошидан ўкувчидан “сир

саклаб” келаётгани – Анзиратнинг тушунисиз рухий ҳолати ортида ўзи истабистамай қилган хиёнати эканлиги айни шу образ орқали аёнлашади. Аммо муаллиф шунда ҳам бу ҳодисани қандай қарши олинишидаги “сирилик”ни кўлдан бермайди. Вокеани тўғридан-тўғри ровий тилидан эмас, Аляр чол образи томонидан тасвиirlайди.

Шу туфайли ўқувчидаги сюжет тугунида ҳосил қилинган билиш ва воқеаларни кузатиш истаги янада кучаяди.

Асар архитектоникаси (ташки композицияси) ҳакида тўхталсан. Бунга кўра, кисса сарлавҳа, эпиграф ва XVI бобдан иборат. Сарлавҳа асарнинг бор мазмуний саломгини кўтара олган, назаримизда. “Уруш одамлари” факат урушда бўлган, унинг қонли майдонини кўрган одамларгина эмас, балки шу уруш келтирган азобуқубатларнинг, кора меҳнату машаққатларнинг, разилликларнинг аччиқ тъмини тотган инсонлар ҳакида. Қисса эпиграфига эса алоҳида тўхталиш жоиз: “Мен катта бўлсан милтиқ сотиг оламан... Милтикни нима қиласан? Отамни отаман!!!” Мазкур диалог шаклидаги эпиграфнинг ўзиёқ урушнинг бутун даҳшатини ифодалай олган. Бизнингча, сўнгти жумлада муаллиф услугига хос рамзийлик мавжудки, “ота” дейилганда биологик ота эмас, балки урушнинг раҳнамолари, урушдан манфаат кўрувчи “оталари” назарда тутилган.

Хуллас, “Уруш одамлари” қиссаси сюжетининг драматик шиддаткорлиги, конфликтнинг ўткирлиги, трагик вазиятларда қаҳрамон руҳиятининг теран тасвири, уруш ва инсон ўртасидаги муносабатларнинг ҳакқоний ва сўнгсиз фожиа сифатидаги тасвирига эришилганилиги ижодкорнинг сюжет қуриш маҳоратидан дарак берган.

Аннотация: Маколада Назар Эшонкулнинг кисса сюжетини қуриш маҳорати, асар композицияси ва архитектоникасининг ўзига хослиги, пейзаж, портрет, деталлардаги маъно салмоқдорлиги, образ хусусиятларининг ўзгачалиги очиб берилган.

Аннотация: В статье раскрываются навыки повествования Назара Эшанкула, композиция и архитектура произведения, значение пейзажа, портрета, смысл в деталях и особенности изображения.

Summary: The article clarifies Nazar Eshankul's skill of plot-making of a story, the composition and architecture of the work, the significance in meaning of landscape, portrait, details, the peculiarities of the image.

Адабий ҳаёт

11 январь – Алишер Навоий бобомиз номи билан аталувчи Ўзбекистон Миллий боғини адабиёт ва мънавият боғига айлантириш ташаббуси бундан уч йил илгари Президентимиз томонидан илгари сурилган эди.

Президент Шавкат Мирзиёев Адиблар хиёбонига ташриф буюрди. У ердаги курилиш ишлари ва ҳайкалларга оид лойиха билан танишди.

Хиёбон Алишер Навоий ҳайкали билан уйғулаштирилиб, яхлит адабий-меморий шажара ҳосил килиши учун янги лойиха ишлаб чиқилди. Унинг мана шу боскичида хиёбонга 23 адабимизнинг ҳайкали ўрнатилиши кўзда тутилган. Хусусан, Навоий, Бобур, Оғаҳий, Муқимий, Фурқат, Авлоний, Беҳбудий, Қодирий, Ҷўлпон, Ойбек, Ҳамид Олимжон ва Зулфия, Абдулла Қаҳхор, Сайд Аҳмад ва Саида Зуннунова,Faфур Ғулом, Озод Шарафиддинов, Эркин Воҳидов, Абдулла Орипов, Ибройим Юсупов, Тўлепберген Қайипбергенов, Александ Файнберг, Муҳаммад Юсуфнинг ҳайкали бир бутун ансамблни ташкил этади.

Давлат раҳбари ҳайкаллар ёнида лавҳлар ўрнатиб, аудиоёзувлар орқали адиблар ҳақида кисқача маълумот бериш, адабий тадбирлар ўтказиш учун “Шеърият айвони” яратиш зарурлигини айтди.

* * *

13 январь – Алишер Навоий номидаги Ўзбекистон Миллий кутубхонасида Мудофаа вазирлиги ва Ўзбекистон Ёзувчилар уюшмаси ҳамкорлигига “Мардлар кўриклайди Ватанни” мавзусида адабий-музиқий тадбир бўлиб ўтди.

Ёзувчи-шоирлар, фахрий ҳарбийлар, эл ардоғидаги санъаткорлар, таникли журналист ва Ўзбекистон Куролли Кучлари академияси курсантлари иштирокидаги тадбир юрт осойишталиги, Ватан тараққиёти ва ҳалкнинг фаровон яшashi учун ўз хиссасини кўшаётган ҳарбийлар ҳаётидан олинган видеолавҳа намойиш этилди.

Байрам доирасида кутубхонада “Юртимиз тинчлигининг мустаҳкам қалконлари” мавзусида кўргазма очилди.

* * *

20 январь – Ўзбекистон Ёзувчилар уюшмасида йил сархисобига бағишлиланган ўғилиш бўлиб ўтди. Унда уюшма ва “Ижод” жамоат фондининг вилоят бўлимлари раҳбарлари иштирок этди. Кўрилган масалалар қаторида ҳудудий бўлимларда ёш ижодкорлар билан ишлаш масаласига алоҳида эътибор қаратилди. Айнисса, Ўзбекистон Ёзувчилар уюшмаси Хоразм вилояти бўлими тавсияси билан “Ижод” фонди Хоразм вилояти бўлими маблағлари ҳисобидан олти нафар ёш ижодкорнинг биринчи китоблари чоп этилаётгани кўпчилик томонидан эътироф этилди.

* * *

22 январь – Ўзбекистон Ёзувчилар уюшмасида атоқли адаб Мусо Тошмуҳаммад ўғли Ойбек таваллудининг 115 йиллигига бағишлиланган адабий кечаси бўлиб ўтди. Унда ёзувчи-шоирлар, санъатшунослар, филологлар, адабиётшунослар, ёш ижодкорлар иштирок этди.

Тадбирда сўзга чиққан драматурглар, адабиётшунослар Ойбек ижодининг энг ёркин кирралари бўлган “Навоий”, “Қутлуғ қон”, “Улуғ йўл” каби қатор асарлари ҳакида гапириб ўтишди. Кеча давомида адабнинг рафиқаси Зарифа Саидносированинг илк маротаба рус тилида нашр этилган “Ойбегим менинг” номли китоби тақдимоти бўлиб ўтди.

* * *

24 январь – Ўзбекистон Миллий кутубхонасида Алишер Навоийнинг инглиз тилида чоп этилган “Фарҳод ва Ширин” достони тақдимоти бўлиб ўтди.

Тадбирда Ўзбекистон Ёзувчилар уюшмаси аъзолари, шоирлар, ёзувчилар, таржимонлар ҳамда кутубхона фойдаланувчилари иштирок этди.

Навоий қаламига мансуб “Фарҳод ва Ширин” асари LLP “Wondernet Express Tashkent” компанияси томонидан нашр этилган бўлиб, ушбу достон илк бор инглиз тилида дунё юзини кўрмоқда. Эндиликда Миллий кутубхона фойдаланувчилари буюк мутафаккир ва шоир Алишер Навоийнинг “Фарҳод ва Ширин” достонини инглиз тилида ҳам мутолаа қилиш имкониятига эга бўлди.

Асарни шоир ва таржимон Аъзам Обид инглиз тилига ўтирган.

* * *

28 январь – Ўзбекистон Ёзувчилар уюшмасида “Дўстлик” ва “Мехнат шуҳрати” орденлари соҳибаси шоира Зулфия Мўминованинг “Чўлпон” нашриёти томонидан “Юмшоқой исмли типратиканча” ва “Академнашр” нашриёти томонидан нашр этилган “Донишманд тошибақанинг кўзойнаги” номли эртаклар тўпламлари, “Ўзбекистон” нашриёт-матбаа ижодий уйи томонидан чоп қилинган “Болаларга китоб беринг!” номли шеърий китобининг тақдимоти маросими бўлиб ўтди.

Унда Ёзувчилар уюшмасининг “Болалар адабиёти” кенгаши аъзолари, болалар адабиётининг таникли намояндалари, адабиётшунос олимлар, шоирлар, ёзувчилар, Зулфия Мўминова шеъриятининг ихлосмандлари, Абдулла Қодирий ижод мактаби ўкувчилари, олий ўкув юртлари талабалари иштирок этди.

* * *

29 январь – Ўзбекистон Миллий кутубхонасида болалар ва катталар шоири, айни чоғда ўткир публицист, етук таржимон Миразиз Аъзамнинг “Мухаррир” нашриётида чоп этилган “Хотиралар” номли китоби тақдимоти бўлиб ўтди.

Ушбу китобдан Faфур Фулом, Ойбек, Миртемир, Миркарим Осим, Шайхзода, Куддус Мухаммадий, Кудрат Ҳикмат, Одил Ёкубов, Фозила Сулаймонова, Зохир Аълам, Рауф Парфи, Шукур Холмирзаев каби 30 га яқин адабиёт ва санъат даргалари ҳақидаги сұхбатлар, хотиралар, эсслелар жой олган.

МУНДАРИЖА

БАРХАЁТ СИЙМОЛАР

Абдурауф ФИТРАТ. Юрагимнинг энг қимматли армони.4

ҚУТЛУГ САНАЛАР

Хайридин СУЛТОНОВ. Халкимиз ҳаётининг бадий комуси. ...8

НАЗМ

Гулчехра НУРИЛЛАЕВА. Тақдир юлдузимиш баҳт сайдераси. ...12

Абдунаби БОЙҚЎЗИЕВ. Согинчнинг меҳрига сабр тутаман. ...69

Ақмал ИКРОМ. Табассум тўқилар карашларингдан.74

Отабек ИСМОИЛОВ. Мадрасалар кўраётир туш.112

Ашурали БОЙМУРОД. Тумор килинг калбга меҳригиёни. ...115

НАСР

Музаффар МИРЗО. Шам ва шамшир. Роман.19

Маймура ЗОХИДОВА. Бойчечак. Кисса.77

Наби ЖАЛОЛИДДИН. Марқаб.133

Пешана.141

МУНОСАБАТ

Наримон УМАРОВ. Адолат устувор ислоҳотларда.118

МАТНЛАРНИ ВАРАҚЛАГАНДА

Меҳрибон ЁДГОРОВА. Шуҳратнинг ном танлаш маҳорати.122

БУЛОҚ КЎЗ ОЧДИ

Дилшода ЭРГАШЕВА. Умидимни экдим күшлар кўзига.130

МУТОЛАА

Нафиса КАРИМОВА. Юракка йўлдош туйғулар.148

АДАБИЁТШУНОСЛИК

Марҳабо КЎЧКОРОВА. „Энайўл“нинг қадрон йўли.152

ТАДҚИҚОТ

Насим ОЧИЛОВ. Кардош халклар оғзаки ижодида муштараклик.157

Нилуфар ЧЎЛИЕВА. Сюжет куриш маҳорати.171

BOLALAR DUNYOSI

Zulfiya MO'MINOVA. Baxmal misol qanotlar bulutlarni silabdi. ...162

БАРХАЁТ СИЙМОЛАР

Сайёра ХОЛМИРЗАЕВА. Хотиралар – менинг бўллагим. ...166

Адабий ҳаёт.174

Шарқ ўлдузи

2020

1-сон

Муассис: ЎЗБЕКИСТОН ЁЗУВЧИЛАР УЮШМАСИ

* Муаллифлар фикри таҳтирият ижодий жамоаси нуткан назаридан фарқланни мумкин.

Таҳтириятга юборилган материаллар муаллифларга кайтарилмайди.

Журнал ОАК эътироф этган нашрларини 10.00.02 «Ўзбек адабиёти» ихтиослиги бўйича рўйхатига кирилтган.

* Журналга обуна даврий нашрларни етказиб бериш билан шутупланувчи барча ташкилотлар орқали амалга оширилади.

Обуна индекси – 911

Манзилимиз:

100066, Тошкент шаҳри,
Бунёдкор шохжӯча, Адиблар хиёбони,
Ўзбекистон Ёзувчилар уюшмаси
биноси.

Телефонлар:
231-23-65, 231-23-66, 231-23-68
www.sharyuldzu.uz
e-mail: sharyuldzu@mail.uz
sharyuldzu1931@mail.ru

Босишига руҳсат этилди:

Коғоз бичими 70x108 ¼₁₆
Офсет босма усулида оғсет коғозидаги босилди. Босма табоби 11,0.

Шартли босма табоби 15,4.

Нашриёт хисоб табоби 17,2.

Адади 2100 нусха.

Буюртма № 11.

Журнал Ўзбекистон Матбуот ва ахборот агентлигига 05.02.2016 й. 0562-рекам билан рўйхатга олинган.

“PRINT REBEL” МЧЖ

матбаа корхонасида чоп этилди.

Корхона манзили:

Тошкент шаҳри, Мирробод тумани,
Матбуотчилар кўчаси, 32-йй

Журнал ойда бир марта
чоп этилди.

Мусаххилар:

Дилғузा Маҳмудова

Моҳира Ҳусанова

Саҳифаловчи-дизайнер:

Элёржон Неъматов

Copyright © «Шарқ ўлдузи»

Унутилмас лаҳзалар




“Оила даврасида”



“Эски Тошкент күчаларида”
Незмат ҚҰЗИБОЕВ асарлари

28002



**«КҮНГИЛ»
Дилшод ЭШМАТОВ**

Хурматли журналхонлар!

*2020 йил учун “Шарқ юлдузи” ва “Звезда Востока”
журналларига обуна давом этмоқда.*

*Журналларимизга барча матбуот етказиб берувчи
ташикілөтлар ёки таҳририятимиз орқали
обуна бўлишингиз мумкин.*

*Обуна индекслари: “Шарқ юлдузи” – 911
“Звезда Востока” – 831*